




BIBLIOTECA NAZ.
Vittorio Emanuele III

XXIII

E

38

NAPOLI





PHILOSOPHIA

LIBERA SEU ECLECTICA

RATIONALIS, ET MECHANICA SENSUUM

*Ad Studioſæ Juventutis inſtitutionem accommodata,
ac per lectiones digeſta,*

AUCTORE

IGNATIO MONTEIRO.

TOMUS VIII.

PHYSICÆ VIVENTIUM

PARS SECUNDA

SEU

HOMO SENTIENS.

*Editio ſecunda Veneta ab Auctore ipſo correctâ, auctâ,
& illuſtrata.*



VENETIIS MDCCLXXVI.

TYPIS ANTONII ZATTA

SUPERIORUM PERMISSU, AC PRIVILEGIIS.



PHYSICA VIVENTIIUM

P A R S T E R T I A

HOMO SENTIENS

S E U

DE NATURA , EFFECTIBUS, ET OBJECTIS
HUMANORUM SENSUUM &c.

P RIMA Physiologiæ capita , vegetantium scilicet naturam , viventium animæ existentiam , & conditionem , corporis organici generationem , ejusque partium structuram , compositionem , ordinem , & munera , amplissima enim vero argumenta in prima hujus Physicæ viventium , & vegetantium parte exposuimus . Illam etiam viventium facultatem explicavimus , quæ in iis prima est , & *vitalis* , atque *naturalis* vulgo nuncupatur : propterea quod ejus functiones , & physica organici corporis structura naturaliter consequantur , & in iis potissimum consistere videatur vita , ab hisque omnino pendeat . Hujusmodi sunt cordis , sanguinis , cæterorumque humorum , aut fluidorum corporis motus , respiratio , nutritio , & quamplurima id genus alia . Altera in homine , ut de eo solummodo viventi deinceps loquamur , vis , & facultas est , priori quidem longe nobilior , & perfectior : ab illa tamen omnino pendens , & inde derivans . Ea facultas , cujus munera , & præcipuæ functiones sunt sensus , *animalis* communiter nuncupatur : quod scilicet ejus functiones character animantium magis proprius existunt , & animam propius spectant : Cum priores illa functiones ab organici corporis structura tota esse videantur . Citra sensum , hoc est , sine ulla anima actione , durat adhuc vita , relataque superius *vitalis facultatis* exercitia . Sensus tamen non nisi in animato corpore , & ab animo agente sunt . Inter primas illas humani organici corporis functiones vitales , & hominis sensus medii sunt humani corporis motus : eorum aliqui a corpore citra animæ actionem :

maxima tamen pars ab anima potissimum in corpore agente, cogitante, & volente peraguntur: ad utrumque functionum viventis ordinem spectant. Hisce ergo & corporis, & animæ functionibus, amplissimo physiologiæ argumento, in superiori volumine, quantum heri licuit, expositis, superest modo, ut aliam, quæ longe nobilior est, hominis facultatem aggrediamur: quæ *facultas sentiendi* dicitur, & sensus omnes complectitur: Quænam esset nostra hominum conditio, si destitueremur sensibus? Argumenti dignitatem interrogatione latis exposui intelligenti. Quænam vero sunt, quæ sentimus, videmus, audimus, olfacimus? qua ratione ista peraguntur, ad animam perveniunt? ubi est anima! Ubi, unde, quomodo fit in nobis tantorum objectorum perceptio, memoria, imaginatio? Unde ingenium humanum, iudicium, fatuitas, prudentia? A nobismetipsis parumper egressi, in odores, in sapores, in sonos, lucem, colores excurramus: quænam enim objecta, & argumenta cogitantis hominis consideratione digna! Ed tibi rudissimam præsentis voluminis indicem, & tabellam. Si te amas, tuumque *esse, vivere, sentire, & frui* non dedignaris intelligere; sequentia legendo, & cogitando percurras, & te ipsum edifcas.

L E C T I O I.

De Natura sensuum, eorumque divisione: atque etiam de loco, ubi anima existit, & sentit.

1. **E**Xplicandam hoc loco non assumimus animæ nostræ naturam, atque spirituales ejus actus, ideas, iudicia, ratiocinationes. Alia sunt obscurissimis hisce argumentis tractandis loca: primum in metaphysica, secundum partim in eadem theologia naturali, partim etiam in Logica fuscè prosequimur. Legem præterea commercii inter animam spiritualem, & corpora physica citatis in locis exponimus, prout gravissimi argumenti sublimitas, & humani ingenii tenuitas patitur. In hoc igitur loco disputandum nobis superest, quid illud sit, quod animæ *sensum*, seu sensus actus dicimus, quænam corporis partes sint sensibiles, seu, ut communiter dicitur, sentiant, ubinam etiam anima ipsa & existat, & sen-

V I V E N T I U M.

sensus eliciat: quo pacto externorum corporum actiones ad animam usque perveniant; quid etiam sit, quave lege, causa, & ratione fiat, atque generetur in nobis pruritus, titillatio, gaudium, dolor, visus, auditio, tactus, memoria, somnus, phantasia, & id genus alia, quæ animæ sensus nuncupamus.

2. Actus animæ ad generalia eorum objecta relati, prout impræsentiarum tantummodo spectantur, in duplici sunt differentia. Vel enim sunt de spiritibus, seu objectis spiritali modo agentibus: vel potius sunt perceptiones de rebus materialibus physico modo secundum leges corporum in nos agentibus, & animam ad earum perceptionem eliciendum excitantibus. Primi sunt *puræ intellectiones*, idea, judicia, ratiocinationes, quas tantum eliceret anima, si corpori non esset unita; neque juxta corporum leges, & actiones materialia objecta perciperet: sed potius tamquam purus spiritus cognosceret. Eos enim & esse, & agere, non ut materia, modo, supponimus, alibi demonstramus. Quoniam tamen peculiari Dei, seu unionis, & commercii lege intra corpus organicum, dum vivimus, anima existit, & veluti latet eidem semper unita; atque propterea non nisi ope organorum ipsius corporis externorum objectorum actiones ad illam usque pervenire, atque ab illa percipi possunt; hinc alter perceptionum ordo in anima ipsa originem habet; ii scilicet actus, quos nuncupamus *sensus*.

P R O P O S I T I O I.

3. *Sensus sunt illæ perceptiones animæ, quas ipsa, dum corpori secundum legem commercii unita existit, ab objectis materialibus ope organorum excitata, circa factam in corpore mutationem elicit.*

Exemplo rem explicemus. Cultello duplicis hominis manus feriamus: quorum alter & sanus sit, & rem omnem animadvertat; alius vero deliquio correptus nihil omnino cognoscat. Idem effectus utriusque hominis corpore existit; primus tamen dolorem; secundus nihil omnino percipit: nullum scilicet secundum hominis anima actum elicit, maxime autem primi.

4. In proposito, atque aliis ejusdem generis casibus nihil fit in corpore, nisi motus, aut pressio: motus

quidem, quo pars sensibilis secatur, & a parte sibi antea unita separatur: pressio vero, quæ ope nervorum, atque animalium spirituum intra nervos existentium, atque medium continuatum a manu usque ad cerebrum, & animam componentium, cerebro ipsi imprimitur, & communicatur. Hi igitur effectus pure materiales, atque physici, qui in manu, & corpore utriusque hominis eveniunt, non sunt sensus animæ, neque dolor: illud ergo, quod in homine sano præ deliquiis correpto existit est verus dolor, seu doloris sensus. At unum hoc est inter eos discrimen, quod primi anima impressionem, vulnus, motum, separationem in manu factam, pressionem, atque modificationem cognoscat; percipiat; minime vero secundi: in hoc igitur actu, atque perceptione animæ dolor consistit: cæterique sensus omnes actus animæ sunt ab illa simili ratione elicti.

5. Materiæ enim vero, seu corporis non est sentire: si sola corpora in natura essent; qualescumque in iis efficerentur motus, nullus esset sensus. Non ego impræsentiarum cum materialistis ago: actum in metaphysica est: illic disputata suppono. Hujusmodi perceptiones animæ eo de capite sensus nuncupantur; quia ab anima ipsa spiritali circa objecta physica sensibilia; modo physico, & sensibili, materialibus, & sensibilibus organis in illam agentia eliciuntur; in ipsaque excitantur: cum ex adverso puræ intellectiones vel circa objecta spiritalia, vel circa corpora, materiali tamen modo in animam non agentia, eliciantur.

6. Sensus igitur sunt actus animæ in se quidem spiritaliales, sed circa objecta materialia materiali modo agentia, atque animum excitantia elicti. In proposito casu, & aliis, qui afferri possunt, nullus materialium effectuum, quos in corpore produci cunctellus, est dolor, aut sensus: sola igitur animæ perceptio, seu cognitio circa præsentem illum corporis statum elicta atque ab externis corporibus excitata, nuncupari potest sensus.

7. Attamen, inquis, dolor multoties in nobis incipit; licet nullam antea de inflictio vulnere, atque manante sanguine notitiam, atque perceptionem habuerimus. Id vero quotidiano experimento observamus; cum inscii vulneramus, & postea doloris sensus

V I V E N T I U M. 7

in nobis nascitur antequam sanguinem, & vulnus animæ advertamus. Verum in hoc etiam, respondeo, & omnibus aliis casibus stare propositionis veritatem. Infiesto vulnere per nervos usque ad cerebrum, seu usque ad animam modificatio, & affectio transmittitur; transmissa, excitatur anima, & perceptionem hanc magis vel minus claram de inducta in corpus mutatione elicit: quæ quidem perceptio est primus dolor, seu doloris sensus. Vulnus igitur, omnisque mutatio, & modificatio in corpus inducta aliud non est, quam physica excitatio doloris: nequaquam tamen dolor, aut doloris sensus. Modo dicta expositam superius nervorum descriptionem, & de spiritibus animalibus doctrinam supponunt: atque ex inferius dicendis luculentius confirmabuntur.

C O R O L L A R I A.

8. I. Juxta modo dicta, atque ex anatomica nervorum descriptione superius exposita, quatuor hæc sensum constituunt, aut ad illum opus sunt, actio objecti externi in organum, modificatio in organo sensibili recepta, seu passio, modificationis ab externa organi extremitate ad cerebrum usque per nervorum, & animalium spirituum continuitatem transmissio, animæ perceptio. Sola hæc ultima est proprius *sensus*: sine prioribus tamen esse non potest: nulla licet sit inter hanc, & primas illas actiones similitudo.

9. *Sensus hic proprie dictus, seu animæ perceptio, & sentire, videtur esse proprie agere.* Eatenus enim sentit anima, quatenus actum elicit, quo præsentem statum suum, atque objectorum externorum actionem percipit; atque insimul eodemmet actu de præsentis statu suo, & externa corporum actione, & facta eo in corpore mutatione gaudet, aut dolet. Equidem sentire est aliquid physicum physice in natura existens: dumque sentimus, quod antea non sentiebamus, aliqua in nobismetipsis vera mutatio existit: hæc igitur vera mutatio est aliquis verus effectus, qui vere, & proprie efficitur. Animæ etiam passio dici potest illa perceptio: passio tamen, & actio alterius ordinis, quarum ideam claram non habemus. Sed hæc omittamus in Metaphysicam.

10. II. *Impossibile igitur est, existere sensum, quin*

existat etiam anima vere, & proprie sentiens, hoc est, percipiens, cognoscens. Est dicere: principium illud, aut compositum, quod sentit, necessario debet habere animam, quæ percipiat, cognoscat: neque compositum, ubi nihil præter materiam existat, sentire poterit. Est enim sensus actio, & perceptio animæ: pura autem materia percipere omnino non potest, ut alibi luculenter probavimus: sentire igitur etiam nequit. Hinc quæcumque pura automata sunt omnis sensus prorsus incapacia; cum nulla in iis anima existat, quæ sentiendi, hoc est, percipiendi facultate prædita sit. Quare si animantia bruta essent pura automata, ut volunt Cartesiani; nullus in iis verus sensus esset.

11. III. *Neque tamen anima a corpore separata sensum aliquem eliceret, iis saltem similem, quos modo in præsentī rerum ordine habemus.* Est enim sensus vera perceptio animæ, ab ipsa quidem elicitā, dependens tamen a modificatione organorum corporis, cui anima ipsa existit unita. Qua vero Dei lege anima spiritalis a corpore separata cruciari, & gaudere possit, quonam pacto, quosve actus illo in statu eliciat, quænam inter utrumque statum sit similitudo, aut relatio, nos penitus latet.

12. IV. *Est igitur sensus verus, & proprius viventis actus, atque peculiaris character.*

Cum viventia dico, composita ex corpore, & anima hic intelligo. Est enim actus existentis in corpore organico animæ, atque illi unitæ, & organorum corporis ope objecta externa percipientis: animam autem corpori organico esse unitam, est vivere; secundum corporis organa agere, movere, percipere, sentire, est ipsiusmet vitæ exercitium.

PROPOSITIO II.

13. *Sensus animæ, attentis organis, quibus excitantur, objectorumque actiones imprimuntur, servantur, aut transmittuntur, in internos, & externos dividuntur.*

Actuum animæ indole impræsentiarum prætermittam, quod physicum est, modum, causas, & leges, quibus hæc in nobis sunt tantummodo prosequimur. Res vero tota descendit ex organorum structura, nervorum,

rum, cerebri, spirituum animalium dispositione, & munere. Plurima sunt, quæ intra nos ipsos sentimus, percipimus, imaginamur; licet nulla externa corpora in nos tunc temporis agant: qualia sunt somnia, imaginationes, phantasmata, memoria, recordatio: quæ quidem ita in nobis experimur, ut neque in externa corporis nostri membra, neque in exteriora etiam corpora referantur. Econtrario quamplurimos alios habemus sensus, & sentiendi modos, quos & externis corporis nostri organis referimus, & ab exterioribus objectis in externa ipsa nostri corporis organa agentibus in nobis excitatos animadvertimus. Hujusmodi sunt visio, auditus, alia. Priores illos animæ sensus nuncupamus *Internos*, posteriores autem *Externos*.

14. Liquet igitur internum, & externum sensum esse ejusdem spiritualis nostræ animæ in organico corpore latentis spirituales perceptiones: omnemque illorum sensuum distinctionem a diversis nostri corporis organis, atque a modo, quo in diversis illis organis corporum actiones imprimuntur, perseverant, transfunduntur, atque excitantur, omnino pendere. *Sensus interni sunt ii, quorum organa intra corpus nostram penitus latent, functiones vero in nobis citra novam, & præsentem semper externorum corporum actionem fiunt, licet ab iis, tamquam ab excitantibus causis proveniant.* Contra vero illi sunt, & vocantur *Externi sensus, quorum functiones in organis externis perficiuntur.*

15. Hæc quidem & nominis definitiones, & experientiar, seu facti veritates, a modi quo fiunt, explicatione deinceps danda plane constabunt. Priusquam in modum ipsum, numerum, functiones internorum, externorumque sensuum differenda descendamus, exponenda sunt sequentia. 1. ubi anima existat, sentiat, percipiat: 2. utrum sensus illo in organo fiant, in quod referuntur: 3. per quid anima nostra spiritualis materialia externa corpora, eorumque actiones percipiat: 4. quis ille sit modus, aut causa, quæ externorum objectiones in externis organis impressas ad animam usque transferantur; seu spirituum animalium existentia: 5. quænam sint in humano corpore partes sensibiles.

PROPOSITIO III.

16. *Anima humana in capite existit: nulla vero est ratio, qua illam in reliquis etiam corporis membris existere probetur: attentaque ratione, experimentis, & humani corporis structura, in solo capite locata esse videtur.*

Prima propositionis pars a nemine in dubium vertitur: ratione, sensu, & anatomia demonstrantibus, humanum caput esse potissimam, & principem nostri corporis partem, & proximam, atque intimum cum omnibus aliis corporis membris commercium, & communicationem habere. A cerebro enim omnes nervi, aut per se se oriuntur, aut media spina ab illo, tamquam a solo & radice, originem ducunt, & propagantur. Si vero per totum corpus singulasque partes organicas distribuuntur, eas pervadunt, ligant, committunt, & ex parte formant; ita ut cerebrum sit tamquam centrum, radix, & truncus, unde innumerari radii, rami, funes enascantur, quibus per totum corpus ductis, tota ipsa machina moveri, moderari, atque gubernari ex illo loco possit.

17. 2. Id ulterius ex superius jam dictis de nostri corporis motibus, ex mox etiam de physica sentium causa, & modo dicendis luculenter constabit. Experimentis enim ac ratione evincimus, omnes nostrorum membrorum, ac corporis motus, omnem sensum, quidquid movemus, atque sentimus, ope & mediis nervis moveri, & sentiri: si ergo anima per nervos agit, sentit, movet; eo in loco citra dubium existit, a quo originem ducunt.

18. 3. In capite proculdubio animam nostram imaginari, & intelligere animadvertimus, atque reflexione cognoscimus.

19. 4. Uno capite sublato, omnibusque aliis membris citra ullam læsionem manentibus, omnis sensus tollitur, & vita penitus perit. Multoties etiam fit, ut corporis membra frigore, morbo, aut vitio ita corripiantur, ut omnem amittant sensum, unumque caput a communi malo illæsum, omnium sensuum functiones exerceat: adhuc igitur anima in capite sentit, cum omnia jam corporis membra sensu penitus de-

destituuntur: est igitur caput præcipuum, atque indubium sensuum, & animæ domicilium.

20. Secunda, & tertia propositionis pars plurimorum veterum Philosophorum sententiæ opponitur; quorum iudicio anima humana non solo in capite, aut corde, sed in toto humano corpore existit; omnesque illius partes organicas animat. Neque veteres solummodo, sed aliqui etiam recentiores ex infantia, & vulgari præiudicio eandem tenent opinionem. Facile tamen constat utraque propositionis pars. Primo, nulla ratio, vel experimentum est, quo animam extra caput existere conficiatur. 2. Membra quæcumque v. g. manus, pedes, crura, brachia, licet bene omnino se habeant, & integra, illæsa, atque ab omni vitio immunia existant; sensum omnem, & motum penitus amittunt, semel ac nervi a capite ad prædicta membra porrecti aliqua in parte inter membra ipsa, & caput rumpantur, arescant, aut casu alio ad earum functiones fiant inutiles. At si anima in iis membris existeret; adhuc inflicta vulnera, & similia alia quamplurima in iis sentiret.

21. 3. Eo potissimum de capite animam in omnibus humani corporis organicis membris existere autumant, atque affirmant Philosophi; quia dolorem, aliasque affectiones in ipsis membris sentimus: probandum tamen primo erat, nullum hic esse præiudicium: neque animam nostram in capite solummodo existentem peculiare sensus ad alias quascumque corporis partes referre posse, quin in iis existat. Utrumque tamen est falsum. In manu v. g. inflicto vulnere, dolorem, seu doloris sensum perinde sentimus, ac si in manu reapse existeret: eumque in manum referimus, quantumvis neque anima in manu, neque manus ipsa (quod majus est, & non raro evenit) in corpore existant. Mille observationibus res est manifesta: ex iis unicam a *Cartesio* ipso relatam, atque diligenter observatam propono.

22. Ut marcescentem puellæ cujusdam manum Chirurgi medicarent; oculos illi, ne instrumentorum apparatu exanimaretur panno velabant: sit in brachio gangræna: inscia puella, amputandum decernitur: sentiendi impos, data potione, efficitur: sensuum importi brachium amputatur; eiusque in locum, ne in se ipsam rediens puella, & facti conscia penitus ex-

ni-

animaretur, brachium ex panno coagmentatum aptatur. Puella sensibus restituta, atque pannosum brachium existimans esse carneum, modo se in uno, modo in alio manus digito, modo in manu, modo in una, modo in alia brachii, amplius non sui, parte acerbissimum dolorem pati miserum querebatur. Hoc vero uno, & mille aliis exemplis duo illa constant: animæ in membro aliquo sedem ex habito in huiusmodi membro sensu, definire, parum esse præjudicium: animamque illuc sensum referre, & illic sentire, ubi reapse non existit: quod unum erat veterum sententiæ fundamentum.

23. Non aliunde huiusmodi dolores repetendi erant, quam ex eo, quod rescissi nervi a manu, digitis, aut aliis partibus antea ascendentes, eadem ratione, ubi rescissi fuerunt, afficiebantur, atque si manus ipsa; digiti, aut reliquæ partes existerent, & læderentur. Habemus igitur in hoc, & plurimis aliis, qui adduci possent, rerum eventibus, sensus, & dolorem in manum relatum, licet neque animam in manu, neque manus ipsa amplius existeret. Quidni igitur omnes sensus, quos in diversis corporis membris sentimus, dum bene valemus, in ea membra potius ab anima in capite existente referri, quam ab anima in ipsismet membris existente percipi dicemus? Si dolorem, & omnes alios sensus, tamquam si in manibus vere existerent, percipimus, atque sentimus; unde probabitur, rem non ita semper esse, contrariamque opinionem non esse purum putum præjudicium? Ex prædicto igitur, aut similibus aliis capitibus, animam extra caput, atque in singulis organicis corporis membris existere minime probatur.

24. Si ulterius quæras, quænam capitis, seu cerebri pars sit animæ sedes: quæstionem solvere nullus poterit mortalium. In glandula *pinncali* existere, quæ fuit *Cartesii* sententia, experimentis opponitur. Homines jam reperti sunt, in quorum cerebro, sectione facta, glandula illa desiderabatur. Fuere etiam, in quibus deformata penitus, & obliterata: in aliis vero corrupta. Cogitaverant nihilominus, & vixerant. Quid tamen de illa *Caroli Bonet* hypothese plane singulari? Sedes animæ, inquit, non pars aliqua huiusce terreni corporis habenda. Humanum cerebrum, & corpus callosum non sedes animæ, sed sedis vagina existit.

fit . Corpus quoddam , & machina organica ætherea , & veluti spiritalis intra callolum corpus comprehensa , in quam spiritus animales tandem agunt , sedes est animæ propria : alterius vitæ , & futuri corporis immortale germen , a naturalium causarum actionibus immune , resurrectionis nostræ , novæ generationis , seu potius novæ nostræ vitæ principium , & semen (a) ? Alius est cum in præsentis opere , tum vero maxime in metaphysica de nova hac hypothese dicendi locus . Vide quæ de palingenesia superius disputavimus . Satis hoc loco sit illud repetere , hypothese novam , communi omnium hominum sensui oppositam proponere , & gravissimis argumentis non confirmare , reficere est .

P R O P O S I T I O I V .

25. *Sensus igitur omnes in capite eliciuntur : illincque anima corpus , & membra vivificat , movet , gubernat , corpora externa percipit , membrorum mutationes , atque affectiones sentit ; licet sensus in membra ab anima referantur .*

Propositio ex dictis descendit . Imprimis neque sanguis , neque alia in humano corpore contenta fluida v. g. bilis , & saccus pancreaticus , neque adeps , aut ossa ab anima vivificantur , seu animantur , ut in confesso est apud omnes : cum fluida non sint partes organicæ , neque in iis , & relatis aliis partibus minimum sensus indicium appareat . Idem de cuticula , & similibus aliis partibus est dicendum , atque ab omnibus tenetur . Uno verbo , partes omnes , quæ nervorum propagationibus , ramis , aut reticulatis fibris non componuntur , sunt omnino insensibiles , neque animantur . Contra vero omnia alia membra , quæ a nervis aliqua ratione efformantur : ut ergo pars aliqua , etiam organica , sit sensibilis , seu sensu prædita , a nervis omnino pendet , hoc est , a proxima , & continuata communicatione cum cerebro : mediis scilicet corporibus continuis , per quæ corporum actio trans-

(a) Bonet *contemplation de la nature* P. 4. *Palingenesis* .

transmitti possit. Si hæc continuata nervorum ab organicis partibus ad cerebrum usque productio necessaria non esset ad actionem transmittendam; sed anima sensus in singulis membris vere eliceret; nulla tunc esset ratio, quare ad sensum eliciendum necessarii essent nervi: ad id igitur muneris opus est, ut organum sensus communicetur cum cerebro, ad eumque actio externa transmitti possit. Si ad sensum transmissio actionis necessaria est; sensus illic elicietur, quo actio transmittitur, & anima certo existit, nempe in cerebro.

26. 2. Illic sentit, ac percipit anima, ubi ipsa reapse existit: indubium autem est, animam nostram in capite residere; nulla vero ratione probatur, ideoque, tamquam falsum communiter, rejicitur, illam in toto etiam corpore existere: in capite igitur omnes sensuum actus eliciuntur: illinc anima dolet, gaudet, aliaque omnia percipit, quæ *sentire* nuncupantur: licet ad alia, & alia ab anima referantur membra.

27. 3. Dolor (idem de omni alio sensu dicendum), quem puella modo a nobis memorata in manu sentiebat, non in manu ipsa, quæ jam non erat, sed capite existerat, atque ad manum solummodo referebatur: sufficit ergo animæ relatio, ut sensus percipiantur, tamquam si in membris vere existerent.

C O R O L L A R I U M.

28. Cum omnes humani corporis nervi arborem innumeris ramis, ramorumque germinatione luxuriantem, & quaquaversum per omne corpus, corporisque partes organicas distributam componant, neque ineleganter magnum quemdam polypum innumeris cruribus, atque brachiis hac illac distensum referant; anima nostra in arboris trunco, & radicibus, vel in polypi capite, hoc est, brachiorum centro consideranda est. Quidquid hujusmodi ramorum, vel brachiorum extremitates tangat, ab anima in centro, seu radice arboris existente percipitur. Sed melius hæc explicabuntur, cum de generali, & peculiari etiam Tactus sensu, atque de spiritibus animalibus sermonem infra instituamus.

29. Aliqua opponunt ii Philosophi, qui animam in toto corpore existere, & extensam esse arbitrantur.

Pri-

Primo, anima, inquit, eruditus, & ingeniosus P. Fabry (a) constituit *esse* hominis: ergo animat, & per veram præsentiam, atque unionem vivificat quidquid ad idem *esse* spectat. Demus enim animam in solo capite existere: ergo manus ad hominem non pertinent; cum anima quæ totum illi *esse* dat, in manu non existat. Resp. Argumentum probaret etiam animam existere in sanguine, humoribus, abdomine, ossibus: hæc enim ad hominem pertinent. Anima est *esse* hominis spiritale, seu potissima pars essentiae hominis: assumere autem, quod ex hoc capite debeat illa in omnibus corporis partibus præsens existere, est petitio principii, aut argumentum precarium, quod relatu ad aliquas modo dictas corporis partes falsum esse, ipsemet Fabry, & omnes admittunt. Ut ergo manus (sicut & os), sit pars hominis; satis est, quod sit pars naturalis, & propria corporis, quod ab anima ipsa ope nervorum dirigatur, moveatur, gubernetur.

30. Nulla est pars hominis, seu corporis humani, opponit iterum idem auctor, cui aliqua vitalis potentia non insit; ubi autem est potentia vitalis, est anima. Resp. Si nomine *potentiarum vitalium* intelliguntur facultates ab anima non distinctæ, ut reapse intelligi debent; argumentum est iterum petitio principii. Extra caput v. g. in manibus, & pedibus non potentia vitalis, seu animalis juxta datum sensum usurpata, hoc est, anima ipsa existit; verum ejusmodi potentiarum, vivendi, sentiendi, movendi exercitium, & functiones peraguntur: ad easque partes referuntur. Hæc vero in id tandem recidunt, quod in iis partibus organicis sunt necessaria organa, & instrumenta, quibus anima in cerebro existens suas illic vitales, animalesque functiones exercent, atque sensus in omnes etiam partes referat. Deinde partes singulæ organicæ actionem corporum, vel primo accipiunt, vel acceptam ad cerebrum, & animam ope nervorum transmittunt.

31. Tertio opponitur: si anima non in toto corpore, sed in una tantum illius parte existere ponatur; non est cur potius in una, quam in aliis esse affirmetur:

(a) De Homine tract. 2. lib. 7.

tur: ergo in omnibus existit. Resp. ex humani capitis, & reliquarum corporis partium anatomia satis constare, quæ pars sit alius necessario præferenda.

32. Opponitur 4. Ergo nos oculis non videmus, neque aure, lingua, naribus, reliquisque sensuum organis audimus, olfacimus, tangimus. Resp. Hæc omnia iis sensuum organis exercemus. 1. quia illas omnes functiones, seu sensus anima nostra in prædicta organa refert: 2. quia in iis organis externorum objectorum actiones imprimuntur, & recipiuntur, atque nervorum ope ad cerebrum usque, & animam eademmet actiones transmittuntur. Hoc autem sufficit, ut oculis videre, auribus audire dicamur. Quod si adducto loquendi modo id utrum significare velis, oculum non videre per actum sensus in oculo ipso elicitedum, & existentem, atque per animam eo organo locatam; in quæstionem de vocabulo incidimus, qua nulla veritas physica decernitur, atque illustratur. Per oculos itaque, non in oculis videmus: oculos aperi; in objectum obverte illuminatum, vicinum, sensibile; mente tamen alio distracta, res præsentis non consideres: eo in casu, qui passim accidit, in oculo sunt, quæcumque fieri solent; unus deficit actus, seu attentio, & cognitio animæ in capite: illa igitur est propria visio, verusque sensus. Idem de omnibus aliis sensuum organis, atque functionibus quotidiana docet experientia.

33. Opponit hic etiam *Henricus Morus* (a). Si in manu v. g. & in aliis sensibilibus corporis partibus non existit anima, ad illasque sensum tantummodo refert; idemmet sensus, puta dolor, non modo ad manum, quæ feritur, sed ad totam etiam nervorum extensionem, qui a manu ad cerebrum usque producuntur, deberet referri: non modo in manu, quæ modificationem primo accipit, sed & in toto brachio, per quod transmittitur, sentiretur dolor. Resp. proprium id esse actionum, & sensuum, qui medio aliquo continuato corpore transmittuntur, & sentiuntur. Baculo corpus a te separatum range: actionem objecti, & tactum non in medias baculi partes refers, sed

(a) *De immortal. animæ lib. 2. cap. 10.*

sed in extremitatem. Per aerem propagatur sonus seu vibrationes a corpore sonoro ad aurem usque transmissæ: cum nihilominus non in medium aerem, sed in ultimam illius partem, ab objecto percussam referimus. Longe vehementius, aliaque ratione afficitur pars corporis ab objecto tacta, atque reliqua nervorum continuata inde productio: in primam igitur res tota debet referri.

34. Argumenti ratione fieri hic possunt sequentes quæstiones. I. Facultas hæc sentiendi estne ab anima distincta, ut veteres aliqui existimarunt? Resp. Facultates animæ omnes sunt ipsamet simplex anima diversas functiones, & munera ope diversorum organorum, & multiplicis variorum objectorum actionis exercens. Sicut etiam intellectus, voluntas, memoria, libertas sunt ipsamet spiritualis anima: ut in confesso est apud omnes.

35. Qui tamen fieri poterit, inquis, ut una eademque anima tot diversarum facultatum munera exerceat? Resp. Id per multiplicia organa, innumerasque, & diversas ejusdem, aut distinctorum corporum actiones, & modificationes citra difficultatem fieri posse intelligitur. Indubium est, nam, eandemque animam velle, intelligere, reminisci, judicare, dubitare, innumerolque actus cum voluntatis, tum etiam intellectus elicere: quemadmodum igitur varietas illa actuum intellectus, & volitionis, ita & sensuum animæ simplicitati non officit. Unam eandemque individuum animam ad illa omnia sufficere, omnes illos actus elicere, & munera fungi, fusc in metaphysica evincimus.

36. Opposita veterum sententia, quam etiam tenuit *Fabry* (a), facultatem scilicet sentiendi, ac proinde sensum esse in homine ab anima distinctam, separabilem, materiale, & dividuam: imo & in igne quodam consistere gravissimis difficultatibus premitur, quarum partem superius proposuimus, cum de bestiarum anima disputavimus.

37. Potentia tamen illa sentiendi, inquiunt, est omnino materialis, non tantum ratione organi, sed

Mont. Phil. Tom. VIII.

B

etiam

(a) *Loc. cit. lib. 2. de Homine prop. 41.*

etiã ratione virtutis illius, quæ organo inest : igitur ab anima rationali distinguitur, materiale scilicet a spiritu. Resp. falsum plane esse, & materialissimum sapere, ignem, hoc est, puram materiam sentire, seu esse facultatem sentiendi. Verum, pergis, cor humanum per vim ex thorace extractum in iis, qui capitali pena mutantur, per aliquod tempus motu systoles, & diastoles agitur. Verissimum, fateor. Nemo tamen, addis, animam rationalem cordi eo in statu inesse dicet. Neque dici potest, adjungo. Ergo hic motus, concludis, a potentia aliqua sentiendi ab anima distincta provenit. Hoc vero ultimum nego : nullus illic est sensus, sed purus motus a spiritibus, & fluidis per organicum membrum adhuc fluentibus, euniquè musculum irritantibus, & a peculiari ejusdem vi elastica sine ullo omnino dolore. Totius phænomeni expositionem. & causam superius videas.

38. Quæstio II. Quid sentit anima, corpulne externum, an aliquid ab externo corpore productum? Resp. Animam solummodo mutationem, & modificationem in corpore, seu sensuum organisi factam, & ad cerebrum usque transmissam sentit; inde vero externa corpora, excitantes sensuum causas, percipit. Quatuor enim, ut dixi, in sensu interveniunt, anima sentiens corpori unita, objectum externum in corpus animatum agens, modificatio, seu mutatio inanimato corpore ab externis objectis inducta, & ad animæ usque sedem per nervos transmissa, animæ tandem actus, passio, & perceptio. Ex his quatuor priora duo sunt substantiæ: primæ est percipere, seu sensum in se elicere: secundæ agere: posteriora sunt modi: primus quidem materiæ, secundus animæ & illius sensus proprie dictus.

39. Quæstio III. Dicine posset, sensum esse purum motum? Resp. Id esse materialistarum errorem, quem alibi falsum esse demonstravimus. Si res ita esset; intelligeret, apprehenderet, ratiocinaretur materia. Semel enim ac illam sentire dicamus, acta res esset: nullo negotio conficeres, omnia esse materiam.

40. Quæstio IV. Ad qualemnam actuum animæ speciem pertinet sensus? Resp. Diximus jam omnes animæ sensus esse veros actus animæ proprios, ab ipsa modo hucusque explicato elicitos. Ii vero actus sunt vera perceptio, qua anima ipsa mutationis in corpore

re factæ fit conscia, atque insimul gaudet, contristatur, dolet, aut simili alia ratione afficitur.

41. Ergo sensus, inquis, non distinguitur a cognitione. Resp. In quæstionem de puro vocabulo nos incidere. Si cognitionem nuncupas, quidquid est perceptio; erit enim vero sensus vera cognitio: longe tamen ab intellectionibus animæ diversa. Si vero cognitionem cum intellectione confundamus; sensum a cognitione distinguere oportet. Uno verbo, anima intelligit, sentit, dolet, gaudet, contristatur: intelligendo, & sentiendo percipit: hujusmodi tamen perceptiones indolem habent, & modos objecta sua repræsentandi toto cælo inter se distinctos. Eas vero diversas indoles, atque actuum animæ proprietates, ac naturas nullis aliis melius, quam usitatis hisce vocabulis *intelligere, sentire, dolere, gaudere, contristari*, vel *amare, odio habere* explicabis: rem, facto periculo, veram esse comprehendes.

42. Quid vero sint hujusmodi actus in anima ipsa considerati; utrum sint aliquid ab anima distinctum; ab illaque productum; an potius animæ ipsius modi, ab ipsa elicti, in eaque recepti; metaphysicæ argumentum est, fusc illic a nobis examinatum. Si licet materiali; & rudi exemplo rem spiritualem, atque obscurissimam aliquo modo exponere; *sensum* ego mihi repræsentō, tamquam si esset intensus aliquis, inextinguibilis, suboscuro, vividusque insimul ignis, quo corpora aliquando interius igniuntur, & vehementissimæ calescunt, quin tamen ullum edant splendorem. *Intellectionem*, tamquam flammam accensam, & illuminantem mihi repræsentō: hinc video, & cognosco, quidquid intelligo; ab *intell.ctione* enim illuminor: sentio vero, inflammar, & vehementer sæpe afficior a sensu, quin causam videam, aut cognoscam; quia a latente, & non ardente igne non illuminor: Hæc dicta sint rudissimæ explanationis gratia.

L E C T I O II.

De Spirituum animalium existentia, munere, & actionibus:

atque

De proprio sensuum organo, seu partibus sensu præditis.

43. **Q**Uoniam anima in ea corporis parte existit, quæ ab externis sensuum organis est remota, neque ab externis objectis tangitur, aut per se se afficitur: ex alia vero parte nullus in nobis elicitur sensus, quin ad animam usque transmittatur externi objecti actio, quæ aliqua tandem ratione animam excitet; argumenti ratio postulat, ut quid animam ad sensum excitet, quoque modo objectorum actiones ad cerebrum transfundantur, impræsentiarum disputemus. Ejus etiam argumenti explicatione ulterius constabit, quænam animantium partes sint sensu præditæ, quænam illo penitus destituantur. Ut igitur secundum naturalem argumenti ipsius, idearumque, aliarum ex aliis, rationem philolophemur, proposita hæc pro viribus prosequamur physiologiæ capita.

ADNOTATIO HISTORICA.

44. Spiritus animales, & sensus partium humani corporis, duo hujusce lectionis capita, celebris hucusque extitere disputationis argumentum. Quamplurimas animantium partes a nervis distinctas, & nihil cum eorum medulla commune habentes sensu esse præditas, communis fuerat physicorum, & medicorum sententia. Id nominatim de ossium periostio, meningibus, musculis tenebatur: ut alias omittam partes. Cum forte aliquando acciderit, essetque animadversum, aliquot hujusmodi partes, periostia, meninges, ossa in medicandis hominibus macerari, torqueri, secari, quin ullus sentiretur dolor; quid rei tandem id foret, ubinam sensus esset, quænam sensibiles partes, dubitatum est. Observationes exinde, experimenta, disputationes rem tandem fere jam definierunt: solamque cerebri, & nervorum medullam proprium esse sensus

sus organum, illisque solummodo partibus sensum inesse, in quibus essent nervi, communissima jam est sententia. Rem fere totam Domino *Haller* debemus: qui vel primus omnium eam veritatem docuit, vel luculentius, quam ceteri, experimentis demonstravit.

45. De spiritibus animalibus, quod alterum est lætationis argumentum, mira apud antiquos legimus a recentioribus maximam partem sublata. Hos spiritus passim hucusque in toto hoc opere nominavimus, & posuimus: illorum subtilitatem, percolationes, motus, munia, & id genus alia obiter pluribus in locis indicavimus, & tanquam rem communiter admissam, & veram indicabam. Ita vero res erat. Antiqui omnes physiologi, & medici, & maxima recentiorum pars id iudicium ferebant. Alia fuit plurimum hæc tempestate sententia. Quidquid spiritibus animalibus tribuebatur, motus scilicet, & sensuum functiones, nervorum elasticitati, continuïtati, & propagationi referunt: Spiritus plane tollunt. Velocissimos in iis motus per totam nervorum longitudinem posuerant veteres. Nervorum medulla perpetuum iis motibus impedimentum esse recentioribus visum est. Difficultatem, quam neque explicarant, neque intellexerant veteres, a recentioribus objectam plane solvit materia electrica, nostra tandem ætate cognita.

46. *Spirituum animalium* nomine aliud non intelligimus, quam puriores, & subtiliores particulas a massa sanguinis multiplici percolatione in cerebri potissimum glandulis separatas, subtilissimum quendam humorem, aut substantiam volatilem, seu maxime mobilem componentes, quæ a nervis recepta, eos irrigans, humectans, atque per eorum medullas fluens, nervos ipsos efficit ad eorum munia peragenda aptos.

47. Mira plane est cerebri structura; & infinita glandularum congeries. Spinæ medulla est cerebri ipsius productio: ab utroque nervi omnes nascuntur; suntque ejusdem medullæ rami; ab ea, tamquam a trunco, per totum corpus producti, & cutim tandem infinita ramorum multiplicitate, & plexu componentes. Nervorum igitur capacitas non libera, aut vacua; sed medullæ substantiâ est ubique plena. Paucis hisce ad totius rei intelligentiam animadversis, duo hic potissimum quaeruntur: 1. existitne hujusmodi substantia, seu spiritus modo a nobis definiti? 2. suntne

si spiritus potissima sensuum animæ, & motuum corporis instrumenta: an id potius nervis tantummodo est tribuendum? Habes rei summam; quid ego tenendum existimem, paucis accipio.

PROPOSITIO V.

48. *Existunt proculdubio spiritus animales modo descripti, iique nervis mollitiem, tenacitatem, tensionem, & flexibilitatem conciliant: sensuum, & motuum functionibus inserviunt.*

Propositionem demonstrat ipsamet humani corporis structura, partium ratio, & functiones. Multiplices enim vero in glandulis fieri sanguinis percolationes, atque percolationum beneficio puriores sanguinis partes secerni, atque a natura ipsa ad diversa munia separari, & reservari, res est prorsus indubia. Huiusmodi percolationes in cerebro etiam fieri, insignis glandularum illic existentium numerus, atque descripta superius cerebri conformatio evincit. Rursus subtilissimam illam fluidam substantiam nervos ingredi, humectare, irrigare, & per illos fluere, insciari omnino non poterit, qui nervorum structuram, radices, truncum, medullam, animadverterit. 2. Nisi humore semper irrigentur, nutriantur, & imbibantur; amplius non erunt flexibiles; & quodammodo arescent: ris autem arescentibus, aut rigentibus, sensum, & motum iis in membris amittimus, quæ iis nervis reguntur. 3. Obstruuntur sæpe etiam nervi: obstrui autem non possent, nisi per illos subtile aliquod liquidum fluere. 4. Instantur aliquando, tenduntur, tumescunt nervi, quandoque vero flaccescunt: primum autem a copiosiori subtili fluido sese per nervos insinuante: secundum ab ejusdem fluidi dissipatione, & defectu provenire opus est. 5. Violento motu, & labore sudamus, atque defatigamur: defatigari autem aliud non est, quam vires amittere, hoc est, nervos, & musculos, omnium animantium motuum instrumenta, laxari, & flaccescere: sudore, transpiratione, defatigatione volatiles humorum nostrorum particulas solum amittimus: quæ agitatione ipsa aliæ in alias actæ, aliæ ab aliis magis solutæ, & subtiliores inde factæ, ab interno elementari igne rarefactæ, & per poros calore apertos a corpore nostro erumpant in aerem.

Cum

Cum igitur eam unam hac ratione amittamus substantiam; aliaque ex parte vegeti antea nervi, vel una illa evaporante fluida substantia flaccescant, qua antea madercebant; huiusmodi subtili fluido, hoc est, spiritibus animalibus nervos irrigari concludendum est.

49. Sed ab ipsismet animantium motibus, & sensuum functionibus, quæ duo potissima sunt nervorum, & spirituum munera, omnes propositionis partes evincuntur. Solam nervorum substantiam sensuum organum existere per eos etiam omnes animantium motus peragi, duo sunt apud omnes certa. Primum inferius, secundum in priori huius physiologiæ parte est demonstratum. Si igitur nervi, se solis, ad duo illa generalia capita, totam animantium rationem, & actiones comprehendenda, non sufficiant: ea vero omnia spirituum indoli sint conformia; tunc vero nullum amplius de illis esse potest dubium. Id vero primum constat, modificationem ab externo objecto in manu v. g., pede, oculo factam momento temporis ad cerebrum, ad animam transmitti, & pervenire. Vicissim etiam quoscunque motus pede, manu agendos mente decernamus, nulla temporis mora ab iis partibus peragi. Ad huiusmodi momentariam transmissionem satis non est continuata nervorum extensio. Sunt scilicet ii corpora ad cerebrum usque continuum: parum tamen, aut nihil elasticum. Angulis sæpe factis, inflectuntur: in digitorum articularis, cubito, humeris, collo, ubi in medullam spinæ, aut cerebro interuntur, & alibi etiam incurvantur, flectuntur, directiones mutant. In tot angulorum multiplicitate modificationis transmissionem hebetari, retundi, perire, necesse videtur. Rei difficultatem tollere utcumque posset perfecta continuatorum corporum elasticitas: hæc vero, neque in nervorum membranis visitur, neque in molli eorum medulla.

50. Est enim vero tempus, quo animantium quorumcumque nervi sunt adeo molles, ut albumen ovi non superent. Is sane est aliquorum viventium, vermium potissimum per totam eorum vitam status, & conditio: Mollissimis, & fere fluidis, semper existentibus organicis eorum corporibus. Is secundo est animantium omnium, hominis etiam, status in germinibus: cum animantium corpora perfecte quidem constructa fere sunt fluida, & pellucida, & in ovis iam

nutriuntur, & crescunt; cum ante, tum etiam post fecundationem. Rem demonstrant pulli gallinacei observationes ab *Haller* diligentissime prosecutæ. Pulli germen perfecte constructum, & ante incubationem nutritur, & crescit, & paucis ab incepta incubatione diebus transactis, discerni incipit; omnesque machinula illa exercet motus ad nutritionem, & augmentum necessarios. Est tamen adhuc corpus mollissimum, ut ipsum ovi albumen. Rei veritate posita, de qua nullus jam dubitat physicarum rerum eruditus, insensibili illa animantis machinula jam tum movetur cor, pulmones, sanguis, arteriæ: fluidos fere nervos esse ad id rei satis, dici posse non videtur.

31. Duo in nervis sunt maxime spectanda, membranæ, & medulla: primæ, piæ, & duræ matris productiones omni sensu sunt destitutæ; secunda, omnium sensuum sedes, substantia perquam mollis, affectionum transmissioni est prorsus impar. Per nervi igitur nervorum partem sensus functiones peragi possunt: aliudque idcirco per medios nervos prædictas functiones agit, omnium animantium proprias. Quodcumque id sit, debet proculdubio esse substantia adeo subtilis, fluida, & elastica, ut per nervorum medullam, impeditam molli substantia viam, facillime, & velocissime transfluat, aut per illam actio transmittatur. Illa sane medulla sensibili cuicumque fluido impedimentum esset insuperabile: materiæ verò electricæ aptissimus est, & proprius in animantium corpore conductor. Rem demonstrant experimenta, & phænomena electrica in loco a nobis tradita.

32. In experimento Lugduno-batavico, & aliis passim fulmen illud electricum, & percussio per nervos in oculi ictu, tamquam fulgur, transmittitur ab uno ad aliud extremum. Hæc una est fluida, & subtilissima substantia hucusque nota, cujus transmissioni densissima, & durissima corporum massa impedimento non est: & quæ in animantium nervos præ omnibus aliis corporibus agit. Citatis experimentis hæc omnia constant. Substantia igitur est in natura, cujus indole modificationum momentaria transmissio, prævia, & necessaria ad animantium motus, & sensus excitatio, peragatur. Ex quibus omnibus duo deducimus, rei totius summam: fluidissimam, & subtilissimam in animantibus esse substantiam, per eorum nervos ve-

locissime agentem, spiritus animales nuncupatam. Hanc vero substantiam quemdam esse ignem electricum, eum saltem secum deferre, aut illo semper excitari. Primum est asserta propositio; videturque plane certum. Secundum ad rei modum spectat, & analogiæ argumento innuitur.

33. Ignem enimvero elementarem in animantium corporibus semper esse, explicari, agere: in eumque, tamquam in totius rei fundamentum, perennes omnes in animantibus resolvi motus, in superioribus deduximus. Quid vero est materia electrica, nisi idemmet ignis elementaris, aut quoddam de ejus genere fluidum? Id etiam fuit suo loco a nobis deductum. Hæc igitur causa in humano corpore existit, propositis effectibus ex indole sua sufficiens. Quæ opponi possunt, vires spectant, & modum quo subtilissimi illi spiritus per nervos tantummodo, & velocissime agunt, atque animam excitant. Primum in dissertatione de Electricitate, secundum in metaphysica agitur, & explicare adnitimur.

34. Præter hæc duo capita indicata opponi possunt sequentia. I. Nullos in nervis observari continuatos canales, qui ad spirituum animalium fluxum essent necessarii. Hoc argumentum eos solummodo præmit, qui spiritus animales per nervos, tamquam per alveum, & canales aqua, aut cæteri sensibiles liquores fluere existimabant: qui quidem fuerat plurimorum veterum sensus. Respondeo, si quæ de electricitate diximus, in mentem revocas, tota evanescit difficultas. Ad spirituum animalium, materiæ proculdubio subtilissimæ, corporum poros, & insensibiles canaliculos satis esse, res est plane constans. Ampliores ii proculdubio in nervorum medulla, quam in metallis existunt: ii tamen postremi ad fluidi electrici fulgurationem, seu transmissionem, tamquam fulgur, satis sunt.

35. II. Soli nervi ad omnes sensuum functiones, nostrique corporis motus exercendos citra quoscunque animales spiritus sufficiunt: ratione enim continuæ actionis nervorum actiones externorum objectorum ad cerebrum usque transmitti possunt: tensione vero, flexibilitate, atque tenacitate partium affectionibus transmittendis, & membrorum motibus peragendis apti omnino sunt; spiritus igitur animales superflui sunt.

Resp.

Resp. Satis superque ex dictis constat, nervos se solos ad objecta munera obeundum esse plane impares. In iisque idcirco probandis immorari superfluit.

56. III. Opponitur. Inane prorsus est, atque commentitium, quod de spirituum dissipatione dicimus; a nulla fibrarum debilitatione, aut subtilium partium a nostro corpore evaporatione, & dissipatione defatigatio, & lassitudo capitis, cæterorumque membrorum provenit. Resp. Nihil mechanicæ physicæ genio, & legibus in præsentī argumento magis consentaneum, quam spirituum dissipatio, atque inde derivata membrorum defatigatio, lassitudo, capitisque debilitas. Quid enim physicarum causarum indoli, notisque legibus congruentius, quam violento motu, & contentione intimas corporis partes agitari, agitatione incallescere, calore rarefcere, raritate fieri leviores; avolare, dissipari? Id vero in iis potissimum partibus, ac substantia verum erit, quæ & tenuior, & subtilior, & magis volatilis fuerit: quales sunt animales spiritus, de quibus loquimur. Hisce partibus avolantibus, nervos, & musculos, ab iis antea inflatos, tenos, & agitados, languescere, laxari, flaccescere necesse est: hinc nimis ex violento motu, & contentione calor, sudor, defatigatio, debilitas.

57. Spiritus animales a recentioribus aliquot, tamquam purum ignorantiae alylum rejiciuntur: iis enim, inquit, tribuitur quicquid explicari, atque intelligi non potest. Resp. Ut ut veteres aliqui carpi hoc argumento possent, qui mirabiles omnino functiones, munia, officia iis spiritibus tribuebant, quæ materiæ vires superabant, & causarum materialium leges evertabant; nobis tamen immerito opponeretur; qui nihil animalibus spiritibus referimus, quod mechanicum non sit, & causarum viribus observatione quotidiana, & experimento notis non innitatur.

58. Spiritibus animalibus, oppones, transmissio affectionum peragi non potest: moventurne enim per nervorum medullam spiritus? Illi motui perenne impedimentum esset medulla? Aliline in alios sibi proximos modificationem transmittunt? Quomodo tamen id per mediam medullam? Resp. Post rem electricam detectam, & illa, quæ suo loco de ejus materia motu, aut actionis transmissione diximus, neque hæc difficultas proponi, neque in ea solvenda immorari

opora

oportet. Utroque modo rem peragi posse, electrica materia demonstrat.

PROPOSITIO VI.

59. *Sensus organa sunt tantummodo nervi: illæque tantum corporis partes sunt sensu præditæ, seu sensibiles, quæ nervorum ramis sunt complicatæ, & compositæ.*

Communis fuerat ad nostram usque ætatem hominum opinio, quamplurimas animantium, nominatim vero humani corporis partes sensu esse præditas. De omnibus quidem res ab antiquis intelligebatur, cum neque anatomiz, neque physicz colebantur studia. Rudes postmodum observationes, humores, seu fluida ab eo numero exceperunt: solidis omnibus id numeris tributum. Harum etiam aliquibus ab illo numero paulatim, prout physica indies promovebatur, exceptis, de ossibus, periostrio, meningibus, earumque ramis per totum corpus productis, & aliis partibus soliditate similibus antiquum supererat præjudicium. Cultello tandem anatomico diligentissime tractato, & recentiorum aliquot anatomicorum industria, & serupulosis observationibus ad id rei agnoscendum data opera susceptis, primo quidem non leve dubium, diuturna deinde inter omnes fere alicujus nominis medicos disputatio orta.

60. Disputando, ut fieri solet, non parum studio partium, & ex præjudiciis actum: Cum dissidium tandem ad meninges, & periostrium fere reducat, rebus omnibus hinc inde perpensis probabilior apparet asserta a nobis sententia. Et primo quidem de sanguine, cæterisque humani corporis humoribus una omnium sententia est. Nullum in iis sensus vestigium: quocumque tandem modo tractentur. Unde neque animam ejusmodi partibus inesse, neque ab illa vivificari, antiquis etiam ratum fuit. Ossibus præterea, adipi, glandulis nemo jam tribuit sensum. Omnes earum partes quocumque velis modo, seorsim a nervis agententur, macerentur, torqueantur, aut secantur, nullum edunt sensum. Sunt illæ omnes inertes quædam massæ organicæ ad peculiaria in viventibus obeunda munia destinatæ, quæ citra omnem sensum peraguntur. Præter alia munera, omnium membrorum com-

pagi sustinendæ fulcro sunt ossa, humorum percolationi glandulæ intersunt: mechanicæ proculdubio functiones absque omni sensu peractæ.

61. De hisce quidem conveniunt jam omnes. Res fere tota circa ossium periossia, pericranium, meninges, & similia vertitur. Si hæc etiam sensu destitui probetur: res erit confecta. Experimentis vero habemus r. nervorum papillas, dum epidermide sunt contextæ, non nisi languidum habere sensum; etsi fortiter premantur & torqueantur: si ab epidermide denudentur, medullaque nervorum detegatur; ad levissimum quemcumque tactum intolerabilis sentitur dolor: 2. Eo languidior est partium sensus; quo magis callosa est epidermis, nervorumque membranz; aut ipsi etiam profundius intra carnem sepulti: contra verò ubi delicatior est epidermis, teneriora, & molliora involutra, & propius ad externam cutem nervi; acutior semper est sensus: 3. Pro numero præterea, atque multiplicitate nervorum confluentium, magis; minusve sensibiles sunt humani corporis partes: pari aliunde ramorum teneritudine existente. 4. Rem conficere videtur experimentum a *Boerhaave* observatum; & a nobis jam alibi citatum. Dum solæ canis meninges; sublato cranio jam detectæ, tractabantur; nulum doloris edebat signum: miserum ejulabat; si cerebrum aliqua in parte nudaretur, & vel levissime tangeretur (a). Sunt vero nervorum medullæ productiones; & continuati rami substantiæ cerebri: utriusque vero meningis duplex eorundem nervorum membrana. Eadem harum partium ubique natura; & conditio. 5. Eo jam experiendo devenitum est; ut non modo ossa periossia antea nudata secarentur; sed ipsummet periossium, ubi nervis erat destitutum; rumpere-tur; & inaceraretur: utrumque verò citra omne sensus indicium. Numerosa ejus rei experimenta videri possunt apud *Haller*; & alios idem postea argumentum fide prosecutos.

62. Si quis mihi opponat; acutum semper dolorem ab unoquoque nostrum sentiri; in quacumque fere

(a) *Boerhaave prælectiones* n. 481.

humani corporis parte infligatur vulnus: acutissimumque dolere fracta, aut etiam luxata ossa: musculorum; carnique sectionem ferri vix posse; corde vel leviter icto, mori illico animal: ad meningis macerationem; aut sectionem; ejulasse etiam aliquando canes, & animalia alia ad experimentum ea de re insligendum adducta: si quis, inquam, hæc; aut similia alia opponat, quibus opposita veterum opinio innitebatur; facili negotio ab hisce te expedies. Vix fieri potest; ut in corpore humano infligatur vulnus, quin numerosi nervorum rami secentur, aut alia ratione torqueantur. Quid enim cutis, nisi mirabile quoddam organicum rete, ex subtilissimis ejulmodi ramis, papillis interspersis intertextum? Infra id vero rete angustissimis tantum interstitiis apertum, infinita fere hac illac per membra omnia serpunt nervorum propages, ampliores, subtilissime trunci in numerosam ramorum sobolem luxuriantes. Quid igitur mirum, si ex communibus vulneribus consequatur semper dolor? Partes nervis destitutas, aut ab iis arte separatas cultello docte rumpas: si vulneratum animal doleat, quod numquam accidit; causam vicisti: sin minus; vulgaria omnia experimenta adduci amplius in argumentum non debent.

63. Dolor ex con fractis ossibus ortus, argumento olim fuerat, ut ossibus ipsis sensus esse existimaretur. Re examinata, perinde id de ossibus, atque de periosio probat: hoc est, de neutro. Nervorum productionibus periosia etiam constant; in caput igitur semper redimus: ab earum partium dolore, argumentum petitur, quibus insunt nervi. Quodsi muscoli, caroque sine dolore numquam cæditur; pura id est, atque necessaria ex modo dictis consequentia. Nervos, aut eorum productiones partibus in argumento allatis passim disseminatos non inficiatur vel anatomie tyro. Id vero ad difficultatem tollendam satis. Quod de cordis vulnere, tristicique vulneris consequentia quarto loco opponitur, æque est & verum, & ad rem præsentem inutile. Cor humanum, totius vitalium motuum systematis principium, a mirabilis hujusce machinæ auctore statutum est; idque munus ex intima ejus fibrarum indole, textura, & organica dispositione exercet, juxta doctrinam in superiori volumine luculenter disputatam. Vulne-

re in cor inflicto, primi hujusce mobilis, naturalium omnium corporis actionum, præcipue tantorum motuum elateris, rumpuntur fibra, & vasa; eorum ordo turbatur, totius machinæ fundamentum, & princeps veluti rota ab actione sistit. Communis hæc est compolitæ cujuscumque machinæ a dato principio ad motum actæ conditio. Cum vero humanum vivere, cogitare, agere, quamdiu vitam præsentem vivimus, ex suprema auctoris voluntate a vitalibus iis motibus omnino pendeant; mechanico principio viciato, mori illico opus est. Mors igitur ex inflicto illo vulnere repentina non dolentis, aut sentientis cordis, sed corrupti, & vitiati argumentum est.

64. Ad meningis utriusque sectionem ejulasse aliquando animantia, non inficior: eum tamen dolorem non sectis meningibus, sed ruptis nervorum productionibus per membranas illas serpentibus tribuendum, plane demonstrant citata superius experimenta.

L E C T I O III.

De sensu interno, seu communi, ejusque functionibus, Phantasia, Imaginatione, Memoria, somno, vigilia, & insomniis.

65. **Q**UÆ modo de interiori sensus natura, munitis, functionibus explicanda sunt, maxime involvuntur tenebris, vixque ulla nobis spes; affulget recondita adeo physiologiæ arcana, quæ metaphysicam etiam spectant, in claram lucem extrahendi. Si antiquos Philosophos de hoc argumento disputantes consulamus; nil nisi nomina, sensu forsitan vacua, aut rem saltem non explicitantia dabunt. Novimus enim vero ex modernis Anatomicis, quæ sint præcipuæ, & magis notabiles cerebri, aut cerebelli partes: duplicem meningem, utramque cerebri substantiam, corticalem, & callosam habemus exploratam. Mille venarum, arteriarum, sinuum, ventriculorum, glandularum labyrinthos detegimus, perspicimus, examinamus: hisce tamen omnibus perspectis, quid est memoria, quærimus; quid imaginatio, quid phantasmata? hæret nobis aqua: verba proferimus: rem longis circumlocutionibus aggredimur, involvimus, tradimus: sed & nosmetipsos non capimus,

nas, & nobis tamen, quasi rem teneremus, aliisque nolentes, & inviti imponimus: Utcumque res sit; primum ego, quid nominibus titulo hujus lectionis adductis, significemus, definiam; deinceps vero definitos sensus internos reapse existere, unam tamen omnes eandemque esse facultatem, seu animam probabo: tandem quid physice sint huiusmodi sensus, quoque pacto, ratione, & physicis legibus perficiantur, quantum reconditissimi argumenti obscuritas patitur, & ego ipse intelligo, in medium adducam.

D E F I N I T I O N E S.

66. *Sensus internus est, qui, etiam externis sensibus feriantibus agit, aut elicitur*: Qui propterea eandem, & organum habet, & functiones suas exercet in interiori aliqua animati corporis parte. Si quem ergo sensum habeamus, cujus functiones, & organum sint tantummodo in cerebro, ille procul dubio erit *sensus internus*.

67. *Sensus communis ille erit, quo aliorum sensuum objecta percipit, sensit, & sibi repræsentat anima*. Communis dicitur ratione plurium objectorum, quæ illo percipiuntur, & organi quo plurium etiam sensuum functiones exercentur. Si quis igitur in nobis sit internus sensus, quo externorum sensuum objecta percipiamus; is proculdubio erit *sensus internus communis*. Hunc sensum in nobis existere, statim demonstrabimus.

68. *Imaginatio est illa animæ facultas, aut sensus, quo, feriantibus externis sensibus, aut citra præsens eorum exercitium, rerum sensu aliquo olim perceptarum ideas nobis exhibemus; repræsentamus, conjungimus, dividimus, comparamus*. Imaginatio dicitur alio nomine *Phantasia*: utraque autem exercetur circa affectiones, & repræsentationes aliis sensibus habitas: quarum vestigia remanent, iisque excitatur iterum anima. Huiusmodi vestigia, quodcumque rei illa tandem sint, sunt *phantasmata*.

69. *Phantasmata sunt illæ cerebri affectiones, modificationes, signa, atque sensibilibus rerum sensibiles imagines, & confusa, aut clara idola, quibus ad eandem objecta sibi iterum repræsentandum anima exci-*

tatur. Uno verbo, Phantasmata definiri, nuncupari-
que possunt, *sensibilium idearum vestigium*.

70. Quid nominis sint *Memoria*, *Somnus*, *Vigilia*, *Insomnia*, notissimum omnibus est: quid vero rei hi-
sce, & aliis modo definitis nominibus significemus,
deinde explicare conabimur. Plurima in præsentī ar-
gumento a Philosophis, atque Anatomicis quærentur:
quid scilicet sint sensus communis, imaginatio, me-
moria? Quodnam sit peculiare horum actuum, seu
functionum animæ organum: quænam deinde mem-
oriæ, imaginationis, phantasmatum, somni, vigiliæ,
insomniorum causæ, origo: atque ejusdem farinæ alia
quamplurima, quæ reconditissima sunt.

71. Inutile autem esset quærare, aut longa oratio-
ne disputare, utrum aliquis in nobis sit sensus *Inter-
nus communis*, imaginatio, phantasmata &c. Meri-
diana luce clariora ista sunt, nostraque omnium con-
scientia rem prorsus demonstrat. Vim præterea illam,
seu facultates animæ, quarum actus sunt recordari,
objecta imaginari, & alii similes, ipsammet animam
existere: quæ aliis & aliis organis, objectis, & mo-
do excitata diversos eliciat actus, iis facultatibus re-
spondentes, & nominibus significatos, metaphysicæ ar-
gumentum est, eaque in scientia conficimus. Huma-
nus animus una in nobis est substantia, quæ cogitet,
ratiocinetur, velit, nolit, recordetur, sentiat. Lon-
ge hæc a materiæ indole, ab inertī corpore obsunt.
Illa omnia per se ipsum agit spiritus: id ipsum est,
esse animam. Nisi in anima, ne concipi quidem illæ
facultates possunt. Quid enim vero relatæ facultates
citra animam? quid etiam anima ab iis facultatibus
distincta, & consequenter separabilis? Estne alia in
homine, quæ cogitet, alia quæ velit, amet, odio ha-
beat anima? Si mirabili tot actuum varietati una per
se ipsam satis est anima; si illos omnes per se ipsam
elicit, una omnium est facultas; quare imaginatio-
nem, phantasiam, memoriam ab anima distinguere?
sed his in metaphysicam omissis, quod physicum est,
prosequamur.

PROPOSITIO VII.

72. Omne discrimen, quod inter Memoriam, Imaginationem, sensum communem intercedit, aut intercedere existimatur; ad diversas solummodo & proprias ejusdem animæ functiones, munia, & perceptiones spectat; atque ab organorum, objectorum, & modificationum diversitate derivatur.

Primo enim ex modo indicatis, & alibi luculenter discussis constat, omnes illas facultates esse unam, eandemque animam, nullamque inter illas distinctionem exillere. Alia tamen ex parte negari non potest, diversum quidem esse objecta præsentia sentire, sensibilem rei absæntis imaginem mente repræsentare, de rebus antea notis recordari: hæc igitur sunt multiplices, atque diversæ ejusdem animæ functiones, atque perceptiones circa sensibilia objecta habitæ: earumque diversitas non quidem ab anima, sed ab æstis fontibus derivatur.

73. 2. Res plane constabit, si modum, quo anima circa objecta externa versatur; atque illa percipit, animadvertamus. Animæ nostræ objecta externa ope impressionis ab ipsis objectis in externorum sensuum organis factæ; atque inde mediis nervis; & spiritibus animalibus ad animæ ipsius sedem transmissæ, objecta ipsa visa, audita, tacta, olfacta, & degustata sentit: eosque animæ sensus, seu perceptiones *auditum*, *visionem* &c. nuncupamus. Hæc animæ perceptio, atque sensus modo est obscurus, modo clarior, & vividior: objectum aliquando, ut illud in se est, repræsentat; illius sæpe, exhibet dissimilem admodum mentalem imaginem. Rursus eadem anima succussis veluti, & excitatis prioribus illis objectorum olim præsentium modificationibus, seu affectionum vestigiis, eorundem; modo absæntium, imagines concipit; objecta ipsa sibi repræsentat; sentit, percipit, & veluti in imagine, objectis suis simili, videt.

74. 3. Denique objectorum; rerum, & idearum vestigia sensus communis; seu interni organis alte imprimunt; impressa retinet: ut postea, cum libuerit, aut opus fuerit, recondita illa imaginum promptuaria re-visens; nota olim objecta iterum percipiat.

75. Omnia hæc munia, atque functiones, quæ sunt
Mant. Phil. Tom. VIII. C pro-

proculdubio diversæ, una eademque individua peragit anima. Horum primum est, & dicitur *sensus communis*: secundum *imaginatio*, tertium *memoria*: hisce igitur nominibus non diversas facultates inter se, aut ab anima distinctas significamus; sed animam ipsam intelligimus, quæ circa objecta multiplices perceptiones, actus, & functiones exercet.

76. Aliquam distinctionem intercedere inter communem sensum, imaginationem, & memoriam, seu inter illas animæ functiones, quas prædictis nominibus nuncupamus, res est satis manifesta. Licet enim memoria, & imaginatio ad sensum communem spectent; neque tamen omnis sensus communis est imaginatio, aut memoria: neque posrema hæc duo inter se confundi possunt. Sentu communi, qui ad omnium externorum sensuum objecta extenditur, eorumque omnium actiones percipit, plurima attingimus, quorum perceptio, neque est memoria, neque imaginatio, ut quisque nostrum facile in se ipso experiri potest. Prima equidem alicujus objecti perceptio per internum *communem sensum* habita, non est memoria: cum hæc sit præteriti sensus, seu perceptionis conservatum vestigium: sæpissime etiam non est imaginatio; cum scilicet, (quod frequenter accidit) neque objectum, ut in se ipso existit, repræsentat, neque mentalis quædam est sui met objecti apparens, & sensibilis pictura.

Cum dico, memoriam ad communem sensum spectare; objectorum sensibilibus memoriam intelligo: illa enim, qua insensibilium rerum in externos sensus non incurrentium, recordamur, ad intellectionem, non ad communem materiale sensum spectat.

PROPOSITIO VIII.

77. *Sensus communis, Imaginationis, & Memoria sedes, seu propria organa sunt in cerebro.*

In hac propositione de homine tantum, atque animalibus perfectis loquimur. Plures enim sunt insectorum, & vermium species, de quibus, attenta eorum structura, aliter est statuendum. De iis, quæ ad rem faciunt, jam superius retulimus, & aliqua postmodum addentur. Constat primo propositio ex communi quædam omnium hominum idea, atque universali experien-

rientia, seu potius nostrimet conscientia, qua prædictarum facultatum, seu functionum sedes intra caput existere existimemus, eoque in loco indigitamus. 2. Memoria, imaginatione, sensu communi objecta omnium externorum sensuum percipimus, attingimus, sentimus, ut omnibus est compertum: illas igitur animæ functiones in externorum sensuum, seu modificationum veluti centro, eaque in parte elici opus est, in quam cæterorum sensuum organa confluant, actionesque communicentur, atque transmitti possint, ut communis sensus existant. Ex descriptis autem externorum sensuum organis, nervorum systemate, origine, trunco, & radice evidens est, unum esse cerebrum, quod omnium affectionum, seu excitationum sensuum possit esse commune confluens: cum in illo omnes nervi, sensuumque externorum organa desinant, & veluti in communem radicem uniantur. 3. Tandem cerebro laborante, aut male affecto, licet aliæ omnes corporis partes bene se habeant, sensus communis, memoria, imaginatio infirmantur, debilitantur, pereunt: contra vero, dum sanum est caput, nullaque in illo facta est immutatio, læsio, aut vulnus; nihil in prædictis sensibus detrimenti communiter patimur, aut experimur.

78. Et hinc facile intelligimus, qua ratione animæ in recondita corporis, & capitis parte existens, omnium externorum sensuum objecta attingere, & sentire possit, eorum impressiones animadvertere, & percipere: iisque positis, & ad cerebrum transmissis, media insuper lege commercii, inter animam, & corpus intercedente, externa ipsa corpora sentire, percipere, agnoscere. Quoniam vero anima corpora non potest cognoscere, nisi corpora ipsa aliquo tandem modo in illam agant; necessario corporum actiones in sensuum externorum organis exceptæ ad cerebrum transmitti debent, ut objectorum vice animam ad sensum de his eliciendum excitent. Hujusmodi autem actiones aliud esse non possunt, nisi motus, aut modificationes per nervos, & spiritus animales ad cerebrum translatae, & propagatae.

si spiritus potissima sensuum animæ, & motuum corporis instrumenta: an id potius nervis tantummodo est tribuendum? Habes rei summam; quid ego tenendum existimem, paucis accipe.

PROPOSITIO V.

48. *Existunt proculdubio spiritus animales modo descripti, itque nervis molliem, tenacitatem, tensionem, & flexibilitatem conciliant: sensuum, & motuum functionibus inserviunt.*

Propositionem demonstrat ipsamet humani corporis structura, partium ratio, & functiones. Multiplices enim vero in glandulis fieri sanguinis percolationes, atque percolationum beneficio puriores sanguinis partes secerni, atque a natura ipsa ad diversa munia separari, & reservari, res est prorsus indubia. Huiusmodi percolationes in cerebro etiam fieri; insignis glandularum illic existentium numerus, atque descripta superius cerebri conformatio evincit. Rursus subtilissimam illam fluidam substantiam nervos ingredi, humectare, irrigare, & per illos fluere, inscisciari omnino non poterit, qui nervorum structuram, radices, truncum, medullam, animadverterit. 2. Nisi humore semper irrigentur, nutriantur, & imbibantur; amplius non erunt flexibiles; & quodammodo arescent: his autem arescentibus, aut rigentibus, sensum, & motum his in membris amittimus, quæ his nervis reguntur. 3. Obstruuntur sæpe etiam nervi: obstrui autem non possent, nisi per illos subtile aliquod liquidum fluere. 4. Instantur aliquando, tenduntur, tumescunt nervi, quandoque vero flaccescunt: primum autem a copiosiori subtili fluido sese per nervos insinuante: secundum ab ejusdem fluidi dissipatione; & defectu provenire opus est. 5. Violento motu, & labore sudamus, atque defatigamur: defatigari autem aliud non est, quam vires amittere, hoc est, nervos, & musculos, omnium animantium motuum instrumenta, laxari, & flaccescere: sudore, transpiratione, defatigatione volatiles humorum nostrorum particulas solum amittimus: quæ agitatione ipsa aliæ in alias actæ, aliæ ab aliis magis solutæ, & subtiliores inde factæ, ab interno elementari igne rarefactæ, & per poros calore apertos a corpore nostro erumpunt in aerem.

Cum

Cum igitur eam unam hac ratione amittamus substantiam; aliaque ex parte vegeti antea nervi, vel una illa evaporante fluida substantia flaccescant, qua antea madefcebant; huiusmodi subtili fluido, hoc est, spiritibus animalibus nervos irrigari concludendum est.

49. Sed ab ipsismet animantium motibus, & sensuum functionibus, quæ duo potissima sunt nervorum, & spirituum munera, omnes propositionis partes evincuntur. Solam nervorum substantiam sensuum organum existere per eos etiam omnes animantium motus peragi, duo sunt apud omnes certa. Primum inferius, secundum in priori huius physiologiæ parte est demonstratum. Si igitur nervi, se solis, ad duo illa generalia capita, totam animantium rationem, & actiones comprehendentia, non sufficiant: ea vero omnia spirituum indoli sint conformia; tunc vero nullum amplius de illis esse potest dubium. Id vero primum constat, modificationem ab externo objecto in manu v. g., pede, oculo factam momento temporis ad cerebrum, ad animam transmitti, & pervenire. Vicissim etiam quoscunque motus pede, manu agendos mente decernamus, nulla temporis mora ab iis partibus peragi. Ad huiusmodi momentariam transmissionem satis non est continuata nervorum extensio. Sunt scilicet ii corpus ad cerebrum usque continuum: parum tamen, aut nihil elasticum. Angulis sæpe factis, inflectuntur: in digitorum articularis, cubito, humeris, collo, ubi in medullam spinæ, aut cerebro inseruntur, & alibi etiam incurvantur, flectuntur, directiones mutant. In tot angulorum multiplicitate modificationis transmissionem hebetari, retundi, perire, necesse videtur. Rei difficultatem tollere utcumque posset perfecta continuatorum corporum elasticitas: hæc vero, neque in nervorum membranis videtur, neque in molli eorum medulla.

50. Est enim vero tempus, quo animantium quorumcumque nervi sunt adeo molles, ut albumen ovi non superent. Is sane est aliquorum viventium, verum potissimum per totam eorum vitam status, & conditio: Mollissimis, & fere fluidis, semper existentibus organicis eorum corporibus. Is secundo est animantium omnium, hominis etiam, status in germinibus: cum animantium corpora perfecte quidem constructa fere sunt fluida, & pellucida, & in ovis iam

nutriuntur, & crescunt, cum ante, tum etiam post fecundationem. Rem demonstrant pulli gallinacei observationes ab *Haller* diligentissime prosecutæ. Pulli germen perfecte constructum, & ante incubationem nutritur, & crescit, & paucis ab incepta incubatione diebus transactis, discerni incipit; omnesque machinula illa exercet motus ad nutritionem, & augmentum necessarios. Est tamen adhuc corpus molliissimum, ut ipsum ovi albumen. Rei veritate posita, de qua nullus jam dubitat physicarum rerum eruditus, in ipsensibili illa animantis machinula jam tum moventur cor, pulmones, sanguis, arteriæ: fluidos fere nervos esse ad id rei satis, dici posse non videtur.

51. Duo in nervis sunt maxime spectanda, membranae, & medulla: primæ, piæ, & duræ matris productiones omni sensu sunt destitutæ; secunda, omnium sensuum sedes, substantia perquam mollis, affectionum transmissioni est prius impar. Per neutram igitur nervorum partem sensus functiones peragi possunt: aliudque idcirco per medios nervos prædictas functiones agit, omnium animantium proprias. Quodcumque id sit, debet proculdubio esse substantia adeo subtilis, fluida, & elastica, ut per nervorum medullam, impeditam molli substantia viam, facillime, & velocissime transluat, aut per illam actio transmittatur. Illa sane medulla sensibili cuicumque fluido impedimentum esset insuperabile: materiæ vero electricæ aptissimus est, & proprius in animantium corpore conductor. Rem demonstrant experimenta, & phænomena electrica in loco a nobis tradita.

52. In experimento Lugduno-batavico, & aliis passim fulmen illud electricum, & percussio per nervos in oculi ictu, tamquam fulgur, transmittitur ab uno ad aliud extremum. Hæc una est fluida, & subtilissima substantia hucusque nota, cujus transmissioni densissima, & durissima corporum massa impedimento non est: & quæ in animantium nervos præ omnibus aliis corporibus agit. Citatis experimentis hæc omnia constant. Substantia igitur est in natura, cujus indole modificationum momentaria transmissio, prævia, & necessaria ad animantium motus, & sensus excitatio, peragatur. Ex quibus omnibus duo deducimus, rei totius summam: fluidissimam, & subtilissimam in animantibus esse substantiam, per eorum nervos ve-

locissime agentem, spiritus animales nuncupatam. Hanc vero substantiam quemdam esse ignem electricum, eum saltem secum deferre, aut illo semper excitari. Primum est asserta propositio; videturque plane certum. Secundum ad rei modum spectat, & analogiæ argumento innuitur.

53. Ignem enimverò elementarem in animantium corporibus semper esse, explicari, agere: in eumque, tamquam in totius rei fundamentum, perennes omnes in animantibus resolvi motus, in superioribus deduximus. Quid vero est materia electrica, nisi idemet ignis elementaris, aut quoddam de ejus genere fluidum? Id etiam fuit suo loco a nobis deductum. Hæc igitur causa in humano corpore exillit, propositis effectibus ex indole sua sufficiens. Quæ opponi possunt, vires spectant, & modum quo subtilissimi illi spiritus per nervos tantummodo, & velocissime agunt, atque animam excitant. Primum in dissertatione de Electricitate, secundum in metaphysica agitur, & explicare adnitimur.

54. Præter hæc duo capita indicata opponi possunt sequentia. I. Nullos in nervis observari continuatos canales, qui ad spirituum animalium fluxum essent necessarii. Hoc argumentum eos solummodo præmit, qui spiritus animales per nervos, tamquam per alveum, & canales aqua, aut cæteri sensibiles liquores fluere existimabant: qui quidem fuerat plurimorum veterum sensus. Respondeo, si quæ de electricitate diximus, in mentem revocas, tota evanescit difficultas. Ad spirituum animalium, materiæ proculdubio subtilissimæ, corporum poros, & insensibiles canaliculos satis esse, res est plane constans. Ampliores ii proculdubio in nervorum medulla, quam in metallis existunt: ii tamen postremi ad fluidi electrici fulgurationem, seu transmissionem, tamquam fulgur, satis sunt.

55. II. Soli nervi ad omnes sensuum functiones, nostrique corporis motus exercendos citra quoscumque animales spiritus sufficiunt: ratione enim continuitatis nervorum actiones externorum objectorum ad cerebrum usque transmitti possunt: tensione vero, flexibilitate, atque tenacitate partium affectionibus transmittendis, & membrorum motibus peragendis apti omnino sunt; spiritus igitur animales superflui sunt.

Resp.

Resp. Satis superque ex dictis constat, nervos se solos ad objecta munera obeundum esse plane impares. In iisque idcirco probandis immorari superfluit.

56. III. Opponitur. Inane prorsus est, atque commentitium, quod de spirituum dissipatione dicimus; a nulla fibrarum debilitatione, aut subtilium partium a nostro corpore evaporatione, & dissipatione defatigatio, & lassitudo capitis, cæterorumque membrorum provenit. Resp. Nihil mechanicæ physicæ genio, & legibus in præsentī argumento magis consentaneum, quam spirituum dissipatio, atque inde derivata membrorum defatigatio, lassitudo, capitisque debilitas. Quid enim physicarum causarum indoli, notisque legibus congruentius, quam violento motu, & contentione intimas corporis partes agitari, agitatione incallescere, calore rarefcere, raritate fieri leviores; avolare, dissipari? Id vero in iis potissimum partibus, ac substantia verum erit, quæ & tenuior, & subtilior, & magis volatilis fuerit: quales sunt animales spiritus, de quibus loquimur. Hisce partibus avolantibus, nervos, & musculos, ab iis antea inflatos, tenos, & agitados, languescere, laxari, flaccescere necesse est: hinc nimis ex violento motu, & contentione calor, sudor, defatigatio, debilitas.

57. Spiritus animales a recentioribus aliquot, tamquam purum ignorantiae asylum reliciuntur: iis enim, inquit, tribuitur quicquid explicari, atque intelligi non potest. Resp. Ut ne veteres aliqui carpi hoc argumento possent, qui mirabiles omnino functiones, munia, officia iis spiritibus tribuebant, quæ materiæ vires superabant, & causarum materialium leges evertabant; nobis tamen immerito opponeretur; qui nihil animalibus spiritibus referimus, quod mechanicum non sit, & causarum viribus observatione quotidiana, & experimento notis non inaitatur.

58. Spiritibus animalibus, oppones, transmissio affectionum peragi non potest: moventurne enim per nervorum medullam spiritus? Illi motui perenne impedimentum esset medulla? Aliine in alios sibi proximos modificationem transmittunt? Quomodo tamen id per mediam medullam? Resp. Post rem electricam detectam, & illa, quæ suo loco de ejus materia motu, aut actionis transmissione diximus, neque hæc difficultas proponi, neque in ea solvenda immorari

opor-

oportet. Utroque modo rem peragi posse, electrica materia demonstrat.

PROPOSITIO VI.

39. *Sensus organa sunt tantummodo nervi: illæque tantum corporis partes sunt sensu præditæ, seu sensibiles, quæ nervorum ramis sunt complicatæ, & compositæ.*

Communis fuerat ad nostram usque ætatem hominum opinio; quamplurimas animantium, nominatim vero humani corporis partes sensu esse præditas. De omnibus quidem res ab antiquis intelligebatur, cum neque anatomiz, neque physicz colebantur studia. Rudes postmodum observationes, humores, seu fluida ab eo numero exceperunt: solidis omnibus id numeris tributum. Harum etiam aliquibus ab illo numero paulatim, prout physica indies promovebatur, exceptis, de ossibus, periostrio, meningibus, earumque ramis per totum corpus productis, & aliis partibus soliditate similibus antiquum supererat præjudicium. Cultello tandem anatomico diligentissime tractato, & recentiorum aliquot anatomicorum industria, & scrupulosis observationibus ad id rei agnoscendum data opera susceptis, primo quidem non leve dubium, diuturna deinde inter omnes fere alicujus nominis medicos disputatio orta.

60. Disputando, ut fieri solet, non parum studio partium, & ex præjudiciis actum: Cum dissidium tandem ad meninges, & periostrium fere reducatur, rebus omnibus hinc inde perpensis probabilior apparet asserta a nobis sententia. Et primo quidem de sanguine, cæterisque humani corporis humoribus una omnium sententia est. Nullum in iis sensus vestigium: quocumque tandem modo tractentur. Unde neque animam ejusmodi partibus inesse, neque ab illa vivificari, antiquis etiam ratum fuit. Ossibus præterea, adipi, glandulis nemo jam tribuit sensum. Omnes eæ partes quocumque velis modo, seorsim a nervis agitentur, macerentur, torqueantur, aut secantur, nullum edunt sensum. Sunt illæ omnes inertes quædam massæ organicæ ad peculiaria in viventibus obeunda munia destinatæ, quæ citra omnem sensum peraguntur. Præter alia munera; omnium membrorum com-

pagi sustinendæ: fulcro sunt ossa, humorum percolationi glandulæ intervniunt: mechanicæ proculdubio functiones absque omni sensu peractæ.

61. De hisce quidem conveniunt jam omnes: Res fere tota circa ossium periossia; pericranium; meninges, & similia vertitur: Si hæc etiam sensu destitui probetur: res erit confecta: Experimentis vero habemus r. nervorum papillas, dum epidermide sunt detectæ, non nisi languidum habere sensum; etsi fortiter premantur & torqueantur: si ab epidermide denudentur, medullæque nervorum detegatur; ad levissimum quemcumque tactum intolerabilis sentitur dolor: 2. Eo languidior est partium sensus; quo magis callosa est epidermis, nervorumque membranz; aut ipsi etiam profundius intra carnem sepulti: contra vero ubi delicatior est epidermis, teneriora, & molliora involutra, & propius ad externam cutem nervi; acutior semper est sensus: 3. Pro numero præterea, atque multiplicitate nervorum confluentium, magis; minusve sensibiles sunt humani corporis partes: pari aliumde ramorum teneritudine existente. 4. Rem confectæ re videtur experimentum a *Boerhaavia* observatum; & a nobis jam alibi citatum: Dum solæ canis meninges; sublato cranio jam detectæ, tractabantur; nulum doloris edebat signum: miserum ejulabat; si cerebrum aliqua in parte nudaretur, & vel levissime tangeretur (a). Sunt vero nervorum medullæ productiones, & continuati rami substantiæ cerebri: utriusque veto meningis duplex eorundem nervorum membrana. Eadem harum partium ubique natura; & conditio. 5. Eo jam experiendo devéntum est; ut non modo ossa periossia antea nudata secarentur; sed ipsummet periossium; ubi nervis erat destitutum; rumpere-tur; & maceraretur: utrumque vero citra omne sensus indicium: Numerosa ejus rei experimenta videri possunt apud *Haller*; & alios idem postea argumentum fule prosecutos.

62. Si quis mihi opponat; acutum semper dolorem ab unoquoque nostrum sentiri; in quacumque fere hu-

(a) *Boerhaave prælectiones* n. 481.

humani corporis parte infligatur vulnus: acutissimum dolere fracta, aut etiam luxata ossa: musculorum; carnisque sectionem ferri vix posse: corde vel leviter icto, mori illico animal: ad meningis macerationem; aut sectionem, ejulasse etiam aliquando canes, & aniamantia alia ad experimentum ea de re instituendum adducta: si quis, inquam, hæc; aut similia alia opponat, quibus opposita veterum opinio innitebatur; facili negotio ab hisce te expedies. Vix fieri potest; ut in corpore humano infligatur vulnus, quin numerosi nervorum rami secentur, aut alia ratione torqueantur. Quid enim cutis, nisi mirabile quoddam organicum rete, ex subtilissimis ejusmodi ramis, papillis interspersis intertextum? Infra id vero rete angustissimis tantum interstitiis apertum, infinita fere hæc illac per membra omnia serpunt nervorum propages, ampliores, subtilese trunci in numerosam ramorum sobolem luxuriantes. Quid igitur mirum, si ex communibus vulneribus consequatur semper dolor? Partes nervis destitutas, aut ab iis arte separatas cultello docte rumpas: si vulneratum animal doleat, quod numquam accidit; causam vicisti: sin minus; vulgaria omnia experimenta adduci amplius in argumentum non debent.

63. Dolor ex contractis ossibus ortus, argumento olim fuerat, ut ossibus ipsis sensus esse existimaretur. Re examinata, perinde id de ossibus, atque de periossio probat: hoc est, de neutro. Nervorum productionibus periossia etiam constant; in caput igitur semper redimus: ab earum partium dolore, argumentum petitur, quibus insunt nervi. Quodsi muscoli, caroque sine dolore numquam cæditur; pura id est, atque necessaria ex modo dictis consequentia. Nervos, aut eorum productiones partibus in argumento allatis passim disseminatos non inficiatur vel anatomie tyro. Id vero ad difficultatem tollendam satis. Quod de cordis vulnere, tristique vulneris consequentia quarto loco opponitur, æque est & verum, & ad rem præsentem inutile. Cor humanum, totius vitalium motuum systematis principium, a mirabilis hujusce machinæ auctore statutum est: idque munus ex intima ejus fibrarum indole, textura, & organica dispositione exercet, juxta doctrinam in superiori volumine luculenter disputatam. Vulne-

re in cor inflitō , primi hujusce mobilis , naturalium omnium corporis actionum , præcipuique tantorum motuum elateris , rumpuntur fibra , & vasa ; eorum ordo turbatur , totius machinæ fundamentum , & princeps veluti rota ab actione sistit . Communis hæc est compositæ cujuscunque machinæ a dato principio ad motum actæ conditio . Cum vero humanum vivere , cogitare , agere , quamdiu vitam præsentem vivimus , ex suprema auctoris voluntate a vitalibus iis motibus omnino pendeant ; mechanico principio viciato , mori illico opus est . Mors igitur ex inflitō illo vulnere repentina non dolentis , aut sentientis cordis , sed corrupti , & vitiati argumentum est .

64. Ad meningis utriusque sectionem ejulasse aliquando animantia , non inhiçior : eum tamen dolorem non sectis meningibus , sed ruptis nervorum productionibus per membranas illas serpentibus tribuendum , plane demonstrant citata superius experimenta .

L E C T I O III.

De sensu interno , seu communi , ejusque functionibus , Phantasia , Imaginatione , Memoria , somno , vigilia , & insomniis .

65. **Q**UÆ modo de interiori sensus natura , munis , functionibus explicanda sunt , maxime involvuntur tenebris , vixque ulla nobis spes ; affulget recondita adeo physiologiæ arcana , quæ metaphysicam etiam spectant , in claram lucem extrahendi . Si antiquos Philosophos de hoc argumento disputantes consulamus ; nil nisi nomina , sensu forsitan vacua , aut rem saltem non explicantia dabunt . Novimus enim vero ex modernis Anatomicis , quæ sint præcipuæ , & magis notabiles cerebri , aut cerebelli partes : duplicem meningem , utramque cerebri substantiam , corticalem , & callosam habemus exploratam . Mille venarum , arteriarum , sinuum , ventriculorum , glandularum labyrinthos detegimus , perspicimus , examinamus : hisce tamen omnibus perspectis , quid est memoria , quærimus ; quid imaginatio , quid phantasmata ? hæret nobis aqua : verba proferimus : rem longis circumlocutionibus aggredimur , involvimus , tradimus : sed & nosmetipsos non capimus ,

natis, & nobis tamen, quasi rem teneremus, aliisque nolentes, & inviti imponimus: Utcumque res sit; primum ego, quid nominibus titulo hujus lectionis adductis, significemus, definiam; deinceps vero definitos sensus internos seipsos existere, unam tamen omnes eandemque esse facultatem, seu animam probabo: tandem quid physice sint huiusmodi sensus, quove pacto, ratione, & physicis legibus perficiantur, quantum reconditissimi argumenti obscuritas patitur, & ego ipse intelligo, in medium adducam.

DEFINITIONES.

66. *Sensus internus est, qui, etiam externis sensibus feriantibus agit, aut elicitur*: Qui propterea ledem, & organum habet, & functiones suas exercet in interiori aliqua animati corporis parte. Si quem ergo sensum habeamus, cujus functiones, & organum sint tantummodo in cerebro, ille procul dubio erit *sensus internus*.

67. *Sensus communis ille erit, quo aliorum sensuum objecta percipit, sensit, & sibi repræsentat anima*. Communis dicitur ratione plurium objectorum, quæ illo percipiuntur, & organi quo plurium etiam sensuum functiones exercentur. Si quis igitur in nobis sit internus sensus, quo externorum sensuum objecta percipiamus; is proculdubio erit *sensus internus communis*. Hunc sensum in nobis existere, statim demonstrabimus.

68. *Imaginatio est illa animæ facultas, aut sensus, quo, feriantibus externis sensibus, aut citra præsens eorum exercitium, rerum sensu aliquo olim perceptarum ideas nobis exhibemus; repræsentamus, conjungimus, dividimus, comparamus*. Imaginatio dicitur alio nomine *Phantasia*: utraque autem exercetur circa affectiones, & repræsentationes aliis sensibus habitas: quarum vestigia remanent, iisque excitatur iterum anima. Huiusmodi vestigia, quodcumque rei illa tandem sint, sunt *phantasmata*.

69. *Phantasmata sunt illæ cerebri affectiones, modificationes, signa, atque sensibilibus rerum sensibiles imagines, & confusa, aut clara idola, quibus ad eadem objecta sibi iterum repræsentandum anima exci-*

tatur. Uno verbo, Phantasmata definiri, nuncupari-
que possunt, *sensibilium idearum vestigium*.

70. Quid nominis sint *Memoria*, *Somnus*, *Vigilia*, *Insomnia*, notissimum omnibus est: quid vero rei hi-
sce, & aliis modo definitis nominibus significemus,
deinde explicare conabimur. Plurima in præsentī ar-
gumento a Philosophis, atque Anatomicis quærentur:
quid scilicet sint sensus communis, imaginatio, me-
moria? Quodnam sit peculiare horum actuum, seu
functionum animæ organum: quænam deinde mem-
oriæ, imaginationis, phantasmatum, somni, vigiliæ,
intomniorum causæ, origo: atque ejusdem farinæ alia
quamplurima, quæ reconditissima sunt.

71. Inutile autem esset quærerē, aut longa oratio-
ne disputare, utrum aliquis in nobis sit sensus *Inter-
nus communis*, imaginatio, phantasmata &c. Meri-
diana luce clariora ista sunt, nostraque omnium con-
scientia rem prorsus demonstrat. Vim præterea illam,
seu facultates animæ, quarum actus sunt recordari,
objecta imaginari, & alii similes, ipsammet animam
existere: quæ aliis & aliis organis, objectis, & mo-
do excitata diversos eliciat actus, iis facultatibus re-
spondentes, & nominibus significatos, metaphysicæ ar-
gumentum est, eaque in scientia conficimus. Huma-
nus animus una in nobis est substantia, quæ cogitet,
ratiocinetur, velit, nolit, recordetur, sentiat. Lon-
ge hæc a materiæ indole, ab inertī corpore obsunt.
Illa omnia per se ipsum agit spiritus: id ipsum est,
esse animam. Nisi in anima, ne concipi quidem illæ
facultates possunt. Quid enim vero relatæ facultates,
citra animam? quid etiam anima ab iis facultatibus
distincta, & consequenter separabilis? Estne alia in
homīne, quæ cogitet, alia quæ velit, amet, odio ha-
beat anima? Si mirabili tot actuum varietati una per
se ipsam satis est anima; si illos omnes per se ipsam
elicit, una omnium est facultas; quare imaginatio-
nem, phantasiam, memoriam ab anima distinguere?
sed his in metaphysicam omissis, quod physicum est,
prosequamur.

PROPOSITIO VII.

72. Omne discrimen; quod inter Memoriam; Imaginationem, sensum communem intercedit, aut intercedere existimatur; ad diversas solummodo & proprias ejusdem animæ functiones, munia, & perceptiones spectat; atque ab organorum, objectorum, & modificationum diversitate derivatur.

Primo enim ex modo indicatis, & alibi luculenter discussis constat, omnes illas facultates esse unam, eandemque animam, nullamque inter illas distinctionem existere. Alia tamen ex parte negari non potest, diversum quidem esse objecta præsentia sentire, sensibilem rei absæntis imaginem mente repræsentare, de rebus antea notis recordari: hæc igitur sunt multiplices, atque diversæ ejusdem animæ functiones, atque perceptiones circa sensibilia objecta habitæ: earumque diversitas non quidem ab anima, sed ab æstertis fontibus derivatur.

73. 2. Res plane constabit, si modum, quo anima circa objecta externa versatur, atque illa percipit, animadvertamus. Anima nostra objecta externa ope impressionis ab ipsis objectis in externorum sensuum organis factæ; atque inde mediis nervis; & spiritibus animalibus ad animæ ipsius sedem transmissæ, objecta ipsa visa, audita, tacta, olfacta, & degustata sentit: eosque animæ sensus, seu perceptiones *auditum*, *visionem* &c. nuncupamus. Hæc animæ perceptio, atque sensus modo est obscurus, modo clarius, & vividior: objectum aliquando, ut illud in se est, repræsentat; illius sæpe, exhibet dissimilem admodum mentalem imaginem. Rursus eadem anima successis veluti, & excitatis prioribus illis objectorum olim præsentium modificationibus, seu affectionum vestigiis, eorundem; modo absæntium, imagines concipit, objecta ipsa sibi repræsentat; sentit; percipit, & veluti in imagine, objectis suis simili, videt.

74. 3. Denique objectorum, rerum, & idearum vestigia sensus communis; seu, interni organis alte imprimunt; impressa retinet: ut postea, cum libuerit, aut opus fuerit, recondita illa imaginum promptuaria revivens; nota olim objecta iterum percipiat.

75. Omnia hæc munia, atque functiones, quæ sunt
Manf. Phil. Tom. VIII. C pro-

proculdubio diversæ, una eademque individua peragit anima. Horum primum est, & dicitur *sensus communis*: secundum *imaginatio*, tertium *memoria*: hisce igitur nominibus non diversas facultates inter se, aut ab anima distinctas significamus; sed animam ipsam intelligimus, quæ circa objecta multiplices perceptiones, actus, & functiones exercet.

76. Aliquam distinctionem intercedere inter communem sensum, imaginationem, & memoriam, seu inter illas animæ functiones, quas prædictis nominibus nuncupamus, res est satis manifesta. Licet enim memoria, & imaginatio ad sensum communem spectent; neque tamen omnis sensus communis est imaginatio, aut memoria: neque postrema hæc duo inter se confundi possunt. Sentu communi, qui ad omnium externorum sensuum objecta extenditur, eorumque omnium actiones percipit, plurima attingimus, quorum perceptio, neque est memoria, neque imaginatio, ut quisque nostrum facile in se ipso experiri potest. Prima equidem alicujus objecti perceptio per internum *communem sensum* habita, non est memoria: cum hæc sit præteriti sensus, seu perceptionis conservatum vestigium: sapissime etiam non est imaginatio; cum scilicet, (quod frequenter accidit) neque objectum, ut in se ipso existit, repræsentat, neque mentalis quædam est sui met objecti apparens, & sensibilis pictura.

Cum dico, memoriam ad communem sensum spectare; objectorum sensibilibus memoriam intelligo: illa enim, qua insensibilium rerum in externos sensus non incurrentium, recordamur, ad intellectionem, non ad communem materiale sensum spectat.

PROPOSITIO VIII.

77. *Sensus communis, Imaginationis, & Memoriae sedes, seu propria organa sunt in cerebro.*

In hac propositione de homine tantum, atque animalibus perfectis loquimur. Plures enim sunt insectorum, & vermium species, de quibus, attenda eorum structura, aliter est statuendum. De iis, quæ ad rem faciunt, jam superius retulimus, & aliqua postmodum addentur. Constat primo propositio ex communi quadam omnium hominum idea, atque universali experien-

rientia, seu potius nostrimet conscientia, qua prædictarum facultatum, seu functionum sedes intra caput existere existimemus, eoque in loco indigitamus. 2. Memoria, imaginatione, sensu communi objecta omnium externorum sensuum percipimus, attingimus, sentimus, ut omnibus est compertum: illas igitur animæ functiones in externorum sensuum, seu modificationum veluti centro, eaque in parte elici opus est, in quam cæterorum sensuum organa confluant, actionesque communicentur, atque transmitti possint, ut communis sensus existant. Ex descriptis autem externorum sensuum organis, nervorum systemate, origine, trunco, & radice evidens est, unum esse cerebrum, quod omnium affectionum, seu excitationum sensuum possit esse commune confluens: cum in illo omnes nervi, sensuumque externorum organa desinant, & veluti in communem radicem uniantur. 3. Tandem cerebro laborante, aut male affecto, licet aliæ omnes corporis partes bene se habeant, sensus communis, memoria, imaginatio infirmantur, debilitantur, pereunt: contra vero, dum sanum est caput, nullaque in illo facta est immutatio, læsio, aut vulnus; nihil in prædictis sensibus detrimenti communiter patimur, aut experimur.

78. Ex hinc facile intelligimus, qua ratione anima in recondita corporis, & capitis parte existens, omnium externorum sensuum objecta attingere, & sentire possit, eorum impressiones animadvertere, & percipere: illque politis, & ad cerebrum transmissis, media insuper lege commercii, inter animam, & corpus intercedente, externa ipsa corpora sentire, percipere, agnoscere. Quoniam vero anima corpora non potest cognoscere, nisi corpora ipsa aliquo tandem modo in illam agant; necessario corporum actiones in sensuum externorum organis exceptæ ad cerebrum transmitti debent, ut objectorum vice animam ad sensum de iis eliciendum excitent. Hujusmodi autem actiones aliud esse non possunt, nisi motus, aut modificationes per nervos, & spiritus animales ad cerebrum translatae, & propagatae.

PROPOSITIO IX. PROBLEMA.

79. *In quam cerebri parte peculiaris sedes sensus communis, Memoriae, Imaginationis existat; an una, eademque sint communia iis organa, explicare.*

Propositionem tamquam problema proponimus, propterea quod peculiaritatem sensus communis organa definire, & statuere, res sit maxime obscura, & pene desperata. Quæ partes cerebrum, & cerebellum componant, superius descripsimus. Multiplices sinus, ventriculos; glandulas, venas, arterias in utroque reperimus: perennem illic sanguinis, & spirituum percolationem agnoscimus: quodnam tamen ex his communis sensus organum habebitur? Quidve hæc omnia ad memoriam & communem sensum conferunt? Densissima caligine circa hæc omnia obducimur. Physicos, & Anatomicos invenies, qui memoriam ejusque organa in occipite, seu cerebello, sensum communem in syncipite, imaginationem prope cerebri ventriculos statuunt. Sunt qui omnium harum facultatum eadem esse organa, eaque in cerebri ipsius ventriculis existere, contendunt. Dum omnia hujus rei gratia in medium adducta in singulis scriptoribus legimus, & meditamur; vix quidquam ob argumenti difficultatem intelligimus; aliquid, dum profundius meditamur, subobscurè percipere videmur: dum tamen rem ipsam aliis, vel nobismet ipsis tradere, & persuadere conamur; deficient plane verba, & ideæ; neque a nobismet ipsis intelligimur.

80. Qui memoriae, imaginationis, sensus communis organa in peculiari aliqua cerebri parte definite statuunt, obscurissimis tantum conjecturis innituntur, & quasi divinando procedunt: Meo quidem judicio, integrum cerebrum, ejusque partes ad tres illas functiones inserviunt, ut objecta scilicet primo sentiantur; & percipiantur; ut habitas impressiones, tamquam promptuaria armaria, retineant, & conservent; ut conservatas excitent: Ad primum omnes pervorum rami, propaggines, continuatio, ac proinde spinæ dorsæ radices inserviunt: quoniam enim nervorum rami, & rete per totius corporis superficiem, externasque partes propagati sunt, externorum sensuum organa, atque objectorum impressiones recipiunt, & ad cere-

Brum, animamque transmittunt; hæc eadem in cerebro sunt sensus communis organum. Cum nervos dico, eorum medullam intelligo, & spiritus animales per eam fluentes, & agentes. Credibile autem est, animam iis in locis intra cerebrum communi sensu defungi, in quibus nervorum paria desinunt, aut incipiunt: diversoque proinde loco communem sensum visionis, auditus, reliquorumque externorum sensuum elicit. Ad secundum, & tertium multiplices aliæ cerebri partes, ventriculi, sinus, glandulæ, atque ejusmodi alia inserviunt. Hæc tamen a sequenti propositione lucem accipient.

PROPOSITIO X. PROBLEMA.

81. *Interni animæ sensus physicam causam, & modum explicare.*

Ut difficillimum hoc, & reconditissimum physiologiæ argumentum solvatur; exponendum est, quid illud sit, quod ab externis sensibus ad internum transmittitur; quo pacto illic conservetur; qua ratione excitetur, hebescat, destruat, agat. 1. Ab externis sensuum organis ad internum, & communem sensum aliquid derivari, hoc est, actiones externorum objectorum in exteriorum sensuum organis receptas, ad cerebrum usque ad excitandam animam diffundi, aut transmitti, indubium est. Etenim sensu interno attingimus, sentimus, recordamur objectorum sensus externi: cum igitur anima, nosmetipsi objecta non sentiamus, nisi illa aliqua tandem ratione in nos agant, nostrorumque sensuum organa afficiant, ut & quotidiana experientia, & naturalis etiam ratio persuadet; manifestum omnino est, externorum objectorum actiones, atque impressiones in organis sensuum receptas ad communis sensus sedem transmitti.

82. 2. Objecta externorum sensuum aliud in eorum organis non agunt, nisi illa impellere, ferire, diversisque modis afficere. Corpora enim in alia corpora hisce tantummodo rationibus agunt.

83. 3. Quoniam igitur omnia sensuum exteriorum organa cum cerebro communicant; ejus continuitatis ratione illæ omnes modificationes in externis sensuum organis impressæ, ad cerebrum usque transmittuntur

ope nervorum, atque spirituum animalium in nervis semper latentium, atque per eos fluentium.

84. 4. Actiones igitur corporum sensibilium in nostrorum sensuum tam externorum, quam interni organa, consistunt tantummodo in motibus, percussionibus, & motuum, percussionumque effectibus, nempe modificationibus materiæ.

85. 5. Hæc autem modificationibus, atque sigillis in interni, vel externi sensus organo impressis, ex vi vegeti commercii inter corpus, & animam a Deo stabilita, illæ in anima actiones enascuntur, atque ab anima ipsa ponuntur, quas *sensus, perceptiones, imagines, representationes, ideas, intellectiones* nuncupamus. Hæc autem animæ actiones diversos ordines constituunt: neque enim purus sensus eandem habet indolem, seu naturam, atque intellectio.

86. 6. Illæ affectiones in organis externis impressæ, ad cerebrumque translatae, in diversis ipsius cerebri organis, veluti quædam sigilla, imprimuntur, impressæ remanent, atque ad tempus saltem conservantur: vel potius illa spirituum, & fibrarum cerebri habitudo, directio, motus, affectio, qua posita, communis in anima sensus oritur, in cerebro ipso conservatur. Transactis siquidem primis objecti sensibus ab externo objecto per exteriora organa, nervos, & spiritus animales excitatis, idemmet objectum intra nosmetipsos iterum sentimus, imaginamur, memoria tenemus: licet tum temporis, immo & pluribus jam ab annis nullam in externos sensus actionem exerceat externum illud objectum; aut circa illud externi sensus omnino feriantur.

87. Etenim cum primus sensus, imaginatio, aut perceptio circa objectum quodcumque externum in corpus, animamque nostram primo agens, ab eiusdem objecti sensu, imaginatione, perceptione conservata non differat; uterque actus animæ eandem habet causam; cum ergo primus ille in nobis sensus, quem circa objectum aliquod elicimus, in anima nostra excitetur, & producat, ob modificationem ab objecto in nobis factam; manifestum est, ejusdem remanentis effectus eandem remanere causam: primæ igitur illius actionis, & modificationis aliquod vestigium cerebro impressum manet.

88. 7. Ob-

88. 7. Objectorum actiones in externos, internumque sensum, modificationes, atque vestigia, aliæ aliis efficaciores sunt, altius imprimuntur, diutius conservantur. Rem manifeste experimur in singulorum objectorum actionibus, quibus externos sensus feriunt, & in internum quoque agunt. Hæc eadem causa est, quare illarum actionum, modificationumque vestigia breviori, longiorive tempore in nobis perseverent, atque ipsorummet objectorum diutius, aut citius, confuse, aut clare, in totum, aut in partem recordemur. Illud objectum, a quo facta in nobis impressio efficacior fuerit, profundior, & vividior, diuturnam sui memoriam in nobis excitabit. Aliquorum etiam objectorum partes vividius sensus nostros feriant, quam aliæ; & hinc post diuturnum tempus unius, ejusdemque rei, v. g. historiæ partem, factam, nomen retinemus: cum partium aliarum penitus jam obliviscimur, aut confuse solum recordamur.

89. Hæc ego mihi simili utcumque ratione in cerebro fieri concipio, qua in picturis passim videmus, quarum ductus, lineamenta, colores, umbræ magis, vel minus vividæ, in materia magis vel minus tenaci expressæ diversam omnino habent durationem breviori diuturniorive tempore integræ, perfectæ, & ab omni periculo immunes servantur: humore autem, ratione, aliarumque materiarum, seu colorum obductione senescunt, languent, disparent, destruuntur. Aliquando hac in tabellæ parte disparent colores, alibi evanescere incipiunt, alibi conservantur: coloribus evanescentibus, obscura nonnumquam remanent ejusdem picturæ lineamenta, & vestigia. Fit etiam nonnumquam ut vivida, aliquando pictura in una, eademque tabula, superinductis aliis coloribus, ductibus, lineamentis, aliud objectum referentibus, contegatur, & occultetur, quin aliquid de sua elegantia amittat: illa vero superinducta materia iniuria temporis abrasa, & dissipata, latens iterum apparet pictura. Plurimum, atque magnarum rerum picturæ in exigua charta delineatæ confusionem sæpissime pariunt; nisi dexterrimi, & ingeniosissimi artificis manu eviteatur malum. Quin etiam deciente luce; omnes illico disparent tabellæ colores, & depictæ imagines. In diversis ejusdem palatii, tabulis pictis ubique instructissimi, cameris, angulis, recessibus illæ magis semper

per nitent, qua vividius illuminantur; radiis tamen picturæ modo respondentibus. Si in intimum recessum per plures annos non penetraret, aut illabatur lux; perinde erit, ac si nullæ illic existerent picturæ: quod si casu aliquo improvise, vel ex composito in tenebrososum illum carcerem ingrediatur lumen; intrusissima apparet camera, quæ prius inornatum exilissimabatur habitaculum.

90. Hæc & alia communia picturarum phænomena, atque notissima accidentia simili utcumque ratione in cerebro, communi sensuum organo, atque sentientium (si ita loqui licet) imaginum tabella efficiuntur: ab iis pendent, atque deducuntur omnia sensus communis, imaginationis, memoriæ, insomniorum phænomena, ac singularia, miraque prorsus accidentia: ut statim, aliqua perstringendo, exponemus.

91. Quo tamen pacto, quærimus, prædictæ rerum imagines, ex mirabiles picturæ in cerebro depinguntur? Quidve sunt hujusmodi objectorum lineamenta? Evidens, aut certa utriusque quæstionis solutio nobis, quamdiu in terris erimus, est impossibilis. Rem ego tamen ad instar ipsarum externarum picturarum, seu animæ sensuum concipio, quos in se ipsa elicit anima, dum picturam contemplamur. Pictura extra animam nihil est, nisi modificatio superficiæ tabellæ. & motus, seu actio lucis: hoc est, motus, & modificatio materiæ (ut fuse inferius explicatur). Lux etiam pura per lentem transmissa, & supra folium chartæ in camera obscura recepta, omnium externorum objectorum, a quibus reflectitur, imagines, atque vivos colores exprimit, depingit, nobisque exhibet: colores tamen, seu picturæ in sensuum organis sunt illæmet materiæ modificationes a luce in nobis impressæ: colores tandem, & picturæ in anima, seu colorum, & picturarum sensus sunt animæ perceptiones, quas illa ob stabilitam a Deo commercii legem in se elicit, dum in corpore, organique sensuum prædicti illi exercentur motus, atque modificationes imprimuntur: ea igitur est animæ natura, ea commercii inter corpus, & animam stabilita lex, eaque sensuum, aut potius actuum animæ indoles, ut dum certi in externorum, internique sensuum organis motus, atque modificationes peraguntur, ac imprimuntur; illi pariter sensus ordine in anima excitentur.

92. Si ergo certi motus, atque modificationes materię luminis intra oculos nostros sunt pictura, imagines, atque colores obiectorum; si iidem motus, ac modificationes in visus organo receptę, excitatę, & impressę, sunt prędictarum picturarum, imaginum; & colorum receptio, impressio, ad animam transmissio, atque excitatio, ut anima ipsa obiectum percipiat; vocarique proinde possunt picturę obiectorum in sensu: simili ratione iidem, simileque motus, ac modificationes ad cerebrum transmissę, communicatę, impressę, conservatę, aut excitatę, sunt, dicique possunt eorundem obiectorum internę picturę, imagines, seu excitationes, quibus anima ad eorundem obiectorum, perceptiones eliciendas excitatur.

Omnia quidem hæc physica sunt: illis autem possitis, explicari, & intelligi aliquo modo possunt phantasmata, sensus communis, imaginatio, memoria, insomnia, atque ejusmodi alia.

§. II.

Phantasmata, & Imaginatio.

93. Phantasmata (sicut & reliquę obiectorum internę perceptiones, & sensus) duo significant, quę ex dictis intelligentur: expositam scilicet hactenus modificationem in organo impressam, atque animę sensum, seu perceptionem ab impressa modificatione in anima explicatam, ab illaque elicitam: prima vocari possunt phantasmata *impressa* materialia: secunda vero phantasmata *expressa*.

94. Posteriora hæc illa sunt, quę experimur, cum feriantibus sæpe externis sensibus, vel etiam distractis, quasdam rerum imagines intra nosmetipsos videre nobis videmur, quibus aliquando turbamur, aut delectamur. Hujusmodi expressa phantasmata aliud non sunt, quam ipsius animę actus, perceptiones, repręsentationes, quę proprii effectus sunt animę, viventis naturę, atque indolis, qua ipsa vivit, sentit, percipit; repręsentat, aliaque animarum non materialium munia, & functiones exercet. Utterius illa explicare non possumus, neque debemus: cum sint simpli-

plices rerum perceptiones se ipsis, & intimo conscientie sensu notæ.

95. Phantasmata *impressa*, seu modificationes organorum in organis ipsis levius, vel profundius imprimuntur, pro diversa actionum efficacia, aut diuturnitate, qua objecta ipsa in sensum agunt. Impressæ hæ modificationes in organis conservantur: brevior tamen, aut diuturnior conservatio a pluribus causis provenire potest; in quibus actionum efficacia, major, vel minor organi (ceu ceræ) tenacitas, mollitudo, durities, aliæque parum nobis notæ numerantur.

96. Attamen, inquires, si illæ fibrarum cerebri habitudines (in his enim phantasmata impressa, seu objectorum in cerebro actiones, & affectiones consistunt) in cerebro manent, imo & per longum tempus multoties retinentur; quare objectorum, quorum sensum excitant, non semper recordamur? Resp. Illæ fibrarum habitudines, seu modificationes eatenus mentem ad objectorum repræsentationes, & perceptiones excitant, quatenus spiritus per eas fluentes peculiari modo afficiunt, aut simili alia ratione agunt, & aguntur: multiplici autem de capite fieri potest, ut prædicta phantasmata quantumvis cerebro maneant impressa, nihil omnino agant, animamque nullo modo excitent: si v. g. factæ in fibris conformationes inertæ aliqua materia obducantur: si illas spiritus copiosiores, quam par sit, humectent, obruant, inundent: si locus phantasmatum aliqua de causa obstruatur, & ab actione spirituum separetur. Hisce enim, & mille aliis fibrarum accidentibus earum conformationes, notarum antea rerum phantasmata, seu sensuum de iis incitamenta in cerebro manebunt, quin mentem excitent, earumque recordemur.

97. Phantasmata *expressa*, seu animæ sensus ab illis fibrarum modis excitati, sæpe sunt imaginationes: hoc tamen nomine proprie nuncupamus illas rerum imagines, & mentalia simulacra, quæ data opera mens nostra a phantasmatibus varie excitata, illaque revivendo, comparando, componendo, dividendo elicit, & sibi repræsentat. Imaginationes igitur proprie dictæ sunt repræsentationes mentales ab anima phantasmatibus excitata elicite. De imaginationum fecunditate atque statim attingemus.

§. III.

Memoria.

98. Quid sit *Memoria*, ex supradictis intelligi potest. Fibrarum conformationes, & modi, vestigia actionum, quibus objecta in sensus organa agunt, in prædictis cerebri organis impressa, atque retenta, sunt materiale illud principium, causa, atque conditio, quæ ad memoriam maxime requiritur, eamque ex parte constituit. Sunt enim hujusmodi impressa vestigia cognitarum olim rerum notæ, & notarum veluti catalogus mirabili atramento descriptus. Quamdiu igitur huiusmodi notarum seriem, & vestigia retineamus; objecta ipsa olim cognita, seu percepta mente retinere existimamur. Ad fibrarum iis notis affectuum excitationem antiquæ rerum ideæ in mente iterum nascuntur; quæ quidem recordatio, seu renovatæ ideæ, aut perceptiones sunt memoriæ exercitium seu memoria, hoc est, memoris animæ actus.

99. Si rerum notæ ordinatim fuere dispositæ supra unam, eandemque fibram v. g. (quod tum maxime fit, cum longam aliquam rerum, vocum, aut idearum seriem adhibito conatu cerebro defigimus), motus vero, seu modificatio primo sigillo in fibra impressa per alias deinde subsequentes fibræ formas seriatim transfunditur, quin ad dextram, vel sinistram deflectat; hoc est, ad fibras laterales, vel transversarias divergat; tunc illarum rerum omnium, quas antea legendo, videndo, audiendo, repetendo, cerebro infiximus, seriatim recordamur, illasque ordine repetimus. Dixi, fibras *laterales*, vel *transversarias*, quia animadversum hic velim, duplici maxime fibrarum minimarum ordine sensuum nostrorum organa constare; quarum priores in longum, aliæ aliis appositæ, extenduntur, aliæ vero transversariæ sunt, & priores sub diversis angulis intersecant, ut in exiguis etiam, & tenellis plantarum ramis, & foliis observamus.

100. Motus, seu modificatio per fibram (aut quodcumque aliud sit memoriæ organum) progressa, & fluendo consequenter transmissa interrumpi alicubi potest plurimis quidem de causis: vel enim in transver-

sa-

farias fibras penitus derivatur; vel aliqua fibræ ipsius durities, nimius humor, aut aliud hisce non absimile ulteriorem transfusionem impedit: tum enim vero, dum notarum antea rerum seriem recordamur, atque ideas repetimus, memoria labimur.

101. Quoniam vero fibræ non sunt ubique homogeneæ, imo & aliquibus in partibus alterantur, & læduntur, dum alibi integræ, & sanæ sese conservant; hinc est quod plurimarum rerum, & compositarum idearum vestigia ex parte amittamus, ex parte vero conservemus: atque historiæ v. g. olim notæ partes solum, verba, aut facta plurimum a se mutuo separata, mente teneamus; dum aliarum omnium ejusdem historiæ partium penitus obliviscimur.

102. Fit nonnumquam, ut rerum, quæ olim nobis notæ, pluribus jam ab annis oblitteratæ penitus in nobis erant, nullaque earum supererat recordatio, repente meminerimus: caput etiam, & frontem aliquando succutimus, fricamus, pulsamus, ut rerum, quas antea memoriæ mandavimus, iterum recordemur. Utrumque *Excitatio memoriæ*, seu *specierum nuncupatur*: utrumque etiam ex hætenus dictis intelligitur: primum scilicet, quia ablati tandem, abrasi, consumptis, aut dissipatis iis involucris, aut crustis, quibus impressæ olim notæ contegebantur, antiquus ille fibræ modus sui objecti ideam iterum excitat. Quod si pars tantum phantasmatis deregarur, aut supersit; una tantum aut altera oblitterati objecti pars in memoriam revocatur, unum v. g. aut alterum lectæ olim historiæ caput.

Secundum vero ex eodem capite explicatur, & deducitur: eundem enim, aut similem edit effectum concussio capitis, frictio, aut pulsatio frontis.

103. Unde tamen est, quod longissimam aliquando orationem verbo ad verbum repetimus, imo id aliquando exequimur, mente aliquantulum distracta; & quin ad id, quod agimus, animadvertamus? Similiter quamplurimas quotidie humanas actiones, functiones, motus rite exercemus, quin animum ad res intendamus, aut illas tum temporis mente habeamus.

104. Resp. Hujusce rei ideam ab externis etiam rebus, & machinarum effectibus aliqua ratione comparabimus. Ob peculiarem horologii dispositionem fit, ut, moto semel pendulo, imprestus illi machinæ ex-

tre-

eo motus per omnes alias ejusdem partes usque ad extremum consequenter communicetur : atque derivatum illum motum uni machinæ extremo initium , & per quamplurimas, rotas communicatum, emoto alio extremo ad harmoniam pulsantur tinnula. In Hydraulicis etiam machinis id melius videtur. Canales, & aquæductus construuntur aliquando gissimi, & varie disponuntur recti, obliqui, paralleli : multipliciter flectuntur, diverseque in diversis communicantium canalium locis disponuntur machinæ. Id unum agamus; versa scilicet clavi, aquam in ultimum canalem derivari, & fluere permittamus. his nihil ulterius cogitantibus, aut curantibus; illi ordine suo singulæ canalis partes pulsantur, irritantur, afficiuntur; aliæ post alias factus, voces, accentus edunt machinæ. Ludicra similia spectacula vivis ignibus efficitur, & quotidie demiramur.

105. Rude hoc, & materiale exemplum ad oculi humani sensus arcanum intelligendum analogiâ quâ manuducit. Modi illi in fibris ab objectis impressi, futurâ idearum incitamenta, & phantasmatum nuncupata; eo ordine in organo ponuntur, quo res ipsas videmus, audimus, loquendo repetimus; memoriæ mandare adnitimur: ea vestigia ordine spoliata; & organo impressa perinde mihi sunt; atque rectus machinarum; seu rotarum communicantium, & secum ipsis commissarum ordo, atque series: igitur primum machinæ caput; fundamentum; & regulam rangam, & modificem, hoc est, si phantasmatum caput, primumque catenæ orbiculum; quocumque cetera implicantur, excitem, licet postea mentem diraham, atque aliud cogitem; nihilominus impressa modificatio per omnem phantasmatum seriem transmissa, rerum omnium, quorum sunt vestigia, ideas eo ordine mihi excitat, quod phantasmata ipsa sunt disposita.

106. Ab eodem hoc principio dependent, & deducuntur omnes illi motus spontanei, violenti, aut voluntarii, quos volentibus, nolentibus, curantibus, aut resistentibus nobis, quotidie in corporibus nostris experimur: ut fuscè in priori parte prosequimur. Ab hoc uno disce alia: elegantè enim mirabilia a superiori illa rerum positione, thesi, aut hypothèsi deducuntur. Memoriæ capacitas, facilitas, tenacitas, difficul-

scultas, lassitudo, infirmitas, medicina, juvenus, senectus non incongrue ab expositis a me hætenus principiis, atque mechanicis, analogisque exemplis deduci, atque descendere mihi videntur.

DISSERTATIO INCIDENTS

DE SOMNO, EJUS CAUSSA, EFFECTIBUS,
ACCIDENTIBUS, UBI ETIAM DE VIGILIA,
ET INSOMNIIS.

107. **Q**uotidianum hoc perfectorum animantium, hominis vero imprimis phænomenon, medi-
us inter vitam, & mortem status, atque alterna vicissitudo ad vitam ipsam conservandum necessaria, dignissimum proculdubio est, quod in Physica viventium non omitatur, argumentum. Qui hominem antea vigilem, cogitantem, agentem somno paulatim opprimi primus animadverteret, rei antea incitius; qualem de novo illo vitæ phænomeno conciperet ideam? Eam nos phænomenon ipsum quotidie videntes, & experientes, nequaquam concipimus. Rem nihilominus penitus considerantes, totum somni, seu dormientis hominis statum, morti admodum similem, non demirari non possumus. Quid nominis sit *somnus*, omnes intimo sensu agnoscimus: quid res ipsa, rei causa, modus, & effectus, non nisi enumeratis, atque perpenis totius rei phænomenis, & accidentibus definiri potest. Somnus, animi peliquium, epilepsia, apoplexia, mors non modicam inter se habent affinitatem: gradatimque procedunt aliquid semper posteriora prioribus addendo, indicata hæc animantium phænomena.

OBSERVATIO I.

108. In obdormiscente homine sequentia observamus: 1. sensus omnes externi, & interni paulatim languescunt, hebetantur, & tandem desinunt: non amplius audit, videt, tangit, dormiens; licet inter loquentes, in loco illuminato obdormiscat, & diver-
sis

sis innitatur corporibus. Externorum sensuum languori par etiam ut plurimum est internorum conditio. Imaginatio, memoria, perceptio; cogitatio sensum, & gradatim hebetantur, & obiculantur. Ingruentis somni signum etiam est idearum nostrarum nexus solvi, & mitem quandam delirii speciem succedere: quod & in aliis, & in nobismetipsis etiam subobscuræ mentis lumine animadvertimus. Nihil dormientes recordamur; nostrimet etiam conscientia perit, aut intermittitur. Somniis tantummodo habitatum antea cognitionum umbris, feræ illæ internorum sensuum aliquando turbantur: quæ quidem quo clariores sunt, eo magis a somno recedit, & ad vigiliam accedit dormiens. Interim tamen & externa objecta in sensuum organa agere sæpissime pergunt, lux in oculos, sonus in aures: & externa ipsa sensuum organa bene sunt constituta.

OBSERVATIO II.

109. Omnes etiam motus voluntarii in obdormiscente paulatim languescunt, &, profundiori somno facto, penitus cessant. Cum inter dormiendum plane ferietur memoria, cognitio, voluntas; voluntarii etiam, qui inde pendent, motus cessent, opus est. Nihil amplius volumus, nolumus, aut voluntate agimus; hac etiam animæ facultate penitus feriente. Membra nostra, brachia, manus, crura, pedes non jam se & corpus regunt, aut sustinent: non agunt, sed aguntur: nutat caput: omniaque hæc membra non amplius voluntate reguntur, sed proprio pondere labascunt, & cadunt.

OBSERVATIO III.

110. Non modo voluntarii motus, & sensus in obdormiscente homine cessant, sed quod ejus cessationis proxima causa est, in musculis ad voluntarios motus, & sensus inservientibus vigor, & tensio deficit. Ex labescentibus, & languescentibus hujusmodi musculis obdormiscenti homini remittere imprimis, & coire palpebras, demitti labra, nutare caput, hac illac flecti, & vergere collum, cadere manus, pedum, crurum, foemoris robur, & vigorem lentescere, quotidianum, & universale experimentum est. Stare amplius, manus attol-

attollere, oculos aperire vix possumus: sensum præterea hæc omnia incrementum secundum ingravescentis somni rationem. Aliqui tamen sunt musculi voluntario motui inservientes, qui somno non laxentur, proprioque etiam tum fungantur munere: hujusmodi sunt sphincteres.

O B S E R V A T I O IV.

111. Alia prorsus est vitalium, atque naturalium facultatum, motuum, musculorumque iis motibus inservientium ratio. Cor, arteriæ; venæ, pulmões, glandulæ fluida secernentes sua inter dormiendum agunt munera. Alternam systolem, & diastolem in corde, arteriis, intestinis continuari, sanguinem fluere, & refluxere, secerni in glandulis liquores, & spiritus: digestionem in ventriculo; nutritionem in toto corpore interiri fieri. Dormientes respiramus, transpiramus, sudamus, nutrimur. Ea igitur musculorum classis, quibus vitales, aut naturales functiones peraguntur, somno non impeditur. Eos multo magis agere, has functiones tempore somni peragi, facti veritas est: melius vero neque hæc, dormientibus, aut vigilantibus nobis, fiant, non convenit inter omnes. Quid teneandum sit, postea statuemus.

112. Illa præterea sensuum hebetudo, motuum difficultas, musculorum tensio, & motui inservientium corporis, ingravescentis somni rationem sequitur. In leviori somno levior, in graviore, seu profundiori major. A primo ut plurimum somni allapso paulatim ad certum usque ingravescentis somni gradum intenditur; a quo deinceps ad vigiliam usque decrescit: impedimento sensim dimittente. Et hæc quidem generalia sunt somni, seu dormientium phenomena: pro temperamentorum tamen, atque aliarum circumstantiarum ratione nonnihil in diversis hominibus, temporibus, ætatibus inter se aliquando differunt.

C O R O L L A R I A.

113. I. Somnus igitur per gradus ingravescit, intenditur, remittitur, dissipatur: hoc est, ille animantium sopor, quem somnum dicimus, gradatim crescit, & mi-

minuitur. Cum vero somnus quoddam sit in animantibus phænomenon, & effectus quodammodo periodicus; eadem, quæ effectui, effectus etiam causæ convenit gradatio. Sed ii somni gradus infinitam fere habent non modo in aliis & aliis hominibus, sed in diversis ejusdem hominis circumstantiis diversitatem, incrementi, perseverantiæ, decrementique modum.

COROLLARIUM II.

¶14. Somnus, ebrietas, animi deliquium, epilepsia, apoplexia, mors causam habent ex parte quidem similem, aut eandem, seu communem, ex parte etiam diversam. Relata scilicet dormientium phænomena, iis etiam animantium malis ita sunt communia, ut in plurimis tamen, & alia ab aliis, & omnia a somno admodum, differant. Causæ idcirco non dissimiles, magis tamen, vel minus intensæ, breviores, diuturniores, diversoque modo efficaces illa omnia producant. Quænam eæ sint causæ, qualis earum modus, & remedium, nonnisi ex effectibus ipsis, atque ex humani corporis anatomia postmodum statuemus. Eam enim animatæ machinæ affectionem versamur, quæ ex machinæ ingenio magnam partem pendet.

COROLLARIUM III.

¶15. Somni tempore externorum sensuum organa non agunt: illa etiam internorum fere semper cessant & feriuntur: si somniorum repræsentationes excipiamus: motuum etiam voluntariorum organa, seu musculi non aguntur, aut excitantur: sensus communis memoria volitiones ad tempus pereunt. Hæc omnia, & præmissæ observationes, & ex observationibus demonstrat ratio. Cessant enim vero ex observatis functiones sensuum: id primum: anima tamen est ad sentiendum præsens: externaque objecta in sensuum organa, perinde ut in vigilia, agere multoties pergunt. Hoc secundum in hominibus inter loquentes, in media luce, supra dura corpora obdormiscentibus visitur. Sana præterea esse eadem sensuum organa probant expergiscentis hominis conditio, & restituti illico sensus, atque sensuum functiones. Ea igitur functionum intermissio, hoc est, ipsissimus sopor, soporis-

Mont. Phil. Tom. VIII. D ve

ve effectus, aut causa ex animæ numquam, ex ob-
jectorum externorum, aut sanitatis organi defectu ut
plurimum non provenit. Organa idcirco ipsa, alio-
quin sana, non agere, neque agi, dormientium con-
ditio est.

116. Eadem veritas de motuum voluntariorum or-
ganis, hoc est, musculis, & nervis ad id rei infer-
vientibus manifestius adhuc patet: unde de sensuum
organis confirmatur iterum argumentum. Quid enim
in obdormiscente homine, totoque somni tempore pri-
mum, & obvium magis observatur, quam volunta-
riorum motuum membra, & organa languescere non
regi, neque regere, sed proprio tantum pondere la-
bascere? Uterque igitur functionum animantis ordo,
sensus nimirum, & voluntarii motus interrumpuntur.

C O R O L L A R I U M IV.

117. *Somnus igitur non modo est mortis imago; sed
est præterea dimidia quædam, atque imperfecta
mors.*

Si, quid sit vita, seu hominem vivere, & exposi-
ta somni phænomena, atque statum animadvertas;
evidens tibi est propositio. Duplex in homine functio-
num, atque actionum ordo: animales, & vitales,
seu naturales: duplex hisce functionibus respondet
machinalis facultas: hisce vero omnibus fundamentum
est anima corpori unita. Tria hæc physice distincta ti-
bi statue, & mente distingue. Utriusque facultatis
functiones, & exercitia: facultates ipsas (unam, aut
utramque) integras quidem adhuc, reparandas, aut
reparabiles, sed ab omni exercitio privatas: animam
tandem corpori adhuc unitam, sed & omni functione
destitutam, & machinalibus etiam organis ita male
adeo jam affectis, ut amplius non instaurantur. Pri-
mum est perfectissimum vivere, animam, facultates,
& utriusque rei functiones complectens: tertium est
perfecta jam mors, perfectior adhuc futura, sub-
sequente animæ a corpore separatione. Secundum
vitam, & mortem complectitur; exercitio utriusque
facultatis deficiente, iam dicitur mors perfecta; u-
nius tantum facultatis functionibus, & exercitio ad
tempus deficiente, est imperfectæ mortis gradus, per-
fectæ similitudo. Hominem dicimus vulgo mortuum,
in

In quo nullus jam superest sensus, motus voluntarius, cognitio, respiratio, motus cordis, arteriarum pulsus, sanguinis circulatio. Nihilominus cum homines non raro ab eo statu restituantur; mors illa fuerat non separationis, sed functionum. Animalis igitur, atque voluntarii motus functionibus, & exercitio plane deficientibus, qui quidem est somni casus, mors est in se se imperfecta, perfectæ vero imago.

118. Hujus vero imaginis cum exemplari suo similitudinis quædam est gradatio, qua perfectior semper evadit imago: ebrietas, somnus, animi deliquium, epilepsia, apoplexia hujusmodi sunt gradus, quibus morti magis semper & magis similis apparet; Videntur da sunt, quæ superius de morte, & vita statuimus. Ex præmissis hisce observationibus, & deductis inde corollariis, quid somnus sit, quid dormire, exergisci, vigilare, iterum obdormiscere, definire possumus; eorumque causam, modum, remedia, accidentia statuere.

DEFINITIO.

119. Definiri ex dictis potest somnus, *animalium functionum quies citra organorum læsionem, aut vitalium functionum interruptionem*. Sensuum scilicet, & voluntariorum motuum feræ, vitalibus interim, seu naturalibus procedentibus, nullaque in animalis facultatis organis læsione facta. Aptior hæc mihi esse videtur somni definitio, rei ipsius observationibus, descriptioni, & effectibus innixa. Quamdiu sentimus, cogitamus, recordamur, cum primum, antea dormientes; quando adhuc, statim dormituri, sentimus; non est somnus, sed perfectior aut imperfectior vigilia. Contra vero cum nondum, cum jam non sentimus, integris semper manentibus naturalibus, seu vitalibus in corpore functionibus; tum vero est somni status.

120. Hæc somni definitio ex phænomenis dormientium deducta, satis per se se excludit vigiliam, ejusque incipientis, aut desinentis veluti crepuscula, lethargum, animi deliquium, apoplexiam, mortem, *functionum, facultatum, principii*. Qui veras harum rerum ideas, potissimum vero causas, & effectus non plane ignorat; rem per se se videt. Vigilamus scilicet, cum externi sensus munere suo funguntur: ex-

pergiscimur ; cum sensim functionibus restituuntur : excitataque sensuum organa rite aguntur , & agunt : actiones , seu impressiones transmittunt . Et hinc lux viva fragor , ictus , seu fortior , aut levior percussio dormientem excitant . In lethargo , cæterisque recensitis malis non sensuum tantummodo , voluntariorumque motuum est quies ; sed eorum præterea organa , seu facultates læduntur , aut tale in iis impedimentum inducitur , quod non functionis tantum interruptio , & quies , sed facultatum , organorumque vitium existat . Cum in somno quies illa sensuum non ex vitio , sed ex defectu , sanorum alioquin , organorum derivetur . Ulterior discriminis expositio in penitiorem de hisce malis disputationem nos deduceret : argumentum quidem nostro maxime affine , a proposito tamen mihi scopo alienum .

121. Bene est , inquis , quænam tamen definiti somni , descriptorumque eius effectuum , causa , modus , beneficia , damna , remedia , accidentia ? Superfunt hæc ex præmissis hætenus , & modo subjungendis statuenda .

O B S E R V A T I O .

122. Sensuum , & motus voluntarii nervi , inter dormiendum feriantes , divertam habent originem , præterque nervi vitalibus functionibus inservientes , & somni tempore non cessantes . Priores a solo cerebro , posteriores vero , etsi non a solo cerebello deriventur , quod primus adstruxerat *VVillifus* (a) , & post ipsum plures alii videndi apud *Haller* (b) , ab eo tamen longe magis , quam a cerebro radices deducunt , rem confirmante *Vieussens* , accuratissimo nervorum examinatore , & scriptore (c) . Primas tamen tenet medulla spinalis : a qua major nervorum vitalium numerus proxime derivatur . Ita ergo statuendum videtur : nervi animalibus functionibus destinati a cerebro : exterorum radix cerebellum , & medulla spinalis : longe

(a) *VVillifus de cerebro & nervis cap. 15.*

(b) *Annot. I. ad num. 600. Boerhaave.*

(c) *Vieussens Neurograp. pag. 122.*

ge plures ab hac ultima; quam a primo proxime derivantur: licet ii etiam a cerebello, tamquam a remota radice, deducantur. Utramque assertionis partem anatomica inspectio demonstrat, & ratio confirmat. Olfactorii paris radices in solo cerebro diffusas novimus: solo præterea cerebro male affecto, læso, aut sublato, integro manente cerebello, omnes animales functiones, sensus, motus voluntarii pereunt: vitales interim, seu naturales durant: & machina nutrirî adhuc, respirare, cæteraque naturalis facultatis munia agere pergit. Contra vero læso, male affecto, aut sublato cerebello, etsi integrum maneat cerebrum; læsio illico in vitali facultate, omnibusque illius functionibus subsequitur, læsioni cerebelli respondens: apoplexia scilicet, aut mors. Cerebello pressio, premitur, ut plurimum, motus cordis, & respiratio: si lædatur, moritur statim animal: ita ut cerebelli vulnus fere semper sit lethale: dum ex adverso, cerebrum magnos sæpe ictus, immo & vulnera sustineat, animalis vita supersiste. Sed medullæ spinalis vulnera magis quam illa cerebri, & cerebelli sunt lethalia. Nervorum idcirco vitalium, & animalium functiones seorsim peraguntur, agunt adhuc vitales, cum animales aut ad tempus, ut in somno, interrumpuntur, aut in perpetuum cessant.

PROPOSITIO XI.

123. *Causa, seu ratio proxima dormiendi, seu quæ inducitur somnus, est cessatio omnium nervorum, sensibus, & motibus voluntariis inservientium a propriis eorum actionibus, & functionibus.*

Causam ultimam dormiendi adhuc non attingimus, sed proximam tantummodo rationem, ex qua consequitur somnus: rationis rationem deinceps daturi: Animal igitur dormire dicimus; ab omni sensuum, & voluntarii motus exercitio cessare: quia nervi hisce functionibus inservientes non agunt, seu potius non aguntur, atque ab actione cessant. Functiones nervorum cessare, est, spirituum fluxum, & actionem intermittere: quidquid hanc intermissionem inducat, id tandem erit vera, & ultima causa somni. Hæc in sequentibus singillatim discutiemus:

124. *Propositio. ex observatis deducitur, ex effectibus*

bus scilicet causa. Semel ac anima amplius ad sensum non excitatur, neque etiam ad motum excitatur; somno premimur (a): cessat vero somnus, evigilamus, simul ac anima ad sensum efficaciter excitatur, aut ad motum ipsa volens excitatur: efficax igitur illa vel animæ ad sensum, vel ab anima ad motum excitatio vigiliam aut inducit, aut producit: earum excitationum, cessatio somni causa existit. Utraque vero illa excitatio est nervorum munus: per illos ab externis objectis ad animam diffunditur actio: per illos etiam animæ volentis peraguntur imperia. Ruptis, læsis, male affectis, & ad actionem transmittendam ineptis nervis, utraque illæ functiones, singulorum propriæ, cessant, iis sanatis restituendæ: Nihil assumo observatione non constans: nervos igitur sensuum, & motus voluntarii ab actione cessare, proxima est dormiendi causa.

125. Res præterea mihi est ex analogia aliorum sensuum, atque motuum, quibus membra nostra movemus, satis manifesta. Generalia sensuum nostrorum, atque voluntarii motus organa sunt nervi: quæcumque interim causa sit, qua ii etiam agantur. Simul autem ac inhabiles fiunt alicujus sensus, aut membrorum nervi; illico prædictus ille sensus feriat: omnemque motum membra amittunt, & quasi mortua torpent; quorum nervi agere non possunt: licet interea sanguinis circulatio per illa membra numquam interrumpatur: ut quotidiana nos docet experientia. Quid frequentius, quam pedem v. gr., manum, aut aliquod aliud humani corporis membrum frigore correptum, & rigens, aut aliis de causis iners aliquando, atque hebes ad motum, & sensum existere; post aliquod vero tempus ad pristinum statum, mobilitatem, & sensum restitui? Constat vero apud omnes, temporarium hunc, aut perpetuum membrorum torporem, atque ad motum ineptitudinem a temporario etiam, vel perpetuo nervorum impedimento originem ducere.

126. At, cum animal dormit, neque movetur, neque sentit (motus somniantium infra explicabimus):
est

(a) Sanum alias supponitur animal.

est igitur somnus impotentia temporaria ad sensum , & ad motum , seu feriæ motus , & sensus : cum igitur non interrumpantur , & impediuntur motus , & sensus , nisi ob cessationem actionis nervorum , seu per nervos , quibus hæc duo peraguntur ; manifestum est , proximam dormiendi rationem , & causam esse prædictam cessationem . Jam vero omnes animalium functionum nervi a cerebro originem ducunt , ibique est eorum omnium caput , aut radix . Impedimentum idcirco iis omnibus nervis commune , & proxima somni causa in communi omnium stirpe esse debet . Neque enim ad somnum sufficeret , nervos extra cerebrum , non vero in cerebro , hoc est , ramos , non vero radices impediri : tunc enim illorum quidem membrorum sensus torperent , quorum nervi peculiares cessarent ; non tamen esset omnis sensus , & motus voluntarii cessatio , in qua consistit somnus : sed unius tantum , vel alterius partis sensus , aut metus deficeret , quod ad somnum satis non est .

127. Tandem asserta hæc dormiendi causa proxima iis phænomenis , & effectibus est plane conformis , quos somnus ipse secum affert : immo omnium illorum effectuum explicatio ab adducta causa mechanica sponte deducitur : ut modo prosequemur . Aliunde vero duo hæc omnino constant , prædicta nervorum impedimenta , & cessationem in nostrismet membris sæpissime fieri , iisque positis membrorum mobilitatem , & sensum feriari , & interrumpi : habemus igitur causam certam , & ad effectus explicandos sufficientem : eam igitur esse somni causam mechanicam , & proximam , est omnino tenendum .

128. Quo pacto animus spiritalis a materialibus organis , & agenti per illa fluido exciteretur , & vicissim fluidum illud & materialia organa excitet , hujus loci argumentum non est . Rem in metaphysica attingimus , quantum humanæ menti licet : impræsentiarum , ut factum supponimus . Ex asserta veritate , humani corporis anatomia , aliisque superius jam disputatis plurima eliciuntur argumentum confirmantia , & ulterius explicantia .

COROLLARIUM I.

129. Cum nervorum actio sit a spiritibus animalibus ex indole sua per nervos agentibus; ipsique nervi non nisi aptum, & necessarium instrumentum sint ad spirituum actionem transmittendam; cessatio illa actionis nervorum, proxima somni ratio asserta in defectum actionis spirituum animalium refunditur: obdormiscit animal; quia spirituum animalium per nervos sensui, & motui voluntario intervientes actio, & fluxus languescit, aut intermittitur; tandiuque producit somnus, quamdiu prædicti nervi a spirituum actione non animantur. Nervi ex se sunt illa mirandæ prorsus viventis machinæ instrumenta, & animatæ chordæ, quarum quidem ope machina ipsa regitur tota; chordas tamen ipsas a causa aliqua tendi, duci, agi, opus est. Hæc omnia habes luculenter in superioribus demonstrata. Ipsemet musculorum inter dormiendum languor argumento est, per nervos, eorum musculorum rectores, interea temporis nihil transmitti, quo vigescere, animari, & agere possint.

COROLLARIUM II.

130. Satis ex dictis intelligimus, & explicamus, quare duplex ille functionum ordo, animales, & vitales, earumque exercitia non modo distinguantur, sed tempore etiam separari possint, quotidieque separantur: animales functiones languescunt, intermittuntur, pereunt, restituntur, dum interim vitalis facultas res suas constanter agit. Utraque scilicet facultas suam habet peculiare machinarium principium, & principii sedem. Alia alii instrumenta sunt, musculi, nervi, nervorumque derivatio, & radices. Animalium functionum nervi a cerebro, vitalium, a cerebello, & spinali medulla derivantur: diversos enim vero, atque diffitos utriusque arboris fundos. Vitales præterea functiones se se maxime exerunt in corde. Mirabilis ille musculus eam vim exerit, & motum in se & consequentibus ab eo vasis producit, ut totius vitalium motuum systematis potissimum sit principium: quantumvis ad vires, nunusque suum exercendum ex-
cita-

citatione opus habeat, & nervorum vitalium beneficio: ut late in superioribus explicavimus.

C O R O L L A R I U M I I I.

131. Vitalem facultatem, seu potius ejus motus, atque functiones seorsim ab animalis facultatis functionibus exerceri, & prosequi: non tamen vicissim: altera est ex hucusque dictis consequentia. Quotidianum id est in viventibus, atque morientibus phaenomenon. Cessante respiratione, motu cordis, sanguinis, nullus amplius est voluntarius motus, aut sensus: homoque idcirco est, aut existimatur mortuus. Contraria omnia in animali facultate: dimidiam sere vitam mortuae in nobis sunt illius functiones: dum interim bene valemus. Diversa harum functionum mechanica principia, atque principiorum indoles; & agendi modus totius rei causa existunt. Citra spirituum animalium actionem, & fluxuum in sensum voluntariiue motus nervos, proprio munere ii non funguntur: nulla enim vero eorum spirituum percolatio, formatio, & in nervorum medullam fluxio citra sanguinis circulationem. A cordis motu, potissima vitalis systematis mechanica causa, hæc ultima pendet. Naturalis propterea actionum ipsarum ordo secundam corollarii partem exponendo demonstrat.

132. Primæ vero partis, vitalem facultatem ab animali longe minus pendere, longoque tempore exerceri posse solam, duplex quidem est causa: alia modo tantum indicanda, & superius jam, quantum nobis licuit, exposita, est ipsamet cordis indoles, & vis a levissima actione perenniter excitata: altera est spirituum, & nervorum cor ingredientium, & agentium actio, atque principium: longe quidem ab origine nervorum sensuum diversum, & dissitum. Ex quo fit, ut in cor fluant interim spiritus, agantque nervi, dum in animali systemate cessat fluxio. Quare tamen prima illa fluxio non semper trahat secundam; eum vero difficillimum nodum inferius solvere tentabimus.

COROLLARIUM IV.

133. Illa etiam, quæ in homine observatur, corporis, animæque functionum gradatio ab exposita machinaria hominis dispositione tota pendet, atque intelligitur. In homine hæc distinguitur gradatio, vegetatio, seu nutritio plantarum, sed perfectior: motus naturalis, sensus, motus voluntarius, cogitatio. Posteriores gradus, qui etiam perfectiores sunt, primos supponunt, iisque innituntur: non vicissim. Humana corpora & in statu embrionis, & in ventre materno jam evoluta, & in plurimis etiam casibus, tamquam plantæ vegetantur: somni tempore, hoc est, tertiam vitæ partem vegetationi plantarum accedit respiratio, & naturales sæpe motus, atque huiusmodi alia ad secundum hunc gradum spectantia. Post duo hæc irradiat in homine sensus; cuius longa est gradatio. Hic est vigilantis pueritiæ status, aut male experrecti hominis conditio: sensum tandem clariores idæ, voluntas, voluntarii motus, cogitatio sequitur. Hujus gradationis causa sunt minus compositæ machinæ, & organa ad primas gradationis functiones peragendas necessaria, diversa instrumenta, motuum, & organorum principia, unde illæ actiones derivantur: minor præterea, faciliorque idcirco motus ad imperfectiores, quam ad perfectiores gradus satis est.

134. Et hinc vitales functiones longe prius in homine incipiunt, quam animales, posteriorique loco desinunt: primæque & ultimæ actiones in homine sunt vegetare, proprium plantarum munus. Omnia hæc in prima hujus Physicæ Viventium parte fusius sunt exposita, aut ex dictis eo in loco sponte deducantur.

COROLLARIUM V.

135. Observatorum igitur phænomenorum intelligitur ratio: illius imprimis, quod cerebri læsio sensum quidem tollat, non vitam: illa vero cerebelli ut plurimum utrumque: medullæ spinalis duabus periculosior. Nullæ sine nervis, spiritibus animalibus, eorumque in nervos, & per nervos fluxu animalis, aut vitalis actio peragitur. Altero ex iis deficiente principio, ea etiam deficit functio in toto corpore, aut in

in aliqua illius parte, cui inservientes nervi lædantur, aut spirituum fluxus impediatur. Si ad hæc duo alia jam exposita addas, animale systema a vitali pendere, non vicissim: in cerebro nervorum sensuum sedem esse, a cerebello, & spinali medulla vitales: tria hæc, inquam, quæ certa sunt, observati phænomeni ratio existunt: ulteriorque intelligenti superflueret rei explicatio, aut deductio. Cerebrum sensus nervorum arboris nativum solum esse; aliorum vero cerebellum, aut spinalem medullam considera: inde per se se deducuntur phænomena.

PROPOSITIO XII.

136. *Ea omnia sunt causa dormiendi, seu somnum inducunt, quæ fluxum spirituum per nervos sensuum, & voluntariorum motuum impediunt, sano interim, & integro manente cerebello, atque medulla spinali, & spirituum per nervos inde derivantium fluxione..*

Generalis propositio, qua peculiaris causa adhuc non definitur, est dictarum hucusque rerum corollarium, & præterea experimento multiplici, & ratione confirmatur. Quamdiu cerebellum, & spinalis medulla, nativum nervorum vitalium solum, & spirituum animalium in id rei inservientium officina, aut necessarium colum integra sunt, suoque funguntur munere; vivit quidem animal: dormit tamen, aut vigilat, prout cerebrum, nervorum sensuum solum, ortique ex illo nervi sana sunt, atque illæsa, neque a propriis functionibus peragendis impediuntur. Primum hoc ex observationibus, & ex dictis constat. Semel ac autem, vitalium functionum nervis illæsis, & agentibus, animales cessant, dormitur: cum nervorum actio sit a spiritibus animalibus (n. 48. ad 55.); illorum ab omni actione cessatio in spirituum tandem actionem sublatam, aut impeditam refunditur. Quidquid propterea huiusmodi actionem, seu fluxum spirituum in nervos sensuum, aut per illos impediat, servata interim vitalis systematis integritate, somnum inducit. Vitali systemate læso, non jam somnus, sed apoplexia, lethargus, vel mors.

137. 2. Rem eandem probant, quas statim afferemus, singulares somni inducendi, aut intendendi causæ: quarum actio, & effectus in id reducitur, quod ani-

animalium spirituum per nervos a cerebro fluxionem tollant; impendant; aut imminuant. 13. Singularia experimenta dubium omne videntur tollere. Insolitum inducti, aut dissipati somni spectaculum Parisiis visum. Homo, qui, parte cranii sublata, nudatam habebat duram matrem, illam pacto pretio magis vel minus comprimi, a compressione remitti, hanc iterum incipere, perseverare, cessare permittebat. A pressione repentinus somnus, levior, gravior, diuturnior, pro leviori, majori, aut diuturniori pressione. Compressio incipiens, durans, remittens, cessans omnia obdormiscentis, dormientis, & expergilcentis edebat vulgaria phaenomena (a). At equidem a dura matris pressione comprehensum cerebrum, & serpentes per illum hac illac nervorum sensuum radices, hiantia ora, cæteraque vasa sanguinem illuc adducentia, reducentia, & spiritus animales percolantia tantummodo comprimuntur: spirituum formatio, secretio, fluxio in nervos impeditur. Obvius hic est, & consequens a duræ matris pressione effectus.

138. 4. Canis carotides alterne ligabat, & solvebat *Drelincourt*, arteriis vertebralibus interim semper solutis: ligatis vero, dormiebat, solutis expergilcebatur animal. Spiritus in cerebro deficere, in nervos non fluere, consequens iterum est atque obvius ligationis arteriarum carotidum, hoc est, impediti sanguinis effectus. Rem eandem periculo sæpius facto *Pifis* demonstravit *Realdus Columbus* apud *Valverdi* (b). Aliis quidem experimentum non successisse, non ignoro: id tamen neque factum, neque rationem infringit.

139. Multiplici vero causa, modo, & ratione fluxus ille, & actio spirituum deficere potest, totidemque sunt dormiendi causæ. Potissimæ sunt, quas modo subliciam: quarum veritatem, & efficaciam quotidiana omnium hominum experientia, modum vero ratio anatomie innixa, & analogia aliarum causarum confirmat. Ad duo generalia capita omnes reducun-

(a) *Boerhaave Prælec. ad num. 284. 590.*

(b) *Valverdi Anatomia lib. 6. cap. 11.*

tur, solida, & fluida: ex unius, vel alterius, vel etiam utriusque actione, aut defectu est semper somnus. Partes solidæ in rem præsentem facientes sunt cranium, & in illo contenta; fluidæ sunt, sanguis, & spiritus animales ab illo elicit. Nervorum, reliquarumque partium solidarum capitis integritate manente, ex solo spirituum animalium defectu, aut nimia copia irrepere potest somnus: id vero in sanguinis ut plurimum actionem, hæc in cibos, potum, motum, quietem, passiones, & alia similia refunditur. Sanguine etiam, & spirituum fluxu bene procedente, sola cerebri, duræ matris compressio, nervorum in stirpe ipsa læsio somnum inducit: hæc ab interna, aut ab externa causa ducere potest originem. Somni gravitudo viribus causæ, fibrarum, nervorumque conditioni respondet: plurimosque habet cum in diversis, tum etiam in eodem homine gradus.

140. Hisce animadversis, quæ videntur certa, causæ somni, fluidorum, aut solidorum ope agentes, sunt, I. *copiosi cibi*: hi ut plurimum, nisi contrarium opponatur voluntarium, aut necessarium impedimentum, somnum inducunt. Post cænam omnes, post prandium, quibus licet, & commodum est, dormiunt. Rei veritas omnibus est perspecta: qua tamen ratione id agant cibi, nemo hætenus satis exposuit. Partes chyli heterogenæ, inquiunt aliqui ab *Halleri* relati, & non probati, id rei efficiunt; sat spirituum ab iis non elicitur. At cum somnus ex cibis irrepit, nondum chylus est. Causa etiam non est, quod ventriculus cibis turgescens, qui aliorum sensus est, descendentem aortam premat, sanguinemque potius in superiora fluere compellat: unde ex nimio sanguine dilatatis arteriis, & venis, radices nervorum comprimantur, fluxus spirituum minuatur. At ventriculo aqua, aut liquore alio non fermentato, perinde ac a cibis, repleto, esset compressio, & somnus: contra universalem experientiam. Rei veritas est; quod neque aorta descendens a ventriculo premitur; neque sanguis magis in superiora, quam in inferiora effluit. Pariter ex utraque parte arteriæ, & venæ turgescunt, & pulsant. Plusne sanguinis, & spirituum ex stimulo ciborum, & naturæ ipsius instituto, dum sit digestio, in abdomen confluit, eorumque idcirco

avocatio a cerebro somnum inducit, quæ est *Alberti Haller* sententia, & concepta fere verba (a)?

141. Rem ego ex ignis elementaris, & spirituum animalium indole, alio in loco demonstrata, & ex familiari, & quotidiano phænomeno deduco, atque explico. Post assumptos cibos corporis partes plus minusve, pro temporum diversitate, omnibus frigescent. Plus caloris in humani corporis membris est, quam in cibis, & liquoribus, quos assumimus, & bibimus. Deficiente igitur caloris æquilibrio, ad quod semper in vicinis corporibus sese componere adnititur ignis elementaris, a toto corpore calidiori in ciborum massam frigidiorē se se diffundit: ejusmodique ignis diffusio, & fluxus pro ciborum, temporum, temperamentorum varietate, non modo in diversis, sed in eodem etiam homine diuturnior, aut brevior, tamdiuque durat, quoad inter ventriculi massam, aut chilum, & cæteras partes corporis reparetur caloris æquilibrio. Spiritus animalēs, & materiam electricam, postremam hanc & ignem elementarem aut idem prorsus esse, aut in omnibus fere convenire, in loco probavimus. Spiritus igitur post assumptos copiosos cibos ad inferiora affluere, in cerebro deficere, & somnum irrepere, pura est ex dictis consequentia.

142. Si quæ nos de spiritibus animalibus, de materia electrica, de igne elementari suis in locis disputavimus, in memoriam revoces; adductam explanationem probabis. Ecce hinc post exiguum cibum nullus, aut difficilis somnus. Vix enim tantillum turbatur æquilibrio. Post prandium igitur diuturnius, quam post cænam, dormiremus? lecto te, lumine penitus remoto, componas; nocturnum circa te sit objectorum silentium; rem ita esse experiere. Quod aliter res eveniat, aliis causis tribuendum. Potissima est defectus excitationis sensuum ab objectis externis; lumen oculos feriens, strepitus, loquentium voces, succussio a corporibus, & alia similia interdum agentia, noctu feriantia, nocturni somni diuturnioris, diur-

(a) *Haller adnot. ad num. 591. prælectionum Boerhaavii.*

diurni brevioris ratio sunt. Ab iis obiectorum actionibus organa sensuum, nervi, spiritus excitantur, agunt, fluunt, sentimus, vigilamus. In obiectorum igitur externorum silentio, noctu semper, interdum rarissime incidente, secundam habes generalem causam somnum inducendi, & producendi. Cum *produci*, dico, somnum ex defectu excitationis sensuum, & continuato obiectorum silentio induci, & produci: somnum somni *causam esse: dormiendo dormiendi veterum produci, & intendi*, intelligo.

143. Secundæ hujus causæ veritatem omnium nostrum experientia, modum ratio, periculum exempla aliquot demonstrant. Iis, qui a postmeridiana dormitione neque per se se, cum possunt, neque ab aliis excitantur, sensim ingravescit somnus, & molestiam capitis gravedinem producit. Idem de nocturno, seu matutino experimentum. Quamdiu spiritus non excitantur, & fluunt; eorum cessatio continuandæ excitationis ratio est: ita fert inertię lex. Motus motum, quies quietem producit, & continuat. Duplex autem excitationis spirituum principium, obiecta externa, & anima ipsa: & hinc aut a nobismetipsis, aut ab aliis obiectis succutimur, & excitamur. Quamdiu igitur vel voluntatis, membrorumque torpedine, vel externæ excitationis defectu non expergiscares; produceretur ex somno somnus. Animalibus interim spiritibus nimia dormiendi continuatione magis semper, & magis torpescuntibus, diuturnaue perspiratione dissipatis, in virium languorem, capitis gravedinem, sensuum, memoriæ, mentisque hebetudinem, fatuitatem, delirium, mortem gradatim deveniri potest. Exempla apud auctores passim offendes (a). Aliquot etiam harum rerum levissima specimina in nobis experimur; cum somno longe quam par est, diuturniori indulgemus. Et hinc certus cuique hominum est inter salutarem, & noxium somnum naturalis limes, experientia, & judicio, non mollitie, pigritia, aut sensus indulgentia definiendus. Dormire humanæ naturæ conditio est, malum necessarium, & remedium. Citra somni & vigiliæ vicissitudinem non vivitur: en natu-

(a) *Lege Boerhaave & Haller locis citatis.*

turalem nostrum conditionem : est igitur necessarium vitæ malum , & , ne moriari , remedium . Alio etiam sensu est etiam infirmitas , & medicina . Ultra , aut citra necessarium naturæ limitem dormire , novum est vitæ ipsius detrimentum , magis ab excessu , quam a defectu noxium : vitæque proinde diurnitati confusio , qui metam tantum attingit .

144. Tantumne ergo temporis opus est , oppones , ad æquilibrium ; cum totas 7. 8. aut plures etiam horas post cenam producat somnus ? Esto incipiat ab ea causa dormitio : una tamen aut altera hora elapsa reparatum jam erit æquilibrium : somnumque propterea ea ex causa intermittere opus esset . Somnum , respondeo , ab interrupto æquilibrium irreperere , & ad reparationem usque eadem ex causa produci diximus , & probavimus . Ulterior ejusdem continuatio partim est somnus ex somno , partim ex aliis causis modo adducendis productus .

145. *Tertia somni causa , eaque notissima , vitæ pariter , atque moribus noxia , est liberalis liquorum vegetantium , & fermentantium potus .* Hujusmodi sunt vinum , cerevisia , aquavita , spiritus vini , plures alii liquores subtile , & fermentantes , & vina quam plurima ex diversis vegetantium fructibus expressa , & parata : cum ex adverso aqua , infinitæque portiones non fermentantes eum non producant effectum . Hujus causæ modum , & actionem ita concipio . Post liberalem ejusmodi subtilium liquorum potum ex copiosis eorum spiritibus , & igneis particulis a ventriculi calore , acido , motu excitatis vehemens fit fermentatio , sanguini sensim communicanda . Ex venienti hac liquorum , sanguinisque vinosi spiritibus paulatim infecti , fermentatione , venarum , & arteriarum cerebri rami , perinde ut ceteræ omnes , magnopere turgescunt ; ignei que interim , & fermentantes liquorum spiritus subtilissimi extra vasa per glandulosam cerebri substantiam copiose imbibuntur : nervorum igitur radices , & ora in cerebri substantia hiantia admodum comprimuntur , spirituumque animalium formatio , percolatio , fluxio turbatur : inde idcirco nervorum , & sensuum feriæ , seu somnus , tamdiu duraturus , usquedum fermentatione in ventriculo , & sanguinis vasis absoluta , vinosi spiritibus evaporatis , sua sanguini restitatur naturalis temperies ,

spi-

Spiritibus percolatio, & fluxus, quibus iterum agant nervi.

146. Quodsi, hisce jam absolutis, & peractis, somnus ex potu inceptis longius adhuc prosequitur; non is jam est ex vino, sed ex somno-somnus: ut modo circa priorem causam diximus. Ex hac rerum deductione illud sponte consequi video, communi experientia confirmatum, longa ebrietatum repetitione aetiem mentis sensim hebelcere. Qui fieri posset, ut a tot fumosis fermentantium spirituum halitibus, cerebrum identidem occupantibus, agitantibus, organica illa cogitantis animæ sedes non impediatur? Hinc etiam est, quod vitam contrahat, ut passim videmus, familiaris ebrietas. Si enim diuturnior somnus vitæ noxius, ut diximus; quid non damni a familiari diuturnitate timendum?

147. Lassitudo corporis ex nimio membrorum motu; externorum objectorum silentium, seu ab iis nos non excitari, aut alia inducendi; Et producendi somni causæ sunt. Rem ipsam, & modum ex superius dictis per se quisque videt. Membrorum lassitudo ex nimia spirituum amissione, sudore ut plurimum, & insensibili perspiratione facta, consequitur: eorum igitur fluxum, & actionem intermitteri, nervosque non agi opus est. Externorum etiam objectorum circa nos silentio, hoc est, nulla ab iis in nos actione interveniente, qualis est nocturna rerum quies, altera intermittitur nostrorum sensuum, nervorum, & spirituum excitatio: si igitur interim anima, quæ aliud est ejusdem excitationis, & motuum principium, a cogitando distrahat, & sensim feriari incipiat; utraque excitationis spirituum cessante causa, effectum etiam intermitteri, somnum insepere, necessaria est consequentia.

148. Satis etiam ex dictis intelligitur, otium mentis alteram esse somni causam: otium scilicet ex otio. Ute rem ipsam, & rei modum probes, satis est & modo dicta, & superius tot jam in locis exposita animadvertere circa cogitantis animæ, & organorum motum, & sensuum mutuum vinculum, atque actionem. Mirum magis videri potest, re tamen ipsa, atque consequenti ex dictis deductione verum, somnum & ab otio cogitandi, & a continuata cogitatione induci: a motu scilicet & quiete, ab otio, & actione eundem

deus sæpe esse effectum. Diuturna cogitandi contentione magna spirituum vis amittitur: eorum inde fluxio remittit: & hinc nimio studio, diuturna mentis contentione lassitudo, & dolor capitis, quædam mentis hebetudo, & somnus quandoque originem ducunt.

149. *Nimium frigus inter periculosas dormiendi causas locum habet.* Rem facile ex dictis concipies, & explicabis. Membra frigore paulatim correpta, & tandem rigentia sentium, & motum paulatim etiam, & tandem omnino amittere, hoc est, indormire, quotidiana est experientia. Moriendi etiam & frigoris eadem ut plurimum est gradatio per membra. Sed fusius hæc evolvamus, quæ non ignorare, maxime refert. Frigore constringi corporis partes, & vasa, crassescere, & paulatim concrelescere liquores, intestinum languescere, & sistere motum, membra, aut totum corpus ita frigore correptum torpescere, non moveri, non sentire facti res est, & naturæ frigoris effectus. Eo igitur in statu pro ratione crescentis frigoris sanguinis motum remittere, aut cessare, spiritus animales amplius non formari, non fluere, neque agere, rigescentes sensuum, & motuum voluntariorum nervos non agi, aut functionibus inservire, paræ est ejus status consequentia. En proinde sensuum, & animalium functionum ferias, hoc est, somnum, si ad vitam interim maneat, quantum satis est motus.

150. Plurima ex hisce deduces, & explicabis. I. *Frigus ad certum usque intensiõis gradum est impedimentum somni, ultra eum gradum causa.* Hæc duo in speciem opposita rerum expositio componet. Frigus per se est dolor, hoc est, molesta sensus functio: per se igitur ferias sensuum potius excludit, quam inducat; hinc illa est dormiendi frigidis membris difficultas. Ultra eum gradum nervis, & spiritibus admodum jam torpescitibus, feriatur sensus, tollitur dolor, & profundissime dormitur.

151. II. *Somni hæc ex causa induci principium quidem ingratum, continuatio periculosa, finis aliquando mortiferus.* Incipit scilicet ex molesto dolore: somno jam induto, & concretis frigore membris, violentæ solum successiones, & ictus torpescitibus membra paulatim excitare, a profundo lethargo liberare, & in pristinas functiones restituere possunt: nisi frigore in-

terim; & cito quidem remittente, suus sanguis, spiritibus naturæ restitatur vigor. Qui frigore correpti moriuntur, mortiferum somnum dormiendo moriuntur: & quicumque in soporem frigore correptus incidit, nisi molellis luccussionibus excutetur; somno primum quidem gratissimo, in veterum deinde ingravescente, & mortifero tandem occumbit. Exempla non rara rem ex principiis deductam confirmant.

152. Hujus causæ, naturæ, & conditionis est diuturn a illa plurimorum insectorum, & aliquarum etiam avium per totum hyemem dormitio. Formicæ, timices, hirundines, & aliæ animantium species hiberno frigore correptæ, & torpentes totum illud tempus ob spirituum animalium defectum ex frigore derivans dormiunt, mortuis simillimæ, sub veris initium, & restitutum atmosphæra calorem expersgiscendæ. Hómone vero, cæteræ animantium species similem poterunt dormire somnum? Rem fieri posse non inficior, & ex disputatis hætenus deduco: factam jam historiographi tradunt, penes quos sit fides: facile id vero factu esse, non admiserim. Singulæ animantium species certos frigoris, aut caloris gradus ferre possunt: quibus transgressis, de eorum vita actum est. Ad rem definiendam compertum primo deberet esse quænam perspirationis ratio ex singulis animantibus: quænam ratione abstinentiæ ciborum ferre valeant, quod vitale systema sine animali superesse possit: & alia similia.

153. III. *Homines pinguedine pressi, senes, pueri somno ex allata causa præter alias magnæ re indulgent, aut premuntur.* Pinguedo, senectus, copiosi puerili ætate humores; frigidiores per se se sunt aut frigoris rigore facilius contrahuntur, quam virilis ætas ab iis incommodis libera: Sed ex aliis etiam causis ista pendent. Pingues non frigidiores modo, sed ob pinguedinem ipsam pressiores, & angustiores habent arterias, & venas, adipe sepultas: minusque sanguinis in hujusmodi corporibus inest & circulatur senectus per se se frigida ob languiscentem vasorum elasticitatem, remittentem decrepescens sanguinis motum minorem in dies spirituum vim producit. Idem est pueritiæ vitium ex infirmo adhuc organorum elatio, nimiaque humorum copiâ originem ducens.

154. *Pressio cerebri externa, aut interna: fluxus*

deus saepe esse effectum. Diuturna cogitandi contentione magna spirituum vis amittitur: eorum inde fluxio remittit: & hinc nimio studio, diuturna mentis contentione lassitudo, & dolor capitis, quædam mentis hebetudo, & somnus quandoque originem ducunt.

149. *Nimium frigus inter periculosas dormiendi causas locum habet.* Rem facile ex dictis concipies, & explicabis. Membra frigore paulatim correpta, & tandem rigentia sentium, & motum paulatim etiam, & tandem omnino amittere, hoc est, indormire, quotidiana est experientia. Moriendi etiam & frigoris eadem ut plurimum est gradatio per membra. Sed fusius hæc evolvamus, quæ non ignorare, maxime refert. Frigore constringi corporis partes, & vasa, crassescere, & paulatim concrelescere liquores, intestinum languescere, & sistere motum, membra, aut totum corpus ita frigore correptum torpescere, non moveri, non sentire facti res est, & naturæ frigoris effectus. Eo igitur in statu pro ratione crescentis frigoris sanguinis motum remittere, aut cessare, spiritus animales amplius non formari, non fluere, neque agere; rigescentes sensuum, & motuum voluntariorum nervos non agi, aut functionibus inservire, pura est ejus status consequentia. En proinde sensuum, & animalium functionum ferias, hoc est, somnum, si ad vitam interim maneat, quantum satis est motus.

150. *Plurima ex hisce deduces, & explicabis.* I. *Frigus ad certum usque intensiōis gradum est impedimentum somni, ultra eum gradum causa.* Hæc duo in speciem opposita rerum expositio componet. Frigus per sese est dolor, hoc est, molestia sensus functio: per se igitur ferias sensuum potius excludit, quam inducat; hinc illa est dormiendi frigidis membris difficultas. Ultra eum gradum nervis, & spiritibus admodum jam torpescētibz, feriatur sensus, tollitur dolor, & profundissime dormitur.

151. II. *Somni hæc ex causa inducī principium quidem ingratum, continuatio periculosa, finis aliquando mortiferus.* Incipit scilicet ex molesto dolore: somno jam inducto, & concretis frigore membris, violentæ solum successiones, & ictus torpescētia membra paulatim excitare, a profundo lethargo liberare, & in pristinas functiones restituere possunt: nisi frigore in-

terim; & cito quidem remittente, suus sanguini, spiritibus naturæ restitatur vigor. Qui frigore correpti moriuntur, mortiferum somnum dormiendo moriuntur: & quicumque in soporem frigore correptus incidit, nisi molellis luccussionibus excutetur; somno primum quidem gratissimo, in veterum deinde ingravescente, & mortifero tandem occumbit. Exempla non rara rem ex principiis deductam confirmant.

152. Hujus causæ, naturæ, & conditionis est diuturna illa plurimorum insectorum, & aliquarum etiam avium per totum hyemem dormitio. Formicæ, cimices, hirundines, & aliæ animantium species hiberno frigore correptæ, & torpentes totum illud tempus ob spirituum animalium defectum ex frigore derivans dormiunt, mortuis similinæ, sub veris initium, & relliturum atmosphæra calorem expergiscendæ. Hómone vero, cæteræ animantium species similem poterunt dormire somnum? Rem fieri posse non inficior, & ex disputationis hætenus deduco: factam jam historiographi tradunt, penes quos sit fides: facile id vero factu esse, non admiserim. Singulæ animantium species certos frigoris, aut caloris gradus ferre possunt: quibus transgressis, de eorum vita actum est. Ad rem definiendam compertum primo deberet esse quænam perspirationis ratio ex singulis animantibus: quænam ratione abstinentiam ciborum ferre valeant, quod vitale systema sine animali superesse possit: & alia similia.

153. III. *Homines pinguedine pressi; senes; pueri somno ex allata causa præter alias magnæ re indulgent, aut premuntur.* Pinguedo, senectus, copiosi puerili ætate humores; frigidiores per se se sunt aut frigoris rigore facilius contrahuntur, quam virilis ætas ab iis incommodis libera. Sed ex aliis etiam causis ista pendent. Pingues non frigidiores modo, sed ob pinguedinem ipsam pressiores, & angustiores habent arterias, & venas, adipe sepultas: minusque sanguinis in hujusmodi corporibus inest & circulatur senectus per se se frigida ob languescentem vasorum elasticitatem, remittentem decrepescens sanguinis motum minorem in dies spirituum vim producit. Idem est pueritiæ vitium ex infirmo adhuc organorum elatio, nimiaque humorum copiâ originem ducens.

154. *Pressio cerebri externa, aut interna: fluxus*

sanguinis in cerebrum impeditus, aut nimius: & consequenter, calor intensus postremæ a nobis statuuntur somni causæ. Cerebrum & nervorum ora possunt premi vel a pressione extrinsecus facta supra duram matrem, vel a vasis sanguinis nimium dilatatis: quod nimii sanguinis, aut caloris potest esse effectus. Ab impedito sanguinis in cerebrum fluxu spirituum animalium percolationem, & fluxum etiam impediri, sensuum ferias, hoc est, somnum induci, liquido ex superioribus constat: sanguisque vel copiosius, quam par est, in cerebrum fluens, aut impeditus idem provocare possunt. A quoniam principio sit periculosus ut plurimum ægrotorum lethargus, quæri, atque ex dictis inveniri, & statui potest: ut mali origini applicetur remedium. Crassescens sanguis, lentior illius motus, nimia aliquando copia, & fluxio æque esse possunt lethargi causæ. Illi sane, qui, secta vena, moriuntur, quæ olim Senecæ, & aliorum sæpe fuit mors, dormiendo mori possunt dici.

C O R O L L A R I U M.

159. Quid igitur rei sit somnus, quodnam naturæ bonum, aut malum: quænam illius causæ proximæ, aut remotæ, quisnam earum causarum modus, ratio, vires disputatum est. Antequam, quæ supersunt, expediamus, pauca inter multa ex jam dictis descendenti indicemus. I. Quoniam somnus a causis adeo diversis inducitur: diversa pariter sunt non modo in aliis, & iis, sed in eodem etiam homine somni qualitates, & accidentia: gravitudo, & levitas. Quænam vero circa hæc duo in dormientibus diversitas, a sanguinis temperamento, ciborum, & potionum natura, & quantitate, corporis obesitate, caloris, frigorisve excessu derivans? Ab hisce postremis capitibus quænam in febricitantibus sæpe, in animalibus frigore correptis quotannis animadvertimus? Undecumque illa proveniat gravitudo; eam esse somni non boni notam, res mihi est indubia. Pura, sensuum requies perfectus est somnus, & omnia dormiendi beneficia secum fert. Quod ultra huiusmodi quietem est evigilandi impedimentum, hoc est, gravitudo somni, non id jam est sensuum requies, sed vincula: eo magis ad animalis mortem ducentia, & eam referentia, quo majori sensu-

ſensus catenant, eorumque functiones impediunt. Verum eſt agere, & expedita ad agendum facultas. Actiones hic ego vitales, & animales intelligo. Atteritur tamen, & pereditur continuata actione animal: quies igitur ſenſuum expedita ſemper manente ad actionem facultate, vires reparat, vitæ beneficium eſt: En ſomnum levem, & perfectum. Si vero ſenſibus ab actione quieſcentibus, facultas inſimul magis minuiſve impedimenti patiatur, quod eſt gravitudo ſomni, id vero cum agendi impedimentum ſit, animantis vitæ noxium eſt.

A primo igitur obrepentis ſomni initio ad quietem uſque a vinculis liberam, hoc eſt, ad ſomnum levem, definitum, a natura limitem, ſomnus ipſe perfectius gradatim evadit beneficium: corporis, & facultatis torpore poſt eum limitem incipiente, & gradatim ad mortem graveſcente, gradatim etiam magis, & magis a beneficio recedit ſomnus.

COROLLARIUM II.

156. Non eadem etiam eſt incipientis, continuantis aut delinquentis ſomni gravitudo. Naturalis ſanorum hominum ſomni gravitudo ſenſim ut plurimum continuatione remittit: intenditur ſæpe ægrotantium lethargus: id quod cauſarum ſomnum tum temporis inducentium, genio cohaeret. Superiora intelligenti hoc animadvertiſſe, ſatis; non intelligenti fuſior etiam explicatio non ſufficeret.

Diuturnitas, & brevitās ſomni pariter ſere illius gravitudini, & levitati reſpondent, cum quoad cauſarum, tum etiam quoad phaenomenorum diverſitatem.

COROLLARIUM III.

157. Illæ aliæ etiam ſomnorum diviſiones vulgo admiſſæ in ſuaves & inſuaves, ſeu moleſtos, naturam ſublevantes, & opprimentes: ſalutares, & noxios non opinione tantum vulgi, ſed re etiam probantur; & expolitarum hucuſque cauſarum debent eſſe conſequentia. Suaves plerumque ſunt ſomni qui ſine inſomniis, gravitudine, vitalium functionum detrimento exiſtunt. Contra vero fatigant, moleſtaque ſunt inſomnia

omnia, somnus gravior, diuturnior, lethargus. Informia, quod vane cogitandi laborem ferant, dulcemque excludant quietem: proptereaue & quiescendi, & cogitandi oblectamenta turbent, duplici de capite molelliam creant. Lethargus, & diuturnior somnus citra vitalis systematis damnum non exiguntur. De lethargo res est ex dictis manifesta: in utroque, longiore perspiratione, spirituum animalium amissione, musculorum, & nervorum diu flacelcentium languore inertia ut plurimum ad aliquod tempus sunt necessaria ad motus, ad sensum, ad cogitandum organa. Inde vero capitis gravedo, sensuum hebetatio, membrorum ad motum torpor & inertia. Non rarum inde est, quod mirabile videri deberet phenomenon, æquali post diuturnum somnum, atque post diuturnum studium, aut laborem, capitis, aut membrorum defatigatione homines laborare.

Duæ aliæ somni divisiones allatæ priori plane analogæ facile ex illius explicatione intelliguntur. Naturam sublevat requies vitalibus functionibus damnum non inducens, spirituum dissipationi parcens, formationi favens. Opprimit, in quo opposita peraguntur. Hæc eadem fere est salutaris, & noxii somni ratio.

C O R O L L A R I U M I V.

158. Quanta hinc in medicinæ usum non deducuntur? Somnus secundum varias illius qualitates multiplicis mali indicium, causa, aut remedium existit. Nihil in re medica magis notum. Somni propterea, accidentia, qualitates diligenter observare, causas, & effectus explorare, illum inducendi, dissipandi, levandi rationem agnoscere: idque per tempus efficere, maximi momenti res esset, & in omni medico desiderandum. Morbos quotidie novimus gravem, atque diuturnum somnum inducentes: cum omnino impediunt alii, noxiamque ferunt vigiliam. Priorum causæ, præter alias, est sanguis crassescens. A viscosis, & tenacibus ejus partibus circulationem sensim languescere, spirituum percolationem, formationem, fluxum retardari, & impediri, somnumque inde consequi gravitudine, diuturnitate, periculo intensitati causæ proportionalem, physicæ leges sunt. Si longius producaturs ille rerum status; spiritus etiam ad vitalem

lium functionum systema necessarii paulatim deficientia, ad mortemque vergit malum; nisi præiens causæ afferatur remedium.

159. Secundum ex oppositis principiis frequenter accidit. Ardenti calore sanguine semper agitato, quæ febris conditio est, spirituumque copia, fluxu; functionibus interim non deficientibus, aut interruptis, aberit proculdubio somnus, molestaque vigilia laborabitur. Hujusce status principia, quæ esse possunt diversa, agnoscere, tollere, aut temperare, docti medici munus est. Rem enim hucusque ex certis principiis deducere, & secundum leges physicas, atque experimenta statuere philosophus, serum usum agnoscere debet medicus.

COROLLARIUM V.

160. Quod vehementes animi cordisque passioness iræ, vindictæ, amoris, frigus, & calor molestum efficiunt sensum aliæque incommodæ causæ, seu animi, corporisve status, somnum dispellant, irreperere non permittant, necessarium est dictarum hucusque rerum corollarium. Dolorem hæc omnia excitant, hoc est, molestum animæ sensum, sentiendique exercitium rem somno, sensuum nimirum series plane oppositam. Alia multa consulo præfermitto, quæ facile secundum dicta explicabuntur.

§. II.

Quisnam interim, dum dormimus, animalesque functiones feriantur, vitalis systematis, & functionum status existat.

161. Dum humani sensus feriantur, eorumque functiones cessant, vitalis facultas res suas agere pergit. Quænam vero, hujusmodi discriminis causa? Perindene etiam inter dormiendum, atque dum vigilamus, vitales motus, & functiones peraguntur? an melius forsan, vel pejus hæc, dormiendo fluunt? Primæ quæstio per sese difficilis ad scientiæ potius theoriâ perficiendum spectans, quam ad usum, aut humanæ vitæ beneficium inserviens, in præsentî saltem, quam habemus; physiologiæ cognitione, in multiplices diver-

fos sensus distinxit phycos. Secundam de qua etiam inter egregios medicos non convenit ad usum vitæque beneficium aut damnum propius spectat, potestque observando definiiri. Ab hac ergo incipiamus.

162. Ab eo, qui in dormiente sit, & statuatur vitalium functionum exercitium, longioris, breviorisve somni utilitas, aut damnum definiendum est. Vitalis facultatis præcipua hæc sũnt munera: motus cordis, & arteriarum, circulatio sanguinis, respiratio, digestio ciborum, insensibilis humorum e toto corpore perspiratio, secretiones humorum in glandulis, nutritio, & tandem, quod omnium caput est, spirituum vitalium, nervorum, atque musculorum ad illa omnia inservientium non interrupta actio. Quid vero hæc, dum dormimus? Melius hæc omnia in somno, quam in vigilia peragi, somno animales functiones languescere, vitales vigescere: contra vero in vigilia vitales remittere, animales confirmari, vigiliam animalibus, somnum vitalibus functionibus favere, *Sanctorii* sententia fuit (a), cui olim præverat *Hypocrates* (b), pollea vero calculum addidit *Boerhaave* (c), duo medicinæ lumina: compluresque alii sunt ejusdem sententiæ auctores. Hæc unum iis est rem statuendi ratio, quod dormientium calor, inquirunt, perspiratio, seu insensibilis sudor in somno, quam in vigilia, sint intensiora, respiratio item profundior, & vehementior: eadem igitur erit aliarum functionum ratio a tribus hisce consequentium.

163. Rem tamen vulgi potius opinione, & præjudicii, quam experimentis, aut ratione probatam, data opera accurate examinarunt recentiores *Keil* (d), *Dodart*, omnium verò diligentissime *Gorter* (e). Rei summa est, quod contraria omnia invenire, & statuunt, atque statuerat *Sanctorius*. Observata etiam observatis non conformantur. Perspirationem nocturnam posuerat *Sanctorius* unciarum 40. aut 50: ali-

(a) *Sectione 4. num. 47. 48.*

(b) *Epid. 6. num. 4. 5.*

(c) *Prælection. n. 590.*

(d) *Keil. pag. 374. 375.*

(e) *De Perspiratione num. 307.*

50. e aliquando etiam unius libræ in horam : in vigilia vero dimidio esse minorem (a). A Gorteri experimentis perspiratio nocturna hyemalis est unciarum 16.; æstiva unciarum 14. : duarum unciarum in horam : vigiles tres uncias perspiramus in horam ; quatuor vero, si moveamur. Undecumque hæc sit in observationibus ipsis oppositio : liberalesne Italarum, frugalissimæ ac fere nullæ vero Batavorum, & Anglorum cænz oppositas producant nocturnæ perspirationis summas, quod conjicit Haller : an alia sit rei causâ ; experimentis, naturæ, & cællarum legibus, atque ratione diligenter perpenlis, certa mihi sunt sequentia.

164. I. *Somnus ex se, seu status dormiendi calorem, & consequenter sudorem in animante neque augeat, neque producat.* Sudor enim est consequentia & effectus caloris: quod ergo secundum non augeat, aut producat, imò forsan etiam impediat, idem circa primum præstabit. Jam vero calorem motus excitat, & augeat: qui major per se est in vigilante, quam in dormiente: quies vero temperat, & paulatim extinguit, ut & experimentis, & ex theoria ignis, atque caloris in loco exposita edocemur. Unum opponere posses motum sanguinis, quem, si in dormiente major esset, alterius motus defectum supplere diceres. Sed neque sanguis in dormiente celerior, neque celeritas tantillo major sufficiens esset supplementum. Rem præterea experimentum delinit: dormiens stragulis æque, atque vigilans coopertus, iidem manentibus circumstantiis, magis præ vigilante frigescit.

165. II. *Minus etiam, dormiendo, quam vigilando, humanum corpus perspirat.* Experimenta Gorteri, calor, & sudor in vigilanti major modo allertus, dubium omne tollunt. Adde etiam, quod vigilante sese ut plurimum movente, & ab aliis in alia ambientia corpora, & aerem consequenter transeunte, majus inter internum, & externum calorem discrimen, & æquilibrii differentia sit, quam in dormiente, iidem semper stragulis, & aere circumdatò: ex indole igitur ignis & caloris sese circumquaque diffundendi, & ad æqui-

li-

(a) Sanctörins Sect. 4. n. 2. 37. 37.

librium tendentis, plus caloris, & ignis in primo, quam in secundo statu ex humano corpore effunditur: secumque tenuissimos corporis halitus effluendo defert: id quod aut sudare, aut perspirare est.

166. III. *Ciborum etiam digestio, fluidorum percolationes, & secretiones melius in vigilia, quam in somno peraguntur.* Levissima etiam cujuscunque nostrum supra nos metiplos animadversio ad rem suadendam satis. Sex horis a prandio, lautiori per se se, quam cæna sit, transactis, cibos jam appetimus, aut famem patimur: quam non nisi post duodecim fere horas a cæna experimur: indubio argumento, promptius in prima, quam in secunda periodo; vigilando, quam dormiendo ciborum digestionem fieri, novamque incipere acidorum in ventriculum actionem. De humoris a sanguine secretionem vigiliæ temporibus copiosiori, sibi ipsi unusquisque experimento, aut argumento est.

167. IV. *Cordis etiam & arteriarum pulsus lentior est in somno.* Et inde plenior cum majores undæ, aut jactus e corde expellantur. Eadem de causa rarior etiam est respiratio: quæ a circulante sanguine motusque cordis plurimum pendet. Quod duo hi motus magis plerumque sint in dormiente, quam in vigilante uniformes; causæ sunt nullæ, fere in dormiente, frequentissimæ in vigilante, & motus, & motuum variationes.

168. V. *Functionum vitalium una est nutritio, quæ omnium sententia, melius dormiendo, quam in vigiliæ peragatur.* Id vero est dictarum hucusque rerum confectarium. Sanguis inter dormiendum lentior, & magis sensim lentescens, dum a majoribus vasis ad minora semper & minora fluendo derivatur, ex majori hac lentitudine magis etiam crassescit, subtiles ejus particule, nutritionis elementum, & in partes corporis convertendæ, facilius implicantur, detinentur, antiquis secundum organorum rationem apponuntur, adhærent, uniuntur: Id vero est nutriri corpus. Plurima quæ ex dictis inferri possent somni usum, utilitatem, aut damnum spectantia, aut lectori facile animadvertenda, aut medicis fusius definienda omittimus.

§. III.

169. Quare animalium functionum quies illam etiam vitalium secum non ferat: maxime ex adverso secunda primam semper inducat, non facile desinit: miraque est in presenti quaestione solvenda physiologorum dissensio. Hujusmodi munus, & effectum animæ tribuere (rem totam penitus ignoranti, ac proinde non volenti) quæ est *Stahliani*, & discipulorum sententia, id esset quaestionem caligine obducere. Muscularum fibrarum cordis, aliarumque vitalibus motibus inservientium *irritabilitas* a bene multis post *Albertum Haller* statuitur totius rei causa. Satis jam ea de re superioribus disputatum. Est ne forsan spirituum animalium indoles a vitalibus diversa, formatio difficilior, faciliior dissipatio, ut ex iis capitibus animalem facultatem intermitteri, vitalem semper agere opus sit? Qui ita sentiunt physiologi medici, causam afferunt æque intellectu facilem, atque probatu difficilem. In abditissima notissimi, & manifesti phaenomeni causa, & modo expendendis parumper immoremur. Vitales omnes motus, & functiones a primo se se nutrientis corpusculi initio ad mortem usque numquam cessant: dum interim animales quotidie intermittunt, & renovantur. Systematis igitur animalis functiones, & nervorum ad illas inservientium apparatus, incolumi vita, sæpe feriantur; feriendo autem nullum in vitale systema, & nervos impedimentum inducitur. Quænam rei causa, & modus?

170. Nodum si minus solverat, uno verbo secavit *Borellus* (a) *Swamerdamius* (b), *Perrault* (c), animales, vitalesque motus animæ tribuendo: a cujus virtute, & perenni consuetudine est, inquit, ut priores quotidie alternentur, posteriores numquam sistant. *Stahlianus*, cum non modo quidquid in corpore sit, sed corporis ipsius formationem, & compactionem opus

ani-

(a) *De motu animal.* l. 2. prop. 80.

(b) *Bibl. natur. de ranis* p. 844.

(c) *Du toucher* pag. 547. & alibi

animæ esse statuerit (a); Brevi etiam hac responsione se se a præsentī quæstione expedit. Anima, inquit, corpus ipsum per se se formavit, primum in illo vitalem omnem motum produxit; animalem postea addidit. Hæc quidem omnia sibi olim nota, paulatim oblitam; longa consuetudine peragere. Quid enim non agimus distracti, & inscii, unaque consuetudine ducti? Quænam aliqui somniando, quænam omnes non agimus vigiles, & distracti?

171. Sincere an jocando illa a doctis hominibus proferantur, dubium esse posset. Ita enim vero philosophari, difficultatem declinare est, & rem non intellectam non intellecturis tradere. I. Quantumcumque universi mortales adnitamur, meditemur, & studiosissime persequemur; penitiorē humani corporis fabricam, primitiva elementa, & ordinem agnoscere desperamus. Quod vero anima rerum jam ulu, & instructione edocta assequi non potest, id ille ante omnem sensum, & idearum acquisitionem fuisse notum, & ab eadem peractum? Qui hæc admittit, non quidem ratione agit, sed fide & magistri auctoritate agitur. II. Primitiva Dei Creatoris opera, qualis est humani corporis fabrica, & vita in vitalibus motibus physice consistens, animæ humanæ tribuuntur: ipsaque creandi munus agere inscia omnino statuitur. Anima, inquam, quæ suppositam illam sui corporis formationem, & vitalium motuum regimen neque agnoscit, neque recordari unquam potest. Qualiscumque a nobis contrahatur rei consuetudo, quæ in naturam veluti abiisse videatur; vinci tamen illa, moderari, aut animadverti potest. Neutrum vero ex iis in re præsentī verum est. Quonam præterea fundamento id muneris, atque virtutis animæ tribuitur? arbitrarium igitur statuitur dogma: quod quamdiu non probes, produci in medium non debet. Alia non apparet, inquit, causa vitales motus producens, & humanum corpus formans præter animam. Hæc vero cum & præsens semper sit, atque de animando a se corpore, atque vita agatur, rebus sane illam maxime spectantibus; utrumque illud producendī virtute donatam a Deo

(a) De motu tonico pag. 30. & alibi.

Deo fuisse, rationi consonum videtur. Hoc tamen argumentum ignorantiam quidem nostram circa quæsitam causam, non causam ipsam ostendit. Modestius est, atque sapientius in rebus hisce propriam fateri ignorantiam, quam ex ignotæ atque obscuræ causæ rejectione obscuriorem aliam statuere.

172. Mirum tandem esset, animam tanta virtute præditam nihil circa vitales motus mutare, & modificare numquam posse; cum de re sua, de sanitate, vita, morte sæpissime agatur. Infiniti humanorum corporum morbi, quibus quotidie occumbimus homines, ex cordis, sanguinis, aliisque vitalibus motibus pendent, & in iis potissimum consistunt. Eos motus temperare, accelerare, retardare, diversisque aliis rationibus modificare, id utique amissam valetudinem recuperare, est. Systema vitale, & animale in perfecto semper æquilibrio, & iusta temperie si quis servaret; ille proculdubio, si non immortalem, in plurima tamen sæcula vitam iproduceret. Una desuetudine secundum hanc sententiam illa felicitate privamur. Tanta vero est vis desuetudinis, ut causa semper præsens, ad illam superandam apta, potens, volens, beneficii ex superanda desuetudine profuturi sibi plane conscia numquam tamen rem obtinuerit. Alia sane est nostrarum consuetudinum, & desuetudinum indoles.

173. Quænam ergo est propositi effectus causa? Quid plures alii excogitarint, & adstruxerint physiologi, impræsentiarum omisso, cum res alibi jam fuerit exposita, una *Vvillisi* sententia non est prætermittenda. Duo ille primus omnium asseruit, & rei quam examinamus, causam esse dixit: 1. nervos a cerebello derivatos ab iis cerebro productis esse diversos. 2. Priores vitalibus, secundos animalibus motibus inservire: indeque facile ab actione intermittere postremos, dum interim primi, per se robustiores pergunt semper agere (a); atque communissima hæc fuit post *Vvilisum* medicorum sententia (b). In præsentis anatomiz lumine sustineri illa amplius nequit quoad omnia capita: quin

(a) *Vvillif. de Cerebro, & nervis cap. 15.*

(b) *Rem videre est apud Haller nota 1. ad num. 600. prælection. Boerhav.*

quin id subtili auctori vitio verti possit. Asserta a *Vvillifio* nervorum origo exacta non est, neque vera. Unde illam ducant nervi, aut promiscue, aut alii ab aliis separati, in loco retulimus: resque est a *Vvillifio* opinione admodum diversa. Illa etiam nervorum vitalium ab animalibus diversitas ad rem præsentem faciens, examine accurate facto, non apparet. Nihilominus omnibus aliorum physiologorum examinatis sententiis, *Vvillifium*, si non veritatem attigisse, quod affirmare non ausim, ad illam propius cæteris accessisse crediderim.

174. Rem ego ita mihi concipio, quin aliis ut sensum meum probent, adducere contendam. Mira nervorum arbor primis radicibus cerebro immixtis, per cerebellum, & deorsum deinde per totam spinam dorsali truncum producit: ex quo omnia nervorum paria hinc inde tamquam ab arbore rami producuntur. Vitales nervi ex cerebello, potissimum tamen ex spina dorsali, hoc est, ex trunco iam formato robusto, & a radicibus longe producto prodeunt. Quidni igitur in animali hac arbore perinde ac in vegetabili res fiant? In arboribus nutritii succi, qui animalibus spiritibus in re nostra respondent, per radices magnam partem ingressi, dum per truncum ascendunt, potissimum digeruntur, præparantur, defæcantur, ut arborem totam nutrant. Longe melius & copiosius hæc in trunci, ramorumque medulla, & productione, quam in radicibus peraguntur. Perfectior inde trunci, quam radicum nutritio, augmentum, moles: vegetiores ex trunco rami copiosior illic nutritius succus, ejusque fluxus, & refluxus. Fluendo enim, & a radicibus ascendendo præparatur: & quæ in radicum vasis apta adhuc non erat ad plantæ nutritionem substantia, ascendendo per truncum paulatim digesta aptum evadit alimentum. A pari in re nostra philosophamur. Animalium spirituum unum fere cerebrum est officina: vitales a cerebro ad os, usque sacrum digeruntur, & formantur. Tota spinæ dorsali medulla; qua late extenditur, eorum officina, & veluti stomachus exstitit. Hæc vero & illam animalium spirituum complectitur, & partem alteram longe majorem comprehendit. Consequens inde est, ut longe facilius, & frequentius animales, quam vitales spiritus deficiant: illorumque defectus & cessatio vitibus nequaquam noceat: maxime vero ex adverso.

175. Diversa idcirco nervorum origo, medullæ constitutio, & indoles reconditi hujusce effectus causam ex parte saltém constituit. Illamque, ut superius dixi, feliciter, quam alii, collineavit *Willisus*. Explicatæ causæ duo etiam addenda, in eundem effectum influentia crediderim. Peculiarem cordis, totius systematis omnium motuum fundamenti, structuram, & ejus fibrarum indolem. Eæ sunt cordis fibræ ut integer hic mirabilis musculus tenuissima vi, & tantillæ substantiæ irritantis attractu ad motum peristalticum excitetur, atque cum motum diuturno tempore continet. Structura vero, & positio illa est, ut & conceptum semel motum facile servet, & in vitalium motuum atque organorum veluti centro existat. Hæc omnia in animali systemate desiderantur: ut facile ex dictis in prima hujus Physicæ Viventium parte constat. Atque hæc illa sunt, quæ mihi mirabile hoc naturæ arcanum mecum ipso evolventi in mentem venerè, & probabiliora esse existimò: sententiam positurus, cum probatiora tandem in medium proponantur.

§. IV.

Vigilia atque Insomnia

176. Quid rei, & modi sit vigilia, quænam illius causæ utilitas, necessitas, suavitas, & aliquando etiam incommoda, & molestiæ existant, ex superius dictis plane intelligitur. *Vigilia est sentientis animæ exercitium, externus, internusque sensus*: quæ ab actionibus objectorum per nervos & spiritus in animam, & animæ etiam in objecta consequitur. Quidquid hujusmodi actiones excitet, vigiliæ causæ sunt: eæ vero vel externæ ab objectis ipsis, vel internæ a naturali spirituum actione, fluxu, copia, vel ab animæ ipsius conatu, & imperio existunt. Pro vario earum causarum genio, viribus, modo, & corporis etiam statu vigilia est suavis, aut molesta, utilis, aut noxia, necessaria, aut superflua: quod superiora intelligenti ulterius prosequi opus non est.

177. *Somnia sunt vigiliæ quædam crepuscula: absurda ut plurimum objectorum representationes, & inordinata obscurarum idearum explanationes*. Satis hæc etiam ex dictis in data hac Viventium Physica intelliguntur.

Duo

Duo in somniis interveniunt, excitatio impressionum in cerebro antea existentium, atque animæ perceptio ab ejusmodi excitatione consequens. Objectorum vestigia aliquo tandem modo in cerebro imprimi, & ordine aliquo disposita permanere, supra docuimus. Ad phantasmatum excitationem quæ commercii legem, explicari in animæ rerum perceptionem ab anima ipsa elicitam, superius etiam indicavimus, & alibi demonstramus. Jam vero hujusmodi phantasmata duplici modo excitari possunt: actione scilicet externorum objectorum, peculiarique animæ ipsius contentione; & animadversione (id autem est vigilia, recordatio, aut memoriæ actus); vel per solam internam aliquam materialem causam, v. g. fermentationem, temperamentum, peculiare spiritus & sanguine expressos, & per cerebrum, aut cerebri partem aliquam diffusos, eaque diffusionem hbras excitantes.

178. Secundâ hæc excitatio, & excitationis causa, cum interna sit, fieri multoties potest, dum interim externi sensus omnino feriantur: illa ergo erit causa physica excitans somniorum, hoc est, earum imaginum, ac repræsentationum, quas, dum interim dormimus, nobis exhibemus, & videre nobis videmur. Hinc vero deducuntur notissima somniorum accidentia, & phænomena. Sunt primo plerumque obscura; quia externorum sensuum actionibus, & animi contentione, & animadversione deficientibus, longe imperfectius excitantur phantasmata, imperfectior etiam est repræsentationis, & perceptionis, claritas.

179. 2. Mille aliquando chimæras, & monstra somniamus. Res, & facta diversa, longo temporum, ac locorum discrimine, atque intervallo distantia coniungimus; quia uno, eodemque tempore ob factam in cerebro fermentationem, aut aliam ex adductis modo causis diversa illa phantasmata excitantur; unde cum uno; eodemque tempore res adeo diversas confuse percipiamus; dimidiatas veluti ideas in unam collamus.

180. 3. Aliquando tamen ordine suo longam rerum, & idearum seriem somniando sequimur, & nobis repræsentamus: quod excitatio per unam, eandemque idearum seriem consequenter diffunditur, quin alia eodem tempore phantasmata succedantur. Et hinc nil mirum est, quod apte aliquando in somniis

niis loquamur, periodum, aut carmen pangamus, pronuntiemus, aut interroganti respondeamus.

181. 4. Unde tamen est, quod aliqui inter somnia electo assurgant, e camera egrediantur, ambulent; obicem devitent, aliaque peragant quæ vigilem animam postulare videntur? unde etiam est; quod res aliquando post longum annorum fluxum oblitteratæ iterum excitantur, earumque iterum recordamur? Respondeo: Primum in sequentibus attingemus: Secundum vero ex eo provenit, quod fermentatione & alteratione, aliqua spirituum inlinuatione, & fluxu per interiores nervorum, & fibrarum partes impressa olim, & sepulta deinceps phantasmata in totum aut secundum partem excitentur.

Tandem quod aliqui rerum in somniis visarum postea vigiles recordentur, alii vero obliviscantur, ex eo nascitur, quod in horum cerebro imaginum illarum vestigia & phantasmata leviter solummodo fuerint impressa, aut fuerint iterum perturbata, obdusa, deleta; contrarium vero accadat in aliis.

S. IV.

Memoriæ felicitas, atque alia accidentia, affectiones, & amantæ quæstiones.

182. Ut illa, quæ circa memoriam examinanda supersunt breviter exponamus; aliqua recolenda nobis sunt, quæ suis in locis explicavimus. Primum: omnes hominum animas esse unius, ejusdemque speciei, seu æqualis perfectionis, quidquid in contrarium dicere ausi sint aliqui huius temporis philosophi. Cum igitur in hominibus, imo & in uno eodemque homine, in quo una tantum, & semper est anima, mira sit memoriæ, imaginationis, & aliarum passionum varietas & discrimen; indubium est omnem illam diversitatem non ab anima, sed a sensuum organo pendere. Secundum: eam esse inter corpus humanum, unitumque sibi intelligentem animum legem commercii, ut ad certas actiones, motus, modificationes in organo certi etiam eliciantur & respondeant in anima sensus, ideæ, aut aliarum specierum actus; & vicissim. Cum autem organa sensuum sint materia; nihil aliud in illis fieri potest, nisi motus, aut modificatio

per motum: quodcumque in materia fiat, aliquem semper motum intervenire necesse est.

183. Quod igitur alius præ alio memoriam habeat labilem, tenacem, facilem, difficilem, milleque alia id genus memoriæ discrimina, a peculiari organorum dispositione, temperamento, similibusque aliis organorum, & cerebri affectionibus derivatur. Hæc ergo pendet a puro machinamento organici nostri corporis, a spiritu humano animati. Quale porro est organicum huiusmodi machinamentum? Ex hætenus dictis, quæ rationi, & mechanicis, sensibilibusque causis conformia sunt rem ego ita concipio.

184. Organa cerebri, seu sensus communis, memoriæ, imaginationis ex innumeris, & subtilissimis fibris directis, & transversis componuntur. Huiusmodi fibræ, quæ sunt sensuum organa, rerum phantasmata imprimuntur, retinentur, & conservantur. Infinita vero esse potest ipsarum fibrarum varietas circa duritiem, molliem, tenacitatem, retentionem, longitudinem, atque similia accidentia. Ab his autem pendet, quod phantasmata ipsa levius, vel profundius imprimantur; diutius, vel brevius conserventur; magis vel minus impediuntur: ex hisque tandem omnis memoriæ varietas originem ducit. Speciminis gratia sequentia ita mihi repræsentato, & brevissime expono.

Rem memoriæ mandare.

185. Ediscere memoriter v. g. orationem, ut verborum ordine recitari possit, aliud non est, nisi omnium illorum verborum (quorum singulis singulæ ideæ respondent) vestigia in una, eademque fibra ita disponere, ut unum post aliud ordine existat, & ex illo sequatur, atque connectatur. Aliquam habes analogiam in catenæ anulis sese excipientibus, in globulis sese tangentibus, in tectorum tegulis sese ordine sustentibus. Eo spectat ille mentis conatus, ut res, seu phantasmata imprimat, & ordine in eadem fibra disponat, atque ita collocet, ut unum ad aliud conducat, & in aliud desinat. Ex consequenti, & ordinata illa connexionione fit, ut secundum rectum phantasmatum ordinem a principio usque ad orationis conclusionem rectus verborum, & idearum ordo etiam excitetur. In directarum, & transversarum fibrarum inter-

interfectionibus, seu nodis difficilior, ut per se patet, phantasmata imprimuntur; cum sit commune duarum fibrarum segmentum: illic vero facilis est memoria lapsus & error: est enim phantasmatum trivium; facillimumque est ad dextram, vel ad sinistram deflectere, rectumque idearum ordinem deserere. In cane venatico rude habemus exemplum. Alias lapsus memoriae causas supra indicavimus.

Memoriae facilitas, & difficultas.

186. Memoriae facilitas ex mollioribus, atque subtilibus fibris reperenda est: subtilitate enim, & mollietie sua facile cedunt, & rerum sigilla recipiunt, ut in quibuscumque aliis materiis mollioribus, & subtilibus passim videmus, v. gr. in viridi ligno, in cera, & mille aliis. Ex adverso si fibrae sint durae, memoria erit difficilis, sed tamen tenax: duritiae enim actioni, & sigillorum impressioni resistunt, ut in durissimis metallis passim observamus.

187. Hinc feminae, & pueri ut plurimum, ceteris quidem paribus, faciliorem habent memoriam, quam viri; hinc vero tenaciorem: propterea quod major sit in prioribus, quam in posteris fibrarum mollietis, & subtilitas. *Secundo*; quo magis aetas ingravescit, memoriae facilitas minuitur; quod a cunis ad ultimam usque senectutem magis semper, & magis fibrae durecant. Haec quidem secundum communem rerum ordinem eveniunt, & observantur. Fieri tamen, ex diversis capitibus potest, ut eadem fibrarum mollietis seruetur, immo aliquando etiam procedentibus annis magis mollescant, quam in teneriori aetate. Similiter ex mille mutationibus, quae in nostris organis multoties fiunt; multiplicem etiam nos circa memoriam, ejusque vires, & indolem variationem experimur; Omnia a praesenti fibrarum statu, quo rem memoriae mandare volumus, omnino pendent.

188. Memoriae difficultas facilitatem tenacitate compensat: est dicere, facilis memoria plerumque est parum tenax; difficilis autem tenacitatem plerumque habet. Durae fibrae, tamquam dura metalla, sigillum difficulter recipiunt, receptum diutius servant: molliores facile acceptum facile amittunt. Temperamenti etiam mutatione non raro fit, ut molliores fibrae durecant,

duræ mollescant; tum vero memoria facilis, sed parum tenax, in difficilem, sed tenacem degenerat, & vice versa.

189. Hinc etiam intelligimus, quare facile semper memoria retineamus, quæ pueri ediscimus, non vero illa, quæ vel grandiores, vel flexu ætatis menti commendamus. Priora tenellis fibræ mandata profundius imprimuntur; eaque durescentes sensum fibræ servant semper: posteriora vero duriori jam organo commissa levissime imprimuntur; unde facile obliterantur.

190. Multi tamen pueri, mulieres, juvenes, inquires, memoriâ habent, vel difficilem, quin sit tenax, vel infidelem; nihilominus eorum fibræ sunt molliores. Respondeo; ejusmodi vitium ex multiplici causa esse posse: cuiusmodi sunt nimius humor, mollities, tenebrositas, & similia: quæ, cum nimis sunt, imagines obliterant. Analogiam habes in cera nondum consolidata, aut nimio humore offusa, aut imbibita: imprime enim vero in madenti luto imaginem, & per illud aquam effluere permittit: imaginem cito obliterari animadvertes.

Memoria facilis, & tenax.

191. Aliquæ sunt materiæ, quæ, & molles sunt, facillimeque cedunt, & adeo tenaces, ut difficile rumpantur, ut omnes agnoscimus; si cerebri fibræ eam habeant texturam; sigilla facile accipient ob mollitiem, diutissime conservabunt ob tenacitatem. Hic igitur erit organi status in iis hominibus (raris iis quidem), qui & facile ediscunt, & diutissime retinent. In iis vero omnibus infixi pene sunt differentiæ gradus: & hinc infinita etiam pene est memoriæ in hominibus varietas. Unde tamen est, quod rari inveniantur homines, qui & facilem, & valde tenacem habeant memoriâ? Respondeo: quia raro hæc quatuor ad prædictam memoriâ requisita, coniunguntur, iusta nempe mollities, modica tenacitas, firma subtilitas, & apta flexibilitas. Aliquod ex iis habere, commune, & facile est omnia insimul, rarissimum.

192. Morbo aliquando fit, ut memoria penitus deleatur, resque omnes memoriæ olim mandatæ, repente, vel ad tempus, vel omnino obliterentur. Utrumque ob factam in fibræ ex morbi efficacia mutationem.

eve-

evenit: multiplice ratione utraque illa metamorphosis fieri potest: v. g. si morbi causa, humore aliquo tenaci, aut viscoso fibræ omnes impressaque in iis rerum vestigia obducantur, quin tamen penitus eradantur; repente rerum omnium memoria amittitur: temporis tamen fluxu humore illo paulatim percolato, exhalato, & dissipato, sepulta vestigia iterum liberari incipiunt, atque amissa memoria recuperari.

193. Si fibræ plus iusto distendantur, ita ut ejusmodi mutatio non in extrema tantum superficie, sed in ipsis etiam internis fibrarum partibus fiat, & permaneat; damnum erit irreparabile. Rude habemus exemplum in linea tela artificiosis plicaturis crispata, quæ si nimium extendatur, & ita extensa permaneat, in pristinum statum numquam restituitur.

Memoriæ tarditas, felicitas.

194. Unde tamen est, quod aliqui memoriæ mandata celeriter, alii autem non nisi tarde percurrant? Respondeo: Primum ex lubrica flexibilitate fibrarum posse esse video: secundum ex dardie, atque asperitate: clare enim concipimus, facile, & celeriter per primas, tarde vero per secundas modificationem transferri, seu ab uno ad aliud vestigium transmitti. Modica etiam rigiditas sine asperitate celeritatem, diffusio- nis plurimum juvat. Omnia hæc in rebus, corporibus, & machinis sensibilibus quotidie observamus. Memoriæ felicitas, facilitatem, & tenacitatem complectitur: estque facilitas discendi, tenacitas servandi, in eodem homine conjunctæ. Hæc vero ex iisdem sunt causis conjunctæ, atque divisæ.

Felix memoria, & judicium.

195. Quæritur tamen impræsentiarum, quale nam sit principium, & causa raræ inter felicem memoriam, & judicium conjunctionis, & communis dissidii? Longa, & quotidiana experientia compertum est, raro inter se magnum judicium, cum magna item memoria reperiri conjuncta. Quin immo a veritate raro etiam ablu- dit antiquum illud *Annæi Senecæ dictum*, nullum magnum ingenium sine specie dementiæ.

Respondeo: Ex organico machinamento fibrarum

hucusque exposito sem non ineleganter deduci posse. Ad iudicium sequentia præter alia opus sunt, phantasmatum ubertas, & ab aliis ad alias non admodum velox transitus: fibræ delicatiores, subtilissimæ; ut tenuissimas etiam rerum modificationes, & motus (crassis fibris non imprimendos; neque ab his transmittendos) accipiant, & transmittant. Opus deinde est, mentem ad plurimā attendere, circumspicere, considerare, examinare, cum aliquid memoria suggerit, circa quod agere aliquid oporteat.

196. Quod hæc omnia ad iudicium, & prudentem mentem opus sint, facile patet: *primum*; quia si rerum phantasmatum penuria sensus laboret; ideam unam cum aliis comparare, ad alias similes, aut dissimiles referre, examinare, circumstantia discutere, rei ipsius connexiones introspicere non possumus: deficientibus siquidem phantasmatibus, deficient ideæ, & cognitiones rerum: singula autem hæc esse ad prudentiam, hoc est, ad iudicium necessaria, seu potius iudicium in hiis magna ex parte consistere, res est plane indubia.

Secundum: Si in serie, & linea phantasmatum transitus, & excitatio ab uno ad sequentia celerrime fiat; motus, & excitatio ad transversas fibras, & connexarum rerum phantasmata non communicatur; hinc mens velocissime transvolat quin ad alia reflectat, aut in una, eademque idea parumper listat; id autem est, rerum precipitanter recordari, cogitare, agere.

Tertium: Nisi fibræ sint delicatæ, subtiles &c., sed crassæ, rudes, asperæ; erunt magnopere inertes, parum mobiles; cum igitur in nostris animæ functionibus, dum in corpore existit, non sit sensus sine motu, & ex sensu sequatur cognitio, seu perceptio; adeo ut motus, & sensus semper sint coniuncti; ejus hominis mens, ejus fibræ sint valde ad motum inertes, sensum etiam habebit inertem, ingenium hebes & in rerum superficie hærebit; hinc vero non tantum imprudentia, verum etiam stupiditas.

Quartum tandem per se patet, atque ab omnibus admittitur; quæ enim animi prudentia, qui res mature non examinet, cum aliis conferat, atque ab omni parte perpendat.

197. Hiisce positis (quæ obscura non sunt), solvi poterit quæstio in hunc modum. Ad felicem memoriam opus

opus est, ut superius diximus, quod fibræ sint faciles, parum impeditæ; rariores sint transversæ fibræ, directas secantes, ac pròinde longiora, & explicatiora illa segmenta, quæ inter transversas interponuntur: at quo longiora, & explicatiora hæc fuerint segmenta velocior fit specierum excitatio, objectorum recordatio: minus igitur mens detinetur, atque ad circumstantia phantasmata (quæ etiam parum aut nihil excitantur) parum attendit: reflexioni igitur non datur locus, neque circumstantia rerum connexarum phantasmata discutuntur: & tandem res ipsæ cum principali, cujus vestigia mens sequitur, connexæ, neque examinantur, neque in mentem veniunt: mens ergo præcipitanter agit: parum igitur prudentis iudicii cum felici illa memoria conjungitur.

Mentis prudentia, Fatuitas, Stupiditas.

198. Ex his etiam non ineleganter explicari posse videtur, quid Physicum requiratur ad prudentiam, ad ingenium, ad dementiam, ad stupiditatem. Si fibræ ita sint constructæ, atque dispositæ, ut phantasmatum excitatio per illas neque iusto velocius, neque tardius, quam par est, transmittatur, atque una simul sese propagando laterales fibras, impresseque in iis phantasmata modice excitet, & rerum ideas in mentem revocet; animam in cerebro, & organo ita constructo commorantem prudenter acturam apparet.

199. Si, fibra una, seu phantasmate excitato, hoc est, re quadam in mentem subeunte, transversæ illico fibræ, seu similia phantasmata excitentur, ita ut respondentem ideas in mentem excitent; is mihi erit homo ingenio promptus, & rem facile comprehendens. Quod si fibræ non nisi tarde, & debiliter excitentur, atque phantasmatum excitatio lente procedat, & laterales fibras parum, aut nihil vel etiam tarde excitet; physicus hebetis ingenii character mihi esse videtur.

200. Si cerebrum, fibræ, seu organum eam habeant temperiem, sintque ita alterata, & impedita, ut ab uno ad sequentia gradatim phantasmata excitatio non communicetur; & ordine propagetur; sed excitato hac in parte uno phantasmate, alia diversarum, dissimiliumque rerum phantasmata in partibus cerebri omnino disjunctis simul, aut consequenter excitentur, &

quasi fulgurent; fatui hominis cerebrum exisset. Analogiam habemus in atra nube fulgurante, vel etiam in aqua jam jam fervori proxima, atque una simul disjunctis in locis micanti. Hujusmodi autem analogia, atque explicandi ratio eo est veritati conformior; quod cerebri nimius calor ad dementiam disponat, omnesque furiosi, & amentes nimio plerumque cerebri fervore laborent. Hæc omnia, ut probabiles saltem, mechanicas, & elegantes hypotheses mechanicarum causarum analogiæ conformes, velim accipias, tamdiu tenenda, quamdiu meliora non occurrant.

Ebrietas; Deliquium.

201. Tandem, ut uberrimum argumentum breviter pertractatum absolvamus, Ebrietas, & Deliquium sunt quædam somni, & stupiditatis species: ut ex effectu analogia, & similitudine appareret: ex similibus igitur causis, similique, aut eodem agendi modo nascuntur. Deliquium aliud non est, quam temporarius, & brevis mentis sopor a noxio vapore, motu, aut affectione cerebrum obducente, perturbante, impediante. Ebrietas autem est diuturnius deliquium majori ut plurimum gravedine cerebrum impediens. Satis igitur erit expostas superius somni causas relegere.

Delirare, Dementia circa aliquod tantum objectum.

202. Delirium est temporaria, & brevis dementia; eandemque ergo habet causam, atque hæc posterior; brevi tamen dissipatur, evanescit, & cerebrum relinquit liberum; etia & parum tenax, & parum copiosa causa est; neque perennem, unde semper elevetur, scaturiginem habet; nullamque præterea in organi dispositione perturbationem, aut alterationem constanter efficit, vel supponit.

203. Sunt tamen aliqui, qui circa unum tantum objectum delirant, & semper insaniant, quotiescumque de eodem objecto sermo incidat, aut ipsimet cogitent: de omnibus alijs prudenter & sana mente ratiocinantur. In hujusmodi hominum cerebro fibræ aliquam (cui prædicti objecti phantasmata fuerunt mandata) male sanam, intemperie aliqua laborantem,

aut

aut aliquo ex iis modis affectam, quos supra pro demeritæ causa exposui, inesse existimo; dum interim omnes aliæ organi fibræ bene omnino se habent: hinc enim peculiaris illa circa singulare objectum, aut argumentum dementia, & prudens circa omnia aliâ iudicium.

Lucida intervalla.

204. In infans iis hominibus, qui lucida habent intervalla, febres quasdam intermittentes mentales considero, eorumque cerebrum simili fere modo affectum, atque intermittentibus febribus laborantium humores existant: eo igitur humore dissipato, cerebrum erit omnino liberum, mensque lucido intervallo sana. Ab hisce disce alia: omnia enim hæc (ut jam dixi), & innumera aliæ mentis affectiones, passionēs, varietas, discrimina a mechanica cerebri dispositione, & statu pendent: cum quotidie, & passim videamus, unum, eundemque hominem modo somno indulgentem, modo vigilem, ebrium, iracundum, insanum, cordatum, aliquando hebetem, postea ingeniosum: milleque aliis mentis modis a se ipso diversum. In eo autem una semper, eademque est anima: omnes igitur illi status, affectiones, passionēs, & metamorphoses a materiali cerebri temperamento, statu, & affectionibus consequuntur. Eorum omnium causa (supposita semper anima intelligente) in temperie, dispositione, & modificationibus querenda est.

L E C T I O IV.

De Primo, & universali externo animæ sensu, nimirum.

De

Tactu, & una insimul de Gustu, & Olfactu.

205. **T**Ria ad explicandum proposita, omnesque generatim animæ perceptiones, externos sensus vulgo nuncupatos, ab humani corporis anatomia, cæterisque per totam hanc Physicam Viventium expo-

expositis facile deducemus. Sensus, seu sentientis animæ functiones a solo organorum in id rei interservientium situ *interni*, aut *externi* dicuntur. Externi hinc sensus vulgo numerantur quinque, *Tactus*, *Gustus*, *Olfactus*, *Visus*, *Auditus*. Omnia corpora externa, quæ sentimus, tangendo, olfaciendo, gustando, videndo, audiendo percipimus: nullaque alia nobis suppetit in præsentia, quo vivimus, statu ad materialia objecta cognoscendum ratio.

206. Ut recte hæc omnia intelligantur; in mentem revocandum est 1. Quo in loco anima nostra existat. 2. Quo pacto ab animæ sede omnia sensuum organa deriventur, ut modum intelligamus, quo remota objecta animæ nostræ in interna capitis parte, & occulta quasi specula esistenti, atque invigilanti sese exhibeant. 3. Examinandæ præterea sunt externorum objectorum in corpus nostrum actiones, atque impressiones: externorum organorum sensuum dispositio, atque cum cerebro ipso continuata connexio. His omnibus rite intellectis, posita insuper animam inter, & corpus commercii ratione, nullo negotio sensus omnes externos percipiemus.

207. Commertium inter animam, & corpus in metaphysica disputavimus, modo ponimus animam in cerebro existere; quo pacto a cerebro deriventur, atque propagentur nervi, & per totum corpus, corporisque cutem dispergantur, superius exposuimus. Aliud non superest, nisi peculiaris sensuum externorum organa exponere, objectorum actiones in organis factas explicare, atque earumdemmet actionum, & impressionum ab externis sensuum organis, extremaque corporis cute ad cerebrum usque communicationem expendere, ut totum hoc argumentum absolvamus. Peculiari organorum sensuum descriptione in proprium singulis locum omitta, a *Tactu*, qui universalis sensus est, atque jure merito appellatur, incipiamus. Tactus & physicum corporum contactum, per se omnibus notum, & animæ sensum significat. Secundo modo generatim acceptus, est animæ perceptio circa externa objecta per contactum habita. Hoc modo usurpatus est sensus universalis, & omnes alios sensus comprehendit: visio, auditio, olfactus, gustus sunt veri, & proprii tactus: eorumque sensuum objectorum actiones in propria singulorum organa nihil sunt aliud quam

quam verè impulsiones, & contactus materiales, ut deinceps luculentissime probabitur. Hoc unum inter quatuor illos sensus, ut universalem *Tactum* discrimen intercedit, quod sensus reliqui sint peculiare tactus, hoc est, peculiarium obiectorum actiones, & perceptiones in anima per peculiaria organa acceptæ: *Tactus* vero universalis sit omnium, & quorumcumque obiectorum sensibilibus perceptio in anima excitata, & per organa quæcumque medio contactu acquisita.

208. *Tactus* igitur, prout a reliquis sensibus distinguitur, est quorumcumque externorum corporum habita in anima perceptio ope contactus acquisita; si aliorum sensuum obiecta excipiamus. Ita acceptus a reliquis sensibus, sicuti hi etiam inter se, secundum obiectum, & organum distinguitur. Aliis sensibus singularia sunt obiecta, peculiariora, & delicatiora organa. *Tactus* ad corpora quæcumque extenditur: per totam extremam superficiem corporis exercetur: immo totum corpus, oculos etiam, aures, palatum, nasi interiora comprehendit: in quamcumque enim cutis nostræ partem externa, & sensibilia corpora impingant, ab anima percipiuntur. Integrum corpus duplex, vel, si mavis, triplex contegit membrana. Prima, & exterior est cuticula, quæ totum corpus circumquaque complectitur, atque vestit. Hæc tunica non est sensu prædita; aliam tamen subter extensam membranam, atque totum corpus, tamquam naturale tegmen ab externorum corporum injuriis tuetur. Alia, quæ subter excurrit, membrana, cutis vulgo dicta, ex duabus est composita; vel in duplicem tunicam distinguitur. Prior, seu naturale indusium cuticulæ proxima alteram sui partem, vel tertium tegumentum & membranam, *reticulum* dictam, cooperit. Postrema hæc membranæ pars, aut membrana ab innumeris, implicatissimis, & subtilissimis nervorum ramulis composita, confertissimis insuper, & fere infinitis papillis nervosis superius jam descriptis intertexta, est proprium *Tactus* organum, ut innumeris observationibus, & quotidianis experimentis edocemur.

209. Prima enim cutis, ut dixi, omni sensu caret: eam educimus, separamus, rumpimus; varie tractamus, atque torquemus, citra ullum doloris, aut alterius cujuscumque nominis sensum: ubi vero primam

tuni-

tunicam extrahimus : ita ut reticulum nervorum , ejusque papillæ denudentur ; ad levissimum etiam contactum intolerabilem sentimus dolorem . Id enim verò omnes experimur , cum ungues plusquam oporteat , resecamus ; inter ungues enim , & carnem , seu cutem compositam non interjacet cuticula : reflecto igitur ungue , manet omnino denudata , & externi aeris , cæterorumque corporum incurfionibus exposita .
 a. Si per unctionem , macérationem , aut alia quacumque ratione prædictæ papillæ , & reticularis membrana destruat , omnis tactus sensus ea in parte perit , ubi facta est destructio : quantumvis exterior cuticula & reliquæ partes maneant illæse .

210. Licet vero totum illud nervorum reticulum sit proprium tactus organum ; illæ tamen nervorum papillæ , eorum medullæ productio , sensum habent delicatissimum . Hinc licet generatim per totam corporis superficiem sensus existat , cum corpus circumquaque vestiatur cutis ; sunt tamen aliquæ corporis partes acutiori tactu præditæ : quia papillarum numerum longe majorem habent . Hujusmodi sunt digitorum extremitates , quibus potissimum , corpora contrectamus : illæ etiam partes , membra , & homines delicatiorum habent tactus sensum , qui subtiliorem habent epidermidem : ad eum modum , quo minus , manus nostræ a frigore patiuntur , si chyrothecis vestiuntur eoque minus ab externis offendimur , quo duriori , crassiorique tegumento operimur . Qui in manu vix sensibilis est calor , aut frigus , in interioribus aliquando partibus vix est tolerabilis . De aliquibus fabris ferrariis Lodiensibus refert *Haller* , quod callosas adeo habeant manus , ut fustum etiam ferrum per eorum manuum volas fluere permittant , illudque in volis agitent citra ullum doloris sensum : licet interea ambustam manum fumare , & fætere videant , atque odore sentiant . Quod si a callosis hujusmodi manibus , aut aliis quibuscumque corporis partibus detrahatur cuticula ; ita ut reticulum detegatur ; a levissimo etiam corporis contactu dolor est intolerabilis .

211. Tactu percipit , seu elicit animâ sensum doloris , pruriginis , calidi , frigidi , humidi , sicci , & alios similes . Cum omnis tactus sit corporum sese contingentium rescissentia ; quamdiu corpora leniter contrectamus ; suavis , & grata prurigo excitatur : aucta resis-

slen.

sentia, & contrectatione, in dolore abit pruritus; hoc est gratissimus in molestissimum sensum: adeo patium inter se distant gaudium, titillatio, voluptas, atque molestia, dolor, vulnus, mors! Omnes scilicet sensus animæ de rebus sensibilibus sunt de genere dolorum: omnesque eorundem objectorum in corpus nostrum agentium actiones sunt veri ictus: est dicere; omnis sensus v. g. gaudium, pruritus &c., si augeatur, sit dolor; omnis dolor si diminuatur, sit gaudium: corpora vero catenus sentimus, quatenus ipsa nos percutiunt, feriunt: leve tamen vulnus est gaudium; gaudium intensum est dolor.

112. Tactu igitur percipit anima omnes mutationes in humani corporis cute a corporibus externis factas. Diversæ vero mutationes, seu modificationes in tactus organo factæ diversos etiam in anima sensus excitant. Mutatio, seu modificatio variari potest secundum intensitatem: ita ut aliquando intendatur, aliquando vero remittatur ejusdem objecti in corpus nostrum actio. Natura etiam, & modo differre inter se possunt. Primum fiet; si calidi, frigidi, aut humidi corporis in nos actiones intendantur, & remittantur; secundum, si a duobus corporibus v. g. duro, & fluido contingamur.

113. Singulæ hæ actiones, & modificationes, atque actionum, & modificationum discrimina per nervos, atque vitales spiritus ad animam usque in oculi ictu transmittuntur. Nervi sensuum sunt corpora continua per totum corpus, corporisque superficiem propagati: res autem est, experimentis, & quotidianis observationibus notissima, quod per corpus continuum modificatio, seu impressio in una illius extremitate facta ad aliam extremitatem eodem temporis momento transeat, atque sentiatur. Spiritus etiam secundum electricitatis indolem, tamquam fulgura, ab extrema cute ad cerebrum & vicissim sese, aut actionem suam transfundunt. Anima igitur in cerebro exillens spectari potest tamquam in centro posita, in quo innumeri radii continui seu baculi, vel potius chordæ tensæ coeunt, actionesque per eos transmissæ confluunt. Si baculos ex quacumque parte ferias, impellas, percutias, vel chordas quacumque ex parte laxes, aut distendas; impulsiones baculorum, deductiones, tensiones, aut remissiones chordarum eodem

demmet tempore in una, atque in alia extremitate sese exerent. Idem fiet, si spiritus aliqui, aut actiones per huiusmodi chordas, seu tubos, tamquam fulgura, citissime hinc inde transvolent.

214. Baculi autem, & chordæ sunt innumeri illi nervorum rami, qui a cerebro, per totum corpus disperguntur: actiones, aut fluidum fulgurans sunt spiritus animales superius asserti. Manifestum vero est, per easdem chordas, per idem fluidum infinitam pene istum varietatem transmitti posse, ut latè explicabimus, cum naturam, & propagationem soni exponemus. Habes igitur rationem, & modum, quo exteriorum corporum actiones ad cerebrum usque, & ad animam transmittantur.

215. Fiet tamen huiusmodi transmissio per spiritus vitales solummodo, an per ipsam nervorum substantiam, an potius per utrumque simul corpus continuum? Hoc primo constat, arescentibus, exsiccatis, aut læsis alia ratione nervis, sensum iis respondentem deficere. Qui aperto ore dormiunt, atque exsiccatis faucibus, & lingua expergiscuntur, nullum saporem percipiunt, quādiu lingua iterum non madescat. 2. Spirituum animalium fluxu, aut actione per nervos impedita deficit illico sensus. 3. In pluribus membris hebetatur, languescit, perit sensus omnis; licet ea membra maneant integra: nullaque in eorum nervis, seu cute facta fuerit destructio, contusio, cicatrix. Quare id phænomenon ex eo provenire videtur, quod fluxus spirituum ad stupida membra delideretur, & interrumpatur. Equidem membra, quæ sensum amittunt, frigescunt: quod argumento est satis manifesto, alio tunc temporis spiritus animales derivari: deinde ubi magna est cutis contusio, deficit sensus, quin deficient nervi, nervorumque ad cerebrum usque continuatio.

216. Quare ego crediderim, neque spiritus animales sine nervis, neque nervos sine spiritibus animalibus ad sensum sufficere: utrumque ad objectorum impressiones ad animam usque deferendas esse aptissimum, atque naturale instrumentum. Spirituum tamen animalium præcipuas esse in re huiusmodi partes, luculenter confirmant de iis superius disputata. Omnis igitur sensus animæ duo potissimum complectitur, externam corporis actionem, & actum animæ in ea ab im-

prel-

pressionē corporum excitatum. Illa corporum actio externa est sensus extra animam; hoc est, improprius, & veri potius sensus causa excitans, quam verum esse: sensus in anima; hoc est, verus, proprius, est purus actus animæ: sensus ergo extra animam, licet in nostro etiam corpore considerentur, nihil sunt, nisi motus in corpore nostro excitati; hoc est, puri motus: sensus in anima, seu proprii sunt actus ab anima elicitī, in anima ipsa excitati, o illam commercii inter animam, & corpus legem a Deo stabilitam. Dolor igitur, gaudium, pruritus &c. sunt totidem animæ sentientis actus.

§. II.

Saporis, atque Odoris Sensus:

Eorumque Organa, & objecta. Definitio.

217. Corpus *sapidum* est, quod linguam ita afficit, ut eum sensum anima percipiat, aut eliciat, quem *saporem*, seu *saporis perceptionem* appellamus. Reliqua corpora, quæ prædictum in nobis sensum non efficiunt, dicuntur *insipida*. Odora similiter corpora nuncupantur illa, quæ per se ipsa, aut per particularum suarum effluvia narium fibras vellicant, & odorum sensum, ac perceptionem in anima excitant.

Saporis, & odoris organa.

218. Corpora *sapida*, & *odora* sunt peculiariora duorum sensuum objecta, quæ peculiaribus organis, lingua scilicet, & naribus agunt, actionemque ad cerebrum usque transmittunt. Lingua est corpus musculosum innumeris fere fibrarum ramulis intertextum, atque implicatissimæ retis instar constructum, quorum beneficio in omnes partes mira facilitate flexitur, atque movetur. Duplici tunica circumvestitur: quarum prima exterior, & satis tenax, *epidermis* locum habet, & munera præstat. Sub epidermi crassior alia, & magis viscosa extenditur niembrana ad instar clibani perforata. Tertium deinde occurrit corpus a tunica secunda circumvestitum, quod *papillare corpus*, seu membranam appellant, propterea quod multiplicibus

cibus scateat papillis : quæ per secundæ tunicæ foramina productæ , ad externæ membranæ superficiem desinunt . Plurimis foraminibus hiant huiusmodi papillæ : quorum fundum intertexunt subtilissimi nervorum rami . Tres præterea earum species observantur , magnitudine potissimum inter se diversæ . Ampliores , seu primæ speciei ad linguæ radices , & basim , atque etiam in apicis lateribus maxime inveniuntur . Secundæ ad radices laterum linguæ inferius dispositæ sunt , & nervæ propagines ex se emittunt . Circa maiores hæc papillas aliæ videntur minutissimæ , a quibus priores duæ species circumdantur .

219. Animadverti præterea debent in lingua , atque a papillis distingui glandulæ salivales , quæ per linguæ basim , radices , & palatum numerosæ existunt : ad idque potissimum inserviunt , ut arterias , & venas per medias glandulas transeuntes ope nervulorum constringentes salivam ex iis per vasa lymphatica extrahant , illamque partim in se imbibitam retineant , partim per linguam , palatum , & os , tamquam menstruum ad ciborum masticationem , & digestionem necessarium distribuunt . Defertur autem saliva in forum oris cavum per *ductus salivales* , qui per os multiplici ratione , directione , & numero distenduntur .

§. III.

220. Circa narium structuram id solum impræsentiarum annotabimus , eas interius subtili quadam , tenuissima , & delicatissimi sensus membrana circumvestiti , in quam plurimi tenuissimi nervorum ramusculi , etiam delinunt , eamque magna ex parte intexunt . Delicatissima illa tunica scrupulosè examinata nihil est aliud , quam mirabile , & subtilissimum reticulum , quod tenuissimi nervorum , & utriusque meningis fibræ per mille cribriformis ossis ductus a cerebro , & a spina derivati componunt . Delicatissimum hoc reticulum omnes interiores anfractus narium , qui plures sunt , obducit , ut ubique odorum actionem accipere valeant , & ad cerebrumque transmittere . Exactiorem linguæ , & narium descriptionem Anatomicis relinquimus .

PROPOSITIO XIII.

221. *Peculiare saporum organum sunt linguae papillae nuper expositae.*

Propositio ex eo patet, quod sales, aut alia quaecumque corpora sapida ad eas linguae partes applicata, in quibus praedictae papillae non deprehenduntur, nullum saporem excitant: maxime vero, si ad papillas applicentur, & dissolvantur, ut ex *Laurentii Bellini* (a) *Boerhaavii* (b) & aliorum observationibus constat. 2. Eae linguae papillae, earumque fundus delicatissimum habent sensum ob tenuissimos nervorum ramulos, qui sunt omnium sensuum organa. 3. Aliae nullae in lingua deteguntur partes, in quibus factae a saporibus impressiones apte recipi, sentiri, & ad cerebrum, & animam derivari possint, praeter supradictas papillas ramulis nervorum intertextas.

Non tota nihilominus lingua, neque palatum, aut omnes universim papillae iis in partibus existentes saporis organum sunt. Palato nullum saporis sensum percipimus, contra ac existimat, & loquitur vulgus: frigidi quidem & calidi, aliarumque qualitarum actiones; aut sensum illic elicimus: nullum tamen saporem. Linguae tantummodo apices, & partes prope apicem existentes, & quae in iis sunt nervorum papillae saporis organum, habentur.

PROPOSITIO XIV.

222. *Causa sensus saporis, anima per saporem sentiens obiectum, verusque proinde sapor in corporibus extra animam sunt salium particulae: corpusque idcirco sapidum est, quod salibus abundat; hoc est, particulis spiculatis aliquantulum rigidis, & subtilibus, quae per linguae papillas se se insinuant.*

Propositionem experimenta, ratio, humani corporis mechanica dispositio confirmant. Sales a corporibus

Mont. Phil. Tom. VIII.

G

qui

(a) *Laurentii Bellini opera medica de lingua.*

(b) *Boerhaavii pralect. n. 487. etc.*

quibuscunque fapidis si extrahas; remanent insipida: tales iterum relictæ erunt iterum sapida. Salium enim vero partes figura quidem spiculatæ, magnitudine subtiles, indole vero rigidæ, & facilis solutionis capaces, diverso modo agitatæ, aptissimæ sunt ad sensum excitandum, nervosque, & animam ita afficiendam, ut & sapores, & saporum discrimina sentiat, & percipiat. Corpus enim sapidum ori immisum, dum interim dentibus atteritur, & masticatur, linguæ etiam agitatione solvitur in pulmentum, & in tenues particulas redigitur: particulae congruenti subtilitate, & figura præditæ, motuque vario agitatæ per linguæ poros se se insinuant, papillas ingrediuntur, fibras, & delicatissimos nervorum ramos vellicant, agitant, pungunt, radunt, multiplicique alia ratione afficiunt, leniter, suaviter, blande, fortiter, aspere. Ejusmodi modificationes per nervorum truncos ad cerebrum, & animam deferuntur. Hæc vero, quæ diximus, sunt sapores extrâ animam, hoc est saporum causa. Sapores enim intra animam sunt perceptio, quæ in anima ipsa elicitur, & explicatur, posita actione, quam supradictæ particulae in linguam exercent: perceptio igitur illa, & sensus gratus, aut ingratus, suavis, aut insuavis, dulcis, aut amarus, quem in nobismet ipsis experimur, & sentimus, dum manducamus, aut bibimus, sunt sapores intra animam a materialibus illis, & mechanicis particularum affectionibus, atque actionibus in lingua originem ducentes, seu potius excitati: quorum ne ideam quidem iis exponere possemus, qui saporis sensum non haberent. Hinc sequentia corollaria, & phaenomena sponte deducuntur, & facile explicantur:

COROLLARIUM I.

233. Ea igitur corpora erunt insipida, quorum particulae fuerint crassiores, aut admodum duræ, solutioni ineptæ, quæ idcirco in papillas ingredi nequeant, aut latis non afficiant: seu, quod in idem recidit, quæ salium particulis aut non sint prædita, aut illas solvi, atque agere non permittant. Ejusmodi sunt ær, aqua pura, lapides, metalla, & alia quam plurima; hæ enim particulae non apte dissolvuntur in ore, papillas, & linguæ poros non penetrant, aut

aut tandem nervorum fibras non satis vellicant, et si illa se se infinuunt: unde nulla in animam impressio, & affectio derivatur. Experimento sane comperimus, corpora quaecumque linguae imposita nullum in nobis saporem excitare, quamdiu non masticantur, aut solvantur, in minutissimas particulas rediguntur, lingunt, & papillas penetrant, nervos pungunt, vellicant. Si corpora non dissolvantur, in partes subtiliores non rediguntur: nisi partes sint subtiles; porae, & papillas non penetrant nisi agitentur, & moventur; per linguae, & papillarum foramina non eliduntur, aut intrant: nisi aculeatae sint, fibras non pungunt: non rigidae, facillime flectuntur, plicantur, & linguam non satis vellicant.

COROLLARIUM II.

224. Hinc est, quod lingua aliquo ex subjectis vitiis laborante, sit v. g. nimis arida, copiosiori saliva abundet, illius, & papillarum pori, & foramina obstruantur, callescat, aut induretur, dolore aliquo, aut vicio laboret; nullus ab anima percipitur sapor. Deficiente saliva ad particularum dissolutionem necessaria, non dissolvuntur partes: si copiosior existat, papillis, earumque foraminibus obstructis, sapidarum particularum hebetatur actio. In tertia hypothesi per linguae papillarum foramina penetrare non possunt particulae, & fibras pungere: in quarta lapidis particulis insensibile erit saporis organum. In quinta demum major doloris, & vitiosi morbi sensus, & perceptio vividior languidiorum saporum actionem percipi ab anima non permittit.

COROLLARIUM III.

225. Ex varia pororum linguae magnitudine, & figura, papillarum textura, fibrarum subtilitate, teneitudine, & pluribus aliis de causis varius omnino est in diversis hominibus, immo & in eodem pro diversis temporibus saporis sensus. Aliis magis placet dulce, aut pingue, alii delectantur acerbis: & ita de aliis saporibus. Quin immo quicumque nostrum alio tempore acerbum, acre, salum, alio dulce, pingue appetit, quorum omnium ratio ex indicatis modo

hucusque exposito rem non ineleganter deduci posse. Ad iudicium sequentia præter alia opus sunt, phantasmatum ubertas, & ab aliis ad alias non admodum velox transitus: fibræ delicatiores, subtilissimæ, ut tenuissimas etiam rerum modificationes, & motus (crassis fibris non imprimendos, neque ab iis transmittendos) accipiant, & transmittant. Opus deinde est, mentem ad plurimam attendere, circumspicere, considerare, examinare, cum aliquid memoria suggerit, circa quod agere aliquid oporteat.

196. Quod hæc omnia ad iudicium, & prudentem mentem opus sint, facile patet: *primum*; quia si rerum phantasmatum penuria sensus laboret; ideam unam cum aliis comparare, ad alias similes, aut dissimiles referre, examinare, circumstantia discutere, rei ipsius connexiones introspicere non possumus: deficientibus siquidem phantasmatibus, deficient ideæ, & cognitiones rerum: singula autem hæc esse ad prudentiam, hoc est, ad iudicium necessaria, seu potius iudicium in hisce magna ex parte consistere, res est plane indubia.

Secundum: Si in serie, & linea phantasmatum transitus, & excitatio ab uno ad sequentia celerrime fiat; motus, & excitatio ad transversas fibras, & conexarum rerum phantasmata non communicatur; hinc mens velocissime transvolat quin ad alia reflectat, aut in una, eademque idea parumper listat; id autem est, rerum precipitanter recordari, cogitare, agere.

Tertium: Nisi fibræ sint delicatæ, subtiles &c., sed crassæ, rudes, asperæ; erunt magisopere inertes, parum mobiles; cum igitur in nostris animæ functionibus, dum in corpore existit, non sit sensus sine motu, & ex sensu sequatur cognitio, seu perceptio; adeo ut motus, & sensus semper sint coniuncti; ejus hominis mens, cujus fibræ sint valde ad motum inertes, sensum etiam habebit inertem, ingenium hebes & in rerum superficie hærebit: hinc vero non tantum imprudentia, verum etiam stupiditas.

Quartum tandem per se patet, atque ab omnibus admittitur; quæ enim animi prudentia, qui res mature non examinet, cum aliis conferat, atque ab omni parte perpendat.

197. Hisce positis (quæ obscura non sunt), solvi poterit quæstio in hunc modum. Ad felicem memoriam opus

opus est, ut superius diximus, quod fibræ sint faciles, parum impeditæ, rariores sint transversæ fibræ, directas secantes, ac proinde longiora, & explicatiora illa segmenta, quæ inter transversas interponuntur: at quo longiora, & explicatiora hæc fuerint segmenta velocior fit specierum excitatio, objectorum recordatio: minus igitur mens detinetur, atque ad circumstantia phantasmata (quæ etiam parum aut nihil excitantur) parum attendit: reflexioni igitur non datur locus, neque circumstantia rerum connexarum phantasmata discutuntur: & tandem res ipsæ cum principali, cujus vestigia mens sequitur, connexæ, neque examinantur, neque in mentem veniunt: mens ergo præcipitanter agit: parum igitur prudentis iudicii cum felici illa memoria conjungitur.

Mentis prudentia, Fatuitas, Stupiditas.

198. Ex his etiam non ineleganter explicari posse videtur, quid Physicum requiratur ad prudentiam, ad ingenium, ad dementiam, ad stupiditatem. Si fibræ ita sint constructæ, atque dispositæ, ut phantasmatum excitatio per illas neque iusto velocius, neque tardius, quam par est, transmittatur, atque una simul sese propagando laterales fibras, impresseque in iis phantasmata modice excitet, & rerum ideas in mentem revocet; animam in cerebro, & organo ita constructo commorantem prudenter acturam apparet.

199. Si, fibra una, seu phantasmate excitato, hoc est, re quadam in mentem subeunte, transversæ illico fibræ, seu similia phantasmata excitentur, ita ut respondentem ideas in mente excitent; is mihi erit homo ingenio promptus, & rem facile comprehendens. Quod si fibræ non nisi tarde, & debiliter excitentur, atque phantasmatum excitatio lente procedat, & laterales fibras parum, aut nihil vel etiam tarde excitet; physicus hebetis ingenii character mihi esse videtur.

200. Si cerebrum, fibræ, seu organum eam habeant temperiem, sineque ita alterata, & impedita, ut ab uno ad sequentia gradatim phantasmata excitatio non communicetur, & ordine propagetur, sed excitato hac in parte uno phantasmate, alia diversarum, dissimiliumque rerum phantasmata in partibus cerebri omnino disjunctis simul, aut consequenter excitentur, &

quasi fulgurent; fatui hominis cerebrum exisset. Analogiam habemus in atra nube fulgurante, vel etiam in aqua jam jam fervori proxima, atque una simul disjunctis in locis micanti. Hujusmodi autem analogia, atque explicandi ratio eo est veritati conformior; quod cerebri nimius calor ad dementia[m] disponat, omnesque furiosi, & amentes nino plerumque cerebri fervore laborent. Hæc omnia, ut probabiles saltem, mechanicas, & elegantes hypotheses mechanicarum causarum analogiæ conformes, velim accipias, tamdiu tenenda, quamdiu meliora non occurrant.

Ebrietas; Deliquium.

201. Tandem, ut uberrimum argumentum breviter pertractatum absolvamus, Ebrietas, & Deliquium sunt quædam somni, & stupiditatis species: ut ex effectu analogia, & similitudine apparet: ex similibus igitur causis, similique, aut eodem agendi modo nascuntur. Deliquium aliud non est, quam temporarij, & brevis mentis sopor a noxio vapore, motu, aut affectione cerebrum obducente, perturbante, impediante. Ebrietas autem est diuturnius deliquium majori ut plurimum gravedine cerebrum impediens. Satis igitur erit expositas superius somni causas relegere.

Delirare, Dementia circa aliquod tantum objectum.

202. Delirium est temporaria, & brevis dementia; eandemque ergo habet causam, atque hæc posterior; brevi tamen dissipatur, evanescit, & cerebrum relinquit liberum; ea & parum tenax, & parum copiosa causa est; neque perennem, unde semper elevetur, scaturiginem habet; nullamque præterea in organi dispositione perturbationem, aut alterationem constanter efficit, vel supponit.

203. Sunt tamen aliqui, qui circa unum tantum objectum delirant, & semper insaniant, quotiescunque de eodem objecto sermo incidat, aut ipsimet cogitent: de omnibus alijs prudenter & sana mente ratiocinantur. In hujusmodi hominum cerebro fibram aliquam (cui prædicti objecti phantasmata fuerunt mandata) male sanam, intemperie aliqua laborantem, aut

aut aliquo ex iis modis affectam, quos supra pro demeritæ causa exposui, inesse existimo; dum interim omnes aliæ organi fibræ bene omnino se habent: hinc enim peculiaris illa circa singulare objectum, aut argumentum dementia, & prudens circa omnia aliâ iudicium.

Lucida intervalla.

204. In infans iis hominibus, qui lucida habent intervalla, febres quasdam intermittentes mentales considero, eorumque cerebrum simili fere modo affectum, atque intermittentibus febribus laborantium humores existunt: eo igitur humore dissipato, cerebrum erit omnino liberum, mensque lucido intervallo sana. Ab hisce disce alia: omnia enim hæc (ut jam dixi), & innumera aliæ mentis affectiones, passionēs, varietas, discrimina a mechanica cerebri dispositione, & statu pendunt: cum quotidie, & passim videamus, unum, eundemque hominem modo somno indulgentem, modo vigilem, ebrium, iracundum, insanum, cordatum, aliquando hebetem, postea ingeniosum: milleque aliis mentis modis a se ipso diversum. In eo, autem una semper, eademque est anima: omnes igitur illi status, affectiones, passionēs, & metamorphoses a materiali cerebri temperamento, statu, & affectionibus consequuntur. Eorum omnium causa (supposita semper anima intelligente) in temperie, dispositione, & modificationibus querenda est.

L E C T I O IV.

De Primo, & universali externo animæ sensu, nimirum.

De

Tactu, & una insimul de Gustu, & Olfactu.

205. **T**Ria ad explicandum proposita, omnesque generatim animæ perceptiones, externos sensus vulgo nuncupatos, ab humani corporis anatomia, cæterisque per totam hanc Physicam Viventium expo-

expositis facile deducemus. Sensus, seu sentientis animæ functiones a solo organorum in id rei inservientium situ *interni*, aut *externi* dicuntur. Externi hinc sensus vulgo numerantur quinque, *Tactus*, *Gustus*, *Olfactus*, *Visus*, *Auditus*. Omnia corpora externa, quæ sentimus, tangendo, olfaciendo, gustando, videndo, audiendo percipimus: nullaque alia nobis suppetit in præsentia, quo vivimus, statu ad materialia objecta cognoscendum ratio.

206. Ut recte hæc omnia intelligantur; in mentem revocandum est 1. Quo in loco anima nostra existat. 2. Quo pacto ab animæ sede omnia sensuum organa deriventur, ut modum intelligamus, quo remota objecta animæ nostræ in interna capitis parte, & occulta quasi specula esistenti, atque invigilanti sese exhibeant. 3. Examinandæ præterea sunt externorum objectorum in corpus nostrum actiones, atque impressiones: externorum organorum sensuum dispositio, atque cum cerebro ipso continuata connexio. Iis omnibus rite intellectis, posita insuper animam inter, & corpus commercii ratione, nullo negotio sensus omnes externos percipiemus.

207. Commertium inter animam, & corpus in metaphysica disputavimus, modo ponimus animam in cerebro existere; quo pacto a cerebro deriventur, atque propagentur nervi; & per totum corpus, corporisque cutem dispergantur, superius exposuimus. Aliud non superest, nisi peculiaris sensuum externorum organa exponere, objectorum actiones in organis factas explicare, atque earumdemmet actionum, & impressionum ab externis sensuum organis, extremaque corporis cute ad cerebrum usque communicationem expendere, ut totum hoc argumentum absolvamus. Peculiari organorum sensuum descriptione in proprium singulis locum omitta, a *Tactu*, qui universalis sensus est, atque jure merito appellatur, incipiamus. Tactus & physicum corporum contactum, per se omnibus notum, & animæ sensum significat. Secundo modo generatim acceptus, est *animæ perceptio circa externa objecta per contactum habita*. Hoc modo usurpatus est sensus universalis, & omnes alios sensus comprehendit: visio, auditio, olfactus, gustus sunt veri, & proprii tactus: eorumque sensuum objectorum actiones in propria singulorum organa nihil sunt aliud quam

quam veræ impulsiones, & contactus materiales, ut deinceps luculentissime probabitur. Hoc unum inter quatuor illos sensus, ut universalem *Tactum* discrimen intercedit, quod sensus reliqui sint peculiare tactus, hoc est, peculiarium objectorum actiones, & perceptiones in anima per peculiariora organa acceptæ: *Tactus* vero universalis sit omnium, & quorumcumque objectorum sensibilibus perceptio in anima excitata, & per organa quæcunque mediâ contactu acquisita.

208. *Tactus* igitur, prout a reliquis sensibus distinguitur, est quorumcumque externorum corporum habitus in anima perceptio ope contactus acquisita, si aliorum sensuum objecta excipiamus. Ita acceptus a reliquis sensibus, sicuti hi etiam inter se, secundum objectum, & organum distinguitur. Aliis sensibus singulæ sunt objecta, peculiariora, & delicatiora organa. *Tactus* ad corpora quæcumque extenditur: per totam extimam superficiem corporis exercetur: immo totum corpus, oculos etiam, aures, palatum, nasi interiora comprehendit: in quamcumque enim cutis nostræ partem externa, & sensibilia corpora impingant, ab anima percipiuntur. Integrum corpus duplex, vel, si mavis, triplex contegit membrana. Prima, & exterior est cuticula, quæ totum corpus circumquaque complectitur, atque vestit. Hæc tunica non est sensu prædita; aliam tamen subter extensam membranam, atque totum corpus, tamquam naturale tegmen ab externorum corporum injuriis tuetur. Alia, quæ subter excurrit, membrana, cutis vulgo dicta, ex duabus est composita; vel in duplicem tunicam distinguitur. Prior, seu naturale indusium cuticulæ proxima alteram sui partem, vel tertium regumentum & membranam, *reticulum* dictam, cooperit. Postrema hæc membranæ pars, aut membrana ab innumeris, implicatissimis, & subtilissimis nervorum ramulis composita, confertissimis insuper, & fere infinitis papillis nervis superius jam descriptis intertexta, est proprium *Tactus* organum, ut innumeris observationibus, & quotidianis experimentis edocemur.

209. Prima enim cutis, ut dixi, omni sensu caret: eam educimus, separamus, rumpimus; varie tractamus, atque torquemus, citra ullum doloris, aut alterius cujuscumque nominis sensum: ubi verò primam tunicam

tunicam extrahimus : ita ut reticulum nervorum , ejusque papillæ denudentur ; ad levissimum etiam contactum intolerabilem sentimus dolorem . Id enim verò omnes experimur , cum ungues plusquam oporteat , resecamus ; inter ungues enim , & carnem , seu cutem compositam non interiacet cuticula : resecto igitur ungue , manet omnino denudata , & externi aeris , cæterorumque corporum incurSIONIBUS EXPOSITA .

a. Si per ulationem , macérationem , aut alia quacunque ratione prædictæ papillæ , & reticularis membrana destruaturs , omnis tactus sensus ea in parte perit , ubi facta est destructio : quantumvis exterior cuticula & reliquæ partes maneant illæscæ .

210. Licet vero totum illud nervorum reticulum sit proprium tactus organum ; illæ tamen nervorum papillæ , eorum medullæ productio , sensum habent delicatissimum . Hinc licet generatim per totam corporis superficiem sensus existat , cum corpus circumquaque vestiatur cutis ; sunt tamen aliquæ corporis partes acutiori tactu præditæ : quia papillarum numerum longe majorem habent . Hujusmodi sunt digitorum extremitates , quibus potissimum , corpora contrectamus : illas etiam partes , membra , & homines delicatiorum habent tactus sensum , qui subtiliorem habent epidermidem : ad eum modum , quo minus , manus nostræ a frigore patiuntur , si chyrothecis vestiuntur : eoque minus ab externis offendimur , quo duriori , crassiorique tegumento operimur . Qui in manu vix sensibilis est calor , aut frigus , in interioribus aliquando partibus vix est tolerabilis . De aliquibus fabris ferrariis Lodiensibus refert *Haller* , quod callosas adeo habeant manus , ut fustum etiam ferrum per eorum manuum volas fluere permittant , illudque in volis agitent citra ullum doloris sensum : licet interea ambrustam manum fumare , & fæterè videant , atque odore sentiant . Quod si a callosis hujusmodi manibus , aut aliis quibuscunque corporis partibus detraharer cuticula ; ita ut reticulum detegatur ; a levissimo etiam corporis contactu dolor est intolerabilis .

211. Tactu percipit , seu elicit anima sensum doloris , pruriginis , calidi , frigidi , humidi , siccis , & alios similes . Cum omnis tactus sit corporum sese contingentium rescissio ; quamdiu corpora leniter contrectamus ; suavis , & grata prurigo excitatur : aucta resis-

sion.

sentia, & contrectatione, in dolorem abit pruritus, hoc est gratissimus in molestissimum sensum: adeo parum inter se distant gaudium, titillatio, voluptas, atque molestia, dolor, vulnus, mors! Omnes scilicet sensus animæ de rebus sensibilibus sunt de genere dolorum: omnesque eorumdean objectorum in corpus nostrum agentium actiones sunt veri ictus: est dicere; omnis sensus v. g. gaudium, pruritus &c., si augeatur, fit dolor; omnis dolor si diminuatur, fit gaudium: corpora vero eatenus sentimus, quatenus ipsa nos percipiunt, feriunt: leve tamen vulnus est gaudium; gaudium intensum est dolor.

212. Tacta igitur percipit anima omnes mutationes in humani corporis cute a corporibus externis factas. Diversæ vero mutationes, seu modificationes in tactus organo factæ diversos etiam in anima sensus excitant. Mutatio, seu modificatio variari potest secundum intensitatem: ita ut aliquando intendatur, aliquando vero remittatur ejusdem objecti in corpus nostrum actio. Natura etiam, & modo differre inter se possunt. Primum fiet; si calidi, frigidi, aut humidi corporis in nos actiones intendantur, & remittantur; secundum si a duobus corporibus v. g. duro, & fluido contingamur.

213. Singulæ hæ actiones, & modificationes, atque actionum, & modificationum discrimina per nervos, atque vitales spiritus ad animam usque in oculi ictu transmittuntur. Nervi sensuum sunt corpora continua per totum corpus, corporisque superficiem propagati: res autem est, experimentis, & quotidianis observationibus notissima, quod per corpus continuum modificatio, seu impressio in una illius extremitate facta ad aliam extremitatem eodem temporis momento transeat, atque sentiatur. Spiritus etiam secundum electricitatis indolem, tamquam fulgura, ab extrema cute ad cerebrum & vicissim sese, aut actionem suam transfundunt. Anima igitur in cerebro existens spectari potest tamquam in centro posita, in quo innumeri radii continui seu baculi, vel potius chordæ tensæ coeunt, actionesque per eos transmissæ confluunt. Si baculos ex quacumque parte ferias, impellas, percutias, vel chordas quacumque ex parte laxes, aut distendas; impulsiones baculorum, deductiones, tensiones, aut remissiones chordarum eodemmet

veniet tempore in una, atque in alia extremitate sese exerent. Idem fiet, si spiritus aliqui, aut actiones per huiusmodi chordas, seu tubos, tamquam fulgura, citissime hinc inde transvolent.

214. Baculi autem, & chordæ sunt innumeri illi nervorum rami, qui a cerebro, per totum corpus disperguntur: actiones, aut fluidum-fulgurans sunt spiritus animales superius asserti. Manifestum vero est, per easdem chordas, per idem fluidum infinitam pene istum varietatem transmitti posse, ut late explicabimus, cum naturam, & propagationem loci exponemus. Habes igitur rationem, & modum, quo externorum corporum actiones ad cerebrum usque, & ad animam transmittantur.

215. Fiet tamen huiusmodi transmissio per spiritus vitales solummodo, an per ipsam nervorum substantiam, an potius per utrumque simul corpus continuum? Hoc primo constat, arescentibus, exsiccatis, aut læsis alia ratione nervis, sensum iis respondentem deficere. Qui aperto ore dormiunt, atque exsiccatis faucibus, & lingua expergiscuntur, nullum saporem percipiunt, quamdiu lingua iterum non madescat: 2. Spirituum animalium fluxu, aut actione per nervos impedita deficit illico sensus. 3. In pluribus membris hebetatur, languescit, perit sensus omnis; licet ea membra maneant integra: nullaque in eorum nervis, seu cute facta fuerit destructio, contusio, cicatrix. Quare id phenomenon ex eo provenire videtur, quod fluxus spirituum ad stupida membra delideretur, & interrumpatur. Equidem membra, quæ sensum amittunt, frigescunt: quod argumento est satis manifesto, alio tunc temporis spiritus animales derivari: deinde ubi magna est cutis contusio, deficit sensus, quin deficient nervi, nervorumque ad cerebrum usque continuatio.

216. Quare ego crediderim, neque spiritus animales sine nervis, neque nervos sine spiritibus animalibus ad sensum sufficere: utrumque ad objectorum impressiones ad animam usque deferendas esse aptissimum, atque naturale instrumentum. Spirituum tamen animalium præcipuas esse in re huiusmodi partes, luculentè confirmant de iis superius disputata. Omnis igitur sensus animæ duo potissimum complectitur, externam corporis actionem, & actum animæ in ea ab im-

pres-

pressione corporum excitatum. Illa corporum actio externa est sensus extra animam; hoc est, improprius, & veri potius sensus causa excitans, quam verum esse: sensus in anima, hoc est, verus, proprius, est purus actus animæ: sensus ergo extra animam, licet in nostro etiam corpore considerentur, nihil sunt, nisi motus in corpore nostro excitati; hoc est, puri motus: sensus in anima, seu proprii sunt actus ab anima elicit, in anima ipsa excitari, o illam commercii inter animam, & corpus legem a Deo stabilitam. Dolor igitur, gaudium, pruritus &c. sunt totidem animæ sentientis actus.

S. II.

Saporis, atque Odoris Sensus:

Eorumque Organa, & objecta. Definitio.

217. Corpus *sapidum* est, quod linguam ita afficit, ut eum sensum anima percipiat, aut eliciat, quem *saporem*, seu *saporis perceptionem* appellamus. Reliqua corpora, quæ prædictum in nobis sensum non efficiunt, dicuntur *insipida*. Odora similiter corpora nuncupantur illa, quæ per se ipsa, aut per particularum suarum effluvia narium fibras vellicant, & odorum sensum, ac perceptionem in anima excitant.

Saporis, & odoris organa.

218. Corpora *sapida*, & odora sunt peculiariora duorum sensuum objecta, quæ peculiaribus organis, lingua scilicet, & naribus agunt, actionemque ad cerebrum usque transmittunt. Lingua est corpus musculosum innumeris fere fibrarum ramulis intertextum, atque implicatissimæ retis instar constructum, quorum beneficio in omnes partes mira facilitate flexitur, atque movetur. Duplici tunica circumvestitur: quarum prima exterior, & satis tenax, *epidermis* locum habet, & munera præstat. Sub epidermi crassior alia, & magis viscosa extenditur membrana ad instar cilibani perforata. Tertium deinde occurrit corpus a tunica secunda circumvestitum, quod *papillare corpus*, seu membranam appellant, propterea quod multiplicibus

cibus scateat papillis : quæ per secundæ tunicæ foramina productæ , ad externæ membranæ superficiem desinunt . Plurimis foraminibus hiant huiusmodi papillæ : quorum fundum intertexunt subtilissimi nervorum rami . Tres præterea earum species observantur , magnitudine potissimum inter se diversæ . Ampliores , seu primæ speciei ad linguæ radices , & basim , atque etiam in apicis lateribus maxime inveniuntur . Secundæ ad radices laterum linguæ inferius dispositæ sunt , & nervæ propagines ex se emittunt . Circa maiores hæc papillas aliæ videntur minutissimæ , a quibus priores duæ species circumdantur .

219. Animadverti præterea debent in lingua , atque a papillis distingui glandulæ salivales , quæ per linguæ basim , radices , & palatum numerosæ existunt : ad idque potissimum inserviunt , ut arterias , & venas per medias glandulas transeuntes ope nervulorum constringentes salivam ex iis per vasa lymphatica extrahant , illamque partim in se imbibitam retineant , partim per linguam , palatum , & os , tanquam menstruum ad ciborum masticationem , & digestionem necessarium distribuunt . Defertur autem saliva in totum oris cavum per *ductus salivales* , qui per os multiplici ratione , directione , & numero distenduntur .

§. III.

220. Circa narium structuram id solum impræsentiarum annotabimus , eas interius subtili quadam , tenuissima , & delicatissimi sensus membrana circumvestiri , in quam plurimi tenuissimi nervorum ramusculi , etiam desinunt , eamque magna ex parte intexunt . Delicatissima illa tunica scrupulose examinata nihil est aliud , quam mirabile , & subtilissimum reticulum , quod tenuissimi nervorum , & utriusque meningis fibræ per mille cribriformis ossis ductus a cerebro , & a spina derivati componunt . Delicatissimam hoc reticulum omnes interiores anfractus narium , qui plures sunt , obducit , ut ubique odorum actionem accipere valeant , & ad cerebrumque transmittere . Exactiorem linguæ , & narium descriptionem Anatomicis relinquimus .

PROPOSITIO XIII.

221. *Peculiare saporum organum sunt linguae papillae nuper expositae.*

Propositio ex eo patet, quod sales, aut alia quaecumque corpora sapida ad eas linguae partes applicata, in quibus praedictae papillae non deprehenduntur, nullum saporem excitant: maxime vero, si ad papillas applicentur, & dissolvantur, ut ex *Laurentii Bellini* (a) *Boerhaavii* (b) & aliorum observationibus constat. 2. Eae linguae papillae, earumque fundus delicatissimum habent sensum ob tenuissimos nervorum ramulos, qui sunt omnium sensuum organa. 3. Aliae nullae in lingua deteguntur partes, in quibus factae a saporibus impressiones apte recipi, sentiri, & ad cerebrum, & animam derivari possint; praeter supradictas papillas ramulis nervorum intertextas.

Non tota nihilominus lingua, neque palatum, aut omnes universae papillae iis in partibus existentes saporis organum sunt. Palato nullum saporis sensum percipimus, contra ac existimat, & loquitur vulgus: frigidi quidem & calidi, aliarumque qualitarum actiones; aut sensum illic elicimus: nullum tamen saporem. Linguae tantummodo apices, & partes prope apicem existentes, & quae in iis sunt nervorum papillae saporis organum, habentur.

PROPOSITIO XIV.

222. *Causa sensus saporis, anima per saporem sentientis objectum, verusque proinde sapor in corporibus extra animam sunt salium particulae: corpusque idcirco sapidum est, quod salibus abundat; hoc est, particulis spiculatis aliquantulum rigidis, & subtilibus, quae per linguae papillas se se insinuant.*

Propositionem experimenta, ratio, humani corporis mechanica dispositio confirmant. Sales a corporibus

Mont. Phil. Tom. VIII.

G

qui

(a) *Laurentii Bellini opera medica de lingua.*

(b) *Boerhaavii pralect. n. 487. etc.*

quibuscunque fapidis si extrahas; remanent insipida: tales iterum restitue erunt iterum sapida. Salium enim vero partes figura quidem spiculatae, magnitudine subtiles, indole vero rigidae, & facilis solutionis capaces, diverso modo agitatae, aptissimae sunt ad sensum excitandum, nervosque, & animam ita afficiendam, ut & sapores, & saporum discrimina sentiat, & percipiat. Corpus enim lapidum ori immisum, dum interrim dentibus atteritur, & masticatur, linguae etiam agitatione solvitur in pulmentum, & in tennes particulas redigitur: particulae congruenti subtilitate, & figura praeditae, motuque vario agitatae per linguae poros se se insinuant, papillas ingrediuntur, fibras, & delicatissimos nervorum ramos vellicant, agitant, pungunt, radunt, multiplicique alia ratione afficiunt, leniter, suaviter, blande, fortiter, aspere. Ejusmodi modificationes per nervorum truncos ad cerebrum, & animam deferuntur. Haec vero, quae diximus, sunt sapores extra animam, hoc est saporum causa. Sapores enim intra animam sunt perceptio, quae in anima ipsa elicitur, & explicatur, posita actione, quam supradictae particulae in linguam exercent: perceptio igitur illa, & sensus gratus, aut ingratus, suavis, aut insuavis, dulcis, aut amarus, quem in nobismet ipsis experimur, & sentimus, dum manducamus, aut bibimus, sunt sapores intra animam a materialibus illis, & mechanicis particularum affectionibus, atque actionibus in lingua originem ducentes, seu potius excitati: quorum ne ideam quidem iis exponere possemus, qui saporis sensum non haberent. Hinc sequentia corollaria, & phaenomena sponte deducuntur, & facile explicantur:

COROLLARIUM I.

233. Ea igitur corpora erunt insipida, quorum particulae fuerint crassiores, aut admodum durae, solutioni ineptae, quae idcirco in papillas ingredi nequeant, aut satis non afficiant: seu, quod in idem recidit, quae salium particulis aut non sint praedita, aut illas solvi, atque agere non permittant. Ejusmodi sunt zer, aqua pura, lapides, metalla, & alia quam plurima; haec enim particulae non apte dissolvuntur in ore, papillas, & linguae poros non penetrant, aut

aut tandem nervorum fibras non satis vellicant, et in illa se se insinuant: unde nulla in animam impressio, & affectio derivatur. Experimento sane comperimus, corpora quaecumque linguae imposita nullum in nobis saporem excitare, quamdiu non masticantur, aut solvantur, in minutissimas particulas rediguntur, lingunt, & papillas penetrant, nervos pungunt, vellicant. Si corpora non dissolvantur; in partes subtiles non rediguntur: nisi partes sint subtiles; porae, & papillas non penetrant nisi agentur, & morantur; per linguae, & papillarum foramina non eliduntur, aut intrant: nisi aculeatae sint, fibras non pungunt: non rigidae, facillime flectuntur, plicantur, & linguam non satis vellicant.

COROLLARIUM II.

224. Hinc est, quod lingua aliquo ex subjectis vitiis laborante, sit v. g. nimis arida, copiosiori saliva abundet, illius, & papillarum pori, & foramina obstruantur, calleseat, aut induretur, dolore aliquo, aut vicio laboret; nullus ab anima percipitur sapor. Deficiente saliva ad particularum dissolutionem necessaria, non dissolvuntur partes: si copiosior existat, papillis, earumque foraminibus obstructis, sapidarum particularum hebetatur actio. In tertia hypothese per linguae papillarum foramina penetrare non possunt particulae, & fibras pungerent: in quarta lapidis particulis insensibile erit saporis organum. In quinta demum major doloris, & vitiosi morbi sensus, & perceptio vividior languidiorum saporum actionem percipi ab anima non permittit.

COROLLARIUM III.

225. Ex varia pororum linguae magnitudine, & figura, papillarum textura, fibrarum subtilitate, tenebritudine, & pluribus aliis de causis varius omnino est in diversis hominibus, immo & in eodem pro diversis temporibus saporis sensus. Aliis magis placet dulce, aut pingue, alii delectantur acerbo: & ita de aliis saporibus. Quin immo quicumque nostrum alio tempore acerbum, acre, salsum; alio dulce, pingue appetit, quorum omnium ratio ex indicatis modo

multis petenda est. Sensibiliores aliquando fibræ magis etiam patula papillarum foramina habemus: interea autem acidorum spicula, acrimoniam, & punctiones moleste ferimus; dulci maxime delectamur. Est etiam tempus, cum illæ redduntur hebetiores, & minus sensibiles; tum acriores, & acidiores, saporis, qui altius, & fortius penetrant, gratum in nobis saporis sensum gignunt. Saporis acidi, & acerbæ particule sunt aculeatæ, subtiles, rigidæ, acutisque angulis pungunt, & se se infigunt: ea igitur punctio, vellitatio, inhxio erit grata, aut ingrata, suavis, aut molesta, pro diverso papillarum statu, acutioribus particularum angulis, & spiculis, majori particularum numero, & subtilitate, apertioribus, aut angustioribus foraminibus, & id genus aliis.

C O R O L L A R I U M I V.

226. Calore, fermentatione, coctione acidi, & acerbæ fructus maturescunt, dulces, & palato grati evadunt. Calore enim, fermentatione, coctione intimæ fructuum, herbarum, aut quorumlibet corporum particule agitantur; aliæ ab aliis liberantur, subtiliores evadunt, mutuis volutationibus, collisionibus, & impactibus acutiores earum cuspides, anguli, & hamuli truncantur, obtusorem figuram assumunt; inde est, quod facilius dentibus mastlicantur, saliva solvantur, papillas penetrent, easque levius, & suavius vellicent, & pungant. Mixtionē etiam plurimum modificantur, astenuantur, & immutantur saporis: sicque nonnumquam, ut e duobus ingrati saporis alimentis alius per mixtionem gratus eyadat, & e converso, ut optime norunt, qui chymiam, sicut culinam trahant.

227. Uno, vel altero exemplo res confirmatur. Si argentum in aqua forti dissolvās, quod postea in crystallos coaguletur, maximam amaritudinem contrahet. Si vero hæc argenti crystallos muriæ ex aqua, & tale compositæ immittas, mixturam fundas, & refrigerari permittas, ut indurescant; erit hæc compositio prorsus insipida; licet ex duabus partibus fiat, quarum altera acritudinem, altera vero maximam amaritudinem habet. Sed innumeri pene sunt modi, combinationes, atque ordines, quibus simplices saporis inter se

se permisceri possunt; & hinc infinita pene compositionum saporum varietas: ut nemini ignotum est.

COROLLARIUM V.

228. Ex dictis manifestum est, unde desumenda sint, non modo varia eorundem saporum perceptio; & sensus in anima; sed etiam proprium ipsorum saporum, & sapidorum corporum discrimen. Nullus a nobis assignari potest certus saporum numerus; neque enim ullus hominum scire potest, quem in singulorum hominum palato sensum, & perceptionem excitent, & efficiant lapidæ particulae. Praecipui tamen, & magis noti saporibus ad octo capita fere reducuntur: *Salsus, pinguis, dulcis, acidus, acer, asperus, acerbus, amarus*. Saporem *salsum* excitant, aut efficiunt particulae subtiles, quæ acuminatis angulis, & acie tenui papillas, & fibras incidunt, in iisque insiguntur. Particulae sulphureæ obtusis angulis circumscriptæ, quæ papillas non cuneorum instar, incidunt, sed eas potius blande lambunt, & lambendo abradunt, *pinguem* saporem constituunt, aut produciunt. *Dulcis* ex iis nascitur particulis, quæ partim rotunda, & lævigata superficie sunt terminatæ; partim angulosæ, sed angulis nimium obtusis circumscriptæ sunt, & sulphuris deinde partibus ita attemperantur, ut papillas, & nervos leniter solum, blande, & suaviter vellicent, & lambendo perficiant. Quod si particulae sint magis asperæ, & rigidae, angulosæ, & aculeis armatæ, quibus palatum aspere radant, & lambendo mordeant; *amarum* saporem efficiunt. *Acidus* sapor sentiri videtur, cum particulae rigidae, oblongæ, acutioribus cuspidibus instructæ papillarum fibris, velut spina quædam tenuissima, alte insiguntur, incidunt; & feriunt. Alios etiam saporibus simili prorsus modo explicabis. In quolibet tamen saporis specie plures, & diversi sunt saporis gradus, prout & ratio & experientia nos quotidie docet.

229. Quid etiam physice sit, alios saporibus ab aliis hebetari, temperari, destrui; alium in alium mutari, facile intelligitur: pone enim (quod passim & quotidie evenire necesse est), uncinatis acris limonis partibus viscosas mellis, aut sacchari particulas agglutinari; limonum cuspidibus inter viscosas partes obstrui,

obluvi, & veluti deperdi, necesse est: vix igitur ultimum jam actionem in linguæ papillis exerent. Quod si ea sacchari quantitas adhibeatur, ut limonis quidem cuspides, magna ex parte quasi immergantur; extremitates tamen viscosis particulis extent; acrem adhuc saporem, sed tamen temperatissimum percipiemus: cum acutæ cuspides profunde jam deligi non possint, sed leviter solummodo papillas radant, atque pungant. Ex his discite alia.

230. Ex dictis etiam facile intelliges, & explicabis quotidianum phænomenon: communia alimenta, aut potiones crassæ post aliquantulum temporis vires rescipiunt, languorem depellunt, amissum vigorem restituunt: liquores tamen subtiles, quales sunt aqua vitæ & alia hujusmodi, vix palatum attingunt, cum novum illico membris vigorem communicant. Partium subtilitas in causa est, ut in ipsam etiam linguam, & palatum per papillas ingressi, per medias glandulas, & vasa salivalia in ipsas illico venas, & arterias penetrent, & influant, sanguinis massam illico vivificent, novamque vim, atque vigorem communicent: cum crassiora alimenta, atque potiones post aliquot solummodo fermentationes, atque præparationes id beneficii languido corpori impertiant.

PROPOSITIO XV.

231. *Odoratus organum est tenuis, illa membrana nervis intertexta, quæ nares, ejus cartilagine, & ossa interius vestit: odores vero consistunt in effluviis particularum subtilium, quæ a corporibus exhalant, quæque versus per acrem disperguntur & ad nares perveniunt.*

Hæc propositio eodem fere modo probatur, & explicatur, atque præcedens: eadem in utraque veritates occurrunt, eadem corollaria, & phænomena. Idem enim, aut simillimus est odorum, atque saporum modus, causa, & agendi ratio. Ad purum peculiarem tactum in delicatissimis organis factum uterque sensus reducitur. Anima eodem modo objecta percipit mediantibus nervorum fibris, continuitate, & impressionibus in linguæ papillis, atque in aurium membrana factis. A similibus partium affectionibus omnia odorum discrimina, varia ejusdem odoris intensio,

no, aut remissio enascitur. A particularum etiam magnitudine, figura, motu, angulis insimulque a varia in diversis hominibus membranæ, & fibrarum textura, teneritudine, crassitie, temperamento provenit, quod hæc, aut illa odorum species aliis quidem sit grata, aliis ingrata; his sit innoxia, illis plane officiat: unus alio, alter altero delectetur, aut offendatur odore. Ex vario membranæ non in diversis tantum, sed in eodem etiam homine pro diversis temporibus temperamento, & aliis, quæ in superioribus collariis, explicavimus, ea proveniunt, quæ illic etiam exposuimus. Quod scilicet nullum aliquando odorem percipiamus, amissum postea sensum recuperemus; quod aliquando fortiores tantum odores, postea vero remissiores sentiamus; quod alii ad tempus solummodo, alii vero in perpetuum amittant sensum. Hæc omnia eadem plane ratione in utroque sensu peraguntur, & explicantur. Superius igitur de saporibus exposita, ad odores etiam applicanda sunt; ne in iisdem repetendis diutius immoremur. Hoc unum discrimen intercedit, quod sapida corpora saporum organo per se se applicentur; odora vero eminens effluvia emittant, narium membranam afficiant, & odorum perceptionem in anima excitent: quod quidem discrimen parum est notabile, nullamque fere inducit diversitatem.

232. Si quis objiciat, incredibile videri, totidem ab odoris corporibus partes exhalari, ut notabilem aeris massam circa ipsa positam impleant, quin sensibilis in odorato corpore percipiatur diminutio. Resp. Id nequaquam videri incredibile, si ad prodigiosam omnino partium materię subtilitatem alibi a nobis expositam attendatur. Addendum insuper, corporis odoriferi particulas per aeris poros tantum diffundi, neque copiose semper a corpore, erumpere. Quia immo sæpissime accidit, ut particulæ odorosæ a corporibus antea egressæ, diu in aere, aut in corporibus circumstantibus conserventur, iisque adhæreant, aut innatent; quin alio avolent, aut dissipentur. Et hinc corporis odorem percipimus, quin nova effluvia illud semper ex se emittat.

233. Sed his omissis, mirabilis subtilitas materię ex aliis capitibus demonstrata odorum subtilitati favet: vicissim etiam odorum subtilitas experimentis constans prodigiosam materię subtilitatem confirmat. Quod de

americanis vulpibus, & avibus, *gallinazzos* eo loci nuncupatis tradit *Ulloa* (a) & alii non modo subtilitatem, sed & miram odorum efficaciam ostendunt. Gallinazzus ad 4. aut 5. leucarum distantiam ab odorofo corpore odorum vim percipit. Vulpes urinam effundendo se se a maximis periculis, canibus eam cominus persequentibus, defendit: is vero est ejus fluidi factor, & odoris efficacia.

234. Effluviorum ab odorosis corporibus exhalatio a calore, & interna ipsorum corporum fermentatione potissimum pendet: eo calore, aut fermentatione auctis, augetur etiam odoris intensitas; illis causis decrefcentibus, hæc etiam decrefcit: hinc rosæ, & corpora alia odorosa interdiu calido aere, lucente Sole longe suavius, & intensius olent, quam noctu, aere frigido, aut Sole non illuminante, neque calefaciente corpora. Pluvia etiam odores florum maxime dissipat, atque extinguit: partim scilicet poros obstruendo, partim internunt calorem temperando; partim effluvia in aere natantia in se imbibendo, atque ad terram adducendo.



A U

(a) *Relation del viage &c. Parte I. tom. 1. pag. 75. 76. 79.*

A U D I T I O ,

S E U

T R A C T A T U S .

De Sono, & illius perceptione, seu Auditu

L E C T I O V.

De Sonori Corporis, atque Soni natura.

235. **Q**uanti momenti illud sit argumentum, quod modo aggredimur, facile animadvertet, qui mente secum ipso concipiat; omnem rerum natura sonum tolli. Quisnam tum esset animantium, nostra vero potissimum hominum conditio, vivendi, & agendi ratio? Quid rei esset, quonamve pacto perageretur humanum commercium, & societas? Quid linguæ, scriptura, artes, scientiæ, mutua idearum, sensuumque inter homines communicatio? Omnia hæc, illo animæ sensu, objecto, & physica corporum qualitate sublata amitterentur; aut vix saltem eorum maneret vestigium. Amplissimum igitur hoc Physicæ viventium, & Psychologiæ argumentum disputaturi, hæc nobis differenda proponimus, quæ sunt præcipua rei capita, & totum argumentum complectuntur: Sonora corpora, sonum, auditionis organum, auditionem ipsam. Innumera, quæ de hisce rebus scitu digna sunt, & quorum potissimam attingemus partem, ad quatuor illa revocantur capita.

Sonus in triplici statu existit, & spectari debet: in anima, in corpore sonoro, in medio: anima sonum percipit, corpus sonorum illum producit; medium vero propagat, seu transmittit. Sonus, sicut & omnes aliæ qualitates, quas percipimus, aliud est, & longe quidem diversum, in anima, aliud extra animam, in medio, & in corpore sonoro. Mirabile hoc inter physicas qualitates, & animæ de iisdem sensus discrimen, in Logica leviter attractum, in generali physica, & Metaphysica exposuimus.

DE-

DEFINITIO.

236. *Sonus in anima est ea peculiaris anima perceptio, affectio, idea, & sensus, quem in nobis experimur, cum aures nostræ pulsantur, cum audimus, & audiendo objecta percipimus.* Nullam porro homini surdo ideam soni ab anima percepti exponere possumus; licet illius aures æque atque nostræ, sono externo afficiantur: sicuti etiam cæco nullam plane luminis, colorum aut visionis ideam explicare unquam poterimus; licet ejus oculi a luce etiam feriantur. *Sonus, prout est extra animam, est ea corporum affectio, & particularum motus, quoad auris organum alato, ille in anima excitatur sensus, quem sonum, aut soni perceptionem nuncupamus.* Ille vero, aut in corpore tonum edente existit, aut in medio transmittente. Sonus igitur extra animam est aliquid a sono intra animam diversissimum. Extra animam, ut statim dicemus, nihil est præter diversos corporum, & eorum particularum motus; sonus, strepitus, clamor, harmonia, murmura sunt proprie affectiones, & sensus animæ; quæ proinde non existerent, si nulla esset anima: licet ii, qui modo sunt, in corporibus eilens motus.

DEFINITIO.

237. *Sonora corpora illa sunt, quæ collisa, aut percussa, eorumque partibus in tremorem concitatis, sonum edunt.* Quid sit mutua corporum collisio, & tremor, nullus ignorat. Distinguendus tamen est integri corporis tremor a tremore partium: cum tremor sit frequens, & repetita vibratio, aut oscillatio, seu frequens, & repetita tensio, atque restitutio ejusdem corporis; si corpus aliquod integrum, tamquam si unica esset individua massa, citissime oscillat; dicitur tremere corpus secundum se totum; seu totius massæ tremor; cum vero omnes, aut aliquæ corporis partes prædictam habent oscillationem seorsum ab oscillationibus totius corporis; dicitur tremor partium corporis, & corpus tremere secundum suas partes: Nonnumquam tremor totius corporis cum tremore partium conjungitur; aliquando vero, trementibus partibus, quiescit totum, aut vice versa.

PRO-

PROPOSITIO XVI.

238. Corpus sonorum est illud, quo percusso, fracto, discolo, aut agitato, insensibiles ejus partes contremiscunt; mutuis, crebris, repetitisque vibrationibus aliæ in alias, & in circumstantia corpora agunt: Sonus in corpore sonoro est crebra illa, repetita, alterna minimarum particularum agitatio, concussio, tremor.

Propositio, quæ a nemine iam, quem sciam, in dubium vertitur, de sono tantummodo externo, & in corpore sonoro agit: dualque habet partes. Prima; Quid rei sit sonorum corpus; Secunda quid in corpore sonoro existat sonus. Utramque satis demonstrabimus; si ab experimentis hæc duo conficiantur: *primum*, nullum corpus sonum edere, quamdiu peculiaris illius partium tremorem non habeat: *secundum*, edere verò, vix ac prædicto agitur tremore: hæc verò luculenter confirmant sequentia. Corpus quodcumque, fluidum, solidum, molle, durum, elasticum, quantumvis alias sonorum sit, v. g. chorda, metalla, nullum sonum edit, etsi millies oscillet; si corpus integrum, perinde ac si individuum esset; totiusque solummodo vibrationibus, & oscillationibus agitur, quin minimæ illorum particulæ contremiscant; ut quotidiana experientia docet. Quantumvis citharæ chordam exposita ratione tractes; nullum edunt sonum. Rursus ea corpora, quorum particulæ, si comprimantur, facile cedunt, quin resiliant, & se se promptissime restituendo, contremiscant, qualia sunt plumbum, creta, lutum, lana, muta sunt: quantumvis & individua eorum massa, & insensibiles particulæ singillatim agitentur, & ad oscillationes, tremorem, ac subsultum compellantur: ut passim etiam observamus; dum lanam, velles, & alia corpora tractamus. Prima tamen illa corpora, chorda v. g. æs Campanum, aurum, quæ ad totius tantum vibrationes adaptata nullum edunt sonum, sonora evadunt, cum primum ita agitentur, & concutiantur, ut non tantum integræ massa, sed minimæ illorum particulæ vibrentur, oscillent, contremiscant: ut mille experimentis in oculos nostros quotidie incidentibus observamus. Id data opera in duabus forcipis lamellis observavit De la Hy-

re (a): eas primo ita tractavit, ut citissime, & se totis solum oscillarent; postea vero ita concussit, ut eorum partes etiam seorsum contremiscent. Primo autem nullum edebant sonum, maxime vero secundo modo tractatae; licet in primo fortius, & vehementius oscillarent, quam in secundo experimento: Ex his omnibus, & duo illa superius indicata, & utraque propositionis pars demonstratur.

239. 2. Notissima etiam sunt, & aequae in rem nostram faciunt indicanda modo experimenta: simul atque tintinnabulum pulsatum, & sonans manu prehendens, panno, aut lana obducas; cessat sonus, cessante partium tremore; licet integrum tintinnabulum adhuc oscillet. Nive supra pulsata, & sonantia tintinnabula, seu æra campana cadente, cessat, aut vix percipitur sonus. Si chorda, aut fides sit admodum laxa, licet plectro pulsetur, & oscillet, vix sonum edit: maxime vero sonat, simul ac tendatur: in secundo enim, non in primo casu illius partes contremiscent. Chordam supra citharam tensam plectro sebo obducto pulsa, aut percute; non sonat: plectrum colophonia exaspera, & exasperato chordam iterum percute; maxime sonabit. Omitto alia ad rem confirmandam non necessaria.

240. 3. Eo solum minimarum particularum motu, quem asserimus, in corporibus existente, corpora ipsa medio aere, cui eum motum communicant, per eundemque ad aures transmittunt, ita aures, & auditus organum afficiunt, ut anima iis affectionibus excitata soni perceptiones elicere, & eorum discrimina percipere valeat, seu potius eas eliciat ideas, sensum, & perceptiones, quibus objectorum externorum existentiam, & affectiones percipiat, & sonum internum, clamorem, strepitum, concentum, harmoniam intra se ipsam producat, & sibi ipsi repræsentet.

241. 4. Ipsis etiam oculis, & tactu insensibiles corporis sonori partes, dum sonum edit, tremere dignoscimus. Si parvos globulos supra incudem disponas, eamque malleo in altera ejus extremitate ita fortiter serias, ut vehementer sonet; post mallei ictum globuli

li omnes contremiscunt; pari igitur motu singulæ incudis partes, quibus sustinentur, agitantur, dum integra incudis massa quiescit. Si vitrei vasis, aquam continentis, labra digitis citissime circumductis arte constringas, ut sonum vehementem edat; aquam illico crispari, tremere, & aliquando etiam extra vas effundi animadvertes: quantumvis vas integrum maneat immotum. Oculis etiam, tactu vero potissimum, peculiarem minimarum particularum tremorem, & oscillationes experimur; si pulsatam, & sonantem chordam attrectemus.

242. Ex his autem, & aliis plurimis, quæ afferri possent, habemus 1. Nullum corpus, etsi alias sonorum sit, sonum edere, quamdiu aliqua ratione non movetur; in quibuscumque circumstantiis corpus id existat. 2. Motum corporis sonori, quo existente editur sonus, non esse oscillationes integri ipsius corporis; sed oscillationes particularum corporis. 3. Nihil aliud opus esse, ut corpus, alias sonorum, sonum edat, quam ut in illas insensibilium particularum oscillationes concitetur, & contremiscat. Sonus igitur in corporibus sonoris nihil est a prædicto eorum partium tremore, & oscillationibus distinctum.

PROPOSITIO XVII.

243. Sonus, prout in aere propagatus consideratur, consistit in motu crassioris aeris tremulo, seu in tremulis, & celerissimis oscillationibus, quas aeris particule, & superficies sonoro corpori proximæ ab ipso recipiunt, & per continuatum aerem ad aures usque, & nervum auditorium transmittunt.

In hac propositione, quæ ex prima deducitur, omnes etiam conveniunt. Corpora sonora sonum in medio producant; at nihil aliud producere possunt in aere, nisi supradictum motum oscillationis, & tremoris, quo ipsa etiam agitantur, & concutuntur: effectum scilicet causæ similem. 2. Aer prædicto motu concitatus, & tremorem ad aurem transferens, seu eo tremore aurem, & nervum auditorium pulsans, & afficiens, soni perceptiones in anima excitat: Si igitur corpus sonorum prædictum motum, aeri imprimat, & medio aere ad aures transmittat; jure merito concludimus, sonum ipso aere, seu medio considerata-

tum,

tum, nihileffe aliud a prædicto motu diftinctum. Experimentis etiam, & mille paffim observationibus conflat, fonora corpora, qualiacumque illa fint, aerem movere: quin imo aere ipfo mediante cætera etiam corpora commovent. Sic explofo tormento bellico, adeo violenter concutitur aer, ut longinquæ etiam domorum portæ, & fenestræ recludantur, rumpantur vitra, parietes aliquando agitentur. Ad organorum, & tympanorum fonum, & frepitem fcabellâ nonnumquam e regione pofita fubfultant: pulfatâ citharæ fidibus, alterius etiam citharæ æque attemperatæ, & prope pofitæ fides nullo pulfante eundem fonum edunt. Huc etiam fpectat celebre illud experimentum a *Morhoffo* traditum, & expositum: ipfo quippe teffe, pocula vitrea ad harmonicum quemdam fonum fremebant, fono continuato integra contremifcebant, & in frufta denique rupta funt (a).

2. Sonum in aere craffo vibrationibus tremulis concitato confiftere, non vero in alterius fubtilioris materiæ vibrationibus, inde patet, quod tintinnabula pulfata, & authomati horologii ofcillationes intra machinæ pneumaticæ recipiens editæ nullum edant fonum poft aeris extractionem; nondum extracto aere perinde fonent, & audiantur, atque fi extra machinam fonarent; aeré vero fenfim extracto, fenfim etiam imminuatur, & debilitetur fonus.

C O R O L L A R I U M I.

244. Sonus igitur extra animam fpectatus, vel in corpore fonoro, vel in medio, per quod diffunditur, confideretur, nihil eft aliud, quam prædictus particularum tremor, & ofcillationes: illud vero, quod proprie vocamus Sonos, feu fonantium corporum perceptiones, clamores, frepitus, tonos, harmonias, concentus, puras effe animæ affectiones, atque perceptiones a prædicto illo partium corporis tremore per aerem ad nos diffufo ortas, omnino patet. Et hinc manifeflum eft, fonum intra animam remi effe toto cælo diverfam a fono extra animam: Quid enim commune

(a) *Apud Zanchi Phys. Gen. p. 2. diff. 3.*

mutue habent materialis interitum partium materiæ motus, & gratissimus harmoniæ sensus, quo suavissime delectamur.

COROLLARIUM II.

245. Corpora sonora, & medium etiam illud, per quod sonus transmittitur, elaterio aliquo, & partium rigiditate prædita esse debent: eoque magis, & perfectius sonant, & sonum transmittunt, quo perfectiorem habent elasticitatem. Ille enim particularum corpus sonorum componentium tremor, & oscillatio ab eo nascitur, quod ipsæmet particule seorsim, & violenter pulsæ comprimantur, & alias sibi vicinas, ut se se a compressione liberent, & restituantur, etiam comprimant, atque ab iis ob eandem causam iterum alternatim comprimantur: eoque pacto fluctuationem quandam reciprocam, & tremorem efficiant. Pulsetur v. g. chorda, ærea virga, aut arcus: virga A B (fig. 32.) in arcum flectitur, ac proinde magis extenditur; partes D C superficiæ curvæ comprimuntur, arctantur, & constringuntur, inæqualiter tamen: a majori enim curvatura D ad extremitates usque partium compressio decrescit. Simili ratione superficiæ convexæ partes distenduntur, ampliantur, & diverso sensu coarctantur: virgæ igitur sibi libere permissæ partes convexæ magis tensæ, in convexas minus tensas, & concavas sibi vicinas nimium compressas agunt; atque primas quidem comprimere, secundas vero distendere nituntur. Partes similiter magis compressæ D E, ut se se liberent, & distendant; vicinas minus compressas, & oppositas magis dilatatas comprimunt, & ab iisdem vicissim comprimuntur, eoque pacto curvatura, & arcus in alium sensum mutatur A F, ut alibi explicavimus. Ab ea igitur actione, & mutuo particularum nisu in seipsas totius virgæ oscillationes, & tremor proveniunt, in quo sonum consistere docuimus: Medium etiam, per quod sonus transfertur, simili particularum motu, & reciprocis impulsibus agitari, necesse est: Hæc autem in corporibus tantum elasticis; & apta partium rigiditate præditis inveniuntur. Ut igitur corpora sint sonora; elasticitate etiam, & rigiditate aliqua debent esse prædita: nisi sint elastica, & rigida, illorum partes compressæ sese non ressi-

restituunt: sine prompta autem; & crebra compressa-
rum partium restitutione nullus esse potest earum tre-
mor.

C O R O L L A R I U M III.

246. *Corpus igitur molle ad sonum edendum, aut transmittendum inutile prorsus est, vel illud sit fluidum, vel solidum. Ejus enim partes si comprimantur, non resiliunt, neque aliæ in alias agunt. Partium tamen rigiditas tanta esse non debet, ut corpora flecti, & comprimi non, nisi difficillime, possint: potius enim fraugeretur corpus, & partes a se invicem ruptis nexibus dislociarentur, quam aptam agerent oscillationum vicissitudinem, & tremorem. In metallis, eorumque mixtura, aut compositione res est manifesta: ex majori elasticitate, & aptiori partium rigiditate melius sonat argentum, quam aurum; chalybs, quam ferrum. Ex iisdem etiam capitibus nullum inter metalla ad sonum edendum invenitur aptius, quam metallum ex cupro, & stanno compositum, ex quo tintinnabula, seu æra campana fundi solent. Unde iterum patet, corpus perfecte durum, perfecte rigidum, aut ita compactum, ut ejus partes comprimi, & alternatim restitui non possint, nullum edere sonum.*

C O R O L L A R I U M IV.

247. *Quoniam igitur sonus in partium corporis sonantis tremore consistit; eo intensior erit sonus, quo major, seu intensior fuerit tremor. Augetur tremor triplici potissimum hoc de capite, majori partium numero, seu densitate, majori elasticitate, atque vehementiori ictu: ex iisdem igitur causis augetur etiam sonus, & soni intensitas, cæteris quidem paribus. Hinc vero plurima consequuntur ab iis causis pendencia. Primo, Multo majorem edunt sonum eadem æra campana malleo ferreo, quam ligneo percussa; vehementius, quam debilius eodem pulsata malleo. Secundo, Magis sonat tintinnabulum, quam quodlibet aliud corpus rarius æquali vi percussum. Tertio, Musicorum instrumentorum chordæ ex intestinis animalium, partibus scilicet valde elasticis, sunt: chordæ ipsæ intenduntur ad elasticitatem faciles, atque tre-*
mo-

morem exerendum . Musica ipsa instrumenta ex ligno , quam fieri poterit elastico construuntur , ut facilius ipsum chordarum sonos transmittat . *Quarto* , In aperto aere sonus calore minuitur , augetur in clauso : in priori siquidem casu augetur , in secundo minuitur aeris elasticitas . *Quinto* , Majores similiter erunt soni noctu , quam interdiu ; hyeme , quam æstate ; in compresso , quam in rarefacto aere . ; cœlo sereno , & magis sũdo , quam valde humido . *Sexto* , contra vero corpora sũla , quæ sonora contrectando illorum tremorem hebetant , & sistunt , sonum destruunt , ut in allatis superius jam exemplis observavimus .

L E C T I O VI.

Sonus in medio , per quem transmittitur : seu ratio , & leges , quibus sonus communicatur aeri , & per aerem diffunditur .

248. Jam diximus , corpus sonorum pulsatum , & sonum edens , alternatim & citissime comprimi , atque dilatari versus omnes partes ex indole corporis elastici ; ejusque partes simili modo dilatari , comprimi , ire , & redire . Corpus igitur sonorum v. g. æscampanum , in medio aere pendulum , atque aere undequaque circumdatum , dum se se dilatat , circumpositum aerem resistentem , crassum , & elasticum circumquaque propellit a centro , ad circumferentiam . Prima veluti crassa sphaerica aeris a centro versus circumferentiam , undarum instar propulsa , citissime movetur , & mota condensatur : cum ad eam densitatem fuerit compressa , ut aer ulteriori densationi resistat ; elasticitate sua iterum promptissime dilatatur , & expanditur : vim igitur suam crassæ proximæ ampliori (quæ pariter velut unda acervatur , comprimitur , & condensatur) , communicat : ipsaque versus centrum citissime restituitur , aliam aeris undam , & impetum acceptura , & consequenter in alias crassas transmissura . Hæc modo formantur in aere undæ aeræ sphaericæ concentricæ , æquæ aliis ampliores . In propagatione igitur soni sequentia Corollaria , Leges , aut phænomena observantur , ex fluidi elastici indole descendencia .

LEX I.

249. *Corpus sonorum, v. g. chorda, seu tintinnabulum, habendum est, tamquam omnium undarum centrum. Aliquam rei ideam comparabis, si corpus sonans, centrum capæ, undas vero ejusdem capæ folliculos paulatim semper ampliores concentricos sphaericos tibi esse fingas. Illæ tamen crustæ non sunt semper sphaericæ, licet ab eodem communi centro nascantur: sæpissime enim fit, ut sonus ob plurimas, quæ passim occurrunt, causas, facilius, & longius versus unam, quam versus aliam partem diffundatur, & propagetur; multo enim melius loquentem e regione, quam a tergo audimus; eæ vero causæ, seu impedimenta sunt diversus aeris ex diversis partibus status, & apta ad sonum transmittendum elasticitas; directio loquentis, ventus spirans, corpora interposita &c.*

LEX II.

250. *Sonus a sonoro corpore quaquaversum spargitur in circulum, seu in sphaeram; si medium aptum, ut diffundatur inveniat, neque aliud impedimentum ejus propagationem, & progressionem impediat. Hujusce propagationis, & ampliationis modum (præter jam dicta) intellige, si in medio lacus stagnantem aquam demisso lapillo ferias. Ab actus, seu immersionis puncto, tamquam a centro, multiplices aqueos circulos ortos, & sese ampliantes in aquæ superficie animadvertes; corpora enim elastica, qualia sunt omnia corpora sonora, quacumque ex parte istum accipiant, versus omnes partes elasticitatem suam exerunt, comprimunt, comprimuntur; oscillant, ut superius exposuimus, cum corporum elaterium explicavimus: aerem igitur circumpositum versus omnes partes alternis, & crebris vibrationibus premunt, & impellunt. Ex eadem etiam causa sphaericæ aeris crustæ, & superficies concentricæ vim, & alternas agitationes consequenter acceptas in superficies proximas ampliores consequenter etiam transferunt, mutuisque percussionibus acceptis, & datis, tamquam horologii pendulum, citissime oscillant.*

LEX

L E X I I I.

251. *Ex variis impedimentis fit sæpiſſime, ut huiusmodi oſcillationes multipliciter, & inæqualiter interrumpantur, multiplicique modo afficiantur, & mutantur.* Rem in adductio aqueorum circuloꝝ exemplo fieri paſſim videmus; ſi aliqua ex parte ripæ, parietes, lignum, aut corpus quodcumque ſolidum circuloꝝ dilatationem interrumpat, ſiſtat, & regerat. Nonnumquam aquei circuli regeruntur, & alio ob impedimentum diriguntur; rumpitur aliquando, & diffringitur periphæria; interim tamen circa impedimentum, ſi fieri poſſit, rupta circumferentia aquea veluti ſeſtitur, illudque progrediendo circumdat; quoad in averſa obſtaculi parte fracta iterum ſuperficies in unum coit, ulterius dilatatur, & obſtaculum intra ſe ipſam comprehendit. Poſtremum hoc facile obſervabimus, ſi intra ſtagnum arbor, aut columna exiſtat, aquis undique circumdata; circa eam enim aqua refringitur, & veluti ſeſtitur, ut illius ſuperficiæ ſeſe accommodet.

252. In iſſdem etiam aqueis circulis ſequentia obſervamus, e quibus plurima ſoni explicantur phænomena. I. Si concava ſit impedimenti ſuperficies, & in oſcillationum centrum reſpiciat; aqueæ circuloꝝ periphæriæ ad centrum regrediuntur. II. Aquei circuli eo magis debilitantur, quo magis a centro recedunt. III. Si impedimentum ſit ita diſpoſitum, ut latera deſinant in angulum; aqueæ periphæriæ in anguli lateribus reperiſſæ verſus ejus apicem diriguntur, ſibi occurrunt, & altius ibi aqua attollitur. IV. Si impedimenti ſuperficies, aut latus ſit elipſis v. g. neque centrum circulationum directe, ſed oblique tantum ex parte concava reſpiciat, ſit nonnumquam, ut aqueæ periphæria in unum obſtaculi latus, centro viciniuſ, impaſſa, in oppoſitum directe regeratur. Hæc omnia aquearum oſcillationum phænomena in aere etiam, ſubtiliori fluido, locum habent: hoc tamen diſcrimine, quod in aqua lente, & paulatim, in aere citiſſime, & vivide oſcillationes procedunt.

253. *Sonus non in momento temporis, sed consequenter, seu paulatim propagatur.* Id ex allato exemplo, & exposita hactenus soni natura, seu aeris vibrationibus patet: tempus insumi necesse est, dum aliæ, & aliæ aeris superficies, seu crustæ comprimuntur, sese restituant, alias comprimunt, agitantur, & agitant, ut oscillationes, & tremorem ulterius semper transmittant. Omnia quippe hæc per motum fiunt, ad quem temporis successio necessario requiritur. Hinc fit, ut qui inæqualiter a corpore sonoro distant, eundem sonum diversis temporibus audiant, prius quidem proximiores, postea vero magis remoti secundum distantiarum rationem.

254. Ex eodem principio, sponte deducitur, audiri sæpissime sonum, cum jam corpus sonorum obmutuit, nullum sonum edit, nullumque jam audiunt, qui sonoro corpori viciniore existunt. Partes quippe sonori corporis, aut aeris, per quem sonus transmittitur, agitationem, tremorem, & oscillationem in sequentem aerem juxta leges motus transferunt, insque translatis quiescunt; translatis oscillationibus, & partibus sonori corporis, aut circumambientis aeris quiescentibus, nullus ibi erit sonus, sed eo loci audietur, ad quem oscillationes per translationem appulerint. Id etiam aquæ exemplo manifestum est.

LEX V.

255. *Sonus per aerem potissimum, sed crassum, densum, aut compressum propagatur: aqua vero, cæteraque corpora non elastica, tam fluida, quam solida, tam mollia, quam dura transmittendo sono sunt inepta.* Tam quippe ad sonum edendum, quam ad transmittendum requiritur elaterium, & partium rigiditas. Et inde est, quod corpora mollia, v. g. lana, aqua, terra, & aliæ similia sonum hebetant, aut penitus extinguunt. Idem est de aura ætherea, ut experimento superius allato, & aliis multis demonstratur: sed auram hanc ætheream non ex defectu elasticitatis transmittendo sono ineptam dico, sed ex mira subtilitate, qua fit, ut in auris fibras actione
ad

ad excitandum sensum apta agere non possit. Ex eodem capite est, quod aures gossipio occludamus, ut nobis a sonorum aliquorum incommodis caveamus. Ex eadem causa, quod densior fuerit aer, & major illius elaterium; facilius, & intensius sonum edet, aut transmittet, quam si rarior; & ob vaporum copiam, minus elasticus. Unde I. idemmet sonus facilius, atque vehementius auditur; & transmittitur ad montium radices, quam supra eorum summities: sereno; & limpido cœlo, quam pluvio, & nebuloso: in primis enim locis, & temporibus aer est magis compressus, & elasticus, quam in secundis. II. In machinâ pneumatica idemmet tintinnabuli, seu alterius sonori corporis pulsus, quo magis comprimitur, & addensatur aer, magis intenditur: quo vero magis extrahitur, & rarefcit, magis etiam debilitatur. Ex dictis hactenus omnia soni phænomena, & effectus deducuntur: ea autem ad ejus propagationem, reflexionem, augmentum, & consonantias præcipue spectant. Pauca e multis exponemus.

256. Dico etiam hic prætermittenda non sunt; quæ ad soni propagationem, & communicationem spectant, atque observata facillima, & digna sunt. Primum: si prope tenuem fumum e materia non satis accensa sursum erumpentem, & ascendentem, prope modicam flammam, atomos in radio solari nantes, & visibiles, aut etiam prope aquæ v. g. vel aliorum liquorum superficiem instrumentum pulses, aut concentus edantur; fumum, flammam, atomos, aquarum superficiem oscillare, agitari, rarefcere, eosque tremores edere, quos instrumentorum chordæ producant, non sine jucunditate observabis.

257. Secundum: Si aures gossipio v. g. aut alia quacumque materia rite obtures, ut externos sonos non amplius percipias; postea vero chordæ extremum dentibus mordeas aut stringas, eamque intus pulses; chordæ sonum audies. Primum est undarum, & oscillationum aeris in fluida illa corpora transmissionis consequentia. Ad phænomenon tamen edendum certa partium similitudo opus est, juxta inferius de consonantiis dicenda. Neque enim ad quemcumque sonum tremunt corpora, quantumvis alias levissima. In secundo casu ad internum auditus organum transmittitur sonus, non quidem per aures

cochleam, sed per Eustachianam tubam ab ore in aurem productam, & inferius describendam.

L E X V I.

258. *Sonus per lineas semper rectas diffunditur, & propagatur, quamdiu obstaculum non offendit, a quo ad viam curvam, seu ad directionem mutandam re-percutiatur. Hæc soni proprietas de radio quocumque teorsum spectato intelligitur: est dicere, sonori radii per datam directionem emissi, per illam ulterius semper diffundi affectant. Neque id sphericæ soni versus omnes partes diffusioni a centro opponitur: ut in allato exemplo perspicuum est: Etenim ex prima regula motus oscillatio eam semper directionem tenebit, quam primo tenuit, quamdiu externa aliqua causa eam alio non inflectat, atque dirigat. Quod si idem etiam soni radius, ad latera suæ directionis spargitur, seu communicatur; id 1. est ex natura, & plexu partium mediæ, per quod transmittuntur radii; 2. Radii quicumque longissime semper melius per eorum directionem, quam ad latera, aut in orbem communicantur. Clarius hæc ex sequenti lege intelliguntur.*

L E X V I I.

259. *Quantumvis sonus in orbem propagetur, & diffundatur, longe tamen vehementior est, & fortior versus eam partem, quam sonorum corpus respicit, & in quam recta tendit sonus, nullumque impedimentum offendit: si cætera sint paria. Innumeris passim experimentis hujusce rei veritatem edocemur. Longius, clarius, & vehementius sonat vox concionatoris, aut sclopeti sonitus, si primam e regione suggestus, alium vero secundum sclopeti directionem audias. Id ipsum experimur, cum ab una via, quæ turrim, & pulsatum intra illam æs campanum non respicit, flexo angulo, ad aliam, quæ ad turrim, & æs campanum recta dirigat, vertimus iter. Validiores enim sunt vibrationes, & impulsiones rectæ, quam obliquæ, & mobile vires suas versus eam partem potissimum exerit, ad quam dirigitur.*

L E X V I I I.

260. *Intensitas soni a sonoro corpore recedendo sensim minuitur, & magis semper, & magis debilitatur in eadem ratione, qua augetur spatii, per quod diffunditur amplitudo.* Hæc proprietas intelligenda est de sono a corpore sonoro, tamquam a centro in orbem diffuso. Res vero in aquei circuli exemplo est manifesta. Deinde motus, quantitas eo debilior est, quo per maiorem materiæ massam distribuitur juxta motus regulas alibi demonstratas; dum igitur circuli sensim ampliantur; oscillationes decrescere necesse est. Quod si sonus ita propagetur, & diffundatur, ut spatium, per quod diffunditur, non ampliatur, sed vel idem omnino maneat, vel etiam decrescat; phænomena longe diversa observabuntur: in alio enim casu idem semper erit sonus, in altero vero augebitur, ut inferius explicabitur, cum de *tuba flentoria* sermo sit.

L E X I X.

261. *Idemmet sonus ab eodem corpore, eademque intensione editus ad inæquales distantias pervenit, & auditur; si per media etiam diversa quoad elaterium, rigiditatem, & densitatem, diffundatur.* Alia enim media sonum extinguunt, alia facilius, difficilius alia transmittunt. Inde est, quod sonus difficillime, & non nisi remisse per corpora solida ad exiguam distantiam audiat. Hæc tamen qualiscumque transmissio soni per corpora solida particulis aeris intra ipsorum corporum sinus, & poros latentis potissimum referenda est: simili etiam de causa sonus intra aquam, ad parvam tamen profunditatem auditur. Urinator ad decem orgias demersus tormentum bellicum supra aquæ superficiem explosum non audit, teste *Gassendo*; audiret tamen, si ad unam tantum, vel alteram orgiam demergeretur. Idem postea tentarunt *Nollet*, & *Gordon*: cum in aquam sese, ad diversas profunditates immergerent; sonum admodum debilitatum percipiebant (a). Fuisse in Impera-

H 4

torum

(a) *Gordon Phys. experim. 5. 925.*

torum stagno pisces, qui, suo quique nomine, vocati lursum emergerent, & ordipe ad vocantem accederent, author est *Plinius*, penes quem sit fides (a).

L E X X.

262. *Sonus facilius, & longius versus eam partem propagatur, quo spirat ventus; & a vento spirante contra aliquantulum impeditur.* Plurimum ea de re disputatum est, & pluries repetita tentamina. In re delicata a plurimis circumstantiis, & ab exiguo temporis discrimine pendente facile non erat a scopo non aberrare. *Gassendus*, & florentini academici, nihil a vento juvari, aut impediri sonum contendebant. Contra vero *Derham*, & academici galli, re per magnas locorum distantias tentata, legem observari deprehenderunt (b). Idem suadet ratio. Cum enim ventus secum ferat aerem, immo in aeris translationibus consistat; aeris oscillationes a regione venti removentur, & in adversam plagam deteruntur. Quo major igitur fuerit ventus, eo magis in partem alteram juvabitur, ab alia retardabitur. Rem oculis animadvertimus, si circulos aqueos in fluente aqua excitemus: longius, & lentius secundum aquæ fluxum, quam contra illum distenduntur eorum circumferentiæ. Hujusmodi diffusionis discrimen in magnis solum distantiiis fit sensibilis: in parvis observari vix potest. Est enim velocitas soni 1200. pedes secundum mox dicenda, maxima vero venti celeritas est 66. pedes in singulis minutis secundis, ventusque mediocris 10, 15, 18. pedes conficit: discrimen igitur in singulis 1200. pedibus essent pedes 10, 15, 18. &c. hoc est in parvis distantiiis insensibile.

263. *Sonus tamen sonum contrarium non impedit; eadem quippe massa aeris a diversis partibus impulsæ, agitata, & modificata, singulis motibus sese accommodans modificationes omnes transmittit; ut alibi exposuimus, cum de motu disputavimus: hac de causa radii luminosi contrarii sese non impediunt. Id ipsum in aqueis circulis observamus. Pluribus lapillis in diversa puncta superficiei aquæ stagnantis simul*

(a) *lib. 10. cap. 20.*

(b) *Mem. de l'Acad. 1738.*

mul incidentibus, circuli e singulis centrīs nati, dum ampliantur, sese mutuo secant, & in diversa tendunt, quin perturbentur. Sonum utique noctū, omnibus silentibus melius, quam interdiu audimus: id tamen non ex mutuo sonorum impedimento, & contrarietate provenit, sed quod mentem pluribus interdiu distrahimus, quam noctū.

L E X X I.

Circa soni velocitatem.

264. Multiplici experimento soni velocitas comperta est. Juxta *Newtoni*, *Flamstedii*, & *Hallei* observationes conficit sonus 1070 pedes Parisinos singulis minutis secundis præter propter, seu pedes Londinenses 1142. (a). *Mersenus* tamen ex observationibus a se factis poluerat, sonum singulis minutis secundis conficere pedes Parisienses 1200. (b). Accuratius, credo, rem explorarunt Academici Florentini, quorum tentaminibus compertum est, sonum minuto secundo pedes Parisienses 1160. percurrere (c); ac proinde singulis 4. minutis secundis milliare tere conficere: integrum enim milliare quinque pedum Parisinorum millibus constans inter quatuor minuta secunda, & 19. tertia percurrent. Hanc Florentinorum observationem, & positionem experimentis conformem deprehendit *Derham* (d), & multi communiter aliis præferunt. Similia tandem in America circa hæcæ quæstiones a *Derham* primum propositas facta sunt ab academicis Parisiensibus experimenta. Summa rei fuit, contrario quidem vento aliquantulum retardari sonum, adjuvari secundo, velocitatem illic etiam terrarum eandem circiter observatam, ac a *Derham* fuerat posita: id vero, quæcumque foret soni directio, aut magnitudo (e) ob-

(a) *Princip. l. 2. prop. 30.*

(b) *Prolus. l. 9. prop. 4.*

(c) *Saggi di naturali esperienze exp. 3. intorno al suono.*

(d) *Transact. Phil. n. 312.*

(e) *Observationes phys. pro D. Jorge Juan. lib. 6.*

servationibus etiam exploratum habemus, sonum intensum, aut remissum, fortem, aut debilem, in principio, aut in fine diffusionis, prope corpus sonorum, aut in quacumque ab illo distantia eandem habere velocitatem. Comperta soni velocitate, nullo negotio sonori corporis distantiam calculo dignoscemus; si tempus, seu minuta secunda ab edito sono usque dum ad nos perveniat, interfluxa numeremus, & singulis minutis secundis 1160. pedes tribuamus. Eo pacto fulguris, seu procellosæ nubis distantiam facile comperimus; tempus enim inter visum fulgur, & auditum sonum ope horologii numeratum v. g. 9. minuta secunda, per 1160. multiplica; productum 10440 pedes, seu duo milliaria, & 440. pedes sunt nubis ab observatore distantia. Cum arteriæ hominis sani pulsationes minutis secundis fere sint æquales; earum ope numerari tempus potest. Sonus ultra ducenta millia passuum a sonoro numerata non diffunditur. Soni igitur per aerem velocitatis lex hæc observatur.

265. *Omnes soni magni, parvi, graves, acuti; in principio, medio, aut in fine diffusionis eandem habent velocitatem; hæc vero velocitas est 200. pedum Parisienſium paulo minor.* Utramque legis partem innumeris confirmant experimenta: a quibus tantum hujusmodi proprietates edocemur. Rationi in speciem quidem opponi videntur: penitus perpensa ab illa etiam probatur: quod ut clarius pateat unam vel alteram, quæ obviæ sunt, difficultates proponamus. *Prima:* Qui fieri potest, ut soni vehementis, aut debilis, prope sonorum corpus, aut in quacumque ab illo distantia eadem semper sit celeritas; cum in primis circumstantiis majores proculdubio, & vehementiores sint oscillationes? Resp. Ejusdem penduli oscillationes, quantumvis majores, aut minores sint, eodem tempore absolvi, ut in Statica Physica demonstravimus; cum oscillationes in ita, & reditu consistent; major quidem, & intensior sit motus, non tamen celerior illius diffusio ob earum magnitudinem. Uno verbo aeris partes, quæ per majus spatium, aut arcum a sonoro corpore recedendo, & sonum promovendo, oscillant, per majus etiam spatium, & arcum versus sonorum corpus, sonum veluti retrahendo, redeunt.

266. Secunda difficultas, quæ est in præsentî argumento celebris, atque penitiorem soni proprietatem, & naturam tangit, ad præcipuum hoc caput reducitur. Soni majores, & vehementiores multo majores habent vires, longeque vehementius aures feriunt, quam si parvi, aut debiliores existant: idemque etiam sonus a corpore sonoro, hoc est, a suomet principio, causa, & centro ad ultimum usque terminum, ubi penitus evanescit, sensim debilitatur, atque languescit: si ergo omnes soni sunt aeris tremores, atque oscillationes, hoc est, aerismorus; majori sane velocitate aerem moveri opus est, dum magno, quam dum parvo, excitatur, atque transmittit sonum: ut eadem materia, hoc est aer vehementiori ictu aures nostras percellat; majori velocitate in aures deferri necesse est: ex ipsa igitur natura impactû ictus, atque virium theoria constare videtur, velocius vehementem, quam debilem sonum propagari debere. Resp. Ut clarius & difficultatem & responsionem exponam, rem altius repetamus. Vel ictus in obstaculum impressus, a corpore de loco ad locum translato provenit, vel potius a materia tremente, & oscillante, atque oscillationes, tremoremque suum in aliam materiam transmittente. Primum in obviis corporum impactationibus passim visitur: secundum vero in corporibus compressis, & partes suas expandentibus, quin corpora ipsa locum mutant, observamus. In primo casu impossibile est, augeri ictum & vires ejusdem corporis, quin illius etiam velocitas augeatur: sunt enim massa, & velocitas duò virium elementa: viribus ergo auctis, seu crescentibus, aliquod saltem ex eorum elementis augeri necessarium est: si ergo eadem manet corporis massa, a majori illius velocitate virium incrementa repetere oportet. In secundo casu non transfertur de loco ad locum materia, sed per materiam non translatam transfertur oscillatio, & tremor: oscillatio autem, & tremor duò necessario includunt, itum & reditum: itus, reditusque major majores; itus, reditusque minor minores oscillationes efficiunt: hujusmodi autem itus, & reditus, si inæquales sint, eadem velocitate transmittuntur, inæquales tamen ictus imprimunt. Rem in exemplo sonis prorsus analogo exponam. Sint duæ æquales

series æqualium, & sese tangentium globulorum elasticorum in lineis rectis ex hoc loco usque ad oppositum murum jacentium: directionibus centralibus primos utriusque seriei globos viribus valde inæqualibus feriamus: prima scilicet series ictu, ut duo, secunda ut 6 percutiatur: primus utriusque seriei globus ex oppositis in percussione directione punctis comprimitur, & complanatur: quoniam tamen sunt æqualiter elastici, eodem tempore se se restitunt, atque sese restituendo similem in compressione restitutionem, seu oscillationem, & tremorem secundis, secundi tertiis usque ad ultimos communicant. Ictus in oppositum murum & eodem tempore appellantur, & erit unus alterius triplus. Hoc secundum est evidens: quia si globi sint perfecte elastici; tantum reddent, quantum accipiunt: ergo vires in primos impactæ, ad ultimos, immo & ad murum perveniunt integræ. Si vero imperfectam habeant elasticitatem; cum hæc sit in omnibus similis; proportionaliter debilitantur oscillationes in utraque serie æquali: ergo in eadem ratione deveniunt ad murum, atque fuerunt in primos globos impactæ.

267. Primum autem etiam est evidens ex theoria elasticorum compressio, & restitutio globorum est oscillatio: at idem pendulum eodem tempore inæquales oscillationes absolvit: eadem chorda æqui diuturnas efficit oscillationes inæquales: idem, aut similes globi elastici eodem tempore inæqualiter oscillant, hoc est, majores compressiones, & restitutiones in se se efficiunt: ergo æqualiter singuli utriusque seriei globi sibi respondentes oscillarent, & oscillationes in alios transmitterent: ergo oscillationes, hoc est, vires inæquales eodem tempore a primis utriusque seriei globis usque ad ultimos, & murum pervenirent. Hic vero est casus sonorum: series globulorum similium, & elasticorum sunt partes aeris inter loquentem, & audientem dispositæ: impactiones in primos globos sunt loquentium voces: muri sunt audientium aures; ex ratione igitur, & indole oscillationum, atque insimul ex corporum elasticorum motu, atque proprietatibus ad evidentiam usque deduco, & confirmo, sonos omnes, aut vehementes sint, aut debiles, aut in principio, aut in suæ diffusionis termino considerentur, æquali sem-

per velocitate deferri. Id vero minus erit mirandum, si duo animadvertemus: primum sonum, seu tremorem aeris itum semper, & reditum includere: majoremque itum per majorem reditum compensari; secundo majorem itum in aure non ex aliqua massa aeris motu translata, sed ex majori ejusdem aeris magis compressi restitutione provenire.

LECTIO VII.

Proprietates Soni.

§. I.

Magnitudo Soni.

268. Diximus jam superius, sonorum corpus esse oscillationum, seu soni ipsius centrum, a quo in sphaeram versus omnes partes dilatatur. Hinc sequitur, sonum in prædicto centro, seu sonoro corpore esse intensissimum: eoque magis debilitari, quo magis ab hoc centro receditur: in corpore enim sonoro, seu centro est tota illa motus, seu tremoris quantitas in exigua materia, spatioque existens: dum a centro circumquaque diffunditur, seu spargitur sonus; eademmet motus quantitas, quæ prius erat in centro, majori semper, & majori materię quantitati communicatur, per eamque distribuitur: crescente autem materia, per quam eadem motus quantitas dividitur, minor erit in singulis partibus, debiliorque motus.

269. Hinc vero manifeste deducuntur sequentes magnitudinis soni leges.

I. *Sonus circumquaque se diffundens in sphaeram per aerem liberum decrescit in ipso aere in ratione inversa duplicata distantiarum a sonoro corpore.* Hæc enim est ratio, quæ crustæ, seu superficies sphaericæ aeris concentricæ augentur: ea igitur ratione decrescit sonus, seu intensitas vis illis superficiebus communicatæ.

II. *Si spatium, per quod diffunditur sonus, seu materia, cui communicatur, non ampliaretur, sed sonus propagaretur per lineas parallelas, atque solummodo*

materiæ elasticæ inter illas parallelas existenti communicaretur; tum vero non debilitaretur sonus.

270. *Intensitas soni dicitur etiam magnitudo soni; alii enim sunt magni, fortes, vehementes, intensi; alii vero, parvi, debiles, ac remissi. Quid tamen physice est, alium sonum esse magnum, ac fortem, alium vero parvum, & remissum? Jam supra indicavimus, intensitatem, hoc est, magnitudinem soni (cum ille sit tremor, seu peculiaris motus materiæ elasticæ), vel in corpore sonoro, vel in medio consideretur, ex duplici capite augeri, vel minui, intendi, vel remitti, a densitate scilicet materiæ, & a majori motu, stante semper eadem elasticitate (alias enim crescente etiam elasticitate augetur etiam sonus). Is igitur augetur, hoc est, intenditur, majoresque acquirit vires ex triplici hac causa: vel quia plus materiæ tremit, vel quia eadem materia magis, hoc est, majoribus oscillationibus tremit; vel utroque de capite. Sonum ergo esse magnum, augeri, intendi, est, trementis materiæ oscillationes esse magnas, augeri, majores, & majores fieri, vel multum materiæ oscillare: sonus vero editur parvus, debilis, remissus; quia vibrationes sunt exiguæ, vel exigua materia oscillat, vel utroque etiam de capite.*

Hæc omnia in sono directe emisso, & circumquaque a sonoro corpore diffuso locum habent. Sonus tamen non solum directe spargitur, sed etiam reflectit: in sono autem reflectente præter ea, quæ modo diximus, alia etiam accretio, & diminutio observatur.

271. *Relationes igitur sonorum inter se sunt magnitudo, aut parvitas; gravitas, aut acuties; diurnitas, aut brevitat: & secundum generales hæc relationes dividitur sonus in magnum, & parvum; in gravem & acutum; in longum, & brevem. Hæc omnia sunt relativa; cum unus sonus ad alium relatus, sit gravis; si cum altero comparetur sit acutus. Prima divisio, & relatio soni, nimirum esse magnum, aut parvum, respicit spatium, seu materiam majorem, vel minorem ad singulas oscillationes concitatum. Secunda respicit tempus, in quo singulæ oscillationes peraguntur. Tertia respicit etiam*

tem tempus, non id tamen, quo vibrationes singule absolvuntur, sed id, quo sonus durat. Hinc atet, unum, eundemque sonum posse esse, & natum, & acutum, & longum, hoc est, omnes surditiæ relationes habere, & ad singulas divisiones pectare. Quin immo, cum hæc omnia sint relativa, demmet sonus magnus, & parvus, gravis, & acutus dici potest, si ad diversos alios sonos referatur.

Magnitudo soni cum intensitate confunditur; utraque enim ex materia, quæ oscillat, & spatio, quod oscillatione percurritur, communiter desumitur.

S. II.

Soni accretio, & percussio, ubi Echo explicatur.

272. Cum sonus sit corpus, seu in motu corporis consistat; juxta leges suo loco traditas ab obstaculis, directam illius propagationem impredientibus; reflecti necesse est: hoc est, sonus ita resiliat ab obstaculis, ut angulum reflexionis efficiat angulo incidentiæ æqualem: ex his attem sequentia deducuntur; quæ experientia demonstrat. Sit camera quæcumque ECA (fig. 27.), cujus parietes in elyptim sint conformati, & unica superficie polita terminentur: duo homines ex diametro oppositi ad extremitates EA axis majoris existant, quorum prior conversis ad murum, & ore ad parietem prope applicato loquatur; alter vero aurem similiter ad parietem applicet: quæcumque loquatur prior, licet submissa voce proferantur, audiet secundus, & vicissim: dum interim, qui in eadem camera hæc illac existunt, nihil omnino percipiunt. Vibrationes seu radii sonori AB , AC a loquente in murum in tacti, & juxta reflexionis legem reflexi ad punctum E oppositum regeruntur, ibique coeunt: licet igitur submisso loquatur A , neque oscillationes seorsim sumptæ clarum, aut sensibilem efficiant sonum; proptereaque vox nulla audiatur in aliis camerae locis, ubi radii diffundantur dispersi; in puncto tamen concursus clarum efficiunt. E longinquo igitur per medios homines nihil prorsus percipientes secreta communicare loquendo possumus. Duas hujusmodi cameras esse, aliam quidem in parietibus

ſienſi ſpecula, *Haller*, in porticu aulae *Hetruſcae* al-
teram, inquit *Boerhaave* (a).

S. III.

Camera Acuſtica.

273. Duo etiam homines a ſe invicem intra eam-
dem cameram, quantumvis longam remoti, & alius
ab alio averſus ſecreto conſabulari mutuo poſſunt :
immo & clare percipere quæcumque alii in eadem
camera exiſtentes inter ſe conſabulantur. Primum
ſit, ſi duo oppoſiti camerae parietes *AB*, *CD* (fig.
28.) ſint parabolici, & duo homines ſe ſe invicem
alloquentes in parabolæ focis exiſtant, ad ſuam
quiſque parabolam converſus. Id ex natura parab-
olæ & ex lege reflexionum oritur. Homo *F* verſus
in parabolam *CD* corporis ſui mole directam vocis
diffuſionem ad partem poſticam impedit. Radii vero
ſonori *FC*, *FG*, *FH*, *FD*, ab ejus ore in parab-
olam incidentes, & ab ea ad aliam parabolam paral-
leli ad axim refleſcentes, a ſecunda item parabola
reflexi in illius focum diriguntur, coeunt, & cla-
rum ſonum efficiunt. Ex eadem ratione, qui in fo-
cis exiſtunt, voces eorum, qui in media camera ſe-
creto loquuntur percipiunt : non viceverſa. Utrum-
que ex lege reflexionum conſtat, atque ex parabolæ
proprietaſe in Geometriæ elementis indicata.

274. Si ſolum ſit nive coopertum ; minus aptum
erit ad ſonum refleſcendum, quam ſi ſit lapidibus,
aut alia refleſcente materia inſtratum, aut nudum
etiam ex ſtat. Nivei enim flocci ex innumeris fila-
mentis mollibus conſtati, ſuperficiem habent ſinu-
oſam, & maſſam non elatiſcam. Inde eſt, quod æ-
reæ undæ, & vibrationes in hujusmodi ſuperficiem,
& corpus impingentes obtundantur, & parum reli-
quant. Hinc etiam eſt, quod dum ningit, immo et-
iam dum pluit, cæteris quidem paribus, minus pro-
pagetur ſonus, quam dum ſudum eſt cælum, ær-
que ab niveis floccis, aqueiſque guttis liber exiſtit.
Præter enim jam dicta plurimum aeris intra floccos,

(a) *Prælec. ad n. 351. Haller in notis ad cit. num.*

cos, & aqueas guttas irretitur, & non parum, dum se non explicat, de sua elasticitate amittit. Ad eandem etiam causam referendum est vulgare illud phænomenon, omnibus notum, quod eo magis intra templum, aut domum quamcumque aliam debilitetur sonus, & concionantis vox hebescat, quo major illuc fuerit auditorum numerus, aut muri ipsi, tectum, & pavementum peristromate fuerint ornata, & cooperra.

§. I V.

Echo.

275. Ex iisdem reflexionum legibus proveniunt mirabiles illæ reflexæ voces; quas *Echo* nominamus, celeberrimam Poetarum mendaciis materiam. *Echo* nihil est aliud, quam voces reflexæ, seu aeris oscillationes reflexæ, & aurem perinde, atque si directæ essent, afficientes, cum auris a sono directo jam non modificetur: Alia est *Echo* monosyllaba, alia dissyllaba, trisyllaba, quadrisyllaba &c. Aliquæ ad septemdecim, 20, & plures syllabas distincte pronuntiant, aut potius reflectunt. Rursus alia *Echo*, est *monophona*, quæ easdem syllabas, aut voces semel tantum pronuntiat; alia *polyphona*, quæ pluries eandem vocem reddit. Celeberrima est *Echo* prope Mediolanum in villa Simonetta, quæ vocem quater, & vigesies, immo & trigiesies aliquando reddit. Alia in Galliis prope Ormesson vocem eandem interdum quatuordecim vicibus, noctu vero septemdecim remittit. Similiter alia fertur esse in Anglia prope Vooslock, intra roborarium, quæ vocem noctu vigesies, interdum decies, & septies reddit. (a). Nulla fortassis est soni reflexio, & echo majori admiratione digna, quam quæ intra maximam Ægypti pyramidem redditur. Eandem vocem intra pyramidem editam duodecies repeti, ii observant, qui curiositatis sciendi, & monumentum illud antiquum æque atque mirabile examinandi gratia pyramides Ægypti invsunt, & examinant. Præter alios rem nobis descripsit *Graevius*

(a) *Journal des sçavans. Août 1677.*
Mont. Phil. Tom. VIII.

ves præfens reffis, & obfervator diligens. (a). Vocis repetitio ex ambulacri, & camerarum intra pyramidem pofitione pendet. Eorum omnium ratio ex reflexionum legibus, ex varia obffaculi figura, & diftantia, & ex medii infuper iplius aeris ftatu petenda.

276. Formabitur igitur Echo, fi vox in obffaculum mediocriter diftans, durum, folidum, concavum e regione impingat. Hujufmodi funt plurimæ cavefnæ, aut rupes, templorum, & magnarum ædium anguli; valles profundæ, fylvæ etiam denfæ, & alia fimilia. Omnes has conditiones in fingulis, & omnibus Echo reperiri, ad omnes effe neceffarias, ratio, & experientia, demonffrat.

277. Primo debet obffaculum effe concavum, & curvatura fua loquentem respicere; ut oscillationes, & fonoros radios refleffendo congreget, & apte colleffos ad vocem efformandam regerat. In convexa enim fuperficie difpergerentur, in plana debilitarentur, & formandæ voci inutiles redirent, ut ex luminis ab hujufmodi figuris reflexione fatis perfpicuum eff: neque enim fpeculum planum, aut convexum folares radios in illud incidentes congregat, aut ignem producit. Sed hujufmodi effectus a fpeculis folummodo feu obffaculis concavis, folem respicientibus producit: fimili autem modo refleffuntur radii luminofi ad efficiendum ignem, atque radii fonori ad reddendam, & formandam vocem.

278. Secundo, nifi obffaculum fit denfum, folidum, elasticum, aut durum; radios apte refleffere non poteff; eas enim conditiones in omnibus corporibus refleffentibus intervenire, atque neceffarias effe, fuo loco demonffravimus.

279. Tercio; certa requiritur diftantia, ut interea fonus directus evanefcat, dum reflexus ab obffaculo ad aures pervenit. Si vibrationes infimul jungerentur in aure; nullæ diffinctæ voces perciperentur. Hifce pofitis, adducta phænomena facile explicantur.

280. Primo: fi una tantum fit integri obffaculi curvitas, aut plures ejus anguli, & rupes, ex quibus voces resonant, in eadem fint diftantia a loquen-

(a) Greaves Description of the pyramid. pag. 67.

quente, & unicam veluti curvitatē obstaculi efficiant; *Monophona* erit *Echo*. Cum enim omnes partes reflectentes in eadem sint distantia; sonus a singulis partibus insimul refl. fitur, & eodem etiam tempore ad aurem pervenit. Vibrationes, igitur ad eundem sonum spectantes, semel tantum aures afficiunt.

281. Secundo. Quod si ita disposita sint ædificia, rupes, valles, anguli, aut sylvæ, ut partes aliæ aliis notabiliter magis distent a loquente, singulæque vocem, seu vibrationes regerant versus eundem; necessario una, eademque vox pluries repetita per reflexionem audietur: totiesque distinctam percipiemus, quot sunt peculiæres, & secundæ obstaculi curvaturæ ab inæquali distantia vocem reflectentes. Aliam enim post aliam reflexionem ob variam distantiam ad aurem pervenire, necesse est.

282. Eadem scilicet syllaba, aut vox prolata, & directe emissæ a loquente in primam, secundam, tertiam curvaturam, aut angulum consequenter, & leorsim appellit: in singulas autem impingens, a singulis illico regeritur: prius igitur redditur a prima, postea a secunda, deinde a tertia.

283. Formabitur etiam sæpe *Echo* polyphona ad eum modum, quo ejusdem objecti A (fig. 29.) plures sunt, & videntur imagines in eodem speculo B ante faciem posito. Si non duo tibi specula opponas, sed in illud B, in quo te respicis; aliud convertas F; duas tui imagines in uno eodemque speculo videbis, ad diversas tamen distantias. Prima C vicinior, & distinctior formatur a speculo tibi directe opposito per unicam reflexionem: secunda D remotior, & minus distincta per triplicem reflexionem formabitur: & hinc multo confusior depingetur. Speculum enim B reflectit radius ad F. F iterum ad B; B tertio ad A. Quod si aliud speculum G in distantia B existat, & radius reflectat ad speculum E, E vero iterum ad G, vel B, unde iterum reflectantur ad A; tertia etiam apparebit imago; & sic deinceps. Est enim in Catoptrica notissimum, multiplici ratione, & speculorum combinatione in uno eodemque speculo multiplicari posse unius, ejusdemque objecti imaginem: maxima autem est analogia inter lucem, & sonum; inter specula, seu obstacula lucis, & obstacula soni; inter lucem reflexam, & sonum item reflexum, ut

in loco clarius exponetur : prædicta igitur ratione fiunt *Echo polyphona*. Haberi illæ debent, tamquam specula polyphona soni, multiplicem ejusdem vocis imaginem reddentia. Hinc vero est, quod priores semper voces ab *Echo polyphona* redditæ posterioribus, veluti magis remotioribus, & dilutioribus imaginibus, sunt vividiores, & clariores.

284. Tertio. Cum interea dum sonus directus ab ore emissus ad aurem pervenit reflexus, tempus interfluat; si rupes sit ita proxima, ut sonus eundo, & redeundo tempus unius syllabæ proferendæ solum infumat; erit *Echo monosyllaba*: tot vero syllabas reddet, quot hujusmodi tempora sonus in eundo, & regrediendo infumat. Eæ vero syllabæ ad ultima directe pronunciata numerantur: *monosyllaba Echo* reddit ultimam, *dissyllaba* ultimam, & penultimam, & ita deinceps: ea enim tantum syllaba distincte redditur, & percipitur, quæ ad aures pervenit, cum sonus directus in iis jam fuerit extinctus. Pronuntiet v. g. locutor vocem trium syllabarum, sonusque unius tantum syllabæ proferendæ tempus eundo, & redeundo infumat: *Echo* omnes tres syllabas reddit; cum tamen illæ consequenter proferantur, & revertantur; priores duæ syllabæ ad aurem reflexæ appellunt, dum duæ postremæ directe emittuntur, & percipiuntur: tertia autem ad aurem regreditur, extincto jam trium syllabarum sono directo. Quo igitur magis distabit *Echo*, eo plures syllabas reddet.

285. *Sturmius* multiplici experimento comperit; centum saltem pedum distantiam ad monosyllabam *Echo* esse necessariam; ducentos ad dissyllabam, & ita deinceps.

Plurium syllabarum ab eadem *Echo* noctu, quam interdiu clara perceptio ex minori animæ, & aurium distractione, majori applicatione, & acree tiam minus noctu, quam interdiu perturbato, magis vero elastico provenit.

Generatim etiam in omnibus sonis observatur, quod eadem velocitate deferatur sonus directus, atque reflexus: quare vel sonus sit acutus, vel gravis, directus, vel reflexus, eandem omnes habent velocitatem.

S. V.

Sonorum Accretio, & Extinctio,

feu

Tuba Vocalis.

286. Ex iisdem reflexionum legibus soni accretio provenit, & eodem fere modo in sono, atque in lumine, calore, & aliis corporibus res ista peragitur. Sonus augetur, & longissime per *tubam vocalem*, seu *stentoriam* propagatur. *Tubam vocalem* figura exhibet; estque tubus oblongus ab uno ad alium extremum sensim dilatatus (Fig. 30.) In angustiori extremo eam solum habet capacitatem, quæ os, & labia loquentis admittat. Primus illius inventor fuit P. *Athanasius Kircher*; eam perfecit *Morlandus*, maxime tamen *Montanarius*. Tubæ breviores, per quas ad parvas tantum distantias audiri possumus, parabolicæ esse solent, ut radii in interiori parabolici canalis superficie reflexi remittantur omnes ad axem paralleli. Tubæ tamen majores debent esse Elliptico-Parabolicæ: ita ut prima illius pars ADDE sit ellipsis quæ in secundam EF, FB parabolicam desinat. In A, angustiori extremo, cui loquentis os applicatur, est primus ellipsis focus; alius vero in E, ubi etiam est focus parabolæ: unde radii omnes AC, AD in latera tubæ impingentes, ad focum E remittuntur, & coeunt: indeque ulterius producti in latera parabolæ incurrentes per EF, EF ab eis reflectuntur paralleli ad axem AB. Spatio igitur per quod radii diffunduntur, non ampliatio etiam ipsi non debilitantur; sed per longam saltem distantiam satis intensi producuntur.

287. Ejusmodi, aut simile aliud instrumentum antiquis fuisse notum, constat; fertur enim *Alexandrum*, tubæ vocalis ope universum exercitum politis castris, vastissimumque proinde tractum occupantem, sæpe olim ita alloquutum, ut omnia singuli quasi præsentem essent, intelligerent.

Sonorum etiam reflexionibus referendum est, quod fortior evadit, & magis intenditur vox intra domum,

mum, quam in campis: in cavernis, & vallibus, quam supra montes: in camera taperibus non vestita, quam in cubiculo peristromate, & aulæis ornato: in templo hominibus vacuo, quam frequenti populo impedito. In primis siquidem talibus reflectitur sonus, & directæ intensiorem auzet; in secundis vero per aerem apertum dispergitur, vel in superficiebus extinguitur.

288. Multiplicium, & consequentium reflexionum opè dururnior sæpe fit sonus, & in longius diffunditur spatium. In Portobello, in America, tormenti muralis bombus per cava montium consequenter reflexus, & auctus per 60 minuta secunda temporis eodem in loco auditur (a). Non solum ab artæ, sed ab ipsa etiam natura constructas ænefcimus speluncas, rupes, aut voragines, e quibus reddantur voces, aut pluries repetitæ, aut mirum in modum auctæ. Unum vel alterum cur olivæ gratia in medium adducam. Auctior est *Oleus Magnus*, esse in Finlandia prope littora V.burgi, ejus Provinciæ civitatis, horrendam adeo speluncam, ut si in eam vitum aliquod animal demittatur; sonus illico formidabilis edatur, quò ita audientes turbantur, atque terrentur, ut non quæ confilire, nec loqui possint (b).

289. Tradit etiam Pater *Joannes Paes* missionarius in Æthiopia, inter Golanæ, Abissinorum regionis, montes eorum quendam videri rupem eo modo excavaram, ut a longe aspicientibus concavum speculum esse appareat. Concavæ rupi alia opponitur e regione, e cujus summitate nihil adeo submisse dici potest, quod clare ob reflexionem in concava rupe non audatur: si vero ex eadem summitate clames, integri exercitus clamor esse videbitur (c).

§. VI.

(a) *Ulloa Relacion del viage l. 2. cap. 4.*

(b) *Apud Kirker, & Dechalets Mund. Mit. Musicæ.*

(c) *Hist. Æthiopiæ.*

S. VI.

*Humanae auris, & auditionis organi descriptio
Ad sequentia intelligendum necessaria.*

290. Multa hucusque de sono extra animam, edito, aut propagato, diximus, plurima adhuc dicturi. Sonus extra nos editus, & a longinquo sæpe corpore ad aurem usque propagatus, ab externa aure, in quam impingit, ad cerebrum usque transmittitur; ut imbi tandem percipi ab anima possit. Hujusmodi transmissio, illiusque modus; & ratio inter mirabiliora hujusce argumenti recentiori debet. Cum tamen illa, atque soni perceptio, & plura alia inferius dicenda, intelligi satis non possint, nisi auditionis organum prius habeamus perspectum; ejus descriptionem hoc loco præmittamus.

291. In auditionis organo, seu aure potissimæ sunt, & animadverti maxime debent sequentes partes. Primum pars exterior A B C (Fig. 23.) quam exterius prominentem omnes agnoscunt. Est hæc pars externa quædam auris expansio, tenuis, elastica; & cartilaginea, membranis aliquot obducta, prominentiis, atque sinuosis flexuris sulcata. Ejus tenuitas, & elasticitas (ut jam hinc auris partium usus indicetur), ut facile ab aeris tremoribus excitetur, eoque proinde, hoc est, sonos in se se recipiat, maxime intersit. Sinuosi vero flexus ad sonos repercutiendos, & versus inferiores aurium partes dirigendos. Id sane mirabile peçitiores anatomici observant, eas esse auris flexuras, ut quicumque sonori radii qualibet directione in aurem perveniant, post unam, aut plures reflexiones versus cochleam, & tympanum modo describenda dirigantur, & in tympana membranæ puncto, velut in foco confluant. Mirabili illo artificio fit ut radii quicumque ad cerebrum nostrum dirigantur, eoque transmissi, coitione intendantur.

292. Ab externa expansione versus interiorē capitis partem ad tympanum usque G H produciturtortuosus ille canalis D F E, *cochlea* nuncupatus. Aperto semper ore aerem, & sonum excipit, &

transmittit. Illius apertura seu amplitudo est quinquagies minor, quam totius externæ auris amplitudo: soni proinde ab aure in cochleam transmissi quinquagies intensiores sunt, quam, aure ablata, existent. Multiplici flexu atque sinu sonus debilitatur; ne vehementius, quam par esset, tympanum pulsaret. Eadem etiam de causa ultima cochleæ directio est ad tympani G membranam valde obliqua, cum illaque angulum efficit admodum obtusum. Cochleæ canalis ab externa aere usque ad GH semper apertus, & liber, inibi tandem desinit, & penitus impeditur. Hujusmodi impedimentum ex figura & munere dicitur tympanum: est vero tympanum GH internum quoddam cochleæ cavum, seu pars, membrana subtili, sicca, satis pellucida ita ex utraque parte comprehensum, ut tympanum referat. Membrana illa, quam aliqui tympanum etiam vocant, in modum tympani conformata, accipiendis, & transmittendis vibrationibus aeris aptissima utramque tympani balim efficiens ex omni parte margini cochleæ committitur. Ex superiori parte est aliquantulum cava; convexa vero inferius: neque ullibi est perforata. Tympani membrana, ad modum bellici hujus nominis, instrumenti, ope trium musculorum modo magis, modo minus distenditur, aut remittitur, ut ad tremores, seu oscillationes aeris, seu externum sonum ad ipsum tympanum pervenientem attemperetur, & harmonice cum illo, modo inferius explicando, contremiscat. Ab interiori tympani base parvum quoddam est spatium NM cochleæ productio, & tympanum ex illa parte contingens, quod dicitur *capsa*. Tria in se complectitur parva ossicula, quæ ab eorum figura, aut etiam munere *malleus*. H, *incus* I, *stapes* L (Fig. 24.) nuncupantur, & sibi ordine committuntur: malleus incudi, incus stapedi. Malleus mallei convexæ tympani superficie exteriori adhæret, ab illaque tremorem, & ictus accipere potest, & transmittere in incudem, incus in stapedem, stapes in labyrinthum, ut postea exponemus. Capsa est aere semper plena, quem per tenuem, & longum canaliculum ab ore ad ipsam usque productum recipit: eandem proinde habet elasticitatem aer in capsâ, & canaliculo contentus, atque aer externus, quocum communitat. Hujusmodi canaliculus, quem

quem *Aquæductum* nominamus, ad auditionem non parum inservit.

293. Ad caplæ latus visitur *labyrinthus* ORPQ, quem illa respicit per duo parva foramina, seu potius parvas fenestras, membranis tamen semper occlusas: quarum præcipua est fenestra *ovalis*, cui adhæret *stapes*, illius membranam pulsans. Est autem *labyrinthus* multiplex, & tortuosus canalium plexus, qui pluribus ductibus sese invicem circumdant, & complectuntur, atque a communi quodam atrio producti post mutuos flexus in idem atrium desinunt. Prima labyrinthi pars est vestibulum R, exigua nimirum cava capacitas intra os petrosum posita, duas fere lineas longa, lata, & profunda. Vestibulum ex omni parte in fenestras hiat: quinque foraminibus ab eo incipiunt, & in illud regrediuntur tres canales semicirculares OPQ: per quinque etiam foramina a vestibulo incipit, & cum illo communicat auditio- nis nervus V. Cochlea tandem S per apertum orificium ab eodem vestibulo incipit. Cavum labyrinthi, hoc est, vestibuli, canalium OPQ, & cochleæ S, aere semper plenum esse ab anatomicis communiter dicitur: qui licet neque cum aere externo, neque cum illo qui in tympano, aut capsa existit, communicetur, ab humoribus tamen renovatur, & purgatur, ut & purus semper existat; & elasticitate externum adæquet. Sunt tamen alii recentiores anatomici, *Morgagni*, *Vieussens*, *Valsalva*, *Cassebohmius*, *Haller*, qui una cum aere aqueum illic humorem esse dicunt. Aerem sane illuc a tympano ob externam atmosphæræ pressionem derivari argumentatur *Mairan*, & *Vieussens* (a).

294. Notabilis maxime est cochleæ S structura: est autem hæc canalis cavus, spiralis, quasi esset circa cónum convolutus; eumque usque ad apicem duabus integris spiris cum dimidia circum cingeret. Totum cochleæ cavum in longum in duas semicirculares spiras dividit sepimentum quodam XZ (Fig. 25.), quod quidem ex una parte est osseum, ex alia vero membranaceum. Cum huiusmodi canalis a basi, ad

ve-

(a) Vide *Haller in notis ad prælectiones Boerhavii. Nota ad Num. 561.*

vestibulum posita, usque ad apicem angustior semper sit; etiam membrana sensim amplitudine decrescit. Membranam componunt series fibrarum ab axe ad peripheriam ductæ, sibi que parallelæ: quare, sunt tamquam series, aut scala triangularis chordarum tensorum, & brevitate semper decrescientium. Scala hæc triangularis chordarum desinit, communicatur, & committitur nervo auditorio V, qui per quinque foramina vestibulum ingrediens, expansione sua internam veliibuli, & canalium O P Q (Fig. 23.) superficiem componit, & tandem ad cochleam flectens cum scala triangulari continuatur. Extremum alterum cavi cochleæ ad fenestram rotundam, quæ caplam respicit, tympano opponitur, & tensa membrana est clausa, terminatur. Nervus tandem auditorius per medium os petrosum cerebrum, animæ sedem, ingreditur. Peculiariora, cuiusque ex supradictis partibus munera modo explicabimus.

§. VII.

Auris Partium Munera.

295. Ex data hucusque humanæ auris brevissima descriptione (longiorem si velis, ex Winslow, & aliis anatomicis habeas), atque insimul ex natura externi soni in superioribus traditæ, facile intelligemus, quodnam sit descriptarum partium munus, & usus. Numquam tamen satis demirabimur mirabile illud naturæ, hoc est, Conditoris Dei artificium, qui tantulo materiali organo, omnes externos sonos totum humanum commercium, ad animam pervenire efficit. Et primo quidem auris est species quædam tubæ vocalis, a natura animalibus concessa, ut ejus ope objecta externa facilius perciperemus. Auris expansione recepti ad tortuosum canalem diriguntur, & multiplici reflexione adunantur soni, & inceduntur, tympanum pulsan, medioque labyrintho ejusmodi pulsationes ad nervum auditorium perveniunt, eoque ad cerebrum, animæ sedem, perduuntur. Unde qui expansiores, & latiores habent aures, cæteris paribus, melius audiunt. Nonnemquam obturatis auribus, oreque aperto sonos percipi-

pimus: quin etiam surdus extremitatem colli pulsatae lyrae dentibus fortiter stringens, chordarum sonus audit, & discernit: vibrationes scilicet mediis maxillis, & aeris in ore ad palatum usque contenti ad aquæductum transmissæ, per illum auditorio nervo, & animæ tandem communicantur.

296. Distinctius tamen hæc explicanda sunt: Radii soni a sonoro corpore, tanquam radii a centro, circumquaque divergentes emittuntur, & divergendo sensim, & sensim debilitantur: eoque statu, ut plurimum appellant in aures. Nisi igitur remissæ illæ radiorum vires in aurem impingentes, & inde usque ad cerebrum transeuntes intenderentur, maxima sonorum pars nullum ipi nobis excitaret sensum. Externa auris expansio, cochleæ, & reliquarum partium dispositio, & indoles illi malo remedium existit. Radii sonori in expansam aurem impingentes, vertus cochleam, spatium enim vero longe angustius, semel, aut pluries reflexi diriguuntur: fiuntque coeundo efficaces. Ad id sane muneris præter alia, aut expansionem intervire; ex eo etiam patet quod iustasthorum defectui tuba etiam vocali inferius describenda, & sonos cogente, remedium afferamus. Intortus cochleæ canalis efficit, ut radii introrsum admissi, nonnisi oblique, & post reflexionem in tympanum appellant. Nisi ita esset, ob nimiam eorum intensitatem læderetur sæpe tympanum, & nulla fieret auditio.

297. Exterior tympani membrana transmissas illuc aeris oscillationes, accipit: ut vero omnium sit capax, muscutorum ope magis minute intenditur, aut remittitur: perinde ut bellica tympana, ut quibuscumque consonet vibrationibus. Prioris membranae tremores ad interiorem medio tympani aere, ipsiusque membranae continuatione transmittuntur, his omnibus agitur malleus, quo medio in incudem, indeque in stapedem transeunt. Stapes igitur hæc omnia in fenestrae ovalis membranam imprimit, in continuum vestibuli aerem transmittenda. Oscillationes aeris in vestibulo existentis per intortos labyrinthi canales, & internam cochleam diffunduntur, & in auditorium nervum illic expansum imprimuntur: in cerebrum tandem deferendæ.

298. Sicut igitur myopum, & presbytarum, seu

ocu-

oculorum defectum adhibitis conspiciillis emendamus; ita etiam surdaestros arte juvare possumus, ut melius, & distincte audiant: suaque etiam conspiciilla soni habent aures. Hujusmodi auricularia conspiciilla meatui auditorio apponenda, seu appendenda sunt exiguae tubæ ABC (Fig. 31.), quæ ab amplo ore loquentem respiciente sentim coarctantur, & in angustum canalem, & extremum C meatui, auditorio immittendum desinunt. Sonus seu tremor per amplum tubæ os AB admissus, & per continuas reflexiones in minus spatium redactus, fit efficax, intensus, & ad tympanum, labyrinthum, auditoriumque nervum pulsandum sufficiens: cum antea non, nisi debiliter; istud ageret.

299. Quoniam de accretione soni a natura, atque etiam ab arte obrenta agimus, insimulque expendimus, quo pacto humanæ auris figura accretioni sonorum natura provideat; liceat etiam hoc loco famosum illum subterraneum carcerem ad vocem augendam ex industria Syracusis a Dionysio tyranno constructum, *Auriculam* a figura, *Dionysianam* ab auctore, *Syracusanam* a loco nuncupatam, Patris Kircheri testis oculati verbis commemorare. Eo artificio architectata est, ut e regione ostii quisquam consistens, quidquid locutus fuerit, perfectio, & multiplicato sonitu reddatur fuit autem a tyranno in forma auris ad naturæ exemplar singulari ingenio, & industria constructa (ut scilicet captivi ne spirare quidem possent, quin a custode carceris audirentur) excisa est ex vivo saxo, quæ cochleato ductu in angustum canalem desinens, cubiculo custodis carceris speluncæ supra posito insinuabatur. Fiebat itaque, ut omnis vel minimus strepitus, aut submurmuratio cochlearum opus ingressa, in cubiculum derivaretur custodis, ubi qualibet submisso prolata, ac si præsentia fuissent, percipiebantur. Hodie muro obturato voces immurmurate in pulcherrimam, ac mirificam Echo degenerant. Unde e vulgo dicitur la grotta della favella: voces enim non, sicut reliquæ echones, reddit æquales: sed submissam vocem in clamorem extollit; excreationis sonitus tonitrum exhibet; percussio pallii manu facta, tormenti explosio videri potest. (a)

s. VIII.

(a) Kircher. l. Phonurg. sect. 4. cap. 5.

S. VIII.

*Differentia Sonorum, Harmonia, Auditio, seu Perceptio
Soni ab Anima.*

300. Hactenus naturam corporis sonori, & soni in ipsismet corporibus sonoris, & in medio etiam consideravimus: illius leges, effectus, phænomena exposuimus: auditionis organum descripsimus: non nihil etiam circa soni affectiones intra animam attigimus: hæc tamen postrema melius modo intelligentur, cum ea soni phænomena exposuerimus, quæ peculiarem ad animam, & sensum relationem habent. Alii scilicet soni sunt grati, alii vero ingrati, graves, acuti, harmonici, confusi &c. Soni etiam aliqui peculiare in corporibus, & in sensibus effectus producant: motum alii excitant, alii sedant, & quietem inducunt: sanitas aliquando in corpore, rabies, furor, & alia similia a diversis sonis generantur. Horum vero omnium causa generalis extra animam sunt illimet tremores, & oscillationes, quas hactenus exposuimus: causa vero peculiaris est consonantia, vel dissonantia inter sonos externos, & internos, hoc est inter oscillationes corporum sonantium, medique sonum transmittentis, & eas, quas corporis nostri fibræ tensæ edunt.

301. Sonus generatim, ut diximus, extra animam consistit in vibrationibus tremulis: ejusmodi autem vibrationes ejusdem, vel diversorum corporum fieri possunt longiori, vel breviori tempore. Rursus diversorum corporum sonantium oscillationes mutuo comparatæ, vel sunt eodem tempore, simulque incipiunt, ac desinunt; vel habent inæqualem durationem. In hoc secundo casu, vel post certos vibrationum numeros iterum conveniunt, hoc est, incipiunt, & desinunt, vel numquam omnino. Ex iis autem omnis sonorum diversitas, seu toni nascuntur: & primum quidem dicitur *Monotonia*; secundum *consonantia*, tertium *dissonantia*; omnia hæc singulatim exponenda sunt.

302. Tonus nihil est aliud, quam relatio inter duos sonos, seu inter durationes vibrationum, quas duo corpora sonantia edunt. Diximus jam, omnes, &
fin.

singulas vibrationes sonoras quorumcumque corporum æquali velocitate per aerem propagari usque dum evanescant: licet majores, & vehementiores vibrationes, hoc est, soni magni, & fortes longius extendantur, quam debiles, & tenues: duo tamen, aut plura corpora sonora percussa diversum plerumque vibrationum numerum in eodem tempore edunt: duæ chordæ æqualiter tensæ, sed inæqualiter longæ videntur; longior vero lentius, brevior citius vibrationes absolvent: prima quidem edit tonum *gravem* relatu ad secundam, secunda vero *acutum* relatu ad primam. *Constans ratio inter numeros vibrationum ab hâc duabus chordis eodem tempore editarum existit, & nuncupatur tonus.*

303. Sonus igitur *gravis*, & *sonus acutus* sunt aliquid relativum ad se mutuo, & ad tempus. Sonus *gravis* consistit in *raris vibrationibus, magnis, aut parvis, in dato tempore*: corpus illud, *grave*, aut *acute* sonat, quod in dato tempore raras, aut crebras edit vibrationes: licet istæ sint magnæ, aut parvæ: magnitudo enim, aut brevitates oscillationum magnum, aut parvum sonum, non tamen gravem, aut acutum efficit; cum constet, chordam AB (Fig. 32.) tensam, & ita percussam, ut flectatur in curvaturam ADB, eundem semper, dum sonat, edere sonum, licet inflexiones DC, HE, GF, æquidistantes, semper decrescant. Tempus, quod assumitur, ut editæ in illo oscillationes comparentur, varium est pro tonorum varietate. Primo igitur omnes soni reducuntur generatim ad *graves*, & *acutos*. Secundo; eo gravior erit sonus, quo lentius in dato tempore oscillet chorda, & rariores fuerint vibrationes: eo vero acutior, quo crebriores existerint. Tertio, terminus ex quo incipit sonus gravis a natura præcibitur: estque certa quædam tremoris, seu oscillationum velocitas, sine qua sonus omnino non editur: qua vero posita, aliquantillus sonus produci, audiri, & percipi incipit. Ille vero sonus est omnium sonorum gravissimus, somno simillimus (si ita loqui licet) aut somnum saltem lentitudine sua inducens, ad quietem maxime accedens, atque auris fibras, quam minimum agitans. Ab eo termino per plurimos crebritudinis gradus intra *gravis* limites a gravissimo semper magis, & magis recedit sonus usque ad quemdam alium terminum, qui ad

arbitrium ponitur, estque communis soni *gravis*, & *acuti* limes.

304. Sonus igitur *acutus* incipit a termino sonorum gravium, & crevit usque ad stridorem, hoc est, usque ad eam oscillationum crebritatem, in qua mens humana unam oscillationem ab alia penitus dignoscere non potest; sed continuatum solummodo percipit stridorem auribus vehementer ferientem. Quando autem chordæ, aut quæcumque alia corpora ita oscillationes suas edunt, ut simul incipiant, & desinant, ac proinde sint æquidistantes; dicuntur sonare ad *unisonum*.

Dissonantia est perpetua chordarum, seu oscillationum discordia: ita ut nunquam singulæ incipiant, aut desinant post primum oscillandi initium.

Consonantia est concors quædam discordia, seu alternas oscillationum concordia, & discordia: scilicet cum duæ chordæ ita oscillent, ut eodem quidem tempore inæqualem oscillationum numerum edant; post singula tamen illa tempora iterum simul desinant, & incipiant oscillationes.

305. Quoniam vero ratio inter numeros vibrationum eodem tempore editarum potest esse multiplex: quamplurimi etiam soni distinguuntur. Illi, quibus peculiarior nomina tribuuntur, sunt sequentes.

Unisonum est convenientia vibrationum, secundum durationem & numerum, seu convenientia principii, & casus: cum scilicet chorda unam edat vibrationem eo tempore, quo alia similiter unam efficit, illa consonantia dicitur *Unisonum*; estque omnium perfectissima. Si vibrationum numeri sint, ut 2 ad 1, hoc est, si chorda alia duas efficiat vibrationes, dum altera unam solummodo edit; dicitur *Diapason*; seu *octava*; propterea quod inter acutum, & grave sonum octavæ; seu inter 2 & 1 octo soni distinguuntur. Auris tamen delicati sensus, & longo usu edocta 43 tonos, seu gradus in octava distinguit: qui quidem soni, seu gradus ab acuto sensim usque ad gravem descendunt, a gravi ad acutum ascendunt.

306. Si numeri vibrationum sint, ut 3 ad 2; nuncupatur *quinta*, seu *Diapente*: 4 ad 3 nuncupatur *quarta*, seu *diatessaron*, cum scilicet eodem tempore qua-

quatuor ab una, 3 ab alia chorda vibrationes absol-
vuntur.

5 ad 3 est *Sexta major*.

8 ad 5 *Sexta minor*.

5 ad 4 *Tertia major*.

6 ad 5 *Tertia minor*.

9 ad 5 *Septima minor*.

15 ad 2 *Septima major*.

Tertia major dicitur etiam *ditonus*.

Tertia minor *semiditonus*.

9 ad 8. *Tonus major*.

9 ad 10. *Tonus minor*.

Tandem si numeri vibrationum eodem tempore a
diversis chordis editarum fuerint inter se, ut sequen-
tes numeri 24, 27, 30, 32, 36, 40, 45, 48; sonos edent
prædictæ chordæ hisce syllabis vulgo notatos, ut,
Re, mi, fa, sol, la, si: ut nimirum respondet nu-
mero 24 *Re* número 27.

307. Hisce positis, notatum insuper est, atque plu-
rimis experimentis compertum, e pluribus chordis
homogeneis æque tensis, & similiter percussis eo
plures oscillationes intra idem tempus fieri, quo bre-
viores fuerint chordæ.

Chorda A-B (Fig. 26.) 96 pedes longa, & ponde-
ris actione tensa in minuto secundo semel tantum
oscillavit. Si chorda fiat sensim, & sensim minor
in ratione subduple, ita ut A-C sit dimidium chor-
dæ A-B, A-D dimidium primæ medietatis A-C, A-E
dimidium secundæ, & sic deinceps; & eadem sem-
per manente tensione pulsantur decrecentes medietate-
tes; observatur, A-B minuto secundo unam edere
oscillationem, A-C duas, A-D 4, A-E 8, A-F, 16
& ita deinceps.

308. Tempora igitur oscillationum duarum chor-
darum similium, & æque tensarum sunt, ut chor-
darum longitudines directe. Numeri igitur oscilla-
tionum earundem chordarum sunt inter se inverse,
ut chordarum longitudines. Quare chordæ similes,
& æque tensæ eam consonantiam, seu tonum edent,
quem illarum longitudines indicabunt. Statuantur
exempli causa chordæ similes; & æque tensæ: si
sint æqualis longitudinis; erunt unisonæ.

Si altera alterius sit dupla; sonabunt in octava; si
pri-

prima fit ad secundam, ut 3 ad 2; erunt diapente, seu quinta: & hec de cæteris.

Tandem si sint plures chordæ homogeneæ, æque tensæ, quarum longitudines sint inverse, ut numeri 24, 27, 30, 32, 36, 40, 45, 48; edent tonos per syllabas, Ut, Re, Mi, Fa, Sol, La, Si notatos.

309. Soni consonantes in octava, & incipientes a gravissimo, qui ab aure percipi potest, ascendere possunt per plurimas octavas, ita ut soni ascendendo fiant semper acutiores. Auris humana ultra decem octavas ascendentes, atque incipientes a sono gravissimo; nullum sonum aut tonum distinguere potest, aut sine molestia audire. Chorda autem sonans acute in octava decima edit oscillationes 1024, dum chorda gravis primæ octavæ unam solummodo oscillationem absolvit: ratione enim 1. 2. ad decimum gradum, seu potentiam, ut dicitur elevata, erit ultimus seriei terminus 1024.

310. Cum autem aliunde habeamus, chordam gravissime sonantem sono scilicet primo, & gravissimo, qui percipi possit, duodecim oscillationes cum dimidia minuto secundo conficere; octava illius decima eodem minuto secundo 12800 oscillationes edet: numerus enim $12 \frac{1}{2}$ ad decimum gradum se se multiplicando elevatus, est numerus 12800; auris igitur humana chordam acutissime sonantem, & oscillationes 12800. intra minutum secundum edentem audire distincte potest. Aurē tamen maxime delicatam fore opus est; existimo enim chordam in octava octavi ordinis auribus non admodum delicatis stridere jam incipere.

311. Ex hæcenus demonstratis constat totam Musicam, atque sonorum concentum, consonantiam, harmoniam a numero, & proportionē vibrationum chordarum pendere; immo in hac eadem oscillationum proportionē consistere. Si igitur chordas ita attemperare possimus, ut in data proportionē intra datum tempus oscillationes edant; chords ipsis tensis omnes consonantias, & harmonias exhibebimus.

Ejus autem rei gratia præter illud, quod jam supra exposuimus, chordas homogeneas æque tensas oscillationum numerum edere in rati ne inversa longitudinum, sequentiā etiam ex his constant.

312. Primum, Si chordæ sint ejusdem crassitie, &
Mont. Phil. Tom. VIII. K lon-

longitudinis, ac pròinde sola tensione differant, tempora, seu durationes oscillationum sunt in ratione subduplicata inversa ponderum, seu virium tendentium: hoc est, sunt inverse, ut radices quadratæ ponderum tendentium. Si chorda A tendatur pondere, seu vi 1, chorda vero B vi 4; erunt tempora oscillationum; ut 1 ad 2 inverse.

Secundum; In eadem hypothefi numeri oscillationum eodem tempore editarum sunt directe, ut radices quadratæ virium tendentium. Si v. gr. vires tendentes sunt 1. 4; numeri vibrationum erunt, ut 1. ad 2 directe.

Tertium: Si chordæ sola crassitie differant, ac pròinde tensione, & longitudine sint æquales; numeri vibrationum eodem tempore editarum sunt in ratione inversa diametrorum baseos v. g. Si prima habeat diametrum duplam diametri secundæ; numerus oscillationum secundæ erit duplus numeri oscillationum primæ eodem tempore editarum.

313. Numerus igitur oscillationum chordarum componitur, variatur, aut dependet ex triplici hoc capite. ex longitudine, ex crassitie, ex vi tendente. Si chordarum longitudines, crassities, & vires tendentes sint diversæ; erunt numeri vibrationum eodem tempore editarum in ratione composita ex inversa longitudinum, ex subduplicata virium tendentium directa, & ex inversa diametrorum baseos.

COROLLARIA.

314. Ex hisce plurimorum ratio pendet, quæ passim observamus. Primo, chordæ longitudine, crassitie, tensione æquales sonant ad unisonum. Secundo; chordæ ejusdem longitudinis, sed tensæ in ratione directa crassitierum, sonabunt etiam ad unisonum.

Tertium, si chordarum crassities tantum conveniant; vires autem tendentes sint, ut quadrata longitudinum chordarum; etiam erunt unisonæ.

Quartum, Possunt etiam ad unisonum sonare chordæ; etsi longitudine, tensione, & crassitie etiam differant: dummodo vires tendentes sint in ratione

Composita ex ratione crassitie, atque ex duplicata longitudinis.

Quintum, Duæ chordæ ejusdem crassitie, & æque tensæ sonabunt in *octava*, in *quarta*, in *quinta*, aut in quacumque alia consonantia; si eorum longitudines sint inter se, ut 2 ad 1, aut 3 ad 2 &c.

Sextum: chordæ etiam æque tensæ sonabunt in *octava*, in *quinta*, in *tertia*, aut in quacumque alia consonantia; si illarum diametri rationem inter se habeant, quæ aliquam ex prædictis consonantijs constituunt.

Septimum; chordæ æque longæ, & crassæ sonabunt in *octava*, in *quinta*, aut in quacumque alia consonantia, si illæ iis ponderibus, seu viribus tendantur, quarum radices quadratæ rationem inter se habeant prædictarum rationum.

Octavum, chordæ tandem in omnibus dispares sonare possunt in *octava*, *quinta*, *quarta* &c. si tres prædictæ rationes ita componantur, ut ratio ex iis composita eadem illa sit, quæ consonantiam quæritam efficiat.

315. Quod si præter supradictas chordarum combinationes, atque sonos ex hujusmodi combinationibus ortos, rem ulterius promovere velis, sequentia accipe.

I. Si chordæ crassitudine, & longitudine equalibus inæqualia appendentur pondera, quibus tendantur chordæ erunt tensiones in ratione directa ponderum. In hoc enim casu sunt tensiones, ut vires tendentes, hoc est, ut pondera; cum nullum aliud sit discrimen, quod adductam rationem perturbet: major autem vis magis tendit, quam minor, ut ex se patet.

II. Si pondera sint equalia, chordæ autem longitudine quidem inæquales, crassitie vero æquales; erunt tensiones in ratione inversa longitudinum chordarum. Eadem enim vis per plures partes tendendas distributa, minor semper erit, minisque aget, quo plures fuerint partes, quibus tendendis applicatur.

III. Et hinc si chordæ fuerint longitudine inæquales, & ponderibus inæqualibus ducantur, solaque crassitudine convenient; erunt tensiones chordarum in ratione composita ex inversa longitudinum, & directa ponderum. Ex una enim parte quo majus fuerit pondus; major est tensio: ex alia vero decrescit tensio, cre-

sciente longitudine. Quare si sint duæ chordæ crassitie pares, quarum longitudines sint tendentibus ponderibus reciproce proportionales; tensiones erunt æquales. Semper tamen loquimur de chordis homogeneis: si enim fuerint ex diversi generis materiæ compositæ, puta ex auro, aut argento alia, altera vero ex intestinis animalium; non semper erunt vēræ datæ modo combinationes; cum materiæ heterogeneæ ut plurimum non sint æqualis tensionis capaces.

IV. Si pondera, & longitudines sint æquales, & chordæ solum crassitudine differant; erunt tensiones in ratione inversa crassitudinum. Pone chordam duplo crassiorem, quam alia, eodem pondere tendi: si prima illa chorda secundum longitudinem divideretur; duas chordas haberemus secundæ quoad crassitudinem æquales: cum ergo idem maneat pondus, eo minor erit tensio, quo crassior fuerit chorda. Si ergo & pondera, & chordarum longitudines, atque crassities æqualia extiterint; erunt tensiones in ratione composita ex directâ ponderum, & inversis longitudinum, atque crassitudinum.

V. Densur chordæ homogeneæ ejusdem crassitudinis, ponderibus utcumque tensæ, erunt earum soni in ratione composita ex subduplicata ratione tensionum, seu ponderum, & ex ratione longitudinum inversa. De sono hic loquimur secundum rationem gravis, & acuti: numerus enim vibrationum in dato tempore editarum crescit in ratione decrescentis longitudinis, & similiter crescit in ratione subduplicata virium tendentium. Id autem satis demonstratum a nobis fuit in Physica generali, cum de pendulis, & oscillationum natura differuimus.

VI. Quare si chordarum longitudines, & tensiones fuerint æquales crassitudines vero sint inæquales; soni erunt æque acuti, aut graves, seu chordæ erunt unisonæ. In hoc tamen casu pondera erunt inæqualia, hoc est, in ratione inversa crassitudinum, seu in ratione duplicata inversa diametrorum baseos.

VII. Si chordæ sint ejusdem longitudinis, diversæ tamen crassitie, & diversis ponderibus tendantur; erunt tensiones in ratione composita ex directâ ponderum, & inversa crassitudinum. Id sequitur ex modo dictis.

VIII. Ponamus chordas quascunque esse æque tenfas, crassitudinem tamen, & longitudinem habere diversas; erunt soni in ratione inversa longitudinum. In hoc enim casu chorda crassior, cum sit æque tenfa, atque corda tenuior; æque oscillabit, nisi longitudine differat: ex sola igitur longitudine diversitas sonorum oriri potest.

IX. Si & pondera, & longitudines, & crassitudines chordarum sint diversa; erunt soni in ratione composita ex directa ponderum, & longitudinum, ac crassitudinum inversis. Hæc omnia nihil difficultatis habent; & partim experientia, partim ab ipsa rationum natura in Geometriæ elementis exposita deducuntur.

COROLLARIUM.

316. Ex triplici igitur hoc capite, pondere, seu vi tendente, longitudine, & crassitudine possunt chordæ quæcumque attemperari in data quacunque ratione, ut sonum quemcumque, & consonantiam edant: v. g. duæ chordæ possunt attemperari, & tendi ita ut in unisono, in octava, in tertia, in quinta aut alia quacunque consonantia sonent; si chordarum longitudines, crassitudines, aut pondera, aut ratio ex iis composita, ea sit, & statuatur, quam consonantia inveniendæ requirit. Interim animadvertere oportet, chordas æque crassas diversarum materiârum non esse ejusdem, aut æqualis tensionis capaces; cum corpora ipsa, ex quibus sunt non eodem modo sint ductilia, & tenacia, diversisque ponderibus appensis rumpantur. Musicorum instrumentorum chordæ ex animantium intestinis, aut e metallis sunt; metalla autem ad rem hujusmodi apta, sunt aurum, argentum, aurichalcum, cuprum, ferrum; nam plumbum, stannum, mercurius non sunt corpora sonora. Relata autem corpora neque sunt æque sonora, neque ejusdem tensionis capacia.

317. Tensionis effectus est, quod sæpe in musicorum instrumentorum chordis observatur phænomenon. Idem instrumentum, iisdem semper chordis, & chordarum similitudine servatis, eundem non semper edit sonum. Tempore enim, & aeris muta-

150 P H Y S I C A
tione ejusdem ligni fibræ magis minusque sunt elatice.

S C H O L I O N.

318. Ex tradita hactenus doctrina innumera phenomena passim obvia. Omnium instrumentorum soni, vel musica illa sint, vel bellica, vel alterius cujuscunque generis, omnes omnino soni, loquela, voces, planctus, clamores, cantus, stridor, sibilus, & alii quicumque ab animantibus, aut inanimatis corporibus editi, natura, vel arte producti, secundum datas modo chordarum rationes generantur, & explicantur. Ad id rite intelligendum, sequentia animadvertenda sunt. 1. Sonum quemcumque extra animam aliud non esse, quam aeris tremorem, & vibrationes, ut fuscè superius demonstravimus. 2. Corpora quæcumque sonora, seu sonum edentia, ea propter sonum edere, quia aerem ad prædictos tremores, atque oscillationes, vel tamquam causæ effrictices, vel tamquam instrumenta excitant. 3. Corpora sonum edentia ex propria eorum partium indole, textura, rigiditate habere, ut & ipsa in sese edant. & aeris communicent certæ cujusdam durationis oscillationes: licet vibrationes modo majores, modo minores efficiant. Etenim omnium animantium voces sunt instrumentorum pneumaticorum, fistulæ scilicet, sonus multiplici ratione modificatus, ut late prosequemur in *Physica Viventium*. Rursus instrumenta musica, vel chordarum pulsatione, vel flatu tantummodo sonant: priora nihil aliud continent, quam puram chordarum rationem, & theoriam: posteriora vero aerem non ope chordarum ad diversas oscillationes commovent, sed vel ope lingulæ cujusdam intra instrumentum oscillantis: vel ob id solummodo, quod aerem data cum velocitate per angusta foramina transire, & transeuntem ad oscillationes certa ratione peragendas compellant. Soni igitur cujuscunque generatio, a quocunque corpore fiat, ad id semper reducitur, quod sit aeris ad tremorem concitatio. Quoniam autem hæc multiplici ratione pro corporum diversitate fit; et poraque ipsa pro varia eorum textura, durtie, aut figura, magis, vel minus, concitatus, aut lentius tremunt, oscillantur, & restituntur; tota hinc sonorum, quot

quotquot in natura generantur, diversitas pendet. E multis pauca solummodo doctrinae gratia attingemus.

319. Primo: Harmonice; & ad consonantiam quamcumque disponi possunt corpora quaecumque sonora. v. g. si ex ferro, aut ligno ad sonum reddendum apto plures parvos cylindros ejusdem crassitudinis, diversae autem longitudinis parari cures; eosque simul pulses; sonos habebis in ratione inversa longitudinum cylindrorum (eorum enim tensio est omnino eadem cum ex materia eadem sint) cum sint aequae crassi, & tensi; erunt vibrationes, hoc est, soni in ratione longitudinum inversa. Si ergo longitudines sint, ut 2 ad 1, ut 3 ad 2; ut 1, ad 1. &c. habebis diapason, diapente &c. De sonis loquimur secundum rationem gravis & acuti. Parvitas, aut magnitudo, seu intensio aut remissio a magnitudine, non a brevitate oscillationis dependet.

Hac aut simili ratione construitur triangulum ferreum ex tribus cylindris ferreis, instrumentum omnibus notissimum: Plurimi etiam cylindri ex quadam argilla cocta diversae longitudinis parantur; & ita in eodem plano unus supra alium disponuntur, ut aetrem trianguli constituent; longior cylindrus vicem basis, brevissimus ad apicem ponitur. Cum eos cylindros pulsamus, a minimo v. g. ad longiorem progrediendo; ab acutiori ad graviores semper sonum transimus.

320. Secundo: Si plures ex eadem materia sonora, v. gr. ferro construamus circulos, ejusdem quidem crassitudinis, sed diversarum diametrorum; eosque pulsemus; sonos edent in ratione diametrorum, seu longitudinum inversae. Diametri enim sunt, ut peripheriae: haec autem sunt longitudines in circulum incurvae, hoc est, oblongae laminae in circulum conformatae. Et hinc circulares peripheriae ferreae, chalybeae, &c. possunt ita construi, ut ad unisonum, in octava, aut in alia quacumque ratione sonent. Hoc autem verum est, quacumque ratione peripheriae pulsantur: a peripheria nimirum versus centrum, aut a centro versus peripheriam. Et hinc ad coronas, & aera campana doctrinae ratio nos sponte manuducit. Prius tamen planorum sonos breviter expendemus. Ut brevissimam hanc consonantiarum theoriam absolvamus; sequentem tabulam subjiciam: in qua (supposito quod chordae habeant eandem crassitiem, & tensionem) exprimuntur longitudines chordarum, vibrationum numeri, casus, nomina, & per-

sectiones consonantiarum. Prius tamen adnotare opus est, fundamentum vocari illius chordæ sonum, quam pulsamus, ut ad ejus sonum alias chordas attemperemus: ejusdem vero chordæ nota nuncupatur clavis, seu clavis nota.

TABULA CONSONANTIARUM.

Longitu- do chor- darum	Vibra- tio- nes	Casus	Nume- ri Vi- bratio- num	Par- tes	Nomina	Perfectio
1 1	1 1	1	100	1000	unisonum.	perfectissi- ma
6 5	5 6	5	120	333	tertia mi- nor.	imperfecta.
5 4	4 5	4	125	800	tertia ma- jor.	imperfecta.
4 3	3 4	3	133	750	quarta.	imperfecta.
3 2	2 3	2	150	666	quinta.	perfecta.
8 5	5 8	5	160	625	sexta major	imperfecta
5 3	3 5	3	167	600	sexta minor	imperfecta
2 1	1 2	1	200	500	octava.	perfecta.

321. Tabula usum exemplo ediscemus: quæramus rationes, quæ componunt quartam. Prima numerorum columna indicat, chordarum longitudo debere esse, ut 4 ad 3. Secunda longiorem 3, brevior 4 vibrationes eodem tempore edere. Tertia casum incidere in tertiis quibuscumque chordæ fundamenti vibrationibus. Quarta 133 vibrationes a chorda in quarta sonante edi, dum illius fundamentum centum producit. Quinta eandem chordam æquales partes habere 750, ex iis, quarum mille continet fundamentum. Sexta nomen consonantiæ. Septima consonantiam esse imperfectam.

322. Non solum chordæ, sed etiam aliorum corporum partes, lignorum quorumcumque, atque animantium fibræ peculiarem, multiplicem, & diversam habent tensionem, longitudinem, & crassitiem. Inde necessario fiet, ut diversorum animalium, lignorum, & aliorum corporum fibræ, & partes ad multiplices, variasque consonantias, tonos, & sonorum gradus sint at-

attemperata. Eiusdem v. gr. corporis fibræ cum una chorda sonabunt in octava, cum alia erunt unisonæ, cum hac in quinta consonabunt, ab illa semper dissonabunt. Experientia autem compertum est, quod, chorda supra citharam percussa, & sonante, etiam alia chorda supra aliam citharam prope positam, licet non percussa, oscillet, & sonet, vel ad unisonum, vel in octava, in quinta &c. si ad unisonum, in quinta, in quarta &c. cum priori chorda sit attemperata. Sonus quidem non nisi ægre percipitur; cum sit tenuissimus, & cum sono ab alia chorda edito confundatur, vibrationes tamen animadvertuntur, ut factò percussio observavit Pater Lana (a).

Hinc igitur est, quod e pluribus aliquando corporibus v. g. scamnis in eadem camera dispositis, sed ex diversa materia constructis, ad unum quidem sonum alia contremiscant, quiescentibus aliis: mutata consonantia, subsultent, quæ prius quiescebant, quiescant vero contrémiscantia.

LECTIO VIII.

Aliæ Soni Proprietates.

§. I.

Medicina Soni

hoc est

Sonus Febris, & aliorum malorum remedium.

323. Ex tradita hætenus soni theoria, chordarumque actione in alias chordas, aut corpora, quorum fibræ ad unisonum v. gr. sonent, intelligemus etiam quamnam ratione instrumentorum sonus, & concentus, homines nonnumquam vel invitos ad motum, ad saltum, ad choreas incitet, & compellat: eoque pacto non uni malo efficax quærat remedium. Ex subiectis exemplis, & aliis quamplurimis, quæ af-

fer-

(a) *Magister Naturæ, & Artis.*

ferti possent, a natura sibi extra animam, a legibus communicationis motuum, & a peculiari tandem partium nostri corporis statu, & textura ad evidentiam constabit sequens propositio.

324. *Sonus plurimorum malorum potest, & debet esse remedium: aliorum etiam potest esse causa.*

Propositionem & facta indubia, & ipsa causarum materialium indoles evincunt. I. Notissimum est, & mille experimentis probatum, quod de tarentina, seu apulo phalangio vulgo *Tarantula*, plurimi oculati testes tradunt. Sunt *Tarantulae*, seu *phalangia apula* quaedam longae araneae seu potius longa insecta araneas referentia, octo pedibus, totidemque oculis instructae, quae prope *Tarentum* (unde nomen acceperunt), & per totam Calabriam, atque Apuliam magno numero inveniuntur. Incautos meliores, passiores, aut alios, quos possunt, mordent: mordendo venenum communicant: a morsu mira plane mali symptomata, & effectuum in aliis, & aliis hominibus varietas incipiunt. Acutissimus inde ut plurimum dolor: dolorem autem subsequitur animi deliquium: respiratio fit paulatim difficilis, arteriae pulsus languescit, visio, cognitio, motus sensum etiam deperduntur, & nisi praesentaneum aliquod quaeratur remedium, diem obit, quem momordit *Tarantula*.

325. Una lethali malo efficax remedium adhibet musica, fortuiti casus, ut sepe semper accidit, inventum. Cum aegrotus mentis iam impositus, omnique motu amisso supra lectum jacet, fidicen arrepta lyra varios tentando quaerit, & experitur concentus, usque dum ad eum deveniat, quo incepto, qui mortuo similis jacebat, primo paulatim movere incipit digitos, exinde manus, brachia, crura, caput ad concentum ignorans agit. Caput attollit, allurgit, e lecto exilit, ad modos secundum auditam consonantiam saltat, mentis semper inscius. Vis saltandi paulatim saltu ipso intenditur: tenet concentus, & saltus per duas 3, 4, & 6 aliquando horas continuas, quibus transactis, ut aegroti viribus, & spirituum amissioni consulatur, intermittitur concentus per aliquot horas, quibus lecto iterum componitur & jacet aegrotus, ut eadem saepius repetatur scena. Per 7 aut 8 dies illa continuatur: eoque tempore aegrotus vires paulatim, membrorum agilitatem, sen-

sensus, & cognitionem acquirit, & post prædictos dies in pristinam valetudinem restituitur. Concentus, & tonus, ut facti ipsius causam jam attingam, ægroti fibris consonans, fibras, & musculos ad unisonum tenos ad motum similem impellit: musculi similiter hominem: motum violentum sequitur agitatio, & solutio sanguinis, vasorum ampliatio, humorum, & spirituum circulatio, sudor venenique tandem, quod sanguinem coagulaverat, motum impediverat, evaporatio.

326. II. In historia etiam parisiensis academix legimus (a), musicum quemdam post continuam dierum aliquot febrem in vehemens, & furiosum delirium incidisse, & post tertium continuati similiter delirii diem, velle se instrumentorum, & vocum concentum audire, significasse. Vix ad concentum sonare instrumenta cæpere, cum remittit furor, oculis, & vultui serenitas restituitur, convulsiones cessant, & præ gaudio lacrymatur. Quamdiu tenebat concentus, nulla in homine febris, aut ex prædictis effectibus alijs: quamprimum vero musici, & instrumenta silebant, in pristinum furoris, & ægritudinis statum recidebat: quare continuata per octo dies musica hominem priori valetudini restituit. Alium per omnia fore similem eventum in eadem historia legimus: nisi quod in secundo instrumentorum concentus post lætitiâ, & motus somnum induxit, somnum subsecuta sanitas (b). Fertur etiam aliquas esse in nova Francia gentes *Artigovantins* nuncupatas, quarum mos est, ægrotis soni remedium adhibere (c). *Saulem* etiam Hebræorum, & *Alexandrum* Macedonum reges sonorum opè a tetra melancholia, physico sane malo olim liberari, res est notissima. Eadem de quamplurimis alijs ægritudinibus ratio.

327. Et hæc quidem quod factum, & experimenta spectant. Quod vero ipsamet soni vis, atque natura, una & physicæ ægritudinum causæ rem eandem

(a) *Hist. Acad.* 1707. p. 7.

(b) *Hist. Acad.* 1708. p. 22.

(c) *Vide præter alios la gazetier Americain. v. Artigovantins.*

dem confirmet, nullus dubitabit, si sonos in corporis humores, fibras, musculos agere, & excitare, movere, ad quietem reducere, probabo: eoque pacto in totam humani corporis compagem, fluida, solida, passiones; & mores influere. Rei veritatem, & modum ex sequenti propositione edifies.

S. II.

Soni influxus in mores.

328. Idem fere est propositum modo, atque discussum hucusque argumentum. Mores hominum a physico eorum temperamento, ab humoribus, humorumque, & solidarum partium statu pendent. Commune illa etiam sunt ægritudinum principium. Si in primis sonum agere constet, agat etiam in secundos.

329. Dico igitur: *Soni in humanos mores, virtutes, vitia influunt: animique passiones excitant, intendunt, & sedare possunt.*

Ex communibus Physicæ legibus, & tradita hactenus natura soni facile concipitur, quo pacto sonus non solum amissam sanitatem restituat, sed morbos etiam, & languores inducat, animi passiones excitet, excitatas sedet, in mores influat, eosque aut corrigat, aut corrumpat. Postrema hæc duo posse a sono fieri antiquis Græciæ Philosophis, & legislatoribus notum erat, cum neminem lateat *Platonem*, & *Lycurgum* legibus cavisse, ne peculiare quidam, quos indicabant, soni in institutis a se Rebus publicis, aut concepta Rerumpublicarum forma, admitterentur, ut nullum inde in mores crearetur periculum. Ab antiquis etiam traditum legimus, *Alexandrum Magnum* pulsato instrumento ita ad iram concitari, ut gladium e vagina educeret, in adstantes ruiturus; eundem deinde (quod majus est) animi motum alio sono carmine, aut instrumento composuisse.

330. Circa hæc omnia ratio ipsa, & experientia docet, pulsatam, & sonantem chordam oscillari, & vibrationes edere; hujusmodi oscillationes circumambienti aeri communicari, & alias prorsus similes in illo efficere: ab tremante, & oscillante aere in
cir-

circumstantia corpora, v. g. corpus humanum easdem vibrationes transmitti; eaque corpora, si eorum fibræ, aut partes cum pulsata chorda, aut acceptis vibrationibus consonent, similem tremorem, & oscillationum speciem in se se edere, eoque agi, ut supra exemplo cytharæ, pluribusque aliis demonstravimus. Humores etiam, puta aquam, aut alium quæcumque liquorem, multoties a corpore sonante agitari, crispari in oscillationes, & in tremorem agi, certum omnino est: cum præter rationem, id etiam experientia confirmet. Si enim in vitreum poculum aquam v. g. infundas; postea vero ejusdem poculi labra manibus fortiter affrices; crispari aquam, & oscillationes edito sono consonas in aquæ superficie observabis.

331. Vibrationes soni ea tantum crispari, & agitari compellent; quorum partes cum pulsata chorda consonent; alia autem fluida, omnino dissona, post primum tremorem ut plurimum quiescent. Hoc etiam facti res est: cujus ratio paulo inferius explicabitur. Tandem vibrationes soni per aerem, vel continuum corpus transmittuntur, & communicantur. Soni proinde, quem audimus, oscillationes, & tremor ad intimas etiam nostri corporis partes duplici potissimum ratione pervenire possunt: primo & præcipue per aerem, & nervum auditorium usque ad cerebrum, a cerebro autem per ortos inde nervos; & ad omnes corporis partes derivatos transmittuntur: secundo etiam per agitationem, & vim in externis corporis partibus impressam, & inde per solidas & concussas jam corporum partes ad intimos usque humores.

332. Hæc omnia, & quæ jam subjungam, vix intelligi possunt, quin prius ea legantur, quæ in Physica Viventium de humani corporis Anatomia, & humanarum passionum natura, & causis dicuntur. Hisce positis, necessario consequitur, chordarum, seu instrumentorum sonis, seu vibrationibus humanorum corporum, nervorum, & muscutorum fibras, immo & humores ad corporum temperamenta spectantes concuti, & commoveri: ab actione, & commotione muscutorum, nervorum, humorum, & spirituum physice peraguntur naturales, & animales hominis functiones, passiones, & affectus. A peculi-

liaribus etiam humorum, spirituum & nervorum temperamento, & actionibus, motu, & statu valetudo, morbi, & mille id genus alia dependent: si ergo sonis ad motum concitari possunt humores, nervi, muscoli, spiritus, a quorum excitatione humani corporis, & animi affectiones physice consequuntur; manifestum est, sonis, etiam ipsasmet passiones animi, aut corporis, puta iram, tristitiam, lætitiā, morbum, valetudinem excitari posse aut componi.

333. Generalia tamen hæc sunt: ad peculiariora aliqua descendamus, ex quibus omnia facile intelligantur. Infiniti pene sunt homines temperamento biliosi, & iracundi, qui passim ex levissima etiam causa excapdescunt. Hominum ira, & rabies causam habet partim physicam, partim etiam moralem: nonnumquam sola causa physica agit. Iræ, furores, & rabies sunt ex biliosi, & mordacis humoris conia, actione, & morsu. Hic enim humor acutis cuspidibus fibras æriter mordendo, atque morsu suo vexando, iram in animo, rabiem, & furorem excitat, ob naturale illud commercium, quod inter animam, & corpus intercedit. Jam vero biliosus ille humor certam habet partium indolem, naturam, tensionem, & texturam, ita ut cum dato quodam sono consonet; a cæteris vero dissonet, ut supra non solum de liquoribus, verum de omnibus aliis corporibus diximus. Da ergo, quod vel casu, vel lyristes peritia illum sonum edant musica instrumenta, cui biliosus hominis audientis humor consonet; ac proinde ad motum, & tremorem similem concitetur: si ergo musicus instrumenta pulset; adstantem hominem ad iram, furorem, & rabiem commovebit. Quod si deinde alius edatur sonus, chordæ, aut instrumenta pulsentur, eoque consonantia queratur, cui biliosus humor, ejusque partes dissonæ plane existant; commotæ, & agitatæ humoris partes, contrariis vibrationibus actæ, sistent, omnemque motum, & tremorem amittent: sedato igitur bilioso, & mordaci humore, a cujus motu, perturbatione, & agitatione hominis rabies excitabatur, pristina & ori, & animo tranquillitas restitui debet.

334. Simili ratione medio musicorum instrumentorum

rum sono, variisque concentibus, seu carminibus diversi in nobis animi affectus, atque passionnes excitantur. Sunt soni, qui mæstum animum mirifice recreant, sublevant, atque ad lætitiā, & alacritatem adducunt; sunt etiam, qui opposita omnia in nobis excitant, & ingenerant, lachrymas, planctum, melancholiam: sunt, quibus auditis, veluti sponte, atque natura dūce, ad saltum, ad choreas, ad cantus excitamur, & impellimur. Sono etiam martialis furor non modo militibus, sed ipsis etiam equis excitatur, cum omni ex parte medio in campo ad arma cantant tubæ, & tympana. Hæc omnia, si motus, affectiones, passionēs, quas in nobis semper experimur, physice a proprio, cujusque nostrum temperamento, a causis physicis, & materialibus pendent. Ex peculiari humorum temperie nascitur, quod unus sit iracundus, alter mansuetus, hic ad venerem, ille ad arma genio magis feratur. Cum ergo ab peculiari nervorum, fibrarum, spirituum, & humorum indole, statu, & actionibus humanæ passionēs excitentur, intendantur, remittantur, & commoventur; si mediis sonis nostrorum corporum musculi, nervi, fibræ, spiritus, humores multiplices diversaque ratione excitari, commoveri, aut sedari possunt, ut abunde hætenus explicavimus; jure merito concludere possumus, sonos in prædictas omnes hominum passionēs, in mores, in morbos etiam, & valetudinem aliquando influere, recteque ab antiquis Platone, Lycurgo, & alii cautum esse, ne quidam molliores soni in bene instituta audirentur republica.

335. Hæc omnia adeo clara, observatis conformia, & naturalium causarum, soni autem potissimum naturæ consona mihi esse videntur, ut negari vix posse existimem. Quod si experimenta superius relata expōitis modo rebus superaddas, eaque omnia cum soni theoria, & intima nostri corporis anatomia, & structura, locis citatis tradenda conferas, nullum supererit in præsentī argumento dubium.

S. III.

Soni, Grati, & Ingrati.

336. Alii homines musicam perditæ amant; alii vix cantu delectantur. Soni aliis hominibus grati, aliis omnino displicent: unus idemque homo modo musicam, & concentum amat, alio tempore fastidit. Omnia hæc ab extensione, crassitie, tensione, & indole fibrarum organi auditorii pendent in diversis hominibus: in eodem vero homine a vario statu, & affectionibus earundem fibrarum. Hæc autem in diversis hominibus uno, eodemque tempore; in eodem homine, in diversis temporibus plurimum variantur. Qui fibras ita habet tensas, ut ad cantum, vel sonum instrumentorum molliter, & suaviter oscillent; musica delectatur: qui duriores habet, quam ut facile, & molliter vibrentur; neque amat, neque fastidit: qui nimium delicatas, adeo ut ad instrumentorum sonitum plus justo oscillent, & quodammodo rumpantur; is vero dolorem quemdam sentiet, & musicam odio habebit. Qui musculos ita habet ad motum faciles, ut fibras modo magis, modo minus tendat; prout concentus exigit; consonantia quacumque delectabitur: contra vero qui eam musculorum mobilitatem non habent. Tandem auri humore, & mille aliis de causis fit, ut fibræ modo magis, modo minus tendantur, modo sint laxæ, modo tensæ: ac proinde modo hunc, modo alium, modo nullum amant concentum.

337. Ex iisdem etiam capitibus nascitur, sonos aliquos esse gratos, alios vero ingratos. Generatim harmonia, & consonantia placet, dissonantia vero displicet: cujus ratio partim ex modo dictis, partim ex indole, & natura animæ deducenda est. Displicet primum stridor; quia est ictus continuus, & non interruptus dolor, nullam sensui, aut animæ quietem permittens: placent toni, quia sunt alternata motus, & quietis vicissitudo. Displicet dissonantia, quia numquam est casus, seu quies: placet vero ad oppositam rationem consonantia: eo vero magis placet, quo una simul cum tonorum varietate perfectiores, & frequentiores fuerint casus.

Ex

Ex aliis etiam non dissimilibus capitibus provenit, sonos esse gratos, aut ingratos, quo ex modo dicendis de suavitate, & asperitate soni facile intelliguntur.

S. IV.

Asperitas, & Suavitas Soni.

338. Notissima etiam est sonorum inter se differentia, atque divisio in asperos, & snaves qui quidem cum gratis, & ingratis magnam habent affinitatem. Multoties nihilominus accidit, ut soni cæteroquin suaves non parum displiceant, sintque etiam ejus structuræ aures, quæ sono alioquin, & communiter aspero delectentur. Analoga hæc sunt saporibus, & odoribus. Homines videas, quorum palatum adeo occaluit, nimio etiam bibendi usu, & suavioribus vinis non amplius delectentur, sed asperioribus solummodo suaviter irritentur. Quare hæc omnia multum habent relativi. Quoniam tamen sunt plurimi soni, quibus auditis, omnium aures communiter horrescunt, atque asperantur; dum contra, alii sunt, qui lenitate quadam, & suavitate communiter alliciunt; hinc quærimus, in quonam hujusmodi suavis, & asperitas consistat. Et primo quidem certum est, asperitatem, & suavitatem soni ab acuto, aut gravi, a magno, & parvo sono non nasci; cum inter sonos æque acutos, aut graves, æque magnos, aut parvos alii sint suaves, alii asperi, alii magis, alii minus asperi. Non tamen negamus, quod aliquando ex his etiam capitibus gratum, aut ingratum esse sonum, accidat.

339. Soni asperitas ab eo potissimum provenit, quod superficies sonans, seu aerem concitans, remittens, atque ad tremorem, & oscillationes agens, sit inæqualis, scabrosa, aspera, & frequenter interrupta. Non solum enim maxima inter omnes sensus, nominatim vero inter tactum, & auditum intercedit analogia, sed auditus etiam est purus tactus, ut alibi fusissime demonstramus: sicut ab attritione manus supra asperam superficiem decurrentis oritur asperitas tactus, ita etiam ipsamet superficies aerem inæqualiter in autem remittens, asperum

rum efficit sonum. Hoc unum est discrimen, quod in primo casu aspera superficies manum, seu tactus organum per se se contingat, & feriat: in secundo id solum mediante aere efficiat, quem in aurem, seu auditus, hoc est, peculiaris tactus organum remittat. Ex inæquali hac superficierum & interrupta continuitate fit, ut vibrationes in aurem perveniant interruptæ, dissonæ, fractæ, crebræ. Indeque consequitur cochleam, & nervum auditorium feriendum esse ictibus intensis, valde inæqualibus, nimium crebris, & simul aliquando magna virium intensitate; atque discrimine.

340. Sonus suavis ab oppositis causis provenit: superficierum scilicet sonantium, seu aerem impellentium, atque ad tremorem concitantium levigatione, atque æqualitate. Et hoc quidem præter allatam modo rationem observatis passim phænomenis conforme est: poliuntur instrumentorum superficies; quæ statu sonant; aut ab adhærentibus humoribus deterguntur, ut suaviorem; clarioremque vocem edant: cum trachæam etiam pituita, aut catharrho impeditam, asperatamque habemus, ut sæpissime omnibus accidit; vocem etiam minus gratam, & suavem efformamus, contra trachæam identidem stringendo, & tussiendo purgamus, ut congestam illic pituitam depellamus, eaque depulsa facilius loquamur, vocisque asperitatem, aut difficultatem emolliamus. Ex eadem causa corpora aspera, aut fracta asperum plerumque sonum edunt; propterea quod fractio ipsa asperam ut plurimum superficiem generat.

341. Stridor ex iisdem pariter principiis provenit: nili quod ad stridorem præterea requiritur magna asperarum vibrationum crebritudo, quæ aurem ab ingrata, & aspera pulsatione feriari non permittit. Et hinc stridentia corpora unguuntur, ut eorum superficies magis æquales, & lævigatæ fiant, aerem mollius reperiunt, auresque & lenius, & non adeo crebro feriantur. Hæc etiam omnia sonum ingratum plerumque efficiunt; cum ob interruptas, & contrarias inter se vibrationes auditorius nervus eodem tempore nimium in diversa trahatur, & retrahatur. Id vero a pluribus sonis non modo in auditionis organo, verum etiam in omnibus nostri corporis

poris partibus effici, sæpissime observamus, dum ad auditos aliquos sonos attendimus.

PROPOSITIO XVIII. PROBLEMA.

342. *Tympanorum sonos explicare.*

Resolutio. Tympana, instrumenta omnibus notissima, non solum in re bellica, cujus sunt propria, verum etiam in festivis sæpe rebus pulsantur. Cum ergo sint familiaria adeo instrumenta; & ad concertum etiam attemperentur, atque sonent; eorum sonos parumper consideremus. Cum tympanorum sonus a circularis plani vibrationibus generetur; planorum vibrationes prius considerare opus est. Sit ergo lamina circularis tensa DE (Fig. 33), quæ pulsetur in centro B : ita ut centrum B adducatur in C . Planum DE efficiet superficiem conicam DCE , cujus basis erit circulus DE , altitudo autem, seu axis est recta BC a plani centro percursa. Et sicut diameter DE distenditur, & fit DCE , per apicem conici transiens; ita etiam omnes aliæ diametri ejusdem plani, in alias æquales curvas per punctum C transeuntes extenduntur; spatium igitur conicum DCE est illud, quod planum dimidia oscillatione describit. Cum centrum B ad punctum C pervenerit; iterum restituitur, atque ad oppositam partem alium æqualem conum, seu dimidiam oscillationem describit. Jam vero si unum idemque planum DE , eadem semper tensione distentum, diversis viribus, seu inæqualibus consequenter in centro pulsemus; oscillationes etiam magnitudine inæquales describet: ita ut centrum vehementius pulsatum perveniat in A , postea vero in C , deinde in O &c; ut late exposuimus; cum de elasticitate, & pendulis disputavimus: omnes tamen illæ inæquales vibrationes sunt æquidistantes.

343. *Quare si sint plura circularia plana æqualia, & æque tensa; sonabunt semper in unisono. Si plana sint inæqualia DE , NP , & æque tensa; erunt soni in ratione subduplicata spatiorum inversa, hoc est, in ratione subduplicata inversa conorum DAE , NOP . Hujusmodi enim conici sunt spatia ab his planis oscillantibus percursa; sunt autem spatia in ratione duplicata temporum, seu durationum ipsarum vibra-*

tionum: numeri autem vibrationum sunt, in ratione inversa durationis vibrationum: cum ergo numeri vibrationum intra idem tempus constituent diversos sonos; erunt soni in ratione subduplicata inversa spatiorum, seu conorum.

344. *Quod si non solum plana sint inæqualia, sed inæqualibus etiam tensionibus distendantur; erunt numeri vibrationum intra idem tempus, hoc est, soni in ratione composita ex subduplicata inversa spatiorum similium, & ex subduplicata tensionum directe.* Semper enim verum est, quod quo tensior fuerit chorda, seu planum, eo citius etiam restituatur. Ex hisce patet, quid de tympanis dicendum sit. Tympana G F I H aliud non sunt, quam plana circularia G F ex corio, aut metallo tensa, & concavorum cylindrorum basès: horum planorum centra L percutiuntur, & oscillationes suas modo hætenus exposito faciunt. Tympana igitur æqualia, aut inæqualia, possunt sonare ad unisonum, in octava, aut in alia quacumque consonantia data: Si sint æqualia; ex ratione tensionum petenda erit consonantia. Si æque tensa; magnitudinem tantum attendere oportet. Si omnia sint inæqualia; secundum rationem compositam, toties a nobis explicatam, tentanda, aut deducenda est consonantiae ratio. Et hinc est, quod tympanistæ alvum ipsam tympani modo coarctant, modo laxant: ut plana circularia diductis, vel adductis marginibus, magis vel minus tendantur. Interim soni magnitudo, atque intensitas a majori capacitate tympanorum & percussionum dependet.

345. Diametres basium G F altitudini G H tympani ipsius sit fere semper æqualis: cum ita constructa tympana longe melius sonent. Cujus rei gratia observandum oportet, dum planum G F percutitur, & oscillat, etiam alveum G H I F oscillare, & oscillando, basis vibrationes magis, vel minus impedire: minus autem oscillationes impediuntur, cum altitudo latitudini æqualis ponitur (Fig. 34).

346. Illud in tympanis generaliter observatur, quod scilicet non resonent, sed omnis sonitus penitus evanescat, vix percussiones cessant: cum opposita omnia in campanis æreis observemus: id autem ex eo fit, quod tympanorum alvei oscillationes, vibrationibus basium dissimiles, & oppositæ, has postremas illi-

illico destruant. Rem facile concipies, si animadver-
tis, alveum, hoc est, cylindri superficiem non esse
eiusdem materiæ, atque bases. Deinde modo etiam
contrario sunt, ut facile consideranti, patebit: &
hinc enim cum primum planum circulare bases non
pertutitur; nullus jam est sonus. Quod æra cam-
pana attinet, sequenti propositione explicabitur.

PROPOSITIO XIX. PROBLEMA.

347. *Æris campani sonos, & harmoniam explicare.*

Resolutio. Æra campana notiora sunt, quam ut in
iis describendis immorari operæ pretium sit. Hæc
fere in iis notabilia sunt: 1. Eorum figura non est
perfecte conica: ad conicam tamen plurimum acce-
dit: ne licet non lateat, aliqua esse æra campana,
& maximæ quidem magnitudinis, atque ponderis,
quæ figuram habent cylindri, ut Peckini apud Sinas
visitur (a). 2. Non ex uno, eodemque metallo puro
construuntur, sed ex pluribus inter se commixtis:
experientia demonstrante, æra campana ex uno tan-
tum fuso metallo formata, satis numquam esse so-
nora. 3. Propè infimam basim ferreo malleo exte-
rius, aut interius ad sonum edendum pulsantur: il-
lorumque sonus, quoad magnitudinem ab æris cam-
pani mole & ferientis mallei viribus dependet: quo-
ad rationem grati aut ingrati magis, vel minus so-
nori, a metallorum proportionem: quoad acutum, &
grave, a magnitudine tum basis, tum etiam altitu-
dinis. 4. Postquam pulsata fuere, resonant: contra
ac in tympanis experimur. 5. Tandem, ut alia o-
mittam, æra campana ad concentum, & harmo-
niam in turribus sæpissime disponuntur, & sonant:
Hæc vero omnia breviter exponenda sunt.

Et primo quidem hosce sonos secundum rationem
gravis, & acuti consideramus. Quoniam æra cam-
pana conicæ figuræ quodammodo habent; possunt,
tamquam conicæ, spectari: de iisque propterea con-
stant sequentia.

348.

(a) *Le Compte nouveaux memoires pour l'etat pre-
sent de la Chine.*

348. Primum: Si æra campana habuerint eandem altitudinem; erunt soni in subduplicata ratione basium inverse, hoc est, erunt in ratione inversa diametrorum basium. Singula enim ex eorum forma spectari debent, tamquam plures metallici annuli, alii aliis impositi, uniti, & ordine ulque ad apicem decrescen- tes; vel tamquam unus, idemque anulus metalli- cus sibi semper parallelus, & decrescens: duo igitur æra campana ejusdem altitudinis, sunt duo annulo- rum ordines numero æquales; eorum igitur soni, perinde ac circularum, erunt, ut annulorum cir- cumferentiæ, hoc est, ut diametri inverse, ut su- pra diximus.

349. Secundum: Si æquales habeant bases, altitu- dines vero inæquales; erunt eorum soni in ratione subduplicata altitudinum inverse. Id etiam experi- tiæ a P. Fabri institutæ demonstrant. Difficultatem movere hic posset, quod in circularum, seu annu- lorum metallicorum sonis ad diametros solummodo, seu periphærias attendamus: annulorum igitur qui- bus integrum corpus constat, sonus erit secundum eorum diametros, non vero secundum illorum nu- merum. Verum ita quidem res est, dum annuli aut scorsim pullantur, & sonant, aut cum unum corpus ita componunt, ut ob numeri æqualitatem pariter ex utraque parte vibrationes impediuntur: attamen cum annuli numero differant, hoc est, altitudines sint inæquales, vibratio ex majori ipsa altitudine redditur impeditior, & tardior: id quod etiam in chordarum longitudine locum habet.

350. Tertium: Quod si & altitudine, & latitudine differant; erunt soni in ratione subduplicata inverse conorum.

351. Quartum: Si & altitudines, & latitudines basium fuerint æquales; erunt omnino unisona. Hæc duo postrema ex supradictis probantur, atque expe- rimentis constant.

352. Quintum: Si æra campana sint similia; erunt eorum soni in ratione subduplicata inverse ponderum, seu conorum. Hoc ultimum etiam observatur, licet figura non sit omnino conica. Ex his omnibus ratio patet, quæ æra campana construui possint, & debeant, quæ in data quacunque consonantia puta in octava, in quinta, tertia &c. sonent. Quod quidem periti

artifices plerumque exequuntur, cum passim & in templorum turribus æra campana disponantur, quæ gratum, & harmonicum concentum edunt.

353. Aliqua tamen hic observanda sunt circa communem eorum figuram, & ortam inde sonorum varietatem. Superficies ACB (fig. 35.) a basi AB usque ad EG in coniformem contrahitur: ab EG usque ad DF ad cylindrum magis accedit: a DF usque ad apicem C sphaeroidis figuram refert. Ex hac figuræ ratione fit, ut diametrorum AB , EG , DF &c. magnum sit discrimen. Si igitur in punctis A , E , D &c. consequenter, aut simul pulsetur æs campanum; plures edet sonos inter se diversos secundum rationem gravis, & acuti: ita igitur fieri possunt prædictæ diametri, ut soni editi harmonicum concentum efficiant.

354. Quod metallorum mixturam, & partium proportionem attinet, qua scilicet quantitate, seu ratione diversa metalla fusione permiscenda sunt; ut formanda æra campana suaviorem edant sonum id, inquam, experimentis, atque tentando discendum est: nullam enim generalem habemus regulam, quæ in re præsentis scrupulose observari debeat. Experientia etiam probante, æra campana altitudinem ut plurimum habere solent infimæ basis latitudini æqualem: eo pacto, ut de tympanis etiam superius diximus sonum melius edunt.

355. 1. Sequentia etiam phænomena passim observamus, & facile explicantur. 1. Resonant, sonumque paulatim languescens post ultimam percussione edunt; quia scilicet ob metallorum elasticitatem languescit vibrationum paulatim reciprocatio, ut fusc exposuimus, cum elasticitatem, & motuum reflexionem explicavimus.

356. 2. Cum nive sunt cooperta, ut frigidioribus in regionibus accidit; surdescunt; vixque sonum, & tenuissimum quidem, atque raucum edunt. Idem pari etiam de causa observamus, cum parvum, & sonorum alias tintinnabulum manu comprehendimus, & ita comprehensum malleo percutimus: Eadem ubique est ratio: nix, manus, aut similis alia materia mollis vibrationes, & tremores impedit.

357. 3. Facile est, & sæpe accidit æs campanum contrariis percussionebus, & viribus pulsatum rumpi: si nimirum impulsionebus contrariis simul percu-

tiatur: puta si interius in B, & exterius ex A, puncto opposito eodem tempore pulsetur. Ob percussionem enim interius factam in D, contraheretur diameter HI, distenderetur vero diameter AB: contrarium fieret, ob percussionem exterius factam in A, ut consideranti facile perspicitur: cum igitur ob elasticitatem vibrationes a mallei percussionibus necessario fierent; quamplurima puncta in diversas partes agerentur simul: & hinc nullo negotio rumpetur æs campanum.

338. 4. Æs campanum fractum sono amplius edendo, suavi saltem, intenso, & resonanti, qualem prius edebat, est prorsus inutile. Fractura enim fit, ut vibrationes perinde, ut antea, non peragantur: unitæ amplius non sunt annulorum circumferentiæ, rumpuntur vibrationes, arcuum oscillantium longitudo mutatur; partesque hinc inde in fractura contingentes, & non amplius consonæ, se se radere, videre, & quamdã stridoris speciem edere. Nihil huiusmodi accidit, si æra campana parvo aliquo foramine sint perforata: dummodo fractiones non existant: ut experientia, & ratio ipsa persuadent: parvum enim foramen vibrationes peragi, & hinc inde communicari non impedit.

S. V.

Aliquæ difficultates contra hætenus dicta solvuntur.

339. Quæ hætenus de sono, ejus natura, proprietatibus, effectibus, & phænomenis diximus, in dubium vocari non possunt; cum non solum luculentissimis experimentis, verum etiã ratione, & mechanicarum causarum indole demonstrantur. Aliquæ tamen difficultates opponi possunt, immo & ab iis præcipue opponebantur, qui solum in qualitate a motu aeris distincta olim ponebant. Et licet omnia, aut fere omnia, quæ opponuntur, aut jam superius attigerimus, aut ex hætenus dictis nullo negotio solvi possint; doctrinæ tamén gratia ea modo fusius explicabimus. Ex multiplici igitur capite, soni naturam in tremulo aeris motu non consistere probari posse videtur.

360. Primo ab experimento in cytharis instituto deducitur argumentum. Pulsatis, & sonantibus aliqujus cytharæ chordis, alterius etiam cytharæ, prope positæ, & non pulsatæ, chordæ tremant, & sonum edunt; dummodo cum priori cythara in aliqua consonantia, puta in octava, quinta, tertia &c. consonent: si tamen chordæ sint dissonæ; nulli a non pulsata cythara soni, aut vibrationes eduntur. Si igitur sonus in aeris vibrationibus consistit: omneque corpus sonans aerem circa se positum concitat, & tremefacit: tandiuque aer tremit, & oscillat, quamdiu non extinguatur sonus; pulsatæ cytharæ chordæ non solum consonans alterius cytharæ chordas ad oscillationes, tremorem, & sonum edendum verum agent, verum etiam chordas dissonas in eadem distantia a pulsata cythara positas: æqualibus enim viribus omnes pulsantur, æqualemque habent resistantiam. Vel ergo sonus in aeris tremore non consistit; vel relata phænomena a sono non proveniunt.

361. Resp. cum primum pulsatur corpus sonorum, oscillationesque circumquaque per aerem diffundit; corpora, puta duæ chordæ, unisona una, dissona vero alia, in eadem distantia positæ, eodem tempore, æqualibusque viribus simul concutiuntur, &, si resistantiæ sint æquales, ut in casu præsentis supponitur, ad æquales oscillationes aguntur, & primas vibrationes efficiunt æquales. Quare de primis oscillationibus, seu potius viribus, & actionibus ad oscillandum impressis rem plane conficit argumentum. Cum tamen sonus in una sola oscillatione, seu dimidia vibratione non consistat, sed tremor, hoc est, plures vibrationes requirantur: hujusmodi vibrationes, & tremor per aerem semper una post aliam a sonoro corpore ad chordas perveniant; sit, ut si prima vibratio non impediatur a secunda, secunda a tertia, & sic deinceps, chorda non pulsata sonet; cum semper unam post aliam vibrationes accipiat, vereque proinde contremisecat, & ad eundem tremorem a subvenientibus semper oscillationibus compellatur.

362. Jam vero cum chordæ sunt unisonæ, oscillationes eodem tempore absolvuntur: si igitur simul incipiant, simul etiam desinent; cum secunda oscillatio-

tio a pulsata chorda per aerem ad secundam chordam pervenerit; secundam hanc chordam peracta oscillatione jam invenit restitutam ad suum priorem situm; & citra ullum contrarium motum; eam igitur potest ad oscillandum iterum agere, & ita deinceps: in quo nulla est difficultas. Si chordæ non sint unisonæ, sed tamen consonent; adhuc secunda chorda oscillabit, & sonabit; licet minus perfecte, quam si essent unisonæ.

363. In hoc tamen casu explicando præcipua est difficultas. Cum chordæ non sint unisonæ, sed una tres oscillationes v. g. peragat, dum alia unam tantummodo absolvit; fit, ut cum secunda oscillatio pulsatæ chordæ G H (fig. 36.) ad secundam chordam A B pervenerit; in illam incurrit, dum a C ad D restituitur v. g. in situ A F B, in medio scilicet itu, aut reditu: in chordam igitur incidit contrariomotu regredientem, vel in itu suo adhuc perseverantem: una igitur oscillatio aliam non juvat, sed impedit: chordam igitur ad quietem potius, quam ad oscillationes continuandas compellit. Exemplum habemus manifestum: Cum æs campanum ope chordæ, & manubrii, ut fieri solet, ad oscillandum, & sonandum paulatim agimus; singulis oscillationibus vires paulatim addimus, ut oscillationes fiant semper majores: vires tamen tum solummodo addimus, cum ad oscillationis limitem pervenit, novamque descendendo oscillationem describere incipit: ut quotidianis experimentis ediscere possumus. Si vero illud in media oscillatione, dum ascendit, aut descendit, vel nova urgēamus; oscillationes aut impedimus, aut perturbamus. Et hæc quidem causa est, quare, dum chordæ sunt dissonæ; una aliam ad sonandum non adducit; quia scilicet post primæ oscillationis initium in nullis aliis conveniunt, hoc est, neque simul incipiunt, neque simul desinunt: subsequentiū proinde oscillationum vires secundæ chordæ adhibentur, dum ipsa est in medio itu, aut reditu: impeditur igitur ad oscillandum chorda, & ad quietem ob vires sese mutuo impredientes reducit.

364. Bene est: Quare igitur res bene procedit, si chordæ consonant in quinta v. g. quarta, tertia; licet iis etiam in casibus ob diversos oscillationum eodem tempore editarum numeros, novæ subinde oscil-

latio-

lationes ad secundam chordam perveniant, dum illa in medio itu, & reditu existit? utrobique enim eadem ratio esse videtur. Resp: Si chorda, quæ pulsatur, sit inferior, hoc est, gravioris soni, quam alia non pulsata; nulla prorsus est difficultas. Cum enim eodem tempore, quo prior semel, bis; aut ter oscillatur, pro consonantiæ ratione, integras oscillationes suas alia etiam absolvat; hinc est, quod cum nova oscillatio advenerit, secundam chordam in fine reditus, hoc est, in fine oscillationis inveniat, eamque proinde ad oscillandum ulterius compellat: id autem in dissonis chordis numquam accidit. Si autem pulsata chorda sit superior, seu acutior v. gr. octava, alia autem sit prima: tunc licet secunda oscillatio ad secundam chordam perveniat, cum ipsa primam vibrationem nondum absolvit, chordamque in itu, aut reditu, aut in media oscillatione feriat, eaque propter oscillationem dissonuat; attamen cum sint consonæ, numquam secundæ chordæ oscillatio absolvitur, quin iterum simul incipiant vibrationes, & vires restituantur: sæpissime igitur, hoc est, post gravioris chordæ oscillationes simul semper incipiunt: cum ergo chorda non pulsata oscillationem numquam absolvat, si sit in octava, quin illico ad novam oscillationem compellatur: & quin etiam post tertium, aut quartum casum iterum excitetur, si sit in aliis consonantiis; sit, ut res bene procedat. In chordis autem dissonis contraria omnia sunt, ut ex ipsa dissonantiæ notione patet; nil igitur mirum, si in dissonantibus chordis res minime procedat. Atque hoc pacto difficultatem, quæ exigui momenti non est, secundum mechanicas causas, & leges diluimus. Unum solummodo addendum existimo, cytharæ non pulsatæ chordas eo facilius, intensius, & efficacius ad oscillandum, & sonandum ab pulsatis chordis incitari, quo in perfectiori consonantia cum illis consonent, seu quo frequentius, minorique vibrationum numero interjecto, simul incipiant, & simul absolvantur oscillationes, ut ex dictis facile eruitur.

365. Aliud argumentum, hactenus explicato simillimum in hunc modum proponi potest. Si sonus in vibrationibus aeræ massæ consistit; quare omnia corpora circa sonorum posita, & facile mobilia, a concitato, fremente, & fluctuante aere, a quo illa circum-

dantur, non moventur etiam ipsa, & tandiu tremunt quamdiu sonus durat? Exemplo sint arborum quorundam folia, corpora quidem tenui, quacumque aeris agitatione mobilia. Hæc, inquam, ad musicarum instrumentorum prope sonantium concentum non moventur, oscillant, aut contremiscunt, quò autem pacto stare id poterit, si omnis circumstantis aer tremat? Ex modo dictis, immo & ex superius jam expositis tota hæc difficultas evanescit. Pro responsione igitur ad jam dicta addere sufficiat sequentia. Soni vim habent movendi, seu tremefaciendi corpora a tremente aere circumdata: id tamen intelligi oportet pro virium soni ratione, atque molis, seu resistantiæ corporum. Si sonus sit intensissimus: omnia circumposita corpora tremunt: idque observamus, cum tormenta bellica exploduntur. Si tennes sint; tenuis vel nullus in corporibus excitatur tremor, pro ratione scilicet massæ corporum: neque enim credendum est, ad lyrae sonum rupem tremere. Hæc omnia universim vera sunt, & locum habent in primis sonorum appulsionibus, & in omnibus iis vibrationibus, seu sonis qui adeo interrupte eduntur, atque ad corpora perveniunt, ut cum vibratio posterior ad illud pertingat, jam corpus, priori oscillatione peracta, sine tremore inveniatur, ut quotidie in interruptis bellicorum tormentorum explosionibus animadvertimus. Rumpi tamen fenestrarum vitra, majoresque etiam in domorum parietibus fieri concussionibus, quod sæpe in majorum tormentorum dislosionibus accidere observamus, non illa ego ab edito sono, seu soni vibrationibus, sed a repentina aeris dilatatione ob inflammatum pulverem pyrii provenire existimo. Si citra nitrati pulveris inflammationem, & ortam inde repentnam in aere raritatem ederetur tormenti bombus; non illæ fierent ruinae. Locum etiam hæc habent in vehementissimis, & maximis sonis; licet non sint, admodum interrupti: Quare in his omnibus casibus tenet argumentum, & corpora a sonoris, aliqua saltem ratione, agitantur, & moventur: dummodo inter sonorum vires, & corporum massas existat proportio. A sonis autem non admodum magnis, continuis, aut minimum interruptis post primas appulsiones ea tantum tremefiunt corpora, quæ sint cum sonoris corporibus consona: Neque ad maximos etiam sonos corpora vel levissima minimum agi-

tan-

tantur, si eorum fibræ, dato sono sint dissonæ. Res patet ex subjuncta superiori argumento responsione. Satis hinc etiam intelligitur, quare candelæ flamma materia, si qua alia, mobilissima, ad corpora sonantia prope ardens non contremiscat, licet ab aere oscillante sit circumdata.

366. Tertium difficultatis caput peti potest ab amicis contrariorum sonorum in eodem loco, seu materia conjunctione, quin se destruant. Si soni, inquiunt, in aeris motibus, seu tremoribus consistunt; diversi soni in motus, tremoribus, & oscillationibus proculdubio diversis consistent: jam vero fieri ne potest; unam eandemque aeris massam, seu particulam quampluribus motus contrariis moveri? Si ergo hujusmodi motibus componi simul in eadem materia non possunt; neque etiam diversi soni per eandem materiam simul proagari: propagantur tamen: in motibus igitur consistere non posse videntur. Adducta hæc, quæ non levis est, diversorum sonorum per liberum etiam aerem difficultas, major adhuc, & longe clarius apparet, si multiplicium, diversorumque sonorum transmissionem per angustissimum foramen, per humanæ auris cochleam, per media corpora solida consideremus: qualis sane fit per tympani membranam, fenestram vestibuli, & internas alias auditorii sensus, aut organi partes. Qui fieri potest, ut quamplurimi soni admodum inter se diversi uno eodemque tempore a membrana tympani transmittantur? Cum plurimorum vocum, & instrumentorum concentum audimus, totne oscillationes adeo inter se diversas eadem membrana potest transmittere, & in se se proinde edere atque ille agitari?

367. Rem jam superius, leviter tamen attigimus, cum phænomenon ex parte retulimus: ulterioris explanationis gratia lectorem eo remisimus, quo elasticitatem, elasticorumque corporum leges tradidimus. Præter dicta igitur citatis in locis, ad quæ lectorem iterum remittimus, sequentia addo, quibus contrariorum sonorum per aerem, aut sensus organum eodem tempore transmissio seorsim explicetur, singulæque argumenti partes solvantur. 1. Me primo non latet, hujusce difficultatis declinandæ causa ab aliquo statui, heterogeneas esse aeris particulas, ita ut per hæc heterogenea media, & particularum series diversi etiam soni, seu motus non solum transmitti possunt, verum etiam

etiam mediantibus heterogeneis hiſce particulis omnes diverſi ſoni, & concentus perinde explicentur, atque mediantibus heterogeneis particulis ſolaribus diverſi colores in ſyſtemate Newtoniano exponuntur. (a)

368. Dum tamen huiusmodi heterogeneæ particulæ phyſico argumento non probantur; puræ hypotheſeos limites non excedant. Quare ſi ſecundum communia, & nota principia & cauſas res poſſit explicari; ad ignotas confugere non licet. Adde, quod in dicta etiam hypotheſi difficultas ſolvi non poſſit: etenim ſi ſoni æque graves, & intenſi, ſeu magni ex diverſis partibus eodem tempore emitterentur; per ejuſdem ſpeciei particulas propagarentur: deberent ergo ſe ſe deſtruere; cum eadem materia eodem tempore a diverſis partibus verſus diverſos terminos moveri nequeat, ut in argumento contenditur.

369. Circa eam Reaumur hypotheſim ſtatue, quod placuerit. Ego quidem, illa prætermiſſa, dico, ſonos quidem contrarios ſeſe vix umquam in aere deſtruere; licet per eandem maſſam aeris inſimul tranſeant, accurrant, aut occurrant: idque ex natura mediæ per quod diffunduntur, dependere. Huiusmodi medium, nempe aer, non ſolum eſt fluidum, & innumeris particulis ſecum mutuo parum catenatis conſtans, ſed, quod caput eſt, maximam, & conſtantem habet elæſticitatem. Jam vero per media elæſtica, præcipua vero fluida, multiplices, diverſæque vires eodem tempore ad contrarias partes citra confuſionem poſſe tranſmitti, ſexperimenta confirmant: vel id fiat ſecundum eandem, vel ſecundum diverſas partes. Cum enim corpora elæſtica vires non extinguant; ſi illas in ſe recipiunt, poſt ſe tranſmittunt: niſi eandem vires corporibus iterum impellentibus penitus communicent; eadem igitur aeris maſſa maxime elæſtica, ſi eodem tempore plures diverſas vires in ſe recipiat; eas omnes poſt ſe tranſmittet. Cur tamen hæ vires non confunduntur, & in unam ex omnibus compositam coeunt ad eum modum, quo virium compositionem alibi expoſuimus? Id vero ſi fiat; ſonum ex omnibus compositum audiemus; nullum tamen diſtinguemus ſimplicem: Id quod

(a) Ita rem propoſuit Reaumur.

quod iterum esset, sonos se mutuo destruere, & difficultatem non explicare.

370. Respondeo: Non confundi sonos ex duplici potissimum ratione, quæ in præsentī argumento rei cardo sunt. 1. Quantumvis soni eodem tempore edantur; non eadem tamen ex parte, neque per eandem omnino directionem, seu lineam communicantur: adeo ut rarissimum sit; & forsitan etiam impossibile, duos sonos eodem tempore per eandem omnino lineam rectam ab eadem parte transmitti. Semel autem quod lineæ directionum sint diversæ; citra ullam confusionem ab eadem aeris massa elastica plures vires transmitti simul possunt in diversas partes, ut ex insinuata modo elasticorum indole constat. *Secunda*: huiusmodi diversæ oscillationes eodem tempore editæ non ab eadem, & individua prorsus aeris parte transmittuntur, sed per distinctas ejusdem materiæ partes communicantur.

371. Deinde vel soni, qui simul, saltem quoad sensum eduntur, sunt diversi magnitudine, vel gravitate, vel utraque, vel neutra ratione differunt: Si hoc ultimum; cum soni sint perfectæ unisoni, & intensi, confundi quidem possunt in unicum sonum; ut multoties observamus in instrumentis, aut humanis etiam vocibus. Si primum; cum soni sint magnitudine inæquales; a sono autem majori majores undæ in aere moveantur, minores a minore; fiet, ut intra majorem aeris undam minores, minoris soni propriæ, efformentur: ut in marinis etiam fluctibus passim videmus. Si secundum; oscillationes plerumque non conveniunt, hoc est, neque simul incipiunt, neque simul desinunt: pro ratione scilicet consonantiarum; & hinc non eodem tempore per eandem aeris massam transmittuntur; sufficit autem vel tantilla differentia temporis, ut nullum sit confusionis periculum.

372. Diverforum igitur sonorum transmissionem occursum, & incursum in aere facta considerando: nullum apparet confusionis periculum. Aliqua semper inter eos sonos est quoad directionem, aut tempus, aut magnitudinem, vel gravitatem & alias relationes differentia. In omnibus convenire duo soni vix possunt. Tantillum autem vel in uno ex iis capi-

pitibus discrimen difficultatem, seu confutionis periculum collit.

373. Simili etiam modo aliud difficultatis caput solvitur. Sonos inter se diversos eodem plane tempore, eademque directione in membranam tympani appellere, numquam demonstrabitur. Per diversas directiones ad externam aurem appellentes, per diversas etiam lineas versus cochleam, diriguntur, tympanumque pulsant. Radios enim per diversas vias, & diversis sub angulis in obstaculum incidentes, distinctis similiter semitis, & angulis reflecti, & post reflexionem tendere, pura est reflexionum lex. Indubium autem est vibrationes tempore, & directione diversis in corpus elasticum incidentes, & pessimum transmissas pari etiam distinctione transmitti.

374. Quarto opponi potest: Si soni essent vibrationes, seu oscillationes aeris; naturam & affectiones oscillationum servare deberent: non tamen servant: etenim oscillationes pendulorum, ut in Statica Physica demonstravimus, sunt inter se in ratione subduplicata longitudinum ipsorum pendulorum, seu ut radices quadratæ distarum longitudinum; oscillationes autem chordarum sunt, ut ipsarum chordarum longitudines: non igitur generalem oscillationum legem sequuntur. Difficultas ad hoc unum reducitur, unde scilicet sit, quod vibrationes chordarum, & aeris sint in ratione longitudinum: quare enim non omnes eandem simplicem, aut subduplicatam longitudinum rationem sequuntur?

375. Resp. Id pendere ex natura causæ, seu virium oscillationes efficientium. Non est universim de natura omnium oscillationum, ut subduplicatam longitudinum rationem servant; proprium id est gravitatis, seu pendulorum, quæ sola gravitate ad oscillandum aguntur, ob rationem; & demonstrationem, quam in loco citato dedimus, quem consulere oportet. Vibrationes tamen ab virtute elastica aeris generatæ expositam hactenus rationem servant: id autem discrimen ex diversa elasticitatis, atque gravitatis indole enascitur, ut ex iis, quæ de hisce viribus disputavimus, satis constat.

376. Opponi tandem, aut quæri potius posset, quo pacto ope sonorum, atque auditus corporum distantiam

tiam percipere possumus? Verum circa hæc ab experientia, & usu de objectorum distantia judicium ferre ediscimus: certum tamen est, in innumeros passim errores iis in rebus humanam mentem labi: in majoresque incideret, nisi aliorum sensuum, vi-
lus potissimum, ope afferretur remedium. Homo a natiuitate surdus, & adulta jam ætate auditus sen-
sum tandem assecutus, longe alias de sonis, eorum-
que effectibus ideas acquireret, quas nos a cunis, summæ ignorantie, & præjudiciorum tempore, so-
nis semper audiendis, non tamen distinguendis af-
sueti non habemus.



VISIO,

S E U

OPTICA PHYSICA

VISIONIS OBJECTUM,

LUX SCILICET ET COLORES,

NATURA, MODUS,

PROPRIETATES.

377. **A** Mænissimam aggredimur Physicæ partem, in qua mira adeo sunt, & amœna, quæ explicantur phænomena, & mentem illa suavitare, eoque fascino afficiunt, ut vix hominem dixerim eum, quem huiusmodi tractatus non targat, & ad mirabilia visionis ediscendum, & examinandum non moveat. In tres partes dividitur Optica, pro tribus potissimis luminis proprietatibus, & muneribus, quæ ad visionem referuntur: *Opticam*, *Catoptricam*, & *Dioptricam*, seu in visionem *Directam*, *Reflexam*, & *Refractam*: quibus prænitet debet Physica de natura luminis, & mirandis ejus proprietatibus, atque de coloribus dissertatio.

L E C T I O IX.

De luce, ejus proprietatibus, & phænomenis.

378. Nihil est luce clarius in mundano rerum naturarum systemate; nihil etiam est luce ipsa obscurius, si rem, ut Philosophum docet, introspeciamus. Tot difficultatibus involvitur, & inter abditos adeo naturæ recessus lux ipsa laret, ut in ejus natura assequenda animum fere despondeant Philo-

sophi. Quæ experientia, ratio, observationes, quantum humana industria potuit, edocuerunt, quæ potero brevitate & claritate proponam, & explicabo.

D E F I N I T I O .

379. Lucis nomine id intelligimus, quod objecta aliqua luminosa, cætera vero illuminata efficit, eumque in nobis sensum excitat, quem nuncupamus visionem, & quo veluti medio corpora a nobis remota, eorum magnitudines, & figuras, & positiones aspectamus, dioscimus, & cum illis commercium habemus. A diversis hisce muneribus *lucem*, & *lumen* distinguunt: licet in communi loquendi modo idem utroque nomine significetur. *Lucem* igitur id nuncupant, quod in objecto luminoso existit, & claritatem, seu actionem suam, circumquaque spargit; *lumen* vero ipsam claritatem, seu actionem per medium spatium a luminoso corpore sparsam, & derivatam. Unde etiam priorem illam *lucem* appellant *primariam*, posteriorem vero *secundariam*, & *derivatam*; divisiones nullius fere momenti.

380. Radius lucis est linea tenuissima partícula, seu vibrationum ab objecto aliquo luminoso, vel illuminato usque ad oculos v. g. continuata: qui quidem radius oculos ingrediens eum in illis motum, aut impressionem efficit; ex quo sequitur sensus, quem nuncupamus *visionem*. Si lux in effluviis partium heterogenearum statuatur; is erit radius *simplex*, qui ex unius tantum speciei particulis componitur; si ex pluribus diversarum specierum consurgat, *compositus* appellabitur. Radii igitur luminis sunt (Fig. 2.) EA, EF, EB.

381. Radius potest esse *directus*, *reflexus*, aut *refractus*; quid hæc nomina significant alibi exposuimus. Radii *divergentes* sunt ii, qui ab eodem puncto egressi a se mutuo recedunt, v. g. radii (Fig. 13.) AH, AH. Radios *convergentes* eos appellamus, qui ad se mutuo accedunt, dum continuantur v. g. radios HD, HD; qui versus D ad se mutuo semper accedunt.

382. *Intensio lucis*, seu lux intensa sunt copiosi lucis radii convergentes seu in eodem puncto, aut in exiguo spatio existentes, aut congregati. *Lux remissa*

missa est exiguus radiorum luminis numerus in spatio non exiguo. Lucernæ cujuscunque E (Fig. 2.) radii EC, EG &c. recedendo a lucerna, & a se invicem, efficiunt lucem remissam: congregati in lucerna sunt lumen intensum.

Corpora lumine proprio lucentia, *luminosa* nuncupamus; qualia sunt sol, stellæ fixæ, flamma. *Illuminata* vero illa sunt, quæ lumine mutuo atque ab aliis accepto splendent, ut v. g. aer., paries, terra &c.

Pellucidum, vel, ut dici solet, *diaphanum* est illud corpus, quod lucem transmittit v. g. aer, vitrum, aqua, crystallus. *Opacum*, quod luci transmissum negat v. g. saxum, arbor, terra.

ADNOTATIO HISTORICA.

383. Quid circa lucis naturam statuunt philosophi; quænam etiam nostra sit sententia, eruditionis gratia in antecessum quæres. Sunt, qui illam medium aliquid esse inter corpus, & spiritum autumarunt: ex lucis enim phænomenis conficere illi videbantur, eam neque spiritum, neque rem corpoream esse posse. Peripatetici lucem qualitatem quamdam a luminoso corpore circumquaque productam, & propagitam. Duplicem philosophandi modum penè obliteratum, aut vix jam a paucis probatum, nihil sane res physicas explicantem, paucis retulisse satis.

384. Tertia sententia, eaque celeberrima, & antiquissima authores habet Democritum, & Epicurum, quos postremis hisce temporibus adeo illustrarunt Galilæus cum atomistis plurimis, imprimis vero Newton, & præclari ejus discipuli; ut quæ Epicuri reapse est, Newtoniana modo dicatur sententia. Hi ad unum omnes, cum Cartesianos vortices, & pleni systema penitus rejiciant, lucem in perennibus subtilissimæ materie torrentibus e sole, & reliquis luminosis corporibus effluentibus, & circumquaque delatis constituunt.

385. Quarta sententia, quam Cartesius primum excogitavit, lucem in æthere materie, omnia mundana spatia occupantis, pressione rectilinea a luminoso corpore facta, & ad nos usque transmissa sine ullo tamen vero motu, stam esse asserit. Descartes aëtionem lucis illiusque transmissionem a sole usque ad quemcumque

terminum momentariam, seu citra omnem temporis successione[m] posuit. Cum vero id, & alia mox exponenda, post Cartesii tempora experientis, & calculis contraria deprehenderentur; aliqui Cartesiani, retento indicatæ sententiæ fundo, plurima mutarunt, & feliciter exposuerunt.

386. Plurimi tandem hodie lectissimi physici & præclari alioqui Geometræ, qui naturam solummodo, rationem, experimenta audiunt, systemata vero rejiciunt, nullam ex prædictis sententiis probant: sed lucem eadem ratione explicant, atque sonum. Hanc nos etiam opinionem aliis omnibus longe præferendam, atque omnino tenendam existimamus. Interim distinguere semper oportet inter lucem extra animam, & lucem intra animam, ut fusc jam exposuimus, cum de sono & de generali qualitatum notione disputavimus.

P R O P O S I T I O . X X .

387. Lux aut lumen extra animam existens est aliquid materiale, materia, aut modus materiæ: medium proinde non est inter corpus & spiritum.

Lux habet proprietates, & affectiones solis corporibus convenientes: a luminoso corpore impellitur, aut vibratur: oculorum retinam ipsa etiam impellit; & cum intensissima est, vehementer offendit, & ferit: ita ut lucis impressionem sustinere non valeamus. Hinc nullus hominum ad solem fulgentem recta collineare potest. Qui latiores habent pupillas, & nimiam lucis copiam admittunt, in parietes calcæ dealbatos, in montes nive coopertos, & lucem solarem reflectentes oculos intendere citra molestiam non possunt. Cum a tenebris ad magnam lucem repente transimus; magna lucis claritas vehementer oculos offendit. Constat etiam propositionis veritas ex vi impellendi corpora in radiis lucis animadvertita, & motu ejusdem: eorum enim alternum, vel utrumque in luce reperiri demonstrabimus. Illa præterea per lineam rectam motu suo directo progreditur, aut propagatur: in corpora impingens reflectitur, refringitur, directiones pro libito nostro mutat: hæc omnia uni materiæ, seu corpori conveniunt. Allatæ modo rationes, & plura alia, quæ adduci possent, argumenta peripateticam illam sen-

tentiam superius indicatam pariter evertunt. Sed opinionem verbis citra sensum conceptam, nihil explicantem, & ubique exploram omittamus.

PROPOSITIO XXI.

388. *Lux aut lumen non est effluvium aliquod particularum a corpore luminoso perenniter erumpentium, ut posuit Epicurus, affirmant Atomistæ, & Newtoniani.*

Ut modo dicenda intelligantur, in mentem revocanda sunt, quæ in Astronomia Physica circa systema vacui exposuimus; in sententia enim recentiorum, qui Epicuri opinionem tenent, sol statuitur corpus fluidum, quasi sphaericum, immensis spatiis circumdatum, quæ perenniter illuminat, immensos, & rapidissimos materię torrentes, singulis temporis momenti ex se se quaquaversum emittendo, quibus vastissimos illos orbes illuminat, hoc est, materia lucis semper nova, & transeunte adimplet. Orbis saturni diameter 600. fere leucarum milliones extenditur: nec solummodo capacissimum hunc sphaericum orbem perenni fluentis lucis torrenti suffundit sol; verum eam in multo majores distantias, usque ad stellas fixas emittit, inter quas sol ipse numeratur.

389. Summa totius rei est, sol, stella quæcumque fixa, corpora enimvero vastissimæ molis, rotunda, ex se se luminosa, spatiis vacuis circumdata immensos subtilissimæ materię torrentes, undique semper emittunt. Subtilissima hæc materia per tota illa spatia, & orbes obfusa, & velocitate delata, qua singulis minutis temporis 4 leucatum milliones conficiat, hæc, inquam, materia illud est, quod in animantium oculos motu incurrens, eorumque retinas perenni ictu percutiens, cum in anima sensum, seu cognoscendi modum excitat, qua dicitur visio, & lumen. Illud fluidum est materia lucis: illius actio est motus: materia illa sine motu est corpus opacum, obscurum, neque illuminans corpora, neque ad visionem conferens. Lux igitur, hoc est, impropria extra animam, est ictus materię fluidissimæ: lux propria, lumen, claritas sunt actus, & sensus animæ, seu animantium. Hæc quidem postrema sunt
vera:

verae de materiae effluvio impraesentiarum tantum agitur.

390. Hisce positis propositionem sequentia capita evincunt. Si perennes illi ; & vastissimi particularum torrentes e sole semper circumquaque effuerent , & rapidissimi erumperent , fieri non posset , quin jam dissipatum esset solare corpus : sunt enim prope 6 annorum millia , ex quo illi materiae torrentes e sole perenniter erumpunt , & per immensa caelestia vacua disperguntur , & abeunt , quin ad solem revertantur. Hujusce argumenti vis ex jam dicendis magis adhuc confirmatur ; eam ut enervent Epicuri sententiae sectatores , mirabilem particularum erumpentium tenuitatem , & enormem solis massam nobis reponunt. Materiae particularum subtilitatem imaginationis humanae vim superare , & solarem sphaeram seu volumen decies centies millia , seu ; ut dici jam solet , millionesies terram nostram excedere non ignoro ; attamen si solaris massa cum immensa spatiorum solaris orbis capacitate usque ad fixas conferatur ; quae quidem spatia immensa ad singula momenta novis eruptionibus , & effluviis luminosis secundum adversarios repleri debent ; incredibile prorsus apparet , solem non illico in momento temporis evanuisse . Sol enim est omnino insensibile punctum , immo fere nihil , si ad spatia a se illuminata referatur . Jam vero cogitando apprehendendo , si potes , quo pacto illud *fere nihil* , & punctum insensibile solare a 6 mille annis fluxu perenni constanti , & semper novo integram illam spatiorum vastitatem inficiat , & semper repleat , quin vel in momento fuerit dissipatum .

391. Mirum est , in quot se volvant partes emissionum assertores , ut instantem semper hanc difficultatem diluant . Alii enim , ut jam dixi , ad subtilitatem effluentis materiae confugiunt ; praecipue vero P. *Boschovich* , qui calculo ingenioso deducto , demonstrare contendit , materiam per 6 mille annos a sole emissam vix digitum cubicum aequare . Alii ad cometarum casus in solem ; alii alias quaerunt solvenda difficultatis rationes : omnia tamen vera non esse , vel ad evidentiam probabimus .

392. Accedit , quod in immenso hoc solari orbe usque ad stellas fixas nullum sit sensibile spatium , quod novo

lumine solari ad momenta singula non repleatur; da enim quodvis tantillum spatium: minimum insectum inibi locatum claritatem, objecta, & se ipsum perspiciet; id igitur spatium insensibile luminosis particulis, & effluviis est semper plenum, & ad singula momenta repletur: cum emissiones solares, seu luminosæ particulae a sole semper moveantur, & velocissime ulterius abeant. Argumenti efficacia magis apparet, si illa insecta consideres, quorum 27. milliones exiguam blattam adæquent: perpende, quæso, quales erunt eorum oculi; quales pupillæ, & spatia a pupillis occupata. Uno verbo: Detrahe quodcumque spatium minimum in vacuo cælesti: inter illud, & solem nullum est impedimentum lucis: quare igitur non erit semper illuminatum: ergo omnia illa spatia sunt luce plena in singulis momentis.

393. Hujus doctrinæ consequentia esset, spatia cælestia, quæ juxta Newtonianos omnes vacua esse debent, ne platearum motus tantillum perturbent, esse fluida materia omnino plena, hujusmodi igitur effluviis emissionibus cælestia vacua tollunt & totum systema evertitur; cum juxta prædictos philosophos omne medium fluidum motui resistat; resistentia autem attractionum vires, & effectus impediat.

394. Id etiam consequeretur, spatia cælestia esse fluida corpora perinde, ac terra, & planetæ reliqui, densa: in his igitur spatiis planetæ solis attractionum viribus sese moventes, motum suum omnem amitterunt, antequam spatium trium diametrorum conficiant, ut contra systema pleni demonstravit *Newton*.

395. 2. Incredibile proffus est, ignem terrestrem v. g. lucernam hujusmodi emissionibus effluviis spatium circa se illuminare: quo enim pacto spatium millionesies, & millionesies majus candelæ flamma effluviis impleret? Exiguam lucernæ flammam, materiam maxime raram, cogitando divide per integrum spatium a lucerna illuminatum, v. g. per orbem, cujus diameter sit leuca. Ea particularum per dictum spatium divisione facta, a te ipso quære, sit, necne illud spatium vere a lucerna, materia scilicet luminis, ut modo demonstravi, plenum. Adde integram flammæ materiam singulis momentis dissipari, & aliam in dissipatæ locum per medium

dium ellychnium suppeditari: idem igitur potiori jure in sole eveniet.

396. 3. Cum spatia cælestia ab adversariis ponantur vacua; solaris autem massa perpetuo circa axem suum circumvoluta a centro semper recedere conetur; qui fieri poterit, ut tota solis materia non dissipetur, & per cælestia spatia diffundatur? Habent enim particulae solares vires semper ad egrediendum urgentes, nullam vero resistantiam in vacuo. Deinde si subtilissimæ solares particulae virium centralium beneficio a solis centro propellantur, & per cælestia spatia usque ad terram, planetas, & fixas projiciuntur; cur densiores, & crassiores massæ eandem non sequuntur viam; cum majoribus ad egrediendum viribus impellantur, a nulla autem resistantia detineantur? Respondent (*): partes majores, crassiores, & densiores detineri a gravitate, hoc est, ab attractione versus solem, ne ab illo recedant, & propellantur. Recte id quidem in aliorum philosophorum systemate: nequaquam tamen in Newtoniano secundum Physicæ leges, & principia ab iis philosophis stabilita. Si attractio impedit partes crassiores; impedire etiam debet subtiliores. Corpora enim quæcumque inæqualia ab eodem communi corpore attracta, æqualiter attrahuntur in iisdem distantiiis: agit enim attractio in ratione massæ corporum attrahentium. Si dicis ob majorem crassiorum particularum superficiem, & plexum, tenacius eas partes in contactu attrahi, quam subtiliores: probanda primum tibi est hæc exceptio a generali lege attractionis; ita enim arguo: attractio agit solummodo secundum massas, non secundum superficies extra contactum: ergo etiam in contactu: etenim vis agit & attrahit corpus, non vero superficiem, quæ procul dubio non est corpus. Deinde quo subtiliores sunt partes, majorem habent superficiem, ut ex Geometria constat: ergo ex hoc etiam capite tenacius attrahi debent subtiliores, quam crassiores partes. Secundo, vis centrifuga major est pro majori revolutarum partium massa & densitate: partesque

(*) In eorum enim sententia attractio, & gravitas idem omnino sunt.

que licet aliunde in centrum graves, eo facilius, & citius a lux gravitatis centro recedunt; quo major fuerit earundem circumvolutarum partium massa, & densitas, velocitas vero æqualis, ut de centralibus viribus est demonstratum: cum igitur a Nullo alio præter gravitatem, seu attractionem, quæ idem est, ac gravitas secundum adversarios, impedimento detineantur partes crassiore; multo facilius & citius, quam subtiliores a centro recedent, totiusque brevissime dissiparetur; & evanesceret sol. Corpora crassiora, & densiora, seu majoris massæ, majorem, quam subtiliora habere vim centrifugam, & citius, longius, velociusque a centro recedere, si in eodem circulo cum eadem velocitate volvantur; in loco ratione, & experientia demonstravimus, atque a nullo negatur.

397. 4. Quartum argumentum vim illam spectat, qua lucis materia a sole projicitur. Eam non esse vim centrifugam, ita demonstratur. Corpus (v. g. lapis in funda) vertigine circumactum, & postea sibi libere permissum, ea velocitate projicitur, & defertur per tangentem, qua revolvebatur circa centrum, cum motum per tangentem accepit: in tangenti enim ea semper æquabili velocitate defertur, quam habuit in primo elemento tangentis, quod est commune segmentum curvæ, & ipsiusmet tangentis, hoc est; in contactu tangentis; & curvæ. Sol ex omnium Astronomorum observationibus 25. dies in vertigine sua absolvenda impendit: cum autem illius diameter sit ad diametrum telluris, ut 100 ad 1, diameter vero telluris sit 2400 leucarum; erit diameter solis 240000 leucarum: ergo circumferentia æquatoris solaris habet 720000: particula ergo in æquatore solis existens 25 diebus, hoc est, 36000 minutis percurrit 720000 leucas: ergo in uno minuto percurrit solummodo 20 leucas motu vertiginis: ergo lucis particula per vim centrifugam a solis vertigine acceptam percurreret in tangente 20 leucas singulis minutis: atque secundum Newtonianos lux a sole usque ad Terram, in 32. scilicet leucarum millionibus percurrendis, impendit solummodo 8 minuta; ac proinde singulis minutis 400000 leucas, hoc est, quatuor leucarum milliones peragrat: ergo demonstratione constat, lucem ad nos virtute centri-

fuga

fuga non pervenire. Quænam igitur caussa miræ illius velocitatis, 400000 leucarum in minuta singula, qua fluidum illud a sole projicitur, seu repetitur? Quænam etiam paris repulsionis, & velocitatis causa in accensa candela? Sed de causæ ipsius difficultate conveniunt, de eæque assequenda desperant etiam Newtoniani. *Il n'y a rien, que nous soit moins connu, que la cause de l'emanation de la lumière*, inquit Muschembroek (a).

Satis tamen haud est, ignotum fateri causam: illa insuper eorundem philosophorum principiis est contraria. Vis centrifuga non est caussa sufficiens: attractio expulsiōi, seu effluviis opponitur: vastissima etiam solis massa, attractionis vim augendo, emanandi difficultatem augeat.

394. Juxta Newtonianos hujusmodi solares emissiones 7 aut 8 minuta prima temporis impendunt, ut a sole ad terram deferantur (b): cum igitur solem in horizonte videamus per illos radios, seu emissiones, quæ, cum horizontem attingit, ad nos emanent; solem in horizonte spectabimus, cum jam duobus gradibus ab horizonte fuerit elevatus, seu 8 minutis a transitu per horizontem exactis. Saturnus decies fere magis a terra distat, quam sol (c). Saturnum igitur tum in horizonte, aut meridiano spectabimus, cum jam 15 & amplius gradibus, eos circulos fuerit prætergressus, hoc est; post unam & amplius horam a vero transitu Saturni per horizontem, aut meridianum.

395. Rursum Stellæ fixæ juxta ipsos etiam Newtonianos infinite fere magis a nobis distant, quam sol, aut Saturnus: consequens inde erit, stellam fixam v. g. Syrium in meridiano a nobis spectari post plurimos dies, aut hebdomadas a vero illius transitu per meridianum exactas. Nulla proinde astra in locis, ubi existunt, spectari a nobis possunt e terra: sed mera solummodo astrorum phantasmata observamus: Stellam v. g. in meridiano supra horizontem videbimus, cum ea in meridiano infra horizontem

(a) Apud Voltaire *Mélanges* vol. 8. pag. 187. &c.

(b) Vide Gravess. Muschemb., Desaguliers &c.

(c) Vide *Astron. Phys.* Lect. 3, 5.

tem existit, & sic de mille alijs. Similiter in luminosis terrestribus; cum eorum lux in effluviis emissionibus consistat, qui temporis successione propagantur; faculam eminens lucentem spectabimus, cum illa jam fuerit extincta, aut in alium locum translata. Cum vero recentiores Astronomi (ii vero potissimum, qui vacua cœlestia, attractionem, & *Epicuri* sententiam circa lucem tenent) ex annua orbis magni parallaxi stellas fixas primæ magnitudinis ad distantiam 12614400. millionum leucarum removeant; 6 annos impendit lux, ut a viciniore stella fixa ad nos usque deveniat; quare *Adam* post 6 annos primum stellas in cœlo fulgere animadvertit. Deinde eorum etiam Astronomorum aliqui stellas eo magis a nobis remotas esse contendunt, quo minores apparent: & hinc, ut a sextæ magnitudinis stellis ad nos usque deveniat lux, 36 annos secundum eos Auctores impendit.

396. 6. Quo tandem abeunt immensi illi effluviis torrentes a sole per totum solarem orbem diffusi? quo tandem sistunt? Equidem quod primum attingit, a sole per immensa cœli spatia nihil est, nisi vacuum secundum adversarios; si astra excipias, quæ relata ad illa spatia sunt puncta insensibilia, & fere nihil: cum igitur torrentes luminosi immensa rapiditate ferantur, nullamque in vacuis offendant resistantiam, aut causam illos detinentem; neque sistere, neque regredi possunt: quo igitur tandem aliquando abeunt, velocissimo illo motu per inertiam conservato?

397. 7. Per exiguum foramen in charta cuspidæ acus apertum fere integrum hemisphærium perspicitur: opus igitur est, ut radii, seu emissiones luminosæ a singulis integri hemisphærii objectis per exiguum ejusmodi foramen una simul ingrediantur; neque tamen alia ab alijs perturbentur: quo autem pacto id fieri possit, explicari in hac sententia nequit: omnes illi radii sunt infiniti materiae torrentes, seu subtilissima fila, & fluxiones perennes: per angustissimum foramen, tamquam per centrum transeunt, ab omnibus integri hemisphærii punctis per infinitas directiones emissi; & se se idcirco secantes, & penetrantes.

PROPOSITIO XXII.

398. Illud corpus est luminosum, cujus particulae insensibiles a se invicem divisa motu intestino cidentur, crebris, vividisque oscillationibus perenniter explicantur, & retrahuntur: lux proinde, prout in corpore luminoso existit, in ejusmodi insensibilium, & subtilium partium corpus fluidum constituentium motu, & promptissimis oscillationibus consistit.

Jam superius dixi, lux, claritas, visio re ipsa est modus percipiendi objecta, quaedam cognitio, & sensus animæ: hujusmodi sensus, & representatio objectorum in anima habet causam physicam externam excitantem in objecto viso, seu per illum modum representato: causa illa, quaecumque tandem existat, vulgo nuncupatur lux; corpus, in quo inest, & ex quo emittitur actio, *luminosum*; seu *illuminatum*: de physico illo externo principio modo agimus: quid illud sit, quaerimus, & statuimus. Omnia corpora inflammata sunt eo ipso luminosa: hujusmodi sunt sol, stellæ fixæ, lampades, & flammæ quaecumque terrestres: ut omnium sæculorum nos docet experientia. Quin immo corpora quaecumque semel ac inflammantur, luminosa fiunt & lucem ex se emittunt, ut in oleis, cera, lignis & mille aliis corporibus passim observamus: generatimque lux cum calore, & igne, flammæ cum luce semper conjungantur. At motus oscillationis, & intestinus subtrillium, & insensibilium partium cujuscumque corporis flammam, seu igneam corpus (saltem imputum) constituit: quin aliud requiratur: ergo idemmet partium motus luminosum corpus efficiet: eoque uno posito; lucidum evadit corpus. Non inferior tamen, peculiarem illum materæ motum, qui lux est, non nihil habere puræ ignis rationi non necessarium, secundum illa, quæ de ignis elemento agentes disputavimus.

399. 2. Corpora aliqua luminosa fiunt, lucemque ex se, tamquam phosphori, emittunt, eo solum quod vehementer atterantur, & fricentur; qualia sunt adamas inter pretiosa Regis Angliæ asservatus (a).

3. Si-

(a) Apud Boyle, & Nollet lect. 15.

3. Similiter aliquæ carnes, squammæ piscium, & ligna putrescentia, & in tenebris posita lucent.

400. Innumera fere sunt corpora, quæ arte præparata fiunt luminosa, & in tenebris splendent. Ut id rei obtineatur, corpora alio alia tractantur modo. Aliis quidem satis est exsiccari: nonnulla debent etiam calefcere; cõquuntur alia ad ignem; non vehementem: solvi tandem, aut in caltem redigi sæpe etiam opus est. Pauca enim vèro sunt corpora, quæ aliquo ex his modis tractata, lucem ex se se non emittant, & inter naturales phosphoros non numerentur, ut multiplicit tentamine factò observant *Beccari (a)*, & *Du Fay (b)*: qui hujusmodi argumentum studiosissime prosecuti sunt. Arena, lapides duri, blandi, opaci, pellucidi; animalium partes in lapidem versæ, multiplex terræ species, sales, carnes, ossa, nervi, & imprimis papyrus, tentaminibus subjecta rem probarunt. Uno verbo *Du Fay* ea potius corpora numerat, quæ aliquo ex indicatis modis præparata non luceant, quam ea, quæ lucem, velut phosphori emittunt. Modis autem indicatis insensibiles corporum particulæ motu intestino agitantur, aliæ in alias moventur, & a se se invicem expediuntur; si igitur corpora hoc pacto tractata hisce motibus affecta emittendi lucem vim acquirunt, & fiunt luminosa; lux lucentis corporis in prædictis partium insensibilium motibus, & affectionibus consistat: corpusque quodcumque evadet luminosum, semel ac ejus partes relatis agantur motibus.

401. Datum quodcumque corpus terrestre, v. g. lignum, parumper consideremus. Rude illud cras- sum, durum, opacum, imperfecte corpus accendatur: quod vel parvæ aliquando scintillæ casu, aut inter- na fermentatione accidere potest. En obscuram ha- ætenus, inertemque materiam, ne lucis quidem indi- cium edentem, in clarissimam modo flammam, lu- minosum corpus, lucem circumquaque emittens im- mutatam. Totum lignum, obscurum antea corpus, modo est luminosum, & lux ipsa. Cum eadem in

(a) *De quampulurimis Phosphoris &c. commentarius.*

(b) *apud Nollet loco cit.*

utroque statu sit materia; esse modo luminosam, ab eo tantum est, quod de novo eo in corpore accidit: id autem est purus intestinus, & oscillationis motus: quod vel ex ipsius inflammationis ratione constat. Hæc vero ut plurimum est inflammationis gradatio? Calefcit corpus: ex natura caloris partes corporis paulatim calefcenstis gradatim solvuntur, agitantur, aliæ in alias moventur: partes singulæ, integrumque idcirco corpus dilatatur: se se dilatando iterum constringitur, & restituitur: quæcumque tandem sit ejus restitutionis causa. En corpus sensim calefcens, ignescens, inflammatum, luminosum. Caloris, atque ignis naturam superius expolitam non ignorantia omnia hæc sunt manifesta.

COROLLARIUM.

402. Corpus igitur esse luminosum, seu lucidum, est quidam corporis ipsius status: internaque & primaria eorum lux est modificatio quædam particularum ipsius corporis, seu partes substantiales corporum certis motibus, & modificatione affectæ. Si enim omnes insensibiles corporum lucidorum, v. gr. solis partes sistant, coalescant, & coagulentur; sol obscura quædam massa fieret, nullamque ad nos lucem emitteret: ut ii etiam fatentur, qui Epicuri opinionem tuentur. Eorum sententia particulæ lucis, amisso motu, jam non sunt lux: & cometa, hoc est, planetæ opaci vertuntur in lucem, si in solem cadant. Id autem non accideret, si corpus luminosum esset per naturam suam luminosum, ejusque partes ex se se, & in quocumque statu essent lux.

PROPOSITIO XXIII.

403. Lux extra corpus luminosum existens, ab illoque emissa, seu propagatio lucis per medium corpus pellucidum circa luminosum sunt eademmet vibrationes materiæ corporis luminosi circumpositæ auriæ communicatæ, & per eandem transmissæ: soni oscillationibus, & naturæ prorsus similes.

Antequam propositionem probemus, indicatam jam superius Cartesii opinionem exponamus, ut quantum

in-

inter Cartesianam hypothesim, & nostram sententiam intercedat discrimen, manifeste appareat.

Des Cartes igitur rem ita conceperat: corporis luminosi v. g. solis partes a se invicem divisæ exposito hætenus motu inter se cientur: solis præterea integra massa fluida, & in subtilissimas partes divisa circ. proprium centrum velocissime convolvitur. Unde fit, ut tota hæc enormis massa, singulæque illius partes a centro recedere viribus centrifugis semper conentur: materiam igitur ætheream circa solem positam premunt, impellunt, & remove adnituntur: cum igitur immensa spatia, a sole usque ad terram, & ulterius diffusa, materia ætherea, & subtili sint perfecte plena; inde fit, ut a sole usque ad terram, seu spectatoris oculum, unicum corpus continuum intercedere reputandum sit: impressio igitur prope solem a sole ipso in altero hujusce medii, seu continui corporis extremo facta, sine ulla temporis mora ad aliud extremum propagatur, & sentitur: ut in baculo, exemplo *Cartesio* familiari, fieri observamus, cujus si unum extremum versus aliud impellas, impullum illico in opposita extremitate sentimus.

404. *Des Cartes* ponebat primo luminis actionem momento temporis transmitti: ut ex hac expositione patet: nondum enim illius ætate observationibus, & calculis comperta erat ejus diffusio in tempore. 2. Materiam ætheream, seu materiam lucis, globulosam: hæc quippe erat secundum elementum *Cartesii*: Hæc quidem positio conceptæ hominis hypothesi erat conformis re tamen arbitraria. 3. Lucem non esse motum, sed solummodo nifum, pressionem, & conatum ad motum: neque materiam ætheream ab actione solis loco moveri illa deinde spatia esse perfecte plena ponebat. Horum primum recentiores emendarunt; secundum & quartum velut hypothesim probabilem multi amplectuntur; tertium omnes, aut fere omnes rejciunt. Cætera Cartesianæ sententiæ capita, & doctrinæ veluti fundum plurimi hodie tenent. Hanc sententiam validissime impugnarunt *Peripatetici*, demonstratione potissimum *Hydrostatica* statim exponenda circa fluidorum pressionem versus omnes partes æqualem. Quod ad nos attinet, puram pressionem, & nilum, sicut in sono, ita & in lu-

luce omnino rejicimus: ejusque vice utrobique statum oscillationis motum. De materia secundi elementi, illiusque figura nihil solliciti sumus; res enim est incertissima: aura ætherea nobis est aer subtilissimus. Circa poros, vacuos potius, quam plenos discernimus. Promptissime & vividæ oscillationes nobis sufficiunt.

405. Ad rem ipsam deveniamus. Lux per medium propagata, seu lucis diffusio non est accidens aliquod peripateticum, spiritus, aut res media inter spiritum & corpus: sed est materia peculiari modo affecta. Moveretur enim ab instrumentis materialibus, in motibus suis temperatur, & dirigitur, frangitur, resilit, in unum colligitur, ferit, corpora incendit, dissolvit, in pulverem redigit: quæ quidem omnia uni corpori competunt. At est corpus subtilissimum, & temporis fere momento immensam prope distantiam percurrit, & emittitur. Ejus motum perniciosissimum omnes agnoscunt: mirabilem lucis subtilitatem plurima passim phænomena demonstrant: vitrum, crystallum, lapides pretiosos, immo & aurum & quodcumque aliud corpus, si in bracteas dividatur, penetrat. Non est etiam lux emissio aliqua effluviolum, quæ a sole effluencia ad oculum usque deferantur: ut superius etiam demonstravimus: superest igitur, ut dicamus, lucem in explicatis materiæ vibrationibus consistere. Eorum enim alterum admittatur, oportet: lux aut materia subtilissima a luminoso ad oculos delata, aut motus per materiam non delatam transmissus: si primum evicimus falsum: consequitur alterum.

406. Secundum hanc quidem rei positionem melius, & facilius, quam in ulla alia, lucis phænomena explicantur: nullum deinde est experimentum, ratio, aut calculus, quo ejus falsitas ostendatur, aut secundum illam non explicetur, ut inductione ipsa evincemus. Rei igitur positio locum habet in natura: ad id unum omnium confessione redigitur sonus. Positioni respondent, ab eaque consequuntur omnia lucis phænomena: aliud opus non est ad causæ cujuscumque veritatem adstruendam.

407. Præterea in hac una sententia locum non habent nodosæ illæ difficultates, quas adversus Epicuri opinionem supra posuimus: quæ quidem absurda

multa in ea sententia demonstrant. Deinde facile intelligitur luminis propagatio, ejus directio per lineam rectam, luminis diffusio versus omnes partes, ita ut nullum sit in medio spatium, quod luce careat, luminis fractio, reflexio, in unum focum collectio, corporum pelluciditas, & opa itas, & plurima alia lucis phænomena, quæ velut sponte sua ex hac sententia deducuntur. Tandem summa rei in hoc unum reducitur: ad explicandam lucis naturam, proprietates, & phænomena eum rerum, & causarum agendi modum ponimus, qui & existit in natura, & ad rem, de qua agitur, explicandam satis est, & nullis præterea difficultatibus obruitur, quæ probabili responsione non diluantur: nihil etiam hypothesis a nobis adstruitur, quod in aliorum sententiis non ponatur, ut jam demonstrabimus. Præterea maxima analogia inter lucem, & sonum intercedens, & in sequenti lectione de Coloribus fuscè exponenda utrumque naturæ effectum eodem aut simili modo, & ratione peragi omnino confirmat. Præcipuas autem proprietates luminis ex nostra hac sententia deductas sequentibus corollariis exponimus.

COROLLARIUM I.

408. Lumen igitur, perinde ut sonus (cujus naturam superius exposuimus), a luminoso corpore, tamquam a centro, per lineas quidem semper rectas, sed quaquaversum in orbem, diffunditur, & propagatur. Luminosum corpus, cujus partes a centro semper recedere conantur, versus omnes partes distenditur, veluti inflatur, & circumstantem materiam impellit: cum autem spatia omnia circa luminosum sint materia subtili plena; circumstans hæc materia ob magnam, quam post se offendit, resistantiam repellitur, & se se restituendo luminosi partes in centrum repellit, ab iis alternè semper pulsanda. Alterna illa percussio in orbem luminoso concentricos propagatur; quilibet tamen radius seorsim recta semper dirigitur.

COROLLARIUM II.

409. Et hinc facile intelligitur, in immenso illo medio, seu spatio, quod solem circumdat, nullam esse ne tantillam quidem partem, quæ lucē careat: Cum enim alternis illis percussionibus integræ circularēs, & sphericæ massæ recta impellantur; nulla esse potest pars, quæ non impellatur: ad eum modum, quo injecto in aquam stagnantem lapillo, aqueus circulus, & periphæria circa punctum ætus concentrica, sensim dilatatur, & nullam in superficie partem relinquit, quam non impellat: Idem de lono suo loco diximus.

COROLLARIUM III.

410. Hinc etiam manifeste patet, lucem, seu lucis actionem, vim, & intensiōem eo magis debilitari, & minui, quo magis crescit distantia a corpore luminoso. Decreſcit igitur in ratione inversa quadratum distantiae a luminosi centro: Sit v.g. distantia (Fig. 2.) EC , 4, EA , 8: luminis igitur intensio in primo puncto C est ad luminis intensiōem in secundo remotiori, ut 64 ad 16, quæ sunt earum distantiarum quadrata: Superficies BAC , DA concentricæ augentur in ratione quadratorum distantiae a centro, seu radiorum (a): impetus autem, vis, seu actio luminis in ea ratione decreſcit, quæ augetur materia, per quam distribuitur (b): erit igitur intensio actionis luminis in diversis a luminoso distantis, ut quadrata earundem distantiarum inverse.

COROLLARIUM IV.

411. Lumine, seu lucis actione objecta omnia, in quæ impingit, vere feriuntur & percutiuntur; neque enim lux solummodo habet nisum, & conatum ad motum, sed vere movetur, aut potius in vero

mo-

(a) *Geometr. Elem. tertium* n. 138.

(b) *Tom. 1. Phys. Gen. lect. 15.*

motu materiæ consistit: & hinc vehementem luminis intensionem oculis ferre non possumus, ob delicatam pupillæ texturam: & ob id etiam quod solares radii, si copiosi fuerint, in retina collecti, ignem accendunt, ut inferius late explicabimus, cum de visione sermo nobis erit.

COROLLARIUM V.

472. In sphaera integra luminosi corporis punctum intensiori lumine perfusum, & illustratum, est ipsum luminosum, quod est veluti commune centrum omnium radiorum. Eo loci sunt radii plurimi, spatium minimum. Ab eo recedendo decrescit sentim lux in data modo ratione. Quod scilicet radii ab ipso luminoso semper divergendo, & ad majus spatium sese diffundendo, & dispergendo propagentur. Hinc enim necesse est, ut majorem materiæ quantitatem offendant, & debilius eam impellant. Unde etiam deducitur, luminis intensionem non fore minuendam, si radii a luminoso emitterentur inter se paralleli. Hæc omnia de sono pariter demonstravimus; sed de his, & aliis huc spectantibus iterum loquemur, cum de illuminatione, & visione disputabimus.

COROLLARIUM VI.

473. Manifeste etiam deducitur, lumen ex diuturna præsentia luminosi in medio non intendi. Cum enim eadem semper actio luminosi, & vibrationes perseverent; iisdem semper viribus medium impellitur, & percutitur. Idem in sono quotidie observamus: quantumvis eadem vox semper in aliquo loco edatur; soni tamen intensio numquam augetur: cum eadem aeris vibrationes, & undarum efficacia perseverent. In calore contrarium accidit: ad ignis enim diuturnam præsentiam augetur, & intenditur semper calor; cum aliæ semper, & aliæ particule ad motum concitentur, ut late explicavimus, cum de igne & calore differuimus.

COROLLARIUM VII.

414. Huic sententiæ cohæret, & secundum illam explicabis, quod in sacris litteris refertur, (a) lucem scilicet primo die a Deo factam, cum Sol tamen quarta tantum die creatus fuerit: Prima scilicet die creavit Deus materiam ætheream, quæ est ipsa lux materialis; certas ipsi, motiones impressit; iis prorsus, similes, quas modo a Sole accipit; ut universum mundum illuminaret: Die vero quarta factus est Sol, qui certis legibus, & continua vibrationum seriæ eandem materiam impelleret; & mundum, seu solarem nostrum orbem illustraret. Duæ aliæ luminis proprietates, nempe reflexio, & refraction totius *Catoptrica*, & *Dioptrica* fundamentum, commodius infra exponentur, cum duas hascè *Opticæ* partes physice explicemus. Alia etiam ad luminis naturam, & effectus spectantia ex ipsa etiam difficultatum solutione intelliguntur.

Solvuntur Argumenta opposita.

415. Vix suam de lumine sententiã in medium produxerat *Descartes*; cum plurima in eam argumenta congeslerunt Peripatetici, quibus Cartesium validissime impugnarunt, ut videre est; apud scriptores passim Cartesio cœvos, nominatim vero apud *Fabry*, doctum, ingeniosum, & nobilem Peripateticum. Plurimè ex argumentis Cartesio objectis nostræ etiam sententiæ opponunt Peripatetici, & ex Peripateticis Epicuri sectatores. Præcipua sunt sequentia:

416. Opponitur igitur primo: In sententiã, quam defendimus, diffunditur lumen per percussiones, & undas circulares; seu sphericas, quemadmodum sonus propagatur; at sonus non tantum lineis rectis; sed etiam obliquis, in latera circa obices, quos in via offendit, propagatur, perinde, ut in aqueo circulo, in aquæ stagnantis superficie a lapidis lapsu exorto, & sese paullatim dilatante observamus; il-

lius

(a) *Genesi* cap. 1.

lius periphæria, si ad arborem v. g. in media aqua extantem diffundatur, a primo contactu circa illam se veluti rumpendo flectitur, eam circumambit, & in averfa trunci parte iterum uniuntur divisæ periphæriæ partes. Hoc igitur modo etiam lux propagaretur: at lux in directum solummodo tendit: ruic igitur nostra sententia. Huic argumento magnopere fidunt, qui *Aristotelis*, & *Epicuri* opiniones tenent, illudque iterum hac alia forma proponunt. Numquam essent tenebræ, inquit, si staret nostra sententia; lux enim, ad instar soni propagata, non solum recta, sed etiam trans obstacula rectam viam impediencia in orbem quaquaversum diffunderetur; ac prout etiam noctu vibrationes humanæ per fluidum terram circumdans propagatæ ad nos usque venirent, & communicarentur.

417 Corpus quodcumque sonorum, & sonans A (Fig. 31.) sonum circularibus undis quaquaversum diffundit: sonus tamen, seu undæ aeræ in impedimentum I (Fig. 37.) impingentes, flectuntur trans arborem, communicantur particulis L, & sonum illic percipis, & audis. Similiter sonus per foramen, seu portam CD egrediens, ex B quasi ex novo centro novis undis CHD, GFE diffunditur: ita ut & in F, & a lateribus GE trans murum corporis A sonum audiamus. Similia igitur esse lucis phænomena: lux a sole in tellurem impingens, circa ipsam flecti deberet, & in averfa ejusdem parte clare percipi: ubi est perfecta nox. Ratio argumenti petitur ultimo a varia combinatione particularum corporis fluidi, atque a nota fluidorum proprietate: quod scilicet fluida prementia, aut pressa æqualem versus omnes partes pressionem transferant, & communicent. Quamdiu etiam, inquit *Fabri*, particula ABCD (Fig. 38.) in eadem fuerint linea recta; particula A per illam rectam impulsæ, motum solummodo particulis BCD, hoc est, per unicam lineam rectam communicabit: at particula fluidorum non sunt dispositæ in lineam rectam: sed particula D acceptum motum transmittit in X, & E X in Z & O: O in F & L; E in T & Q: T in G & H, & sic deinceps versus omnes partes. En præcipuum in nostram sententiam argumentum, quod postea,

ea, tamquam theorema adduxit *Newton* (a): & alia etiam forma proponitur.

418. Respondeo; lux, & sonus simili, non tamen eodem penitus modo, & mechanica ratione fiunt; in quamplurimis conveniunt, in aliquibus tamen differunt, utrumque oscillationibus petagitur, in iisque consistit; utrumque in medio libero editum vibrationibus circularibus; & sphaericis quaquaversum diffunditur; utrumque non in pressioibus puris, sed in veris motibus consistit: Quæ ex his, & aliis, in quibus lux, & sonus conveniunt, deducuntur, æque de sono, atque de luce vere affirmantur. Sonus tamen per aerem crassum, & tardissime propagatur; lux vero per ætheream, subtilissimamque materiam; & maxima cum velocitate diffunditur: quæ igitur ex his, in quibus sonus, & lux differunt, consequuntur, non præ alio conveniunt, jam vero sonum, & lucem a sonoro, & luminoso corpore quaquaversum diffundi, ex natura ipsa oscillationum, & compressionum corporis elastici sese dilatantis, & restituentis consequitur: in quo & lux, & sonus conveniunt: Radium vero lucis, aut soni ita recta propagari, ut ad latera magis, vel minus, vel nullo modo diffundatur, id vero non a natura, sed a velocitate motus pendet, atque derivatur.

419. Pura pressio in quibuscumque fluidis æqualiter communicatur, recta, oblique, in latera, circumquaque, sursum, deorsum: pura autem pressio nihil habet motus, sed est purus nifus, & vis mortua: ubicumque incipit motus, incipiet etiam melius per lineam rectam, quam in latera communicari, & diffundi. Si velocitas plurimum augeatur, corpusque velocissime per medium quodcumque aliud corpus moveatur; versus latera non communicabitur actio: Omnia hæc natura ipsa, & quotidiana experientia nos docet; sique illa sunt vera; soluta est difficultas. Rem evolvamus. Pressio fluidorum, seu in fluidis, & per fluida versus omnes partes æqualiter agit, dum pura est, pressio sine ullo motu. Fuls id in Hydrostatica, & in Aerometria fuisse demonstratum: nullumque ea de re vestitur dubium.

Id

(a) *Principi, lib. 2. prop. 42.*

Id vero erat primum. Et hinc si sonus esset pressio; radius quicumque sonorus æqualiter versus omnes partes, & latera diffunderetur: quoniam tamen sonus non est pressio, sed motus; tardus tamen, & lentissimus, si cum luce comparetur; hinc radius sonorus multo melius per suam directionem rectam, quam in latera propagatur, & diffunditur: melius concionatorem, aut quemlibet hominem loquentem audis e regione, quam a tergo, aut trans murum; quamvis eadem in utroque casu sit distantia. Sonus etiam per tubam vocalem, superius jam descriptam, in aerem emissus longissime per lineam rectam diffunditur; ad latera vero rectæ illius directionis longe debilior propagatur. Idem in vento per foramen velocissime spirante, in aqua, aut alio quocumque liquore per medium quodcumque fluidum currente observamus: fere totus enim motus per lineam rectam diffunditur, & communicatur, & levissime solummodo ad latera distribuitur. Experimentum per se se instituere possunt omnes. Per fenestram aliquam validus ingrediatur, & spiret ventus: per canalem cum stagnanti aqua laterali communicantem velocissima fluat aqua: e portæ etiam regione ex interiori camera v. gr. aliquis loquatur: ut nihil fere incommodi a vento, aut aqua fluentibus patiaris, minus etiam a sono afficiaris; id unum satis est, a fenestra, canalis, aut portæ directione tantillum deflectere: licet in primo, & tertio casu intra eandem cameram remaneas: in eadem aqua in secundo: in omnibus vero vel una corporis conversione tantillum a motuum directione in latus recedas. In primo & secundo casu fluit reapse, & transit corpus per medium fluidum: in tertio per fluidum non motum transmittitur vibratio: quod est diligenter observandum. In pressione tamen contrarium omnino accidit; communicatio igitur virium per motum, & communicatio per puram pressionem fluidorum sunt toto cælo diversæ. Et hoc secundum.

420. Imperfecta tamen illa radii sonori in latera diffusio a magna ipsius soni tarditate provenit; quæ non satis a pura pressione distat; motus autem lucis est perniciosissimus, & si non temporis momento propagatur, insensibili sane tempore immensa fere spatia percurrit. Corpus autem (& potissimum subtile)

tile) celerissime motum, recta pergere, & media corpora penetrare, quin illa succutiat, aut impetum in latera communicet; quod tertio loco asserimus; exemplis passim visitur. Sagitta v. g. aut globus plumbeus magno cum impetu, velocitate explosus, ac delatus, laminam ferream facillime circa axem volubilem perforant; quin illa succutiat, contremiscat, aut convolvatur. Si gladio arbustum leviter ferio; totum arbustum succutitur, & tremmit; si celerrime, & magnis viribus ferias; truncum plane cædis, quin ullum in ramis motum, aut tremorem efficias. Quod si per media corpora solida, quorum partes sunt catenatæ, ita pertransit corpus velocissime motum, quin ad latera vires communicet; id potiori jure per media corpora fluida, quorum partes sunt solutæ.

421. De fluidis præterea res ulterius demonstratur. Minus catenatæ sunt inter se fluidorum, quam solidorum partes, ut in confesso est apud omnes; difficilius igitur est, particulas solidi movere, aut secare, immotis partibus lateralibus, quibus committuntur, quam idem sit in corpore fluido, in quo nullus est partium plexus. 2. Ipsa etiam propagatio soni, hoc est, motus lentissimus per materiam crassam rem demonstrat. Si modo, a lateribus G E (Fig. 37.) postea e regione F H sonum corporis A intra cameram v. g. E L G audias: ergo in fluido ipso, in sono, in motu per aerem corrumpitur totum argumentum: seu non communicatur æqualiter sonus: sed songe melius, & vehementius, per lineam rectam, quam lateraliter: a fortiori igitur id observabitur in lumpe. Idem etiam ostendunt exempla alia superius allata. Tria igitur, quæ demonstranda erant, plane confectimus, quibus confectis, solutum est argumentum.

422. Nisi nugari velimus; fatendum omnibus est, nihil hic difficultatis superesse solvendum. Quidquid mihi ulterius circa auræ ætheræ particulas, illarum figuram, & dispositionem opponas; id similiter in aere, & in sono repono, in quo tua tibi est solvenda difficultas: & insimul fatendum, sonum per rectam lineam solummodo diffundendum, si tanta illius esset celeritas, quanta est lucis velocitas: De cætero neque aeris, neque auræ, neque aliorum fluidorum

dorum particulas, aut particularum figuram, vel dispositionem agnoscimus: easque figuras ad arbitrium supponere, ut difficultas moveatur, nihil est aliud, quam ingeniose nugari.

423. Quid enim hæc, quæ ab ingeniosis alioquin philosophis, libertatis philosophandi parum amanti-
bus, mihi fuere opposita, transmissio scilicet oscilla-
tionum, & particularum fluidi figura atque positio?
Corpus velocissime per media aliqua corpora solida,
aut fluida transiens, inquit, motum ad latera non
communicat: oscillatio tamen per fluidam materiam
transmitti nequit, quin ad latera diffundatur, late-
rales partes impellat, in easque vim suam exerat;
quantavis velocitate fiat transmissio. Corpus tran-
sians, glans plumbea v. g. viam sibi faciendo corpus
rumpit, partes, quas in via, & propria directione
offendit, ab aliis separat, avellit, aut secum etiam
desert. Quidni igitur iis tantummodo motum suum
communicabit? Qui ita philosophantur, nodum in
scirpo quaerunt. Quod aeris particula accepto impe-
tu per medium aerem ad datum usque terminum de-
feratur: aut quod mediante aliarum particularum
linearum serie in eundem terminum transmittatur
vis, & motus: idem in re est. Centum partes
æquales linearum rectarum ab eodem mobili, aut a centum
æqualibus mobilibus, singulas a singulis, confici;
eadem est rerum summa. Vires in utroque casu lon-
ge melius in directum, quam in latera diffundun-
tur. Quin immo minus in secundo casu fieri debet
communicatio virium in latera, quam in primo. Si
hæc duo fiant evidentiæ; ultimum etiam illud effu-
gium deserere opus erit. Primo quidem ut jam di-
xi, dum aer elasticus quiescit; pressio versus omnes
partes est æqualis. Per quiescentem illum aerem se-
cundum quamdam directionem oscillatio soni trans-
mittatur: longe vehementior est sonus, hoc est, oscil-
lationum transmissio per lineam rectam, quam ver-
sus latera. Et in hoc quidem casu non corpus qui-
dem transfertur, & media alia corpora secando pe-
netrat, sed per quiescentem aerem transmittitur
oscillatio. Quidquid tentes, discriminis causam in
solo oscillationis motu per aerem invenies. Causa
igitur æqualis pressionis, seu diffusionis virium in la-
tera est quies partium prementis fluidi. Quod trans-
missio

missio virium directa augeatur, lateralis decreseat, causa est oscillationis motus: auctaque idcirco causa transmissionis velocitate aucta, effectum etiam crescere oportet: duobus hæc pari ratione deducimus, oscillationis motu communicationem virium lateralem impediri: eo motu crescente illam pariter, & consequenter minui.

424. 2. Unde, amabo, transeuntis corporis, aut oscillationis vires in latera communicantur? Partes medii in linea directionis exilientes a corpore transeunte, aut oscillante percussæ, cum lateralibus aliquo tandem modo catenatæ, aut connexæ antrosum propelluntur: propulsionis, & connexionis ratione motum & actionem in connexas laterales partes communicari, opus est. En communicationis virium lateralis causam, & analysin. Si igitur & propulsio, & connexio partium sit in fluido oscillationem transmittente minor, quam in corpore solido ab alio corpore transeunte perforato, minus etiam virium oscillationibus, quam translatione corporis in latera transfundetur. Ita vero res est: partes fluidorum sunt solutæ, & longe minus secum ipsis connexæ, quam solidorum. 2. A corpore aliud corpus solidum penetrante, & transeunte magis diffrahuntur, & pelluntur antrosum rupti corporis lamellæ; & partes rectæ impactæ, quam ab oscillatione transmissæ: prioris enim ictus ita inflectit, ut rumpat: non vero secundæ. In postrema hac distinguitur itus, & reditus: sed restitutio, seu reditus est æqualis itui: itus oscillationis iteu rumpente minor est: oscillationis igitur actio, & itus per medium fluidum, & minus antrosum flectit, & pellit partes, quam id a corpore rumpente, & transeunte fiat: & fluidi partes longe minus, quam solidi, catenatæ, & connexæ secum ipsis existunt. Quod erat demonstrandum.

425. 3. Vel sola figura atque dispositio particularum materie æthereæ, inquiunt, nostram sententiam evertit. Sphæræ sint, oportet, subtilissimæ, atque fluidissimæ illius materie partes. A sole vero usque ad nos non sunt in linea recta dispositæ. Radiine, seu rectæ a centro ad circumferentiam ductæ per omnium particularum centra transeunt? Particulæ igitur a solis actione oscillantes, posteriores par-

partículas recta, obliqua, omni directionum genere impellunt: actioque luminis vix umquam esse poterit recta. Respondeo, qui ita argumentatur, labentem hominem mihi refert subsidium undique vel ex levissimis atque ruinosis quibuscumque corporibus quærentem. Particularum cujuscumque fluidi, nominatim vero auræ æthereæ, & aeris figura, & dispositio mihi, tibi, mortalibus universis res sunt ignotæ. Sphæras dicere, arbitrium est: ex illis duobus capitibus argumentari, est arcem supra aerem ædificare. Sunt sphærae, inquis, ætheris particulæ. Omitto: rem enim affirmas, quam penitus ignoras, & quamdiu vivemus, ignorabimus. Quænam ergo est earum figura, & positio, quæris. Omitto iterum, respondeo, nihil statuo, affirmo, aut nego. Quid tamen, si, ignorantibus nobis, particulæ illæ sint reapse sphærae? Resp. Ea in hypothesi, utrique nostrum omnino ignota, vel propositum a te argumentum nihil plane conficit, vel sphærae illæ ita sunt cum alterius materiæ partibus interpersæ, ut actiones suas recta possint transmittere.

426. A facti scilicet veritate rem omnem deducimus. Aer per aerem, aqua per aquam fluentes, soni etiam oscillationes per aerem transmissæ, materia, seu actio electrica actionem in latera non nisi debilititer, pro ratione tarditatis motus, communicant: potiori igitur jure per auram ætheream magis subtilem, & elasticam idem obtinebitur. Ungues tibi pro libitu rodas ad horum fluidorum partes disponendas, figuram eis donandas: facta interim illa sunt vera, mihi ad rem meam sufficiunt.

427. Opponitur 2. Si per fluidorum pressionem natura luminis explicatur; non poterit lux versus omnes partes per lineas rectas propagari: quod natura luminis adversatur: pressio quippe ab A B C D propagatur in E G X Z L H (Fig. 30) per lineas curvas. Idque ipsum in mille aliis particularum combinationibus demonstrari potest. Hinc autem fieret, ut deficientibus globis in directum, objecti ante oculos positi subinde interrumperetur conspectus, & visio. Modo enim occultaretur, appareret modo; modo in terra, modo in firmamento; jam a dextra, & statim a sinistra appareret.

428. Respondeo, Argumentum in aliud modo a nobis

nis propositum recidere, eademque solutione dilui. Lumen non consistit in pura pressione, aut nisu, ut posuit *Descartes*; sed in alternis & promptissimis vibrationibus particularum; quæ licet de loco ad locum parum moveantur, per alternas tamen, brevissimas, & promptissimas compressiones, & restitutiones moventur, & motum communicant, promptissimus ille alternarum undarum, & vividissima singularum vibratio idem plane est, ac si radiorum particularæ a sole ad nos usque vere, & citissime devenirent. Motu autem promptissimo propagatio fit tantum per lineam rectam, vel per fluidum, vel per solidum corpus fiat motus: quod *Physici* omnes, ipsique proinde *Peripatetici*, ac *Epicuristæ*, vel invito admittere tenentur.

429. Opponitur 3. Lux est ejusdem naturæ ac lucidum corpus; cum radii lucis in lentis vitreæ foco collecti eisdem effectus producant, atque ipsum luminosum. Ergo materia lucis ubique, tam in luminoso, quam in foco apud nos est eadem? Ergo lux in foco existens a luminoso emittitur. Respondeo: nulla ex his duabus consequentiis ex argumento deducitur, potest enim materia in foco existere solari prorsus similis; quin a sole advenerit: similiter, ut eadem sit lux, idemque illius effectus in foco, atque in corpore lucido, sufficit, quod in utroque loco eodem modo percutiat, & percutiatur, atque oscillet, quod verum esse admittimus.

430. Opponitur 4. Lux non habet contrarium; omnis autem motus motui opponitur; motus motum destruit, seu vires corporum oppositis directionibus in se invicem incurrentium opponuntur, atque destruantur. Deinde quod motui, idem & pressionem convenit: neque igitur in motu, neque in pressione lux potest consistere. Respondeo, lucem non habere contrarium, solum significare, lumen a luce non destrui (in alio enim sensu omnia opaca sunt luci contraria); id autem in nulla melius, quam in nostra explicatur sententia. Motus enim, vires, & vibrationes per corpora elastica communicatæ, transmissæ, & sibi occurrentes non destruantur, sed integræ semper resituuntur, & conservantur, ut ex legibus motus in elasticorum corporum collisionibus constat. Sint igitur duo luminosa, quæ linea recta
glo-

globorum lucis conjungantur: particula elastica hinc inde compressa, & percussa, versus utramque partem sese exerit, percutientes repercutit, earumque actiones transmittit: ergo oppositæ actiones non destruuntur.

431. Hoc tamen argumentum in sententia Epicuri non facile solves: sint enim inter luminosa plures lineæ emissionum, ita ut recta particularum centra jungat: erunt illæ lineæ obscuræ, quantumvis luminosis vicinissimæ, particulae enim se se hinc inde impediunt, motum amittunt, neque aliarum fluxionem, & transitum permittunt.

432. Oppones 3. Si lux non est qualitas penetrabilis cum materia, concipi omnino non potest, quo pacto infiniti pene radii luminis, hoc est, particulae corporis per minimum quodcumque foramen simul transeant, quin sese mutuo impendant: rem in notissimo, & obvio experimento exponamus. Folium chartæ I R S (Fig. 40.) tenuissimæ acus cuspidè perforemus; perforatum disponamus horizonti parallelum: ita ut integrum hemisphærium supra folium extet: integrum illud hemisphærium T C E L per foramen illud videtur; quin immo infra chartam clarissime depingitur; si locus illic sit obscurus, & radii in charta alia v. g. excipiantur. En experimentum notissimum: radii omnes a singulis integri illius hemisphærii objectis, per foramen illud simul transeunt: quomodo autem, si lux est materia, & substantia impenetrabilis, innumeri, & vix non infiniti radii per angulissimum foramen ex infinitis directionibus se se secantibus pertransire simul possunt, quin mutuo impendantur, & perturbentur?

433. Hæc difficultas in sententia Epicuri omnem imaginationis nostræ vim penitus obruit; illamque opinionem captu maxime difficilem reddit. Ponamus enim radium seu filum particularum A B per foramen R S ita transmissum, ut in S extremitatem chartæ, seu labii superiorem, in R inferiorem tangat: omnes alii radii innumeri C D E in uno eodemque plano C D E cum radio A B existentes, a radio A B impediuntur in foramine, ut est evidens: ergo unus tantum A B pertransibit (Fig. 40.) Eadem difficultas citra chartam, & foramen ubique locum habet. Viridem arborem medio in campo luxuriantem

innu-

innumeri circumquaque homines vident, totumque circa illam spatium ad aliquot milliaria radiis ab illa reflexis plenum est. Sed, per idem etiam spatium transeunt infinitorum, objectorum circumpositorum radii, simili, aut diverso colore præditi, infinitis plane directionibus, omnique angulorum genere aliis occurrentes. Ex omnibus, & singulis ejus spatii partibus innumera illa videntur objecta. Radii igitur luminis se se mutuo penetrant, alii per alios transeunt. Istane cum emissionum sententia componi? Torrentesne materię alii, per alios transeunt?

434. Respondeo igitur, in nostra sententia rem esse intellectu facilem: per foramen RS non transit materia; transeunt radii: est dicere: non transeunt particule AS, ES: sed per particulas in foramine existentes transferuntur vibrationes, hoc est, vires, percussiones a punctis A E D &c. per mediam materiam AS; ES &c. propagatę: per unam autem, eandemque particulam plurimas ex diversis directionibus vires transmitti posse, res est satis manifesta. Si enim ponatur particula immobilis, & undique ab aliis particulis contacta, eaque eodem tempore per directiones AR, DR percutiatur; acceptas vires per directiones RT, R transmittet. En quomodo transitus lucis in foramine non impediatur; maxime vero transitus materię. Aliud etiam diversorum motuum, seu virium per eandem particulam materię transmissionis familiare, & passim obvium exemplum habes in circulis aqueis, a multiplici lapillo in diversa stagnantis aquę puncta eodem tempore labenti generatis: Hujusmodi circuli quantumvis innumeri, dum ampliuntur, se mutuo secant: per puncta aquea in sectionibus communibus existentia vibrationes diversissimę citra perturbationem ullam transmittuntur.

435. Opponitur 6. Si veră est nostra sententia; lux in momento temporis a Sole usque ad nos, immo ad quamcumque distantiam propagaretur; id enim ostendit celeberrimum baculi exemplum: at certum nihilominus est ex observationibus, & calculis Roemer, Picard, Bradley, & aliorum, lucem successione temporis propagari. Quin immo Newtoni, & Hugenii calculis habemus, lucem sexcentis mille vicibus tanto celerius propagati, & moveri? ipsiusque Newtoni,

ni, *Cassini*, & aliorum calculis demonstrari videtur, lucem, dum a Sole ad Terram diffunditur, 7, aut 8 minuta temporis infumere: corrumpit igitur nostra sententia, aut hypothesis.

436. Respondeo: Hoc argumentum (si quam vim habet) *Cartesii* opinionem solummodo impetit, qui pura pressione per continuum corpus communicata rem totam explicat; in nostra autem sententia lux est verus motus, & per verum motum diffunditur, atque propagatur, hoc est, per vibrationes, & oscillationes promptissimas: hæ autem communicari possunt per veram successionem temporis, us in exemplo sonorum est manifestum. Si igitur aliquando constiterit certo, lucem tempore sensibili propagari; optime id in nostra sententia exponitur: cum vibrationes ab alia in aliam materiam possint temporis successionem transmitti. Quod si ex adverso constiterit aliquando, lucem momento temporis diffundi; id etiam in nostra opinione optime explicatur, ponamus particulas radium componentes vel esse sibi mutuo contiguas, vel minimis spatii mutuo a se disjungi, & perfectam habere elasticitatem. In primo casu momento temporis, in secundo tempore prorsus insensibili lucem a Sole, seu fixis ad nos usque propagari, evidens est. Quin immo, quia materia fluida orbium cælestium plurimum inter se differre potest quoad densitatem, raritatem, & elasticitatem; fieri etiam potest, ut actio, & diffusio lucis in una quidem orbita v. g. Saturni, aut alicujus stellæ fixæ sit momentaria, in alia tempore insensibili, in alia demum sensibili diffundatur: in nostra igitur sententia admitti necesse non est illa paradoxa, quæ superius contra sententiam *Epicuri* deduximus.

437. Dixi vero, si quam vim habet argumentum; quia certo adhuc non constat, lucem propagari tempore sensibili, v. g. 8. circiter minuta a Sole usque ad tellurem impendere. Scio, qui hactenus calculi, observationes, & tentamina ad hujusmodi motum, & sensibile ejus tempus detegendum, atque confirmandum instituta fuerint: longe etiam probabilius existimo, atque idcirco verum esse admitto, lucem a Sole usque ad nos aliquantillum temporis impendere; id tamen esse certum, nequaquam affirmare ausim.

438. Potiori igitur jure certum hætenus haud est, lucem sensibile tempus, 8 scilicet minuta, a Sole utque ad nos impendere. Equidem *Cassini*, qui unæ cum *Roemero* primus retardationes immersionum, & emerſionum primi satellitis Jovis observavit, ex illique lucis propagationem ſucceſſione temporis fieri deduxit, hanc poſtea ſententiam deſeruit, neque ſatis clare a prædicta obſervatione deduci, exiſtimavit, eandemque ſententiam poſtea confirmavit *Maraldi*: licet alia ex parte *Roemeri* opinionem propugnaverit *Halley* & alii Aſtronomi vel confirment, vel ſupponant. Omnibus tamen utriuſque partis momentis ſcrupuloſe diſcuſſis, rem adhuc eſſe dubiam aſſeruit *Manfredus*, idque unum eſt, quod in re præſenti certum mihi eſſe videtur.

439. Opponit tandem Pater *Boſchovich*. Ex eo poſtiſſimum capite Epicuri ſententiam rejicimus; quia a pluribus jam annorum ſæculis, aut millibus ſol eſſet diſſipatus; at ſequenti calculo conficitur, omnem lucis materiæ a mundi initio e ſole egreſſam, & per plura adhuc annorum millia egreſſuram digitum cubitum non ſuperare. En vero calculi ſummam: certum eſt, inquit, luminis tenuitatem in hac noſtra a ſole diſtantiæ eſſe majorem, quam tenuitas materiæ auroræ borealis, eam enim ſecum non abripit: atqui hujus materiæ tenuitas major eſt, quam terreſtris atmophæaræ materia in diſtantiæ milliariorum 180 a ſuperficie terræ, in qua diſtantiæ ſæpe auroræ boreales ſuſtinentur. Deinde ejus atmophæaræ tenuitas in ea diſtantiæ major eſt, quam tenuitas noſtri aeris hic in ſuperficie terræ pluribus vicibus, quam exprimat unitas cum cifris 72, quod colligitur ex progreſſione, in qua terreſtris atmophæra aſurgendo rareſcit: cumque hic aer ſit fere millies rarior, quam aqua; erit lumen rarius aqua, pluſquam exprimat unitas cum cifris 75: hinc unus digitus aquæ cubicus continet pluſ materiæ, quam digitus luminis ad hanc raritatem redacti, pluſquam exprimat unitas cum cifris 75: inita autem ratione temporis, quo tot digiti luminis a ſole emitterentur, invenitur numerus ſæculorum major, quam exprimat unitas cum cifris 28: ſiquidem aſſumptis arenæ granis, quorum centra ordinari poſſint per dieiti longitudinem, ſuperficies terræ continet

multo minorem numerum eorundem, quam exprimat unitas cum cifris 22 ecc. (a).

440. Respondeo: Hoc argumentum nihil aliud continet, quam ingeniosam ex quibusdam suppositis datis deductionem: quorum aliqua falsa, dubia alia cum sint statim demonstranda; nihil eo ratiocinio promovetur causa. Et primo quidem si quis hac argumento probare contendat, vel lucem consistere in emissionibus materiae, vel mirabilem illius subtilitatem; videtur ponere, aut petere principium. Ex eo enim assumitur, & deducitur, lucem esse subtiliorem materia aurorae borealis; quia hanc illa secum non defert: ergo ponitur jam lucem deferri, & emitte a sole: si enim lux consistat in vibrationibus sonosimilibus, transmittitur lux non transmissa, neque delata materia.

441. Ponit deinde sequentia: 1. materiam aurorae borealis nullo alio de capite a luce non deferri, nisi quia est luce ipsa crassior. 2. auroram borealem ad altitudinem 180 milliariorum a terra elevari, & consistere: 3. illam materiam ejus aurorae borealis; quam cum luce comparat, fuisse jam interdiu in ea altitudine 180 milliariorum, in eaque a sole fuisse illuminatam. Quid enim, si dicam; quod probabilissimum est, illam auroram borealem (quam ad dictam altitudinem evehit, caeterarum nubium instar modo ascendere; modo descendere, & ea solummodo nocte; qua apparuit, & a sole jam non illuminabatur; ad dictam altitudinem ascendisse? 4. Gravitatem; & densitatem aeris in constanti aliqua ratione pro altitudine decrescere: 5. digitum cubicum, aut sphaericum aquae plus habere materiae, quam similem aeris digitum in ratione 1000 ad 1; plus vero, quam digitum aurorae borealis in ratione unitatis cum 75 cifris ad unum. Quid enim; si negem, cum innumeris fere philosophis systema gravitatis universalis, quod in calculo supponitur, & dicam; omnia corpora esse aequae densa, licet non aequae gravia?

442. Omnia haec supponit calculus; omnia sunt saltem dubia & a quamplurimis negantur: aliqua etiam

(a) *Boschovich Dissert. de lumine Solari.*

etiam sunt falsa , ut suis in locis docuimus . Rursus autem calculus vel uno solummodo ex positis *datis* deficiente . Jam vero ; primum *datum* esse falsum ; statim conficiam : major scilicet massa non est causa , quare a minori corpore non deferatur majus . *Secundum* in loco negavi ; & nullo modo potest supponi : *Tertium* est maxime dubium , ut indicata ratione ; & aliis probari potest : *Quartum* constantibus physicorum observationibus in loco relatis opponitur . Præterea vero , qui hujusmodi calculum tueatur , in gravissimas difficultates incidet . Primo enim materia auroræ borealis est materia luminosa : ut ex hujusce phænomeni descriptione superius a nobis exposita constat : eandem igitur habet proprietates , atque luminosa materia solis . Quæro modo , est ne lumen lumine subtilius ? 2. Est ne lux corporis luminosi ; seu flammæ terrestris , diversæ naturæ ; atque lux solaris ? Qui id admittat , rem maxime obscuram , atque in reconditiori naturæ sinu latentem temere definit . Quod si lucem esse lucē subtiliorem , ex eo etiam probes , & deducas ; quod lux solaris lucē auroræ borealis secum non deferat ; iterum recidimus in principium , de quo litem intendimus .

443. Præterea in systemate colorum Newtoniano vix dici posse videtur ; esse lucem luce subtiliorem . Etenim secundum ejusmodi systema statim exponendum albus splendor auroræ borealis , aut lucis terrestris constat ex septem primitivis coloribus , seu substantiis heterogeneis , rubro scilicet ; flavo ecc. perinde , atque splendor solaris : radius igitur rubeus in utroque splendore eundem habet refrangibilitatis gradum juxta dictum systema : at diversam refrangibilitatem ex diversa particularum luminosarum soliditate , & mole repetunt hujusce systematis assertores : rubeus igitur solaris , & rubeus terrestris , seu borealis ex una parte habebunt eandem refrangibilitatem , hoc est , eandem molem ; quia sunt idem color : ex alia habebunt diversas refrangibilitates , hoc est , erunt diversi colores ; quia sunt inæqualis molis & soliditatis . Nihil assumo quod non sit eo in systemate admissum : argumentumque eo validius mihi videtur , quod consequentiæ ex systemate ipso deductæ sese videantur elidere .

444. Alia item ex eodem argumento enascitur difficultas

lius periphæria, si ad arborem v. g. in media aqua extantem diffundatur, a primo contactu circa illam se veluti rumpendo flectitur, eam circumambit, & in averfa trunci parte iterum uniuntur divisæ periphæriæ partes. Hoc igitur modo etiam lux propagetur: at lux in directum solummodo tendit: ruit igitur nostra sententia. Huic argumento magnopere fidunt, qui *Aristotelis*, & *Epicuri* opiniones tenent, illudque iterum hac alia forma proponunt. Numquam essent tenebræ, inquit, si staret nostra sententia; lux enim, ad instar soni propagata, non solum recta, sed etiam trans obstacula rectam viam impediencia in orbem quaquaversum diffunderetur; ac prout etiam noctu vibrationes luminosæ per fluidum terram circumdans propagatæ ad nos usque devenirent, & communicarentur.

417 Corpus quodcumque sonorum, & sonans A (Fig. 31.) sonum circularibus undis quaquaversum diffundit: sonus tamen, seu undæ aeris in impedimentum I (Fig. 37.) impingentes, flectuntur trans arborem, communicantur particulis L, & sonum illic percipis, & audis. Similiter sonus per foramen, seu portam CD egrediens, ex B quasi ex novo centro novis undis CHD, GFE diffunditur: ita ut & in F, & a lateribus GE trans murum corporis A sonum audiamus. Similia igitur esse lucis phenomena: lux a sole in tellurem impingens, circa ipsam flecti deberet, & in averfa ejusdem parte clare percipi: ubi est perfecta nox. Ratio argumenti petitur ultimo a varia combinatione particularum corporis fluidi, atque a nova fluidorum proprietate: quod scilicet fluida prementia, aut pressa æqualem versus omnes partes pressionem transferant, & communicent. Quamdiu etiam, inquit *Fabri*, particula ABCD (Fig. 38.) in eadem fuerint linea recta; particula A per illam rectam impulsæ, motum solummodo particulis BCD, hoc est, per unicam lineam rectam communicabit: at particula fluidorum non sunt dispositæ in lineam rectam: sed particula D acceptum motum transmittit in X, & EX in Z & O: O in F & L; E in T & Q: T in G & H, & sic deinceps versus omnes partes. En præcipuum in nostram sententiam argumentum, quod post-

ea, tamquam theorema adstruxit *Newton* (a): & alia etiam forma proponitur.

418. Respondeo; lux, & sonus simili, non tamen eodem penitus modo, & mechanica ratione sunt; in quamplurimis conveniunt, in aliquibus tamen differunt, utrumque oscillationibus peragitur, in iisque consistit; utrumque in medio libero editum vibrationibus circularibus; & sphaericis quaquaversum diffunditur; utrumque non in pressionibus puris, sed in veris motibus consistit: Quæ ex his, & aliis, in quibus lux, & sonus conveniunt, deducuntur, æque de sono, atque de luce vere affirmantur. Sonus tamen per aerem crassum, & tardissime propagatur; lux vero per ætheream, subtilissimamque materiam; & maxima cum velocitate diffunditur: quæ igitur ex his, in quibus sonus, & lux differunt, consequuntur, uni præ alio conveniunt, jam vero sonum, & lucem a sonoro, & luminoso corpore quaquaversum diffundi, ex natura ipsa oscillationum, & compressionum corporis elastici sese dilatantis, & resiliæ consequitur: in quo & lux, & sonus conveniunt: Radium vero lucis, aut soni ita recta propagari, ut ad latera magis, vel minus, vel nullo modo diffundatur, id vero non a natura, sed a velocitate motus pendet, atque derivatur.

419. Pura pressio in quibuscumque fluidis æqualiter communicatur, recta, oblique, in latera, circumquaque, sursum, deorsum: pura autem pressio nihil habet motus, sed est purus nîsus, & vis mortua: ubicumque incipit motus, incipiet etiam melius per lineam rectam, quam in latera communicari, & diffundi. Si velocitas plurimum augeatur, corpusque velocissime per medium quodcumque aliud corpus moveatur; versus latera non communicabitur æquo: Omnia hæc natura ipsa, & quotidiana experientia nos docet; sique illa sunt vera; soluta est difficultas. Rem evolamus. Pressio fluidorum, seu in fluidis, & per fluida versus omnes partes æqualiter agit, dum pura est, pressio sine ullo motu. Fuit id in Hydrostatica, & in Aerometria fuit demonstratum: nullumque ea de re vertitur dubium.

Id

(a) *Princip, lib. 2. prop. 42.*

Id vero erat primum. Et hinc si sonus esset pressio; radius quicumque sonorus æqualiter versus omnes partes, & latera diffunderetur: quoniam tamen sonus non est pressio, sed motus; tardus tamen, & lentissimus, si cum luce comparetur; hinc radius sonorus multo melius per suam directionem rectam, quam in latera propagatur, & diffunditur: melius concionatorem, aut quemlibet hominem loquentem audis e regione, quam a tergo, aut trans murum; quamvis eadem in utroque casu sit distantia. Sonus etiam per tubam vocalem, superius jam descriptam, in aerem emissus longissime per lineam rectam diffunditur; ad latera vero rectæ illius directionis longe debilior propagatur. Idem in vento per foramen velocissime spirante, in aqua, aut alio quocumque liquore per medium quodcumque fluidum, currente observamus: fere totus enim motus per lineam rectam diffunditur, & communicatur, & levissime solummodo ad latera distribuitur. Experimentum per se se instituere possunt omnes. Per fenestram aliquam validus ingrediatur, & spiret ventus: per canalem cum stagnanti aqua laterali communicantem velocissima fluat aqua: e portæ etiam regionē ex interiori camera v. gr. aliquis loquatur: ut nihil fere incommodi a vento, aut aqua fluentibus patiaris, minus etiam a sono afficiaris; id unum satis est, a fenestra, canalis, aut portæ directione tantillum deflectere: licet in primo, & tertio casu intra eandem cameram remaneas: in eadem aqua in secundo: in omnibus vero vel una corporis conversione tantillum a motuum directione in latus recedas. In primo & secundo casu fluit reapse, & transit corpus per medium fluidum: in tertio per fluidum non motum transmittitur vibratio: quod est diligenter observandum. In pressione tamen contrarium omnino accidit; communicatio igitur virium per motum, & communicatio per puram pressionem fluidorum sunt toto cælo diversæ. Et hoc secundum.

420. Imperfecta tamen illa radii sonori in latera diffusio a magna ipsius soni tarditate provenit; quæ non satis a pura pressione distat; motus autem lucis est pernicissimus, & si non temporis momento propagatur, insensibili sane tempore immensa fere spatia percurrit. Corpus autem (& potissimum subtile)

tile) celerissime motum, recta pergere, & media corpora penetrare, quin illa succutiat, aut impetum in latera communicet; quod tertio loco asserimus; exemplis passim visitur. Sagitta v. g. aut globus plumbeus magno cum impetu, velocitate explosus, ac delatus, laminam ferream facillime circa axem volubilem perforant; quin illa succutiat, contremiscat, aut convolvatur. Si gladio arbuſtum leviter ferio; totum arbuſtum succutitur, & tremit; si celerrime, & magnis viribus ferias; truncum plane cedis, quin ullum in ramis motum, aut tremorem efficias. Quod si per media corpora solida, quorum partes sunt catenatae, ita pertransit corpus velocissime motum, quin ad latera vires communicet; id potiori jure per media corpora fluida, quorum partes sunt solutae.

421. De fluidis praeterea res ulterius demonstratur. Minus catenatae sunt inter se fluidorum, quam solidorum partes, ut in confesso est apud omnes; difficilius igitur est, particulas solidi movere, aut secare, immotis partibus lateralibus, quibus committuntur, quam idem sit in corpore fluido, in quo nullus est partium plexus. 2. Ipsa etiam propagatio soni, hoc est, motus lentissimus per materiam crassam rem demonstrat. Si modo, a lateribus G E (Fig. 37.) postea e regione F H sonum corporis A intra cameram v. g. E L G audias: ergo in fluido ipso, in sono, in motu per aerem corrumpit totum argumentum: seu non communicatur aequaliter sonus: sed longe melius, & vehementius, per lineam rectam, quam lateraliter: a fortiori igitur id observabitur in lumine. Idem etiam ostendunt exempla alia superius allata. Tria igitur, quae demonstranda erant, plane confectimus, quibus confectis, solutum est argumentum.

422. Nisi nugari velimus; fatendum omnibus est, nihil hic difficultatis superesse solvendum. Quidquid mihi ulterius circa auram aetherae particulas, illarum figuram, & dispositionem opponas; id similiter in aere, & in sono repono, in quo tua tibi est solvenda difficultas: & insimul fatendum, sonum per rectam lineam solummodo diffundendum, si tanta illius esset celeritas, quanta est lucis velocitas: De caetero neque aeris, neque aurae, neque aliorum fluidorum

dorum particulas, aut particularum figuram, vel dispositionem agnoscimus: easque figuras ad arbitrium supponere, ut difficultas moveatur, nihil est aliud, quam ingeniose nugari.

423. Quid enim hæc, quæ ab ingeniosis alioquin philosophis, libertatis philosophandi parum amanti-
bus, mihi fuere opposita, transmissio scilicet oscilla-
tionum, & particularum fluidi figura atque positio?
Corpus velocissime per media aliqua corpora solida,
aut fluida transiens, inquit, motum ad latera non
communicat: oscillatio tamen per fluidam materiam
transmitti nequit, quin ad latera diffundatur, late-
rales partes impellat, in easque vim suam exerat;
quantavis velocitate fiat transmissio. Corpus tran-
siens, glans plumbea v. g. viam sibi faciendū corpus
rumpit, partes, quas in via, & propria directione
offendit, ab aliis separat, avellit, aut secum etiam
desert. Quidni igitur iis tantummodo motum suum
communicabit? Qui ita philosophantur, nodum in
scirpo quærent. Quod aeris particula accepto impe-
tu per medium aerem ad datum usque terminum de-
feratur: aut quod mediante aliarum particularum
similium serie in eundem terminum transmittatur
vis, & motus: idem in re est. Centum partes
æquales lineæ rectæ ab eodem mobili, aut a centum
æqualibus mobilibus, singulas a singulis, confici;
eadem est rerum summa. Vires in utroque casu lon-
ge melius in directum, quam in latera diffundun-
tur. Quin immo minus in secundo casu fieri debet
communicatio virium in latera, quam in primo. Si
hæc duo fiant evidentia; ultimum etiam illud effu-
gium deferere opus erit. Primo quidem ut jam di-
xi, dum aer elasticus quiescit; pressio versus omnes
partes est æqualis. Per quiescentem illum aerem se-
cundum quamdam directionem oscillatio soni trans-
mittatur: longe vehementior est sonus, hoc est, oscil-
lationum transmissio per lineam rectam, quam ver-
sus latera. Et in hoc quidem casu non corpus qui-
dem transfertur, & media alia corpora secando pe-
netrat, sed per quiescentem aerem transmittitur
oscillatio. Quidquid tentes, discriminis causam in
solo oscillationis motu per aerem invenies. Causa
igitur æqualis pressionis, seu diffusionis virium in la-
tera est quies partium prementis fluidi. Quod trans-
missio

missio virium directa augeatur, lateralis decrescat, causa est oscillationis motus: auctaque idcirco causa transmissionis velocitate aucta, effectum etiam crescere oportet: duobus hæc pari ratione deducimus, oscillationis motu communicationem virium lateralem impediri: eo motu crescente illam pariter, & consequenter minui.

424. 2. Unde, amabo, transeuntis corporis, aut oscillationis vires in latera communicantur? Partes medii in linea directionis existentes a corpore transeunte, aut oscillante percussæ, cum lateralibus aliquo tandem modo catenatæ, aut connexæ antrosum propelluntur: propulsione, & connexionis ratione, motum & actionem in connexas laterales partes communicari, opus est. En communicationis virium lateralis causam, & analysim. Si igitur & propulsio, & connexio partium sit in fluido oscillationem transmittente minor, quam in corpore solido ab alio corpore transeunte perforato, minus etiam virium oscillationibus, quam translatione corporis in latera transfunderetur. Ita vero res est: partes fluidorum sunt solutæ, & longe minus secum ipsis connexæ, quam solidorum. 1. A corpore aliud corpus solidum penetrante, & transeunte magis distrahuntur, & pelluntur antrosum ruptis corporis lamellæ, & partes rectæ impactæ, quam ab oscillatione transmissa: prioris enim ictus ita inflectit, ut rumpat: non vero secundæ. In postrema hac distinguitur itus, & reditus: sed restitutio, seu reditus est æqualis itui: itus oscillationis ite rumpente minor est: oscillationis igitur actio, & itus per medium fluidum, & minus antrosum flectit, & pellit partes, quam id a corpore rumpente, & transeunte fiat: & fluidi partes longe minus, quam solidi, catenatæ, & connexæ secum ipsis existunt. Quod erat demonstrandum.

425. 3. Vel sola figura atque dispositio particularum materie æthereæ, inquiunt, nostram sententiam evertit. Sphæræ sint, oportet, subtilissimæ, atque fluidissimæ illius materie partes. A sole vero usque ad nos non sunt in linea recta dispositæ. Radii, seu rectæ a centro ad circumferentiam ductæ per omnium particularum centra transeunt? Particulæ igitur a solis actione oscillantes, ultiores par-

particulās recta, obliqua, omni directionum genere impellunt: actioque luminis vix umquam esse poterit recta. Respondeo, qui ita argumentatur, labentem hominem mihi refert subsidium undique: vel ex levissimis atque ruinosis quibuscumque corporibus quærentem. Particularum cujuscumque fluidi, nominatim vero auræ ætheræ, & aeris figura, & dispositio mihi, tibi, mortalibus universis res sunt ignotæ. Sphæras dicere, arbitrarium est: ex illis duobus capitibus argumentari, est arcem supra aerem ædificare. Sunt sphærae, inquis, ætheris particulæ. Omitto: rem enim affirmas, quam penitus ignoras, & quamdiu vivemus, ignorabimus. Quænam ergo est earum figura, & positio, quæris. Omitto iterum, respondeo, nihil statuo, affirmo, aut nego. Quid tamen, si, ignorantibus nobis, particulæ illæ sint reapse sphærae? Resp. Ea in hypothesi, utrique nostrum omnino ignota, vel propositum a te argumentum nihil plane conficit, vel sphærae illæ ita sunt cum alterius materiæ partibus interspersæ, ut actiones suas recta possint transmittere.

426. A facti scilicet veritate rem omnem deducimus. Aer per aerem, aqua per aquam fluentes, soni etiam oscillationes per aerem transmissæ, materia, seu actio electrica actionem in latera non nisi debilititer, pro ratione tarditatis motus, communicant: potiori igitur jure per auram ætheream magis subtilem, & elasticam idem obtinebitur. Ungues tibi pro libitu rotas ad horum fluidorum partes disponendas, figuram iis donandas: facta interim illæ sunt vera, mihi ad rem meam sufficiunt.

427. Opponitur 2. Si per fluidorum pressionem natura luminis explicatur; non poterit lux versus omnes partes per lineas rectas propagari: quod naturæ luminis adversatur: pressio quippe ab A B C D propagatur in E G X Z L H (Fig. 30) per lineas curvas. Idque ipsum in mille aliis particularum combinationibus demonstrari potest. Hinc autem fieret, ut deficientibus globis in directum, objecti ante oculos positi subinde interrumpereetur conspectus, & visio. Modo enim occultaretur, appareret modo; modo in terra, modo in firmamento; jam a dextra, & statim a sinistra appareret.

428. Respondeo, Argumentum in aliud modo a nobis

bis propositum recidere, eademque solutione dilui. Lumen non consistit in pura pressione, aut nisu, ut posuit *Descartes*; sed in alternis & promptissimis vibrationibus particularum; quæ licet de loco ad locum parum moveantur, per alternas tamen, brevissimas, & promptissimas compressiones, & restitutiones moventur, & motum communicant, promptissimus ille alternarum undarum, & vividissima singularum vibratio, idem plane est, ac si radiorum particularum, a solè ad nos usque vere; & citissime devenirent. Motu autem promptissimo propagatio fit tantum per lineam rectam, vel per fluidum, vel per solidum corpus fiat motus: quod Physici omnes, ipsique proinde Peripatetici, ac Epicuristæ, vel inviti admittere tenentur.

429. Opponitur 3. Lux est ejusdem naturæ ac lucidum corpus; cum radii lucis in lentis vitreæ foco collecti eisdem effectus producant, atque ipsum luminosum. Ergo materia lucis ubique, tam in luminoso, quam in foco apud nos est eadem: Ergo lux in foco existens a luminoso emittitur. Respondeo: nulla ex his duabus consequentiis ex argumento deducitur, potest enim materia in foco existere solari prorsus similis; quin a solè advenerit: similiter, ut eadem sit lux, idemque illius effectus in foco, atque in corpore lucido, sufficit, quod in utroque loco eodem modo percutiat, & percutiatur, atque oscillet, quod verum esse admittimus.

430. Opponitur 4. Lux non habet contrarium; omnis autem motus motui opponitur; motus motum destruit, seu vires corporum oppositis directionibus in se invicem incurrentium opponuntur, atque destruantur. Deinde quod motui, idem & pressioni convenit: neque igitur in motu, neque in pressione lux potest consistere. Respondeo, lucem non habere contrarium, solum significare, lumen a luce non destrui (in alio enim sensu omnia opaca sunt luci contraria); id autem in nulla melius, quam in nostra explicatur sententia. Motus enim, vires, & vibrationes per corpora elastica communicatæ, transmissæ, & sibi occurrentes non destruntur, sed integræ semper restituantur, & conservantur, ut ex legibus motus in elasticorum corporum collisionibus constet. Sint igitur duo luminosa, quæ linea recta

globorum lucis conjungantur: particula elástica hinc inde compressa; & percussa versus utramque partem sese exerit; percutientes repercutit, earumque actiones transmittit: ergo oppositæ actiones non destruantur.

431. Hoc tamen argumentum in sententia Epicuri non facile solves: sint enim inter luminosa plures lineæ emissionum; ita ut recta particularum centra jungat: erunt illæ lineæ obscuræ, quantumvis luminosis vicinissimæ, particula enim se se hinc inde impediens, motum amittunt, neque aliarum fluxionem, & transitum permittunt.

432. Oppones 3. Si lux non est qualitas penetrabilis cum materia, concipi omnino non potest, quo pacto infiniti pene radii luminis, hoc est, particula corporis per minimum quodcumque foramen simul transeant, quin sese mutuo impendant: rem in notissimo, & obvio experimento exponamus. Folum chartæ I R S (Fig. 40.) tenuissimæ acus cuspidè perforemus; perforatum disponamus horizonti parallelum: ita ut integrum hemisphærium supra folium extet: integrum illud hemisphærium T C E L per foramen illud videtur; quin immo infra chartam clarissime depingitur; si locus illic sit obscurus, & radii in charta alia v. g. excipiantur. En experimentum notissimum: radii omnes a singulis integri illius hemisphærii objectis per foramen illud simul transeunt: quomodo autem, si lux est materia, & substantia impenetrabilis, innumeri, & vix non infiniti radii per angustissimum foramen ex infinitis directionibus se se secantibus pertransire simul possunt, quin mutuo impendantur, & perturbentur?

433. Hæc difficultas in sententia Epicuri omnem imaginationis nostræ vim penitus obruit; illamque opinionem captu maxime difficilem reddit. Ponamus enim radium seu filum particularum A B per foramen R S ita transmissum, ut in S extremitatem chartæ, seu labii superiorem, in R inferiorem tangat: omnes alii radii innumeri C D E in uno eodemque plano C D E cum radio A B existentes, a radio A B impediuntur in foramine, ut est evidens: ergo unus tantum A B pertransibit (Fig. 40.) Eadem difficultas citra chartam, & foramen ubique locum habet. Viridem arborem medio in campo luxuriantem

Innu-

innumeri circumquaque homines vident, totumque circa illam spatium ad aliquot miliaria radiis ab illa reflexis plenum est. Sed per idem etiam spatium transeunt infinitorum objectorum circumpositorum radii, simili, aut diverso colore præditi, infinitis plane directionibus, omnique angulorum genere aliis occurrentes. Ex omnibus, & singulis ejus spatii partibus innumera illa videntur objecta. Radii igitur luminis se se mutuo penetrant, alii per alios transeunt. Istane cum emissionum sententia componi? Torrentesne materię alii per alios transeunt?

434. Respondeo igitur, in nostra sententia rem esse intellectu facilem: per foramen RS non transit materia; transeunt radii: est dicere: non transeunt particule AS, ES: sed per particulas in foramine existentes transferuntur vibrationes, hoc est, vires, percussiones a punctis A E D &c. per mediam materiam AS; ES &c. propagatę: per unam autem, eandemque particulam plurimas ex diversis directionibus vires transmitti posse, res est satis manifesta. Si enim ponatur particula immobilis, & undique ab aliis particulis contacta, eaque eodem tempore per directiones AR, DR percutiatur; acceptas vires per directiones RT, R transmittet. En quomodo transitus lucis in foramine non impediatur; maxime vero transitus materię. Aliud etiam diversorum motuum, seu virium per eandem particulam materię transmissionis familiare, & passim obvium exemplum habes in circulis aqueis, a multiplici lapillo in diversa stagnantis aquę puncta eodem tempore labentibus generatis: Hujusmodi circuli quantumvis innumeri, dum ampliuntur, se mutuo secant: per puncta aquea in sectionibus communibus existentia vibrationes diversissimę citra perturbationem ullam transmittuntur.

435. Opponitur 6. Si veră est nostra sententia; lux in momento temporis a Sole usque ad nos, immo ad quamcumque distantiam propagaretur; id enim ostendit celeberrimum baculi exemplum: at certum nihilominus est ex observationibus, & calculis Roemer, Picard, Bradley, & aliorum, lucem successione temporis propagari. Quin immo Newtoni, & Hugenii calculis habemus, lucem sexcentis mille vicibus tanto celerius propagari, & moveri? ipsiusque Newtoni,

ni, *Cassini*, & aliorum calculis demonstrari videtur, lucem, dum a Sole ad Terram diffunditur, 7; aut 8 minuta temporis infumere: corrumpit igitur nostra sententia, aut hypothesis.

436. Respondeo: Hoc argumentum (si quam vim habet) *Cartesii* opinionem solummodo impetit, qui pura pressione per continuum corpus communicata rem totam explicat; in nostra autem sententia lux est verus motus, & per verum motum diffunditur, atque propagatur, hoc est, per vibrationes, & oscillationes promptissimas: hæ autem communicari possunt per veram successionem temporis, ut in exemplo sonorum est manifestum. Si igitur aliquando constiterit certo, lucem tempore sensibili propagari; optime id in nostra sententia exponitur: cum vibrationes ab alia in aliam materiam possint temporis successionem transmitti. Quod si ex adverso constiterit aliquando, lucem momento temporis diffundi; id etiam in nostra opinione optime explicatur, ponamus particulas radium componentes vel esse sibi mutuo contiguas, vel minimis spatiis mutuo a se disjungi, & perfectam habere elasticitatem. In primo casu momento temporis, in secundo tempore prorsus insensibili lucem a Sole, seu fixis ad nos usque propagari, evidens est. Quin immo, quia materia fluida orbium cælestium plurimum inter se differre potest quoad densitatem, raritatem, & elasticitatem; fieri etiam potest, ut actio, & diffusio lucis in una quidem orbita v. g. Saturni, aut alicujus stellæ fixæ sit momentaria, in alia tempore insensibili, in alia demum sensibili diffundatur: in nostra igitur sententia admitti necesse non est illa paradoxa, quæ superius contra sententiam *Epicuri* deduximus.

437. Dixi vero, si quam vim habet argumentum; quia certo adhuc non constat, lucem propagari tempore sensibili, v. g. 8. circiter minuta a Sole usque ad tellurem impendere. Scio, qui hætenus calculi, observationes, & tentamina ad hujusmodi motum, & sensibile ejus tempus detegendum, atque confirmandum instituta fuerint: longe etiam probabilius existimo, atque idcirco verum esse admitto, lucem a Sole usque ad nos aliquantillum temporis impendere; id tamen esse certum, nequaquam affirmare aulam.

438. Potiori igitur jure certum hætenus haud est, lucem sensibile tempus, 8 scilicet minuta, a Sole utque ad nos impendere. Equidem *Cassini*, qui una cum *Roemero* primus retardationes immersionum, & emersionum primi satellitis Jovis observavit, ex utraque lucis propagationem successionem temporis fieri deduxit, hanc postea sententiam deseruit, neque satis clare a prædicta observatione deduci, existimavit, eandemque sententiam postea confirmavit *Maraldi*: licet alia ex parte *Roemeri* opinionem propugnaverit *Halley* & alii Astronomi vel confirment, vel supponant. Omnibus tamen utriusque partis momentis scrupulose discussis, rem adhuc esse dubiam asseruit *Manfredus*, idque unum est, quod in re præsentī certum mihi esse videtur.

439. Opponit tandem Pater *Boschovich*. Ex eo potissimum capite Epicuri sententiam rejicimus; quia a pluribus jam annorum sæculis, aut millibus sol esset dissipatus; at sequenti calculo conficitur, omnem lucis materiam a mundi initio e sole egressam, & per plura adhuc annorum millia egressuram digitum cubitum non superare. En vero calculi summam: certum est, inquit, luminis tenuitatem in hac nostra a sole distantia esse majorem, quam tenuitas materiæ auroræ borealis, eam enim secum non abripit: atqui hujus materiæ tenuitas major est, quam terrestris atmosphæræ materia in distantia milliariorum 180 a superficie terræ, in qua distantia sæpe auroræ boreales sustinentur. Deinde ejus atmosphæræ tenuitas in ea distantia major est, quam tenuitas nostri aeris hic in superficie terræ pluribus vicibus, quam exprimat unitas cum cifris 72, quod colligitur ex progressionem, in qua terrestris atmosphæra assurgendo rarefcit: cumque hic aer sit fere millies rarior, quam aqua; erit lumen rarius aqua, plusquam exprimat unitas cum cifris 75: hinc unus digitus aquæ cubicus continet plus materiæ, quam digitus luminis ad hanc raritatem redacti, plusquam exprimat unitas cum cifris 75: inita autem ratione temporis, quo tot digiti luminis a sole emitterentur, invenitur numerus sæculorum major, quam exprimat unitas cum cifris 28: siquidem assumptis arenæ granis, quorum centra ordinari possint per digiti longitudinem, superficies terræ continet

Mont. Phil. Tom. VIII. O mul-

multo minorem numerum eorundem, quam exprimat unitas cum cifris 22 ecc. (a).

440. Respondeo: Hoc argumentum nihil aliud continet, quam ingeniosam ex quibusdam suppositis datis deductionem: quorum aliqua falsa, dubia alia cum sint statim demonstranda; nihil eo ratiocinio promovetur causa. Et primo quidem si quis hoc argumento probare contendat, vel lucem consistere in emissionibus materiae, vel mirabilem illius subtilitatem; videtur ponere, aut petere principium. Ex eo enim assumitur, & deducitur, lucem esse subtiliorem materia aurorae borealis; quia hanc illa secum non defert: ergo ponitur jam lucem deferri, & emitti a sole: si enim lux consistat in vibrationibus sono similibus, transmittitur lux non transmissa, neque delata materia.

441. Ponit deinde sequentia: 1. materiam aurorae borealis nullo alio de capite a luce non deferri, nisi quia est luce ipsa crassior. 2. auroram borealem ad altitudinem 180 milliariorum a terra elevari, & consistere: 3. illam materiam ejus aurorae borealis; quam cum luce comparat, fuisse jam interdiu in ea altitudine 180 milliariorum, in eaque a sole fuisse illuminatam. Quid enim, si dicam; quod probabilissimum est; illam auroram borealem (quam ad dictam altitudinem evehit, caeterarum nubium instar modo ascendere; modo descendere; & ea solummodo nocte; qua apparuit, & a sole jam non illuminabatur; ad dictam altitudinem ascendisse? 4. Gravitatem; & densitatem aeris in constanti aliqua ratione pro altitudine decrescere: 5. digitum cubicum; aut sphaericum aquae plus habere materiae, quam similem aeris digitum in ratione 1000 ad 1; plus vero, quam digitum aurorae borealis in ratione unitatis cum 75 cifris ad unum. Quid enim; si negem, cum innumeris fere philosophis systema gravitatis universalis, quod in calculo supponitur; & dicam; omnia corpora esse aequae densa, licet non aequae gravia?

442. Omnia haec supponit calculus; omnia sunt saltem dubia & a quamplurimis negantur; aliqua etiam

(a) *Berschovich Dissert. de lumine Solari.*

etiam sunt falsa ; ut suis in locis docuimus . Rursus autem calculus vel uno solummodo ex positis *datis* deficiente . Jam vero ; primum *datum* esse falsum ; statim conficiam : major scilicet massa non est causa , quare a minori corpore non deferatur majus . *Secundum* in loco negavi ; & nullo modo potest supponi : *Tertium* est maxime dubium , ut indicata ratione ; & aliis probari potest : *Quartum* constantibus physicorum observationibus in loco relatis opponitur . Præterea vero , qui hujusmodi calculum tueatur , in gravissimas difficultates incidet . Primo enim materia auroræ borealis est materia luminosa : ut ex hujusce phænomeni descriptione superius a nobis exposita constat : eandem igitur habet proprietates , atque luminosa materia solis . Quæro modo , est ne lumen lumine subtilius ? 2. Est ne lux corporis luminosi ; seu flammæ terrestris , diversæ naturæ ; atque lux solaris ? Qui id admittat , rem maxime obscuram , atque in reconditiori naturæ sinu latentem temere definit . Quod si lucem esse lucē subtiliorem , ex eo etiam probes , & deducas ; quod lux solaris lucē auroræ borealis secum non deferat ; iterum recidimus in principium , de quo litem intendimus .

443. Præterea in systemate colorum Newtoniano vix dici posse videtur ; esse lucem luce subtiliorem . Etenim secundum ejusmodi systema statim exponendum albus splendor auroræ borealis , aut lucis terrestris constat ex septem primitivis coloribus , seu substantiis heterogeneis , rubro scilicet ; flavo ecc. perinde , atque splendor solaris : radius igitur rubeus in utroque splendore eundem habet refrangibilitatis gradum juxta dictum systema : at diversam refrangibilitatem ex diversa particularum luminosarum soliditate , & mole repetunt hujusce systematis assertores : rubeus igitur solaris , & rubeus terrestris ; seu borealis ex una parte habebunt eandem refrangibilitatem , hoc est , eandem molem ; quia sunt idem color : ex alia habebunt diversas refrangibilitates , hoc est , erunt diversi colores ; quia sunt inæqualis molis & soliditatis . Nihil assumo quod non sit eo in systemate admissum : argumentumque eo validius mihi videtur , quod consequentiæ ex systemate ipso deductæ sese videantur elidere .

444. Alia item ex eodem argumento enascitur dif-

ficultas: quare particulae, & torrentes solares rapidissimi in materiem aurorae borealis, & massam aeream in eadem altitudine existentem incurrentes, eam una secum non deferunt per immensa vacua caelestia? Ponamus primo utramque materiam luminis aequae esse subtilem; & solem S esse in horizonte partium atmosphaerae AB, de quibus modo loquimur (*Fig. 39.*) particulae aurorae borealis, & aeris in eadem altitudine existentis sunt aequae subtiles, atque lux solaris per hypothesein; materia vero superior atmosphaerae erit luce subtilior juxta hydrostaticae leges, omnis haec materia illuminatur a sole S; ergo particula A v. g., aut B, globus nempe lucis ab aequali globo a sole emissio per lineam rectam ea velocitate, & vi percutitur, qua globus percussus percurrit 4000000 leucas singulis minutis, hoc est, leucas 66666 singulis minutis secundis: juxta leges igitur percussiois globus B accipiet integram velocitatem 66666, si est elasticus; 33333, si est mollis, aut durus: ergo globus B in pnncto percussiois duplici vi urgetur, prima scilicet, attractione, seu gravitate, qua in minuto secundo percurrit 15 pedes versus tellurem; secunda autem, nempe impulsione, qua eodem tempore percurrit 66666 leucas a tellure recedendo: cum ergo nullum in immenso vacuo occurrat obstaculum retardans; vide, quod tandem abeat atmosphaera terrestris.

445. Si vero partes aerae ponantur majores, eadem etiam tenet difficultas: sit enim particula solaris C vigesies v. g. aut millies subtilior, quam A; per impulsioem igitur particulae C accipiet A velocitatem vigesies v. g. minorem, quam sit 66666 leucarum in singulis secundis: tardius igitur movebitur A, quam particulae D F ecc. a sole emissae: ergo D F in A aliaeque post alias consequenter incurrentes, illius velocitatem magis semper, & magis augerunt, quoad particularum solarium velocitati brevissimo tempore aequetur.

Dices forsitan, particulam A impediri ab aliis versus G existentibus: verum de iis est eadem quaestio; illuminantur enim, feriuntur, percutiuntur a particulis solaribus: illae igitur primae omnium, vel una simul cum aliis detruduntur, & abeunt.

446. Hinc alii oppositae sententiae assertores, ut
sola-

solares emissiones reparent, ad Cometas confugiunt; qui, inquit, post certas annorum periodos in solem labuntur, & deperditam materiam compensant. Verum Cometæ sunt totidem planetæ; ut nemo non inficiatur: Terra ergo, aqua, saxa, metalla sunt materia lucis, & in lucem verti possunt? In data responsione consequentia est necessaria; rem tamen obscurissimam infert, quæ cum eorundem philosophorum doctrina male cohæret.

447. Esto id tamen: da modo cometam in solem lapsam: de nullo sane id constat: quin immo cum cometæ sint veri planetæ, ut in adversariorum sententia est Tellus, & in peculiaribus orbitis, ut Tellus, Mars & alii circa solem volvantur; eodem modo, quo tellus aut Venus a 6 mille annis per orbem suos volvuntur, quin in solem cadant; idem similiter in cometis observabitur: aut si cometæ in solem labuntur; ab ejusmodi etiam lapsu timeamus oportet: quod quidem esset puerile, aut poeticum figmentum. Qui igitur in hunc modum argumento responderit, effectum certo existentem per causam nectam exponit, quod unum sufficit, ut eadem semper maneat difficultas.

448. Sunt, qui periclitanti soli auxilium, hoc est, effluvia a planetis accersant; sunt etiam, qui solem imminutum concedunt, exigua tamen molis differentia. Sed primi attractionis systema, & vacua; aut non tenent, aut non intelligunt; secundos monere sufficiat, litem esse de integra materia solis in vacuo immenso circa centrum rapidissime revoluta. Fluidam sphaeram, ut alibi diximus, hic in superficie terræ vertigine ad horizontem perpendiculari circumvolve: totum fluidum per tangentes vi centrifuga sursum in aerem propellitur; quantumvis a terra attrahatur, hoc est, in terram ponderet: vis igitur centrifuga gravitatem, seu attractionem in contactu ipso, ubi validissima statuitur, superat: superata autem attractione in contactu, nulla deinceps existente resistentiâ in vacuo, quid materiam integram solarem detineret, ne vel ab ipso vertiginis initio per inane dissolveretur? Superius jam, cum de igne differuimus, longe aliam *Petri van Muschembroek* opinionem circa materiæ e sole effluentis copiam attulimus: immo & calculum indicavimus,

quo solis extinctionem, & dissipationem pluribus jam a sæculis fieri debuisse probatur.

449. Opponitur tandem; In nostra opinione explicare omnino non possumus, quo pacto phosphori luceant, & quam plurima corpora soli exposita, aut putrescentia, aut fermentantia fiant luminosa, hoc est, aliquam ex se emittant lucem. Respondeo: Hæc omnia corpora eadem ratione lucere, qua lucet flamma, aut ignitus carbo: quia scilicet eorum partes eum habent motum, in quo lucem sitam esse demonstravimus: eas præterea vibrationes circumstanti materiæ imprimendo, per illamque ad nos usque transmittendo, luminosa nobis apparent. Unde tamen, inquis, eum motum accipiunt prædictorum corporum partes? Respondeo: aliqua eum motum accipiunt, & fiunt luminosa eodem modo, quo carbones, seu lignum, opacum antea, & iners corpus, fit postea lucidum, actione scilicet ignis, aut solis: ignescit enim, & lucet carbo, non quia extraneam materiam accepit, sed quia illius particulæ a sole, vel igne terrestri excitatæ motum accipiunt illi similem, quo solis etiam partes agitantur: alia vero lucida fiunt, hoc est, accenduntur putrescendo, fermentando &c.; quia illorum partes prædictis hisce modis agitantur, accenduntur, inflammantur. Uno verbo, omnes phosphori, & corpora, dum lucent, habenda sunt tamquam corpora vere inflammata, & ignem atque lucem magis, vel minus sensibilem emittentia: fiunt igitur phosphori ea prorsus ratione, qua accenduntur corpora: lucent eo etiam modo, quo inflammata corpora lucent: multiplici autem ratione inflammantur, & accenduntur corpora, ut suo loco explicavimus: lucem etiam emittunt, & illuminant, materiam circumstantem vibrando: eodem igitur modo lucent phosphori.

450. Corpora igitur, quæ soli exposita, lucent postea in tenebris, non ideo lucent, quia materiam solis interdiu acceptam noctu reddant: lucent enim squammæ piscium, & plurima alia corpora putrefacta, & fermentata, quin soli exponantur, & radios imbibant: lucent igitur illa corpora, quia a calore solis elementari eorum igne excitato, intestinum vibrationis motum illorum particulæ accipiunt: eumque postea conservant, a solis etiam calore, & luce remo-

remota; quamdiu internus ignis, & fermentatio durat. Supervacaneum est in his amplius immorari, cum alibi hoc argumentum pertractemus.

451. In sententia autem Epicuri vix hæc intelligi possunt; etenim particulæ lucis sunt opacæ, & etenim lucem efficiunt, quatenus velocissime moventur, & ferunt; lucere enim est ferre; jam vero particulæ solares in corporibus imbibitæ, atque in iis servatæ motum suum amiserunt: ut iis mediantribus corpora ipsa noctu luceant, necesse est, ut eas motu perniciosissimo impellant, quali scilicet a sole ad nos veniunt. Hæc omnia sunt eo in systemate certa: da modo causam, vim & rationem, qua squammæ piscium v. g. ligna putrescentia, lapis Bononiensis, & mille alii phosphori particulas illas versus omnes partes enormi velocitate emittant? Quocumque te vertas, difficillime ab argumento secundum principia attractionis te expedies.

452. Ut longissimam quæstionem absolvamus, sequentem denique difficultatem propono, quæ Epicuri sententiam non parum impugnat. Si lux est corpus velocissime, & per lineam rectam semper motum; canales semper rectos invenire opus est in omnibus corporibus pellucidis tum solidis, tum etiam fluidis. Consideremus modo fluida corpora v. g. aquam, vinum, spiritum vini &c., præcipue cum calida sunt; omnia hæc fluida ex particulis inter se divisis, immo & (saltem dum calefcunt) versus omnes partes sese moventibus componuntur, ut nullus hodie Physicus negat: hoc posito, perpende parumper, si fieri possit, ut particulæ minutissimæ, divisæ, in omnes partes motæ efficere possint poros, seu canales rectos versus omnes partes; lux siquidem per medium fluidum a quæcumque parte pertransit; illuminatur etiam aliquando fluidum ab omni latere, & versus omnes partes lucem transmittit; a quocumque igitur puncto fluidi versus omnes, & quascunque partes distendi semper poros rectos, nunquam perturbatos, necesse est. Si ad partem fluidi subtilitatem, raritatem, & mobilitatem confugas; flamma irata responsionem convellit: est enim hoc corpus fluidum, cujus partes sunt subtilissimæ, raræ, & perenni motu agitatæ; nihilominus tamen est corpus opacum, poris rectis omnino destitutum.

Quantumvis enimvero corpus in grana divides, grana in farinam, farinam in minutiozem adhuc pulverem conteras, atque reduces; cumulum granorum, aut farinæ semper habebis opacum, nullisque poris rectis perforatum.

453. Quæ hucusque in tota hac quæstione, vel ad sensum nostrum probandum, vel ad opposita diluendum attulimus, eo majoris momenti & sunt, & ab adversæ sententiæ fautoribus haberi debent; quod ipsemet *Newton*; cui emissionum systema & nomen modo, & vim omnem debet, post tot experimenta circa lucem & colores magna industria, & ingenio ab ipso instituta, atque exacta, post penitissimam totius argumenti discussionem, lucem tandem corpus esse, dubitabat. Infirma adeo homini, emissionum solarium auctori, visa sunt, quibus rem suam probabat argumenta. En ipsamet *Newtoni* verba. *Verum quidem est, quod ex mea theoria arguo, lucem esse corpus: at id non incunctanter assero: ut innuit verbum fortasse. Id propono ad summum tamquam probabile doctrinæ meæ consecrarium, non tamquam hypothesein, qua, velut fundamento, doctrina stabiliatur: quin immo nec tamquam doctrinæ partem, quæ omnino superioribus propositionibus continebatur. At sciebam, illas, quas palam faciebam lucis proprietates aliquatenus explicari posse non solum hac, sed pluribus aliis mechanicis hypotheseibus: & ideo illas omnes vitare decrevi (a).*

§.

DE ILLUMINATIONE, ET UMBRIS.

454. Quoniam lux a corpore luminoso, tamquam centro, versus omnes partes per lineas rectas semper diffunditur; necessario consequitur, 1, omnia spatia circum corpus luminosum, inter quæ, & luminosum ipsum nulla sunt impedimenta, esse illuminata, si in ea sit distantia, ad quam luminosi actio pervenire possit. Spatium a luminoso aliquo corpore illuminatum, aut sublato impedimento illuminandum,

(a) *Newton. Opusculo 19.*

dum, per quod scilicet illius actio est sensibilis, *illuminationis sphaeram* appello: omnia igitur puncta in illuminationis sphaera existentia, inter quæ, & luminosum ipsum nulla sunt lucis impedimenta, erunt illuminata.

455. 2. Eam sphaeræ illuminationis partem, inter quam, & luminosum aliqua sunt lucis impedimenta, hoc est, corpora opaca, non esse illuminatam id vero *umbram* nuncupamus. Tria tamen hic distinguenda sunt, *tenebræ*, *umbra*, *penumbra*: *Tenebræ* sunt perfecta lucis privatio, qualem scilicet in in domo utrimque clausa noctu habemus. *Umbra* est lucis directæ privatio, seu spatium a luminoso directe non illuminatum ob corporis alicujus interpositionem, aliunde tamen modico lumine reflexo, aut refracto permeatum. *Penumbra*, seu *penumbra* a tenebris magis adhuc recedit, & ad illuminationem magis accedit, quam umbra; estque directæ lucis privatio imperfecta: cum scilicet a luminoso parte aliqua tantummodo illuminamur, eamque videmus.

456. 3. Corpora igitur tantummodo opaca, & illuminata umbram ex se projiciunt. Si enim sint pellucida; lucem non impediunt. Si non illuminentur; in umbra potius existunt, quam illam projiciant.

457. 4. Corporum umbra in partem a luminoso semper averfam projicitur. Sit A (Fig. 8. Tab. opt.) corpus luminosum v. g. sol, B corpus opacum ab A illuminatum: omnia spatia igitur inter B, & A sunt illuminata; neque corpus B diffusionem lucis directæ impedit, nisi versus G E: umbra igitur corporis opaci B tantummodo projicitur, & distenditur a B versus E; hoc est, in partem a luminoso semper averfam.

458. 5. Umbra recta a corpore opaco projicitur: hoc est, definitur a lineis rectis luminosam, & opacam sphaeram tangentibus.

459. Ducantur, aut ductæ intelligantur duæ rectæ C D E, H N E sphaeram luminosam A, & opacam B tangentes, atque ulterius productæ. Quidquid spatii est inter E I, & E M a sphaera opaca B versus E est penitus umbrosum; quidquid spatii est extra illas tangentes est illuminatum, aut a toto luminoso, aut ab illius parte: punctum luminosum C lucem directe emittit per rectam tangentem C E,

6um

cum nullum inveniat impedimentum; nullam vero diffundit supra ED ; idemque dicendum de puncto luminoso H : rectæ igitur tangentes CE , HE umbram definiunt.

460. 6. Si sphaera luminosa A (*Fig. 7.*), & opaca B sint æquales; umbra FH erit cylindrus: quæ proinde ab opaca sphaera in immentum produceretur inter parallelas EH , FC . Concipe enim circa axem ABI circumvolvi rectam CF supra periphærias duorum circulorum maximorum, & æqualium CAE , FH : describetur citra dubium cylindrus CH , a sphaerarum tangentibus, hoc est, a radiis umbram deficientibus, & cylindri superficiem efformantibus, atque parallelis circumscriptus: erit igitur umbra cylindrus in immentum productus.

461. 7. Si sphaera luminosa A (*Fig. 8.*) sit major, quam opaca B ; umbra erit pyramis recta ENM terminata a tangentibus NE , ME , cujus basis erit circulus NM sphaeræ opacæ, axis recta BE . In hoc siquidem casu, cum sphaera opaca sit minor, tangentes ab A versus B convergunt, & tandem in puncto aliquo E concurrunt, quod est umbrosæ pyramidis culpis.

462. 8. Si sphaera luminosa G (*Fig. 9.*) sit minor, quam opaca A ; umbra EK erit pyramis truncata in infinitum producta: quæ scilicet a sphaera opaca recedendo magis semper, & magis ampliabitur. Clariora hæc sunt, quam ut in his explicandis diutius immorari operæ pretium sit.

463. In primo horum trium casuum sphaera luminosa illuminat hemisphaerium, seu dimidiam partem opacæ; in secundo plus, quam dimidium: in tertio minus, quam hemisphaerium. Rursus in primo illuminabitur semper hemisphaerium; quantumlibet sphaeras vel removeas, vel admoveas: id enim sequetur ex radiorum tangentium, & parallelorum ratione.

464. In secundo casu eo major pars illuminabitur sphaeræ opacæ, quo minor fuerit inter illam, & luminosam distantia: eo minus, quo magis a luminosa removebitur opaca; semper tamen plusquam hemisphaerium illuminabitur; si exacte loquamur; quoad sensum enim illuminabitur hemisphaerium, si vel exigua sit inter utramque sphaeram magnitudinis distantia, vel ad magnas distantias removeantur.

463. In tertio demum casu , eo minor pars illuminabitur , quo magis ad luminosam accedat opaca . Alia , quæ ad umbram , & illuminationem spectant , atque ex utriusque theoria deducuntur , & solvuntur Problemata , hujus loci non sunt , sed in Astronomia , ubi de eclipsium calculo agitur , & in Geometria , ac Geographia proponi , & resolvi solent , ac debent .

L E C T I O X.

*De Coloribus , & primo de corporis pellucidi ,
& opaci ratione .*

D E F I N I T I O .

466. Ut ab exposita lucis natura ad ejus munus , & proprietatum explicationem descendamus , aliqua imprimis de pellucidis , & opacis corporibus sunt dicenda . *Pellucida* sunt , & dicuntur corpora , quæ luci transitum permittunt , ejusque propagationem non impediunt : qualia sunt vitrum , chrystallus , aqua ; *Opaca* ea sunt , quæ luminis transitum præcludunt , ut lignum , terra .

P R O P O S I T I O XXIV.

467. *Corpus pellucidum illud est , cujus partes ita sunt secum ipsis intertextæ , ita mobiles , tensæ , & elasticæ , ut appellentes luminosi corporis oscillationes accipere , & transmittere in contigua corpora possint . Opacum ex adverso est illud , cujus partes , aut superficies ita sunt constructæ , ut acceptam vibrationem ulterius non transferant ; sed eam in se se imbibant , & destruant .*

Hæc propositio ex hætenus dictis sponte consequitur . Lumen in medio , per quod transmittitur , sunt vibrationes perinde ac in luminoso ; omne pellucidum corpus hujusmodi medium existit . Deinde plurima sunt corpora fluida pellucida ; eorum vero pori , seu foramina recta esse non possunt ob continuum , & perturbatum particularum motum , quem fluidorum corporum , saltem calefcentium , proprium esse diximus ; igitur pelluciditas non in poris rectis
pos-

posita est, ut in emissionum solarium systemate necessario ponitur: sed ab eo pendere videtur, quod fluida ipsa acceptas, & impressas a Sole vibrationes, pressionem, & actiones ulterius transferant.

468. Eo pacto solaris, seu terrestris luminis actio, & vibrationes non intermittuntur; sed perinde continuantur, ac si loco fluidorum v. g. aquæ, substitueretur aura, quæ parem haberet densitatem. Sicut enim, qui baculi oblongi extremitatem unam sustinet, distincte percipit omnem impressionum varietatem, & discrimen, quæ in extremitate opposita imprimuntur; baculusque ipse est instrumentum objectorum actionibus, impressionibus, & modificationibus ad manum usque transferendis aptum; pari ratione de corporibus, quorum particule sint maxime volubiles, aut tensæ judicari posse videtur. Oculus v. g. in quem aqua acceptam a Sole impressionem transmiserit, Solem procul dubio repræsentat; cum perinde afficiatur, atque si, sublata aqua, afficeretur: per aquam igitur eo pacto Solis actiones transmittentem videtur Sol; ac proinde erit aqua corpus pellucidum. Neque solum corpora fluida, sed solida etiam, immo potiori jure, explicata modo ratione pellucida esse possunt. Ex una enim parte res est captu omnino impossibilis, quod corpora non solum fluida, verum etiam solida, in quacumque sui parte sensibili poros habeant rectos versus omnes partes, ut paulo superius exposuimus. Ex alia vero parte de nullo alio agitur in præsentī, nisi de transmissione vibrationum lucem constituentium: vibrationes autem æque possunt transmitti per corpora fluida, atque per solida: dummodo horum partes eam habeant tensionem, dispositionem, & subtilitatem, ut tremere, seu oscillare possint. Equidem chordæ sunt corpora solida; tremunt tamen, & oscillant; tremendo & oscillando sonum transmittunt: existimandum igitur tibi est, lamellam vitri aut chrysalidis aliud non esse, quam chordam lucis, chordam vero esse vitrum soni: omnia iterum in luce, & sono circa hoc etiam coherent; sed vide, quæ infra dicimus de refractione luminis.

COROLLARIUM I.

469. Ex his corporibus terrenis, & impuris, quæ tractamus, nullum est perfecte pellucidum. Omnia enim oscillationes in illa impingentes plus minùve reflectunt, ac debilitant. Deinde cum impura sint, hoc est, ex materiis heterogeneis composita; diversam partes ipsæ habent tenacitatem, poros, figuras, tensiones, subtilitatem, & id genus alia: fieri igitur oportet, ut aliquæ perfecte, aliæ imperfecte, aliæ etiam nullo pacto oscillationes transmittant.

470. Nulla etiam sunt corpora, quæ si in tenues bracteas dividantur, sint perfecte opaca. Cum enim univèrsa corpora sint porosa, in iisque poris fluidum habeant transmittendæ luci idoneum; fit, ut si in tenues bracteas dividantur, parva pororum segmenta in subtilibus illis bracteis interjacentium ob subtile, quod continent, fluidum vibrationem transmittant. Deinde ipsæ etiam bracteæ subtiles facilius oscillant, atque transmittendis oscillationibus multo aptiores sunt, quam corpora ipsa profunda: per pauciores enim heterogeneas partes oscillationem transmitti opus est, quo subtilior fuerit bractea. In hoc uno sensu dicimus, corpora nulla esse perfecte opaca: alias enim innumera esse crassa, (immo fere omnia) quæ nullam lucem, saltem sensibilem transmittant, notissimum est.

COROLLARIUM II.

471. Corpora pellucida solida, v. g. vitrum, fieri possunt opaca; si in pulverem, aut parva frusta comminuantur: His enim comminutis, particularum tenuitas, aptaque ad tremorem dispositio perturbatur. Idem in fluidis corporibus fiet, v. g. in aqua, cum in ea opaca corpora injiciuntur, cum iis commiscuntur, aut in iis dissolvuntur; extraneæ enim particulæ intra poros admissæ lucis oscillationes perfecte transmitti ut plurimum impediunt. Ex opposito etiam pellucida sæpe fiunt corpora antea opaca, aliorum corporum permixtione: ut in papyro observamus, quæ oleo madefacta lucem transmittit.

472. Ex dictis facile intelliges, & explicabis sequen-

quentia vulgaria phænomena. Omnium liquorum etiam pellucidorum spuma est opaca: Lucem enim circumquaque copiosissime reflectit: id vero ex multiplicitate sphaëricarum bullularum se se contingentium, & ex permixtione aeris inter aqueas superficies consequitur. Ex eodem capite vitrum, aut chryſtallus fracta pelluciditatem amittunt. Ex his discite alia.

473. Ultimo notandum est, in sententia Epicuri circa lucem consistere pelluciditatem corporum non modo in poris rectis, verum ulterius opus esse, ut ii sint vacui: in ea enim sententia lux est materia transiens per vias rectas; in nostra lux non est materia, sed actio transiens recta per materiam: poris igitur non indigemus, vacui a nobis rejiciuntur; cum per vacuum neque sonus, neque lux propagari possint.

L E C T I O X I.

De Colorum Natura.

D E F I N I T I O.

474. Anima nostra per oculos, quemadmodum etiam per aures, objecta a se remota percipit. Perceptio animæ per aures acquisita dicitur *auditio*; *sonus*; *tonus*, *harmonia* ecc.; quæ per oculos habetur perceptio, *lux*, aut *color*, seu lucis; aut coloris *sensus* nuncupatur. Corpora eodem modo per aures animam afficientia, sonum, diverso, tonos generant: objecta similiter eodem modo luce pura animam per oculos modificantia, lucem, diverso, colores in anima excitant. Corpora diversa sonora eadem vi ad tremorem concitata diversos in nobis tonos, aut sonos efficiunt: similiter corpora opaca luce perfusa diverso modo oculos nostros afficiunt, & varios in nobis sensus excitant, quos colorum perceptiones, seu colores appellamus.

475. Quid ergo sunt colores? De sonis jam diximus, & probavimus, aliud eos esse in corpore sonoro, aliud in medio, aliud in anima. Similiter igitur colores in objecto, in medio, in anima distinguuntur. Interim tamen nomine colorum intelligimus

mus eas corporum species, seu, ut dicitur, apparentias, quibus ea oculis percipimus, & nobismet-ipsis repræsentamus, quin ad eorum figuram, magnitudinem, & soliditatem attendamus. Nullum colorem percipimus; nisi luce perfundantur corpora, quæ colorata apparent: præterea vero debet corpus coloratum lucem modificare, & in nos regerere, ut colores in ipso despiciamus. Si lucem non modifiet, colorem non habet; nisi eam in nos regerat; colorem in eo non videmus. Sola igitur opaca corpora prædita sunt coloribus, cum pellucida lucem non regerant.

476. Tria in coloribus distinguenda sunt; corpus lucem in nos regerens, quod coloratum aut est, aut apparet: Lux ipsa ad nos ab objecto reflexa, aut refracta: Colorum ipsorum seu objectorum perceptio: *Album*, & *Nigrum* colores extremi nuncupantur, propterea quod a se se, & ab aliis maxime removeantur. *Colores Primarii* sunt illi, qui de aliis nihil participant: *Medii*, qui ab aliis nascuntur. Rursus alii sunt *permanentes*, ut rubedo in rosa; alii *apparentes*, ut colores prismatis; & alii in columbarum pennis, aut etiam in Iride depicti.

ANNOTATIO HISTORICA.

477. Circa colores plurima amena, neque tamen obvia discutiuntur: generatim queritur; sunt ne vere in objectis colores? an potius illæ sunt puræ affectiones, & perceptiones animæ, ab hac in objecta relatæ, ut de sonis, tónis, harmonia diximus, ita ut extra animam sint diversæ solummodo affectiones, modificationesque a corporibus ad nos usque transmissæ? Rursus colores sunt ne aliquod accidens, vel ipsa corporum substantia; an potius sunt lux ipsa, illiusque radii. Veteres scholastici colores omnes, ut qualitatem metaphysicam spectantes, nihil de illis physicum, & sensibile exponebant. Modus hic philosophandi nullis experimentis, aut firmis rationibus innixus jam est obliteratus; philosophique ad unum omnes secundum materialia, & mechanica principia explicant. Celeberrimæ sunt in hac materia Cartesii, & Newtoni, eorumque discipulorum sententiæ; quas paucis dabo: interim tamen utriusque circa luminis naturam systema su-

superius expositum recole cum a suo quisque colorum explicationem, & naturam derivet, & uterque in luce constituat.

478. Neutoni sententiam sequentibus brevissime explicabo: sit AB (Fig. 41.) camera quædam satis ampla, longa, & obscurissima: CE fenestra solem respiciens, & bene clausa: N parvum foramen, cui tubus mobilis aptatur, ut solem semper directe respiciat, itaque convolvi possit, ut ad solem sensim progredientem semper dirigatur: quamdiu durat experimentum. Per tubum admittitur in cameram obscuram radius solaris ND , & in prysmatis cristallini, quantum fieri poterit, puri, faciem alteram oblique incidat, per illudque traducitur. Radius per prysma traductus in charta alba ad distantiam 30, aut plurium passuum a prysmate recipitur. Radius luminis ante prysma est pura lux sine ullo colore, aut refractione: in prysma illapsus refringitur, & magis dilatatus egreditur; in charta spectrum FG , seu imaginem H depingit oblongam, latitudine quidem foraminis capacitati parem, a lineis FG , HI parallelis terminatam; altitudine vero, eo majorem, quo magis charta a prysmate removeatur, secundum longitudinem in septem colores, seu fascias coloratas est distincta, *rubream, auratam, flavam*, &c. Rubeus color a radiis minus refractis LH , violaceus ab MI , qui magis refringuntur: colores alii a radiis intermediis exhibentur.

479. Hoc est primum experimentum, rei summam continens, & eorum omnium fundamentum, quæ postea primus instituit Neuton (a), repetiit Nollet (b), *Graveffande* (c), *Castel* (d), *Desagullieres* (e), & alii. Hoc utique experimento multipliciter transformato, circumstantiis, & rerum combinationibus mutatis, habetur 1. septem in spectro illo optico depingi colores inter se clare distinctos. 2. Radios coloratos egredi e prysmate divergentes: & cum in prys-

(a) *Voyez l'optique de Mr. Neuton.*

(b) *Leçons de Physique. t. 3.*

(c) *Instit. Philos. Neut.*

(d) *Optique des Couleurs.*

(e) *Cours de Physique.*

prisma incident paralleli, unumque radium component; in prisma refringuntur diverso modo. 3. In intermediis eorum septem colorum confiniis, ex radiorum permixtione, seu confusione alios nasci, & apparere colores compositos, & minus vividos. 4. Si ad distantiam unius pedis a prisma radii excipiantur in vitris rubeis, viridibus, cæruleis, seorsim consequenter interpolitis; quodcumque vitrum eum solum radium transmittit, qui eundem, atque vitrum, colorem habeat (a). 5. Si radii per plura simul prismata ordine transmittantur; eundem semper, quisque suum, refractionis majoris, aut minoris gradum in omnibus prismatibus servant. 6. Si radii nimium oblique in aeris, & prismatis superficiem AB (Fig. 42.) incident; reflectuntur ea constanti lege, ut radii magis refrangibiles citius etiam, & magis reflectantur. 7. Si per parvum foramen in opaca tabella DE post prisma radios excipiente unus solummodo radius M, quicumque ille sit, impeditis reliquis, recipiatur; quantumvis deinceps reflectatur, & refringatur, eundem colorem servat: in corporibus etiam quorumcumque colorum ordine receptus, suo semper colore corpus tingit; adeo ut si radius sit rubeus v. g.; objecta nigra, alba, cærulea &c. appareant rubra, & ita de cæteris (Fig. 43.) 8. Unde nullus ex septem spectri radiis, aut coloribus mutari unquam potuit, aut in alios colores resolvi. 9. Si duo, tres, aut plures radii heterogenei primo separati, postea diverse combinentur, & in unum idemque punctum confundantur; diversi nascuntur colores mixti inter septem illos primitivos medii, & ex iis compositi: li autem iterum prismatis ministerio resolvi possunt in primitivos colores, perinde, ut lucis puræ radius. 10. Si radii per prismata separati, iterum opellenti convexæ in unum coeant, & confundantur; lucem puram, & albedinem efficiunt. Hucusque experimenta: ex his vero sequentem theoriam deducit.

480. Lux ex partibus heterogeneis, & specie diversis constat: *Secundo*: hujusmodi species numerantur septem, quæ totidem colores sunt primitivi, im-

muta-

(a) Nollet leçons Phys. Exper. 3.
Mont. Phil. Tom. VIII.

mutabiles & simplicissimi: *Tertio*; lux igitur in se ipsa septem illos habet colores; seu radii lucis per se ipsos sunt colores primitivi, & immutabiles ex sua natura citra ullam particularum modificationem. *Quarto*; Omnes septem radii; seu colores secum ipsis confusi, ut a Sole, & a luminosis reliquis erumpunt, & per medium diffunduntur, sunt lux pura, album solum constituunt; nullam peculiaris coloris motionem in oculo imprimunt; aut sensum in anima excitant. *Quinto*: Septem illi primitivi colores, & radii simul, & confusi in superficiem corporis illapsi, & inde simul reflexi, eo modo, quem superius exposuimus, album efficiunt: illud proinde erit corpus album, e cujus superficie omnes septem radii primitivi, confusi; & copiose quaquaversum reflectuntur: *Sexto*: Corpora illa, seu superficies, quæ peculiarem, & proprium habent colorem, ea sunt, quæ radios solum ejus coloris copiose reflectunt; cæteras radiorum species imbibunt, & in sese recipiunt: Corpus v. g. rubrum rubros radios ad oculum, & quaquaversum regerit, cæteras radiorum species imbibit, aut parum reflectit; & similiter de aliis corporibus, & superficiebus. *Septimo*: Superficies, quarum colores sunt mixti, & inter extremos medii, radios duarum; trium, aut quatuor specierum hac, vel illa ratione, & quantitate temperatos remittunt; cæteros vero in sese recipiunt, & veluti extinguunt. *Octavo*: Eo igitur sensu colores ab objectorum superficiebus pendent; quatenus corpora pro varia superficialium; & particularum textura, figura, mole, ordine, & situ, vel omnes radiorum species imbibunt; aut omnes reflectunt; unam solummodo; duas, aut tres v. g. varie attemperatas ad nos remittunt. *Nono*: Illa corpora vividiorum habent colorem v. g. rubrum, quæ ejus speciei radios copiosius, & vividius remittunt, quam alia, quæ dilutioribus coloribus vestiuntur: quemadmodum de albedine supra diximus. *Decimo*: peculiaris hæc radiorum solarium diversitas in diversa particularum solarium figura, densitate, magnitudine, & massa consistit; illi v. g. radii, qui minus reliquis refringuntur, & reflectuntur, quales sunt rubri, alios densitate, & mole excedunt, & ita de cæteris. *Undecimo*: Spectari igitur debent colores;

tam-

tamquam puræ lucis proprietates : Hæc est Newtonianæ doctrinæ summa , quam apud ipsum *Newtonum*, *Desaguliers*, *Gravesande*, *Pemberton*, & alios fuscè expositam invenies , & omnia visionis phænomena secundum eandem sententiam explicata ; & deducta : ea tamen impræsentiarum omittimus ; quia alio spectant , & faciliè ex modo dictis , & inferius dicendis intelliguntur .

481. Cum *Newton* systema hoc suum in lucem edidit ; quamplurimi Physici si minus hovitate , ut dicam , rei tamen luminè percussi , eadem experimenta instituerunt : & imprimis quidem *Mariotte* ; observandi sagacitate nulli secundus : non eadem tamen phænomena observavit : Experimento enim rite instituto ; ad distantiam fere 30 pedum a prisma spectrum exhibebat colores , non tamen satis distinctos : colorem rubeum ab aliis separatim per secundum prisma trajecit ; trajectus in duos colores cæruleum , & violaceum mutatus fuit ; rubro penitus disparente . Radium similiter violaceum in rubeum , & flavum mutavit (a) : *Rizzetus* etiam diversa , atque *Newton* ; observavit phænomena : Rem eandem post plurimis aliis aggressus *Castell* , observatis Newtonianis non conformem deprehendit (b) . Quare circa experimenta etiam ; & observationes litem Newtono intenderunt quamplurimi ; & intendunt etiamnum aliqui .

482. Certum hac in re mihi est , *Newtonum* ; *Mariotte* , *Castell* , & alios optima fide experimenta quæque sua proposuisse : quare certum etiam apud omnes est , non omnia prismata ad radios separandos , & experimenta hæc instituendum esse apta ; illa requiruntur , quæ sint bene pura , qualia adhibuit *Newton* , & *Gravesande* . Utrum vero per omnia prismata pura res bene vertat , id ego nescio , & nullus ut rem indubiam affirmare poterit .

483. Porro *Vossius* (ut sua erudito viro gloria constet) ante *Newtonum* eandem omnino sententiam , idem experimentum in camera obscura , eisdem heterogeneos colores in luce antea existentes proposuit ,

(a) Vide ipsum *Mariotte* , *Castell* , *Saverien* .

(b) *Optique des Couleurs ; le vrai système de Phys. etc.*

fuit, explicuit, & statuit (a). Quidquid tamen de hoc sit; Utrum *Newton* rem a *Vossio* acceperit, an ipsam etiam post *Vossium* inciderit, parum omnino refert: id constat, relatum colorum systema fuisse a *Newtono* adeo promotum, atque ornatum, ut *Newtonianum* jure merito nuncupetur,

5

484. *Renatus Descartes* non minori ingenio præditus explosa veterum scholasticorum opinione, colores ab ipsa etiam luce derivavit; via tamen longe alia, atque *Newtonus*. Cum lucem non per aliquas effluviolorum emissiones explicaret, sed per continuatas, viridas, & alternas pressiones secundi Elementi, cujus particulis rotundis totum plane firmamentum replevit; colores, qui sunt ejusdem lucis, & objectorum media luce repræsentationes, & perceptiones, per peculiare combinationes motus seu nîsus recti, & circularis eorum globulorum secundi elementi explicat. Si materia, inquit, secundi elementi ita a corpore aliquo versus oculum regeatur, ut vehementius, & celerius circa proprium centrum, quam per viam rectam moveantur, aut moveri admittantur; ea in oculo affectio, modificatio, & perceptio nascitur, quam rubeum colorem, aut rubei coloris sensum nuncupamus; Si æquis viribus circa centrum, & via recta moveri admittantur, flavus color enascitur, & ita de aliis coloribus.

485. Philosophi denique qui libere philosophantur, licet omnia, aut fere omnia *Newtoni* experimenta admittant, & plurima ex *Cartesio* desumpta retineant; neque doctrinam, seu theorematum *Newtonianam* ab experimentis deducta, neque *Cartesianam* sententiam probant. Quomodo igitur sonos, eorumque discrimina per diversas aeris vibrationes, majores, minores, frequentiores, rariores, tensiores, vividiores, pluribusque aliis modis affectas, & modificatas explicamus; ita etiam colores, & colorum discrimina per multiplicem ætheris oscillationes, vibrationumque modificationes, & affectiones explicant: Perfectam igitur analogiam

(a) *Vossius* de Natura lucis.

gtam inter lucem, & sonum; inter colores, & tonos; inter vibrationes aeris, & materiae ætherae agnoscunt.

Porrò Cartesianam sententiam, eo sensu usurpatam, quo eam proposuit Descartes, ominino prætermitto; cum enim auctoris hypothesis circa lucem, & materiae secundi elementi tota innitatur; eam vero hypothesis, & pressionem superius rejecerimus; operæ pretium non est in hoc argumento ulterius immorari.

Mentem meam sequentia exponant: ut tamen ordine procedamus; prius illa, quæ apud omnes certa sunt, statuamus.

O B S E R V A T I O.

486. Ex cæruleo, & flavo permixtis omnes virides colores generantur: ex flavo & rubro omnes aurantii: ex rubro, & cæruleo omnes violacei; ut nemo pictorum ignorat. Tres propterea hi colores sunt compositi, non primitivi, aut simplices. Neque dici potest, id evenire in pictorum coloribus, non vero in aliis: omnes enim colores v. g. virides sunt ejusdem naturæ: quod si aliquid inter colores a pictoribus adhibitos, & alios a prisma generatos statuendum esset discrimen; si præcui dubio sinceriores pronuntiandi sunt, qui a pictoribus adhibentur. Hinc est, quod plurimi physici, alias Newtoniani, etiam post Newtonum, tres tantum esse colores primitivos existimant, quos aliorum fundamenta, principia, & elementa nuncupant, rubrum, cæruleum, flavum: cæteros vero, quos deus monstrat prisma, mixtos, seu compositos esse fatentur. Ita rem statuit Hartsoecker (a), Du-Fai (b), & nonnulli alii.

P R O P O S I T I O XXIV.

487. Colores ab objectorum, seu corporum superficie, & a diversis modificationibus, quas inibi patiuntur luminis radii, plurimum pendent.

Lux enim per se ipsam, si a nullo corpore reflectatur,

(a) Cours de Phys. liv. 2. c. 4.

(b) Mem. de l'Acad. 1737. pag. 267.

atur, refringatur, modificetur, aut separetur, nulum habet, seu potius in nobis excitat colorem, hoc est coloris sensum; si albedinem, seu potius vividum splendorem excipias; qui omnium fere sententia inter colores non numeratur. Objectorum enim vero superficiebus, partium scilicet figuræ, texturæ, magnitudini, & ordini referendum est, quod alios præ aliis habeant colores: in quocumque tandem illi consistant. Cum enim ab eodem lumine illustrentur; colorum diversitas a lumine solummodo repeti non potest. Corporum superficies eatenus in colores, & colorum diversitatem inquit, quatenus radii luminosi ob variam particularum, superficialium figuram, & scabritiem, poros & alia. id genus accidentia, in corporibus reflectuntur, separantur, imbibuntur, modificantur: unde innumeri nascuntur colores. Corpora etiam plurima, quæ nullius sunt coloris, passim colorantur, colorata vero colores sæpissime variant, & in alios mutant. Ob id solummodo, quod notabilis in eorum superficie fiat mutatio, ex qua luminis radii aliter, atque antea, modificati regerantur. Exempla sunt passim obvia; aqua, aut liquores cæteri pellucidi, & nullius proinde coloris, si nimium agitentur, ut in plurimam spumam abeant; albescent, Pellucida corpora solida, & dura, si in pulverem redigantur, pelluciditatem deperdunt, colorem acquirunt. Innumera item corpora, si cum aliis permisceantur, colorem novum acquirunt, antiquum deperdunt, aut immutant.

PROPOSITIO XXV.

488. *Colores universim omnes, seu causa externa in nobis excitans coloris sensum non modo a radiis luminosis maxime pendent, sed ipsimet radii existunt.*

Hæc propositio a nemine in dubium hodie vertitur cum nullus jam sit, qui colores in qualitate constituat. Equidem omnes colores sunt ejusdem rationis tam permanentes, quam apparentes; cum igitur colores apparentes sint proculdubio radii luminosi; idem de permanentibus dicendum est. In re physice indubia non amplius immoremur. Quod si aliquis tibi puerilia hæc opponat; colores esse in objectis permanentes; noctu etiam, omni luce exclusâ, proprium

prium colorem corpora servare ; poetæ , non philosophi esse illud , *nox abstulit atra colores* : si hæc , inquam , aut alia ejusdem furfuris opponantur ; illa omnia seriâ responsione non digna , rudi plebi credenda relinque . Ex inferius dicendis constabit , colores , & sonos eodem modo esse in objectis ; per seseque vanâ esse indicata modo præjudicia .

P R O P O S I T I O XXVI,

489. *Color albus , albedo , seu splendor est vivida lux a corpore luminoso , aut illuminato emissa , reflexa , & vibrata ; Illa proinde corpora sunt , & apparent alba , quorum superficies ita sunt contextæ , ut a singulis fere partibus lumen copioso versus omnes partes vibretur , & emittatur ,*

Lux pura , sincera , & vivida , qualis a sole vibratur , hunc refert colorem : & ita oculum afficit , ut albedinis sensationem in nobis excitet , eo quidem intensiorem , & clariorem , quo intensius , copiosius , & vividius fuerit lumen a luminoso evibratum ; adeo ut , splendorem , & albedinem proprium esse luminis colorem , & affectionem , videatur . Corpora igitur illuminata , a quorum superficie ad oculos regeritur , & evibratur lumen copiosum , intensum , vividum , alba procul dubio apparent ; & si lumen eo modo versus omnes partes emittant ; album colorem habebunt . 2. Quodcumque luminosum , aut illuminatum corpus eo magis emicat , splendorem , & albedinem refert , quo vividius lucet , copiosius , & intensius lumen diffundit : contra vero , decrecente luminis intensitate ; alboris etiam , & splendoris vis decrescit ; ut in sole , & corporibus illuminatis passim observamus . 3. Notatu dignum est , quod cum ad vitri , aut crysalli illuminatæ punctum illud oculos intendimus , quod ad nos lucem reget , notabilem in eo puncto splendorem , & albedinem perspicimus : si igitur idemmet , aut quodcumque aliud corpus ex singulis punctis ad omnes partes similem evibret lucem , album procul dubio apparebit . 4. Alba corpora a sole vivide illustrata , oculos ita feriunt , quod est solis , seu vividæ lucis proprium , ut in illustria hæc objecta collineare diutius non possimus .

C O R O L L A R I U M I.

490. Corpora igitur alba illa sunt, quorum superficies constant ex partibus insensibilibus lævigatissimis ad instar speculi, fere rotundis, aut polyedris, sibi perquam vicinis, & ita dispositis, ut aliæ aliis nimium non promineant, aut deprimantur; sed possint radios luminis versus omnes partes regerere, & emittere. Hoc enim necesse est, ut lucem copiose, & vivide versus omnes partes reflectant. Plurimæ scabrities, sinus radiorum resistantiæ nimium officerent: fieret enim, ut radii introrsum repellerentur, & intra corpus imbibiti evanescerent. Si vero in lævigatissimam superficiem partes sese accommodarent, & superficiem politissimam, seu perfecte planam componerent; unicum punctum nobis appareret, & lumen remitteret, ut in corporibus politis passim observamus. Posito vero, quod minima superficiæ corpuscula sint totidem veluti specula, quorum faciculæ omnes partes respiciant; versus omnes partes lucem regerent.

491. Oppones: Copiosius, & vivacius reflectitur lumen ex adamante, & aliis gemmis pretiosis, quam ex nive v. g. & aliis corporibus albis: illa tamen inter alba non recensentur. Respondeo, gemmas lumen quidem vivacius ex singulis punctis ad singulas partes ordinate regerere, non verius omnes: unde est, quod unicam adamantis partem rutilare videmus; id autem ad corporis albedinem minime sufficit: opus est, ut radii luminis ex singulis superficiæ punctis copiose versus singulas, & omnes partes evibrentur; aliter non totum corpus, sed una tantum illius pars apparet alba, aut rutilans.

C O R O L L A R I U M II.

492. Hinc est *Primo*, quod marmor nigrum, & alia corpora ejusdem coloris, si in pulverem conterantur, & redigantur minutissimum; albedinem quamdam adquirant. 2. Aqua, liquoresque cæteri, immo & attramentum, aliaque liquida nigra, si nimium agitentur, in spumam albam degenerant: quæ quidem spumæ ex innumeris parvis bullulis lucem
qua

quaqueversum reflectentibus componuntur . 3. Corpora alba difficilius multo calefcunt , ignem concipiunt , & inflammantur radiis solaribus in speculi ustorii foco expolita , quam corpora nigra . Prima enim radios luminis , qui calorem & ignem excitant , atque etiam existunt , ex sese regerunt , & intra se non admittunt : maxime vero secunda , ut statim explicabimus . 4. Ob eandem rationem , coloris albi vestimenta serica , lanea aut lineae melius nos a folari calore ; quam vestimenta nigra defendunt ; faciliusque , & melius primis , quam secundis nimios solis ardores vitamus . 5. Albedo , sicut & splendor , gradatim crescit , & diminuitur ; prout objectorum superficies magis illuminantur , & lumen regerunt .

PROPOSITIO XXVII.

493. *Nigredo in lucis privatione consistit : illaque corpora sunt aut apparent nigra , ex quorum superficie illuminata nulli , aut pauci luminosi radii remittuntur .*

Nigredo utique , & albedo inter se maxime opponuntur : sicut igitur illa in pura luce consistit ; hæc ex opposito in lucis defectu posita est : nigredo scilicet ad tenebrarum naturam accedit , quæ omnis luminis absentia sunt , atque privatio . Et hinc eo magis remittitur albedo , & intenditur nigredo , quo magis remittitur lux , aut minus ab objecto reflectitur . 1. Corporis superficies nigra apparet per id solummodo , quod nullum habeat colorem ; cum igitur colores , ut jam diximus , in luce a superficie corporis remissa consistat ; liquido insertur , nigredinem in luminis privatione sitam esse . 2. Corpora quæcumque spectatori apparent nigra ; si nihil luminis ad eum regerant : licet aliunde sint vivide illuminata ; id perspicuum apparet , si apertam fenestram eminus spectemus ; ejus enim spatium , licet a sole illuminatum , tamquam macula quædam nigra in pariete conspicitur . Similiter spatia cælestia extra umbram terrestrem sunt a sole semper illuminata ; quia tamen nullam ad nos versus terram lucem remittunt ; non & obscura , & nigra maxime apparent . Idem quotidie observamus , si stagna , aut mare eminus spe-

ste-

Aemus: si igitur nullam, aut modicam solam lucem reflectant corpora; nigra apparebunt.

COROLLARIUM I.

494. Hinc est, quod objecta nigra oculos non offendant; maxime vero alba. Prima enim debiles tantum radios, & parum efficaces reflectunt; non ita vero secunda. Unde plurimi sunt, qui ob continuam alborum corporum præsentiam, & visionem, eum sensum penitus amiserunt: ut de *Xerxis* militibus, qui aliquot diebus per montes nive coopertos iter egerunt, referunt historici. Ob eandem rationem, qui latiore pupillam, plurimosque radios per eam admittunt, noctu quidem citra offensionem, & molestiam inveniuntur, minime vero interdum; nisi in umbrato loco, & ad objecta nigra, vel parum lucentia oculos intendunt. Reliqua corpora colorata, inter nigrum, & album intercedentia, minus, magisve oculos feriunt, prout vividorem lucem in oculos regerunt, aut debilius, & remissius splendent.

COROLLARIUM II.

495. Insensibiles illæ particulae, & minima corpuscula, quæ nigram superficiem componunt, contraria penitus ratione sunt disposita & figurata, atque albæ superficiei partes: plurimos inter se poros, sinus, & insensibiles cavernas intercipiunt, per quas radii luminosi introrsum absorbentur, & intra corpus deperduntur; plurimis monticulis eadem superficies exasperatur, ex quibus innumeræ umbræ in interruptos sinus cadunt; umbræ enim ad nigredinem propius accedunt. Eo de capite, cæteris quidem paribus, corpora nigra albis leviora sunt; propterea quod pluribus poris constant. Multo etiam facilius nigra corpora in speculi caustici foco locata calorem, & ignem concipiunt ob indicatam modo, & superius jam expositam rationem.

496. Nigra corpora, & nigredo quemadmodum de albis, & albedine jam diximus, non eundem intensitatis gradum habent. Id autem ex corporum su-

per-

perficie, & copioſiori, vividiorique luce in eaſdem ſuperficies illapſa dependet: ut de corporibus albis ſimiliter diximus. Si corpus, aut ſuperficies nullos penitus luminis radios regeret; eſſet perfecte nigrum, umbroſum, immo & tenebroſum. Nullum autem huiusmodi corpus reperitur in natura; extra dubium enim eſt, bene multos lucis radios in ſolidas ſuperficieſ partes illapſos repelli. Sicut igitur nullum eſt corpus perfecte album, eo quod plurimos radios abſorbeat, ita & nullum perfecte nigrum, propterea quod aliquos etiam radios repellit, & regetur.

COROLLARIUM III.

497. Et hinc verifiſimile eſt, quod de homine quodam cæco affirmat Pater *Fabri* oculatus teſtis (a), eum ſcilicet tactu marmor nigrum ab albo diſcernere. Delicatiſſimo ſenſu id ſuperficieſ diſcrimen, & diverſa textura percipi poteſt; licet ejuſmodi perceptio, & ſubtilis ſenſus communem organorum humanorum texturam longe ſuperet.

Quod ſi quis incredibile reputet, tantum inter albi, & nigri marmoris lævigatiſſimas ſuperficies intercedere diſcrimen, ut ab una quidem refleſtatur lumen, abſorbeatur ab alia; is utique parum ad noſtrorum ſenſuum imperfectionem, & ad infinitam ſere materiæ ſubtilitatem attendit. Senſus noſtros hæc penitus fugit. Superficies, quæ relatæ ad nos, & instrumenta noſtra ſunt lævigatiſſimæ, relatæ ad lucem ſunt maximæ ſcabroſæ, & altiſſimis montibus horridæ,

PROPOSITIO XXVIII.

498. Licet omnia illa teneamus, quæ circa lucem, & colores, experimenta Newtoniana, & aliorum demonſtrant, deductam tamen inde colorum theſoriam multiplici de capite rejicimus.

Primo enim expoſitum ſyſtema ſupponit neceſſario *Epicuri* ſententiam circa lucis emiſſionem a ſole; ac proinde iis omnibus difficultatibus graviffimis ſubeſt, qui-

(a) *Fabri traſſ. de Coloribus.*

quibus illa validissime impugnatur. Scio *Nollet* *Epicuri* sententiam circa lumen omnino rejicere, *Newtonianam* tamen de coloribus opinionem amplecti: verum præclarus ille in rebus physicis philosophus, difficultates neque solvit, neque etiam sibi proponit: in idque solummodo collineat, ut argumenti amœnitate lectores oblectet, atque instruat. Minime quidem dubito, a plurimis aliis physicis id systema amplectendum, nisi prædictam *Epicuri* sententiam illud secum necessario traheret.

499. 2. Admissis omnibus illis, quæ experimenta demonstrant; ex iis inferre, aut probare nullo modo possemus, 1. heterogeneousam radiorum seu particularum diversitatem in diversa particularum solarium magnitudine positam esse. 2. In qualibet parte sphaeræ luminosæ, immo & spatii illuminati septem illas radiorum, seu particularum species reperiri. 3. Quodlibet luminosum v.g. solem, stellas, candelam ceream, flammam septem illas radiorum species, & colorum continere, Quid enim, si hæc negemus? sunt igitur puræ hypotheses, nomen *Newtoniano* in systemate odiosum.

500. 3. Septem spectri colores per prisma mutare nunquam potuit *Newton*, neque *Newtoniani*, & hinc immutabiles eos esse, primitivos, simplices, & luci intrinsecos inferunt: at non bene hoc modo argumentemur: *Newtoniani* colores hætenus per prisma mutare non potuerunt; ergo non possunt mutari. Quid enim? alii eos jam mutasse contendunt, ut supra retulimus. Deinde etsi prismate eam mutationem consequi non possemus; non bene id per alia etiam instrumenta, & corpora assequi non posse concluditur. Unde enim habetur, prisma esse instrumentum ad lucis analysim aptissimum, & naturæ organum ad id muneris a natura ipsa ordinatum? Unde etiam habetur, quod a natura eæ induci nequeant in materiæ particulas mechanicæ affectiones, seu, ut dici jam solet, mechanismus, quem nos deinceps arte nostra destruere, aut mutare nequeamus? Pone igitur a me libenter dari, aliquem colorem v.g. rubeum esse a nobis prorsus omni arte immutabilem; recte inferes, eum colorem in mechanismo a natura inducto non consistere? Si ita arguas; ab innumeris philosophis irrideberis, qui unam statuunt om-

nium corporum naturalium materiam esse homogeneam, totamque eorum corporum diversitatem a mechanismo pendere; eum tamen ab artificialibus causis immutari non posse contendunt. Neutroniani ipsi hanc sententiam non rejiciunt. Essentiale discrimen inter septem particularum lucis, seu septem colorum species primitivas a Newtono, & hominis sectatoribus asserta in mechanicas tandem affectiones resolvuntur molem, figuram, densitatem, & similia: quid enim non mechanicum hæc nomina significant? Et tamen secundum hosce philosophos mutari a nobis nequeunt ii colores: hoc est, mechanicæ affectiones materiæ. Concludi igitur merito debet, neque prisma certum & proprium esse colorum criterium, neque colorum immutabilitatem certum esse argumentum, ut illos ope diversi mechanismi explicari non posse affirmemus; neque tandem colores esse vere immutabiles.

501. 4. Sed colorum mutabilitati insisterendo, arguo: Experimentis quotidianis, & notissima omnium pictorum arte omnino constat, ex cærulei, & flavi permixtione fieri omnes colores *virides*; ex flavo, & rubeo omnes *aurantios*; ex rubeo, & cæruleo omnes *violaceos*: ex hac notissima observatione infero primo, colores *viridem*, *aurantium*, *violaceum* non esse simplices, aut primitivos, sed ex aliis compositos: ii autem in 7 prismatis coloribus numerantur: ii igitur septem colores non sunt omnes primitivi, & simplices. Infero secundo, colores *cæruleum*, *flavum*, *rubeum* varie inter se combinatos, & permixtos in alios permutari. Scio Dominum *Newtonum* *viridem* pictorum colorem esse compositum admittere; *viridem* tamen spectri simplicem, & primitivum esse contendere. Utrumque tamen colorem ejusdem esse naturæ, ratio ipsa suadet, & experimento confirmatur; Viridis enim color post prisma apparens, ex flavi, & cærulei permixtione generatur. Adde etiam illas radiorum seu colorum prismatis mutationes, quas in experimentis suis observavit *Mariotte*, & nos supra retulimus: ratione igitur, & experimentis constat, colores neque simplices, neque immutabiles esse.

502. 5. Septem spectri colores in unum coeuntes album efficiunt: hinc tamen inferri jure non potest,
al-

album, seu lucem septem illos colores proprie continere: cur enim non inferatur, album, seu lucem in septem illos colores modificari, licet eos non contineat?

303. 6. Ex eo, quod radii per prisma varie refringantur, & colorentur, perperam inferitur, lucem per naturam suam esse heterogeneousam, & coloratam; etenim ut recte argumentatio procederet, opus esset, ut nullo alio modo ea phaenomena explicari possent, quod est falsissimum.

304. 7. Corpus violaceum v. gr. violaceos radios reflectit, omnes vero alios heterogeneousos absorbet; & intra se imbibit; id tamen neque explicari potest, neque est verum. Si enim ita poris perforata est superficies violacea, ut per eos absorbeat radios, sed particulas luminis rubeas, virides, caeruleas violaceis, juxta Newtonum, magnitudine majores; cur per eademmet foramina violaceas particulas, aliis minores, non admittat? Deinde si superficies violacea radium quicumque, rubeum, viridem, caeruleum &c. per prismata ab aliis radiis separatim recipiat, apparet rubea; viridis, aut caerulea &c. ut experimento comperit Newton; & omnes alii post Newtonum: radios igitur rubeos, virides, caeruleos reflectit, & quidem copiosissime: cur igitur eos item radios non regeret, cum a sole omnibus radiis permixtim illuminatur? Uno verbo, corpus rubeum v. gr. radios omnium aliarum specierum copiosissime reflectit, perinde ac radios rubeos: ergo falsum est, quod reflectat rubeos, caeteros vero imbibat. Consequi etiam videtur, corpus quodcumque ex oppositae sententiae principiis videri debere album. 2. Contra fundamentum adstrui, superficiem certi cujusdam coloris ejus coloris radios tantum, vel praecipue solum reflectere.

305. 8. Si omnia phaenomena, quae circa lucem observavit Newton, & alii superius citati ratione mechanica explicari possunt; perperam statuuntur radii natura sua heterogeneousi: id enim nihil esset aliud, nisi qualitatem occultam absque ulla necessitate statuere; at supradicta phaenomena mechanice explicari posse, statim evincemus.

306. 9. Ponunt Newtoniani, septem omnino distinctos colores a prismate exire, simplices, primitivos, intimos

inmutabiles: id tamen est falsum: depinguntur ille quidem omnes in spectro, seu charta radios excipiente in magna a prisma distantia; in qua illos semper excipiebat, & observabat Newton: at si propius ad prisma, ad unius; aut duorum; aut trium pedum ab illo distantiam rem examinemus, ut examinavit *Cassell*; & alii; longe aliter se res habet (ut nihil dicam de spectro ad magnam distantiam observato, in quo flavum colorem omnino evanescente comperit *Rizzetus* (a). In parva illa distantia non septem colores ordine superius descripto apparent; sed eorum loco visitur phænomenon C A B Z X (Fig. 41.) In eo autem totum spatium B; seu A R X nulum habet colorem; sed est lux pura, minus quidem vivida, quam ante refractionem: duo extremi radii A C, X Z exeunt colorati: primus quidem rubens, X Z violaceus; A R flavus; X R caeruleus; R O, R N virides: spatium inter A S, & A R iis gradatim mixtis coloribus depictum apparet, qui ex rubro; & flavo componuntur: spatium inter X Z, X R eos item colores habet, quos violaceus; & caeruleus componunt: A prisma igitur non exeunt septem colores: habemus deinde lucem per prisma transmissam, & refractam, quin illum habeat colorem; & tandem colores, quos Newton primitivos vocat, ex aliis compositos esse liquet, ut est color viridis:

§ 307. 10. Si vera esset Newtoniana doctrina; radius lucis ab objecto colorato, rubro v. g. reflexus, & per foramen intra cameram obscuram admissus, per prisma traductus, & in charta demum exceptus, unum tantummodo colorem rubrum in charta exhiberet: id tamen est falsum. Rogatos hic velim eos omnes, qui experimentis dant operam, ut radios ab objectis coloratis emissos attente, ac sedulo examinent, & perinde, atque sinceram lucem, tractent: Ejusmodi radii, a quibuscumque corporibus proveniant, proprios suorum objectorum colores servant post prisma; in eorum vero extremitatibus, fissuris, juncturis, & qualicumque superficierum divisione, aut interruptione (hæc enim omnia pro super-

(a) De luminis affectionibus lib. 1. cap. 2.

perficierum extremitatibus impræsentiarum habenda sunt) iidem colores videntur, qui in figura modo explicata demonstrantur: Idem plane observatur, si oculo ad prisma prope admoto, per illud objecta intuearis.

308. Si tamen oculum a prisma sensim removeas; objectum interea conspiciens; luminosæ, & coloratæ objectorum extremitates, seu colores sensim magis, & magis ampliantur, quoad totum objectum cooperiunt, propriique objectorum colores disparent. Idem erit, si chartam sensim a prisma removeas, exhibitum in illa phenomenon observando. Prisma igitur eisdem semper generat colores, qualescumque sint radii, & objectorum, a quibus proveniunt, colores, aut lux pura: at ista omnia in Newtoniano systemate explicari non possunt, ut ex se patet.

Porro *Nollet*, quem hæc argumenta, & observationes latere non poterant, iis ne leviter quidem delibatis, Newtoniana experimenta repetit, & explicat, nihil de doctrina lucis, colorumve theoria sollicitus, sed ad effectus tantummodo attentus.

PROPOSITIO XXIX.

309. *Colores per varias radiorum luminis vibrationes, & vibrationum modificationes tonis analogas congrue explicantur; in iisque consistere videntur.*

In hanc tandem opinionem magnus Phycorum numerus inclinat: eaque ex iis primo rationibus suadet, quibus oppositam sententiam rejecimus. Deinde mechanicis particularum luminis affectionibus producuntur, atque explicantur omnia colorum phenomena. Primo enim vitio, sicut & omnes alii sensus, ad tactum reducitur, atque est quidam tactus, motio, & impressio ab objectis in oculorum organis facta, quæ posita, spirituales in anima perceptiones objectorum enascuntur: cum igitur prodigiosa diversorum colorum sit varietas (plusquam 145 enumerat *Castel*); singuli autem colores, seu colorum species, singulas in oculis impressiones efficiant, in anima perceptiones excitent; necesse prorsus est, ut unusquisque color peculiari ratione oculorum retinam, & nervos pulset, commoveat, & afficiat, ut peculiaris etiam singulorum colorum perceptio in anima sub-

subsequatur: hoc enim pacto in tactu, & aliis sensibus, præcipue vero in sono, tonis, & harmonia rem evenire experimur. Hujusmodi autem modificationes, & variae prorsus, multiplicesque vellicationes, & affectiones ab objectorum, & superficierum diversitate mediis vibrationibus luminis per aerem diffusi in oculo efficiuntur. Pro colorum quippe, & coloratorum corporum varietate, atque distinctione varia etiam est, & diversa ipsorum corporum superficies, particularum, pororum, sinuum & cuspidum superficiem ipsam componentium magnitudo, figura, litus, dispositio, mollities, elaterium, & id genus alia: Lux igitur in hujusmodi superficies impingens, pro earum superficierum varietate diversis plane modis frangitur, flectitur, regeritur, & in oculos evibratur: aliæ enim superficies lentius, aliæ crebrius, hæc vivide, copiose, prompte, illæ autem languide, parce, remisse lucem evibrant; milleque aliis modis, & ratione, quam non assequimur, lucem ipsam seu vibrationes temperant, modificant, afficiunt; oculos, seu oculorum retinam, & nervos pulsant, vellicant, commovent, ut ad singulas hæc distinctas vellicationes distinctæ etiam in anima subsequantur idææ, quas colorum perceptiones, & colores proprios nuncupamus.

§10. 2. Equidem mediis hisce modificationibus, vellicationibus, pulsationibus diversis a corporibus per medium usque ad manum nostram v. g. translatis, corporum ipsorum diversitatem tactu percipimus; quicumque enim, licet sit cæcus, baculo pavimentum aut solum multiplici corporum genere ornatum, aut distinctum tangit, & pulsat, mediis modificationibus a corporibus in baculo impressis, & per baculum in manum translatis corpora discernit, & eas in se ideas, & perceptiones elicit, quas tactum, seu perceptiones per tactum vocamus. Cæcus scilicet baculo tangens corpora, illud, inquit, est durum, hoc molle, istud durius, aliud fluidum, hoc asperum, illud aliud blandum, illa est aqua, id aliud terra; modo tango herbas, nunc paleas, postea arenam: superficies igitur, statum, & diversitatem corporum cognoscit anima per tactum: Analogo prorsus modo res se habet in corporibus, & superficiebus lucem versus oculos, velut baculum impellentibus

ac régentibus. Unde sic efformabis argumentum: omnia, & singula corpora, atque superficies diversæ eodem instrumento contrectatæ, & nos contrectantes; pro illorum diversitate, diversos in nobis tactus, & perceptiones per tactum generant: pari igitur modorum varietate afficiemur, vel corporum superficies baculo manum contrectent, vel lumine oculos feriant. Corpora autem, quæ diversos habent colores, diversas etiam habere superficies, res est certo certior; & supra a nobis stabilita: id solum intercedit discrimen, quod per oculos, sensum omnium delicatissimum, clarissime objectorum impressiones, & impressionum discrimina percipit anima. Clarissima hæc impressionum in delicatissimo sensu factarum perceptio nuncupatur visio; perceptio autem discriminum ipsarum impressionum est visio, seu perceptio colorum.

§11. 3. Eadem veritas luculentius adhuc exemplo, & analogia sonorum suadetur, & explicatur. Inter auditum enim, & visum; auditionem, & visionem; sonum, & lucem; tonos, & colores clarissima adeo, & perfecta analogia intercedit, ut eandem prorsus esse eorum omnium rationem, & naturam merito concludi debeat. Eam porro analogiam, & sonorum, colorumque concentum mirabilem fute exposuit, & demonstravit *Castel*: eoque rem deduxit, ut ad sonorum similitudinem inter colores etiam peculiarem harmoniam, & musicum concentum stabilierit: quoddam etiam fidiculare organum ea arte construxit, ut ad singulos chordarum sonos sui etiam responderent, & oculis apparerent colores; dumque aures musico sonorum concentu recrearentur, simili colorum harmonia oculos pasceremur.

§12. Quidquid tamen sit de indicato colorum organo, mirabilem illam analogiam, & consonantiam exponamus, atque ulterius promoveamus. 1. Sonorum corpus sonum emittit quaquaversum in orbem: idem efficit luminosum. 2. Sonorum sonos emittit, creat, & circumquaque diffundit per vibrationes medio communicatas: idem in luminoso observamus. 3. Sonorum corpus producendo sonos non minuitur, neque aliquid materiæ deperdit: idem in luminoso v. g. sole visitur. 4. Soni per medium propagati sensim crescunt, & languent in ratione inversa quadrato-

rum

rum distantiae , & tandem pereunt : idem de lumine probavimus , & observamus . 5. Diversissimi soni per eandem partem aeris in foramine v. g. existentis simul transeunt , quin confundantur : idem de luminibus est verissimum . 6. Soni facillime generantur , propagantur , & remoto sonoro extinguuntur : idem & in lumine . 7. Per sonum , hoc est , vibrationes aeris anima remotissima objecta percipit : idem & per lucem , hoc est , per vibrationes auræ æthereæ , seu aeris subtilioris . 8. Sonus , hoc est , vibrationes aeris refringuntur , reflectuntur , divergunt , in focum coeunt , intenduntur , debilitantur : idem & de lumine , seu vibrationibus auræ æthereæ ratio , & experientia demonstrat . 9. Per aerem maxime propagatur sonus : similiter & lumen . 10. Corpus sonorum easdem semper vibrationes uniformes , & unisonas edens , aut regerens , puram , & unisonam vocem , seu sonum nullis tonis , aut differentiis modificatum format : luminosum , aut illuminatum corpus easdem semper vibrationes uniformes , & constantes producens , pura etiam luce fulget . 11. Vibrationes diversæ soni efficiunt diversos sonos : vibrationes diversæ luminis sunt colores , seu efficiunt diversas luces , seu lucis sonos . 12. Multiplex vibratio aeris est harmonia sonorum ; multiplex luminis est harmonia colorum . 13. Sonos referimus in objecta , licet in iis sint puræ vibrationes : colores similiter referimus in corpora ; licet in iis sint tantum puræ modificationes lucis , & vibrationes . 14. Corpora pro diversitate suæ texturæ , aut tensionis , dum eodem modo percutiuntur , diversas edunt vibrationes , sonos , tonos , harmonias , ut visitur in chordis , in echo ; corpora etiam , seu superficies corporum pro diversitate suæ texturæ eodem modo a lumine pulsatæ diversas reddunt vibrationes , seu lumen , & totam colorum harmoniam efficiunt . 15. Duo corpora v. g. chordæ ad unisonum tensæ eundem reddunt sonum , aut etiam tonum ; quia easdem omnino vibrationes edunt : Duæ item , aut plures superficies , quæ eodem modo , quasi ad unisonum , fuerint contextæ , eundem habebunt colorem , quia easdem vibrationes edunt , seu eodem modo reddunt acceptam vibrationem luminosam . 16. Diversæ vibrationes , aut modificationes aeris , seu soni ab echo

v. g. redditæ, sunt loquentis, seu respondentis toni, & harmonia; diversæ vibrationes, seu modificationes auræ ætherææ, seu luminis sunt colores, colorumque gradus, & quasi toni, atque harmonia. 17. E vibrationibus aeris, seu sonis, & tonis aliæ recreant animam per aures, aliæ offendunt, & feriunt; E vibrationibus similiter auræ, seu coloribus aliæ per oculos animam delectant, aliæ offendunt. 18. Ex diversis instrumentis, seu sonis fit grata vibrationum soni, hoc est, tonorum harmonia: ex diversis etiam objectis, seu coloribus in eadem pictura fit etiam grata oculis, & animæ vibrationum, seu colorum harmonia. 19. Colores igitur existunt in objectis coloratis extra animam, ut soni in corporibus sonoris etiam extra animam: Colores, & soni proprie sunt perceptiones animæ, quibus anima percipit vibrationes, & actiones objectorum ad animam ipsam transmissas: in medio sunt variæ vibrationes aeris, aut auræ ætherææ; in objectis sunt & eadem vibrationes, & vibrationum diversarum causa: hæc vero causa in tensione, & textura partium remittentium vibrationes consistit: eodem igitur modo & soni & colores existunt in objectis, seu potius ad objecta referuntur ab anima. 20. Omnia igitur corpora, seu superficies coloratæ sunt totidem quasi chordæ diversis modis tensæ, a lumine pulsatæ, & pulsationes modificatas reddentes: seu totidem diversæ echones, in quas, quamdiu lux est, semper vibrationes emittuntur, ab iisque redduntur: corpora igitur colorata sunt instrumenta, chordæ, & echones lucis; chordæ & echones sunt colores soni. Pictores sunt totidem colorum, seu lucis tibicines: tibicines sunt totidem sonorum, & tonorum pictores. Longius multo promoveri posset mirabilis inter colores, & sonos analogia: dicta tamen, credo, homini a partium studiis libero nostræ propositionis veritatem suadebunt. In rem eandem facit communis, & obvia hæc observatio: qui in obscuram cameram se recipit, postquam in solem recta collineavit; primo quidem lucem albam visu sentit, hæc sensim mutatur in aurantium, aurantius in rubeum, rubeus in viridem, viridis in cæruleum vertitur. Sensim etiam illi colores languescunt: iterumque circa ordinem percipiuntur. Id vero phænomeni non nisi

V I V E N T I U M.

247

ex diversis motionibus in retina factis , aut diverso languescens motus gradu provenit : tandemque in diversas oscillationes res tota refunditur :

C O R O L L A R I U M I.

§13. Hinc facile intelligitur , colores, quemadmodum & soni , ab objectis maxime pendere ; immo etiam qua ratione lux pura in superficiem opacam lapsa ab ea ad nos regeratur colorata . Pro mirabili superficialium varietate , & textura promptissimæ illæ , uniformes , vividæ & intensæ vibrationes superficiem percutientes debilitantur , languescunt ; interrumpuntur , heberantur ; minusque vividæ , intensæ , uniformes , & promptæ , magis autem tremulæ , undulantes , & languidæ rezeruntur ; ad oculum perveniunt , & debiliores in oculorum retina , & nervis impressiones faciunt . Superficies a lumine percussæ eam regerunt ; aliæ tamen promptius , copiosius , magis uniformiter , & minus tremule , aliæ remissius , minus copiose ; debilius . Similiter dum pellucida corpora transmittitur lumen , seu oscillationes , in quibus luminis natura consistit ; plurimum in hujusmodi transitu modificantur , imminuuntur , debilitantur . Refractione igitur , & reflexione natura luminis insigniter alteratur , & in colores vertitur .

C O R O L L A R I U M I I.

§14. Quamdiu igitur neque objectorum superficies , neque lucis intensitas , & illuminatio mutantur ; iidem semper sunt objectorum colores ; eandem enim constanti lege lucem reflectunt ; ejus oscillationes debilitant , afficiunt ; unde permanentes corporum colores enascuntur . Variata autem superficie , illiusque particularum textura , mutantur etiam colores , ut variata tensione chordæ , variatur sonus : hæc superficialium , & texturæ mutatio multiplici de capite oritur , ut superius indicavimus . Variatur etiam aliquando color ob variatam luminis , & luminosi intensitatem , directionem , aspectum . Unde fit , ut superficies aliqua inconstanti lege lucem refringat , aut reflectat , & apparentibus coloribus vestiatur .

Q 3

tur .

tur. Ex his potissimum capitibus colorum mutationes pendere, experimentis, & quotidianis exemplis edocemur: plurima corpora, quæ a sole illuminata viridem habent colorem, si noctu a candella illuminentur, erunt cærulea: alio item, & alio colore videntur corpora, si a sole, luna, candella, spiritu vini, aut sulphure inflammato illuminentur.

C O R O L L A R I U M III.

515. Colores prysmatis, sive ii septem sint, qui ad magnam a prysmate distantiam exhibentur, sive illi, qui prope pryisma aut in quacumque ab eo distantia apparent, sunt colores omnino novi, hoc est, in lumine ante refractionem, & reflexionem non existerant, sed a prysmate, & luminis modificatione occasione prysmatis in radiis facta generantur. Prope pryisma apparent solummodo colores in luminis extremitatibus, & prope confinia lucis, & umbræ: lux liquidem media ARX a prysmate exit nimium intenta, parumque modificata; ac proinde in colorem adhuc non conformata: radii AC , AR , XZ , XR (Fig. 41.) seu oscillationes materiæ ea in parte plurimum a proxima umbra, hoc est, a quiescente, & non oscillante materia afficiuntur, modificantur, ac proinde in colores abeunt. Et hinc est, quod vividiores, & distinctiores sint colores in AC , XZ proxime scilicet ad umbras, quibus omnia spatia extra radium AC , XZ sunt offusa, ab iisque magis afficiantur: at in totis spatiis $XZNR$, $AROC$ gradatim distinguuntur, & apparent colores secundum majorem ab umbræ confiniis distantiam: gradatim quippe ab umbra recedendo, gradatim etiam luminis modificatio variatur, & minuitur. Hujusmodi modificatio ab umbræ confinio orta, magis, & magis per totum radium luminosum diffunditur pro majori a prysmate distantia: unde est, quod in magna distantia radii crassities, & massa diversis modis affecta eos colores exhibet, quos charta in experimento Newtoniano demonstrat.

516. At nihil est umbra, repones; a nihilo autem, seu privatione pura affici non potest, & attemperari materia, & materiæ oscillationes, quæ sunt ipsa lux. Respondeo, Umbram physice spectatam

tam habere in se aliquid reale : cum enim lux sit materia subtilissima motu oscillationis acta ; umbra nihil est aliud , quam ætherea materia eo motu privata , seu relativa quies , & privatio ejus motus , & oscillationum in materia : quies autem corporis est aliquid physicum motui resistens , ut suo loco exposuimus ; ab ea igitur quiete seu umbra ; & quiescente materia modificari , & affici potest peculiaris illa materiæ motio , in qua lumen consistit : recte proinde aliquo in sensu dici potest , colores esse mixturam quamdam , & temperamentum lucis , & umbræ . Id vero eo magis probatur , insimulque confirmatur nostra sententia , quod sui etiam in umbris sint , & observentur colores . Rem primus observavit *Buffon* . Umbræ matutinæ , & vespertinæ cæruleo ut plurimum visuntur vivido satis colore : sæpe etiam viridi . Sole prope horizontem existente , vividior est cæruleus , sese sensim elevante , sensim etiam languescit , cinereus magis , vel minus ad nigrum accedens evadit (a) . Cæruleum illum umbrarum colorem a calore aeris derivari , experimento comperit *Beguelin* , academicus Berolinensis .

COROLLARIUM IV.

517. Hinc recte etiam infertur primo , septem in experimento Newtoniano esse veros colores ; eos tamen neque in heterogeneis radiis consistere , neque a prisma exire ; sed a prisma , & post prisma modo hætenus explicato generari . 2. Perperam septem radiorum , seu colorum angulos refractionis , & reflexionis in prisma dimetiri ; quatuor enim tantummodo sunt anguli totidem colorum , qui prope prisma observantur . 3. Colorem cæruleum , & flavum non esse divergentes prope prisma , sed convergentes , ut observavit *Cassini* . 4. Colorem viridem sub nullo angulo a prisma exire , cum post illud ex aliorum mixtura componatur .

CO-

(a) *Memoires de l'Academie* . 1743.

COROLLARIUM V.

518. Tandem, ut alia plurima omittam, recte intelligitur, quo pacto cæci aliqui, ut a pluribus traditur, solo manuum tactu, quos haberent colores ea corpora seu superficies, quas tangebant, certissime divinabant. Id exquisitissimi tactus quasi prodigium de homine cæco refert *Franc. Maria Grimaldi* (a); oculis enim penitus obductis, ut omnis tolleretur suspicio, coram magno *Etiuriæ* Duce objectorum sibi plurimorum corporum colores solo tactu discernebat. Quin immo adducta sericæ telæ fascia uniformiter quidem texta, sed multiplici diverso colore variegata, manum supra telam trahens, diversos, quos consequenter tangebatur, colores citra errorem indicabat. In luce siquidem, coloribus, superficiebus & visione omnia ad tactum pertinent, & reducuntur. Cum igitur colores a corporum superficiebus maxime pendeant, qui delicatissimo tactus sensu præditi fuerint, ut superficieum differentias discernant, ii proculdubio colores solo manuum tactu etiam distinguunt: omnes vero nos oculorum, seu retinæ tactu lucem percipimus; colores videmus, & discernimus; at aliqui fuere cæci homines, quibus natura defectum visus subtilitate tactus compensavit.

519. Opponitur contra hætenus dicta 1. Omnes septem colores post prisma apparentes sunt immutabiles: quidquid enim mutationis obtinendæ causa tentaverint *Newton*, *Muschembroek*, *Gravesande*, *Nollet*, radios separatos per alia prismata transmittendo; rem assequi numquam potuerunt: ergo sunt simplices, primitivi, & a nullo mechanismo dependentes. Hoc argumentum, jam superius præoccupavimus: juxta tibi dicta concedo, & admitto a laudatis modo philosophis ope prismatum radios non fuisse mutatos; satis tamen inde inferri, prædictos radios seu colores esse, aut per prismata, aut per mutuam permixtionem, aut multiplici alia ratione immutabiles, omnino nego: ex una enim parte probari numquam poterit, mutationes & alia phænomena

(a) In *Physico-Mathem. de lumine, coloribus, & Iride*.

na colorum nulla melius ratione, & instrumentis tentari, aut obtineri posse, quam per prysmata. Secundo, per prysmata etiam colores mutavit *Mariotte*; per permixtionem mutant pictores, & mutant etiam prysma in communi experimento Neutroniano prope prysma ipsum examinato. Tertio tandem, licet colores statuatur esse immutabiles (quod tamen fieri nequit), in mechanismo non consistere, non probabitur, nisi primo probetur, omnem mechanisum a natura inductum posse a nobis mutari. Adde, nil mirum esse, si prysmata pura radii colorem ab alio prysmate donatum non mutant; cum enim sint ejusdem naturæ & texturæ; primam modificationem a priori prysmate inductam potius adjuvant, quam infirmant.

520. Oppon. secundo: Radius rubeus v. g. ab aliis separatus, & in corpus quodcumque alterius coloris v. g. flavi incidens suum servat colorem rubeum, eodemque colore corpus ipsum flavum tingit: at si hujusmodi color consisteret in modificatione; illa proculdubio in superficie corporis flavi mutaretur, lux enim pura, & sincera in superficiem auri incidens eam illic modificationem acquirit, quæ flavum efficit, & exhibet, ac proinde lucis puræ oscillationes in oscillationes coloratas mutat: idem ergo eveniret in radio rubeo. Respondeo: lux pura, modificata, & colorata, qualis est radius rubeus, incoloratas superficies incidens, priorem aliquando colorem, & modificationem mutat, servat item aliquando, prout antiquæ modificationis magis, vel minus tenax fuerit materia, vel ad priorem ipsam modificationem mutandum majores, vel minores habeat vires nova in novum corpus impactio, atque reflexio. Lux pura peculiarem coloris modificationem non habet: multo igitur facilius in superficiebus colorabitur lux pura, quam novum aquirant colorem colorati jam radii: lux etiam ipsa pura in quamplurima corpora incidens, qualia sunt omnia alba, non coloratur; in alia vero allabens varios acquirit colores. Deinde; ut soni exemplo rem etiam explicemus, eadem rupes reddit omnes tonos, hoc est, sonos, jam modificatos, & attemperatos. Ergo & eadem superficies colorata (quæ est Echo, seu color soni) reddet plures tonos lucis, hoc est, plures co-

lores: utrumque enim consistit in tremoribus, & oscillationibus medii.

521. Opponitur tertio. Septem radii colorati prismatici habent diversas refrangibilitates, immo eas habent constantes: ergo sunt heterogenei, & a mechanicis affectionibus omnino non dependent. Respondeo: hoc etiam argumentum jam superius diluimus: nego igitur esse in luce particulas heterogeneas, aut diversis coloribus diversos competere refrangibilitatis, & refractionis angulos: nego deinde radios omnes exire a prisma coloratos, aut omnes divergentes: postrema hæc duo experientia ipsa demonstrat: colores vero eodem semper ordine in magna a prisma distantia depingi, & ita semper apparere, ut diversam habere refrangibilitatem videantur, ex eo oritur, quod in diversis ab umbra, & a prisma distantis per diversas modificationes, vel colorum convergentium permixtiones diversi fiant colores.

522. Unde tamen est, repones, quod radii a prisma recedendo semper magis, & magis ampliuntur? Nisi enim essent diverse refrangibiles, emitterentur paralleli etiam post prisma; sicut paralleli in prisma inciderunt. Si ergo paralleli in prisma inciderunt, post prisma vero divergentes emittuntur; id rei habent, quod ex eorum natura diverso modo refringantur. Respondeo: aliud esse (& longe quidem diversum) emitti post refractionem divergentes, aut per naturam suam diverse refringi. Codicem foliorum chartæ ita ab uno extremo manente, ut folia alia ex parte libere deorsum flectantur, omnia folia versus medium deorsum flectuntur, & curvantur; quæ est vera eorundem fractio: modo sic: folia omnia sunt homogenea; ante flexum, & refractionem sunt parallela, post refractionem vero sunt divergentia; quæ inferiora sunt, magis flectuntur, & franguntur, quam superiora: inferemusne ex hoc communissimo experimento, chartæ folia esse heterogenea, aut per naturam suam diverse frangi? Si ergo mechanicam rationem habemus in natura & observationes indubias, ex quibus constat, corpora homogenea diversis modis sæpe refringi; quin ex diversis hisce refractionibus diversas refrangibilitates inferre liceat; quare in lucis exemplo occultas alias causas ad rem mechanice clarissimam explicandum
sup-

supponemus? Radius ille in prisma incidens ex innumeris fere radiis componitur; singulos hosc simpliciores radios tamquam singula chartæ folia considera, & rem clare percipis solo mechanismo inductam.

LECTIO XI.

VISIONIS SENSUS:

S E U

PHYSICA AC MECHANICA ILLIUS CAUSA
ET MODUS.

A T Q U E

GENERALES HUIUS SENSUS
PROPRIETATES.

§. I.

Oculorum descriptio.

523. **Q**Uo pacto objecta videamus, atque perficiatur visio, intelligi omnino non potest, nisi perspectam prius habeamus oculorum ipsorum naturam, seu structuram, & partes. Duo illa notissima humani corporis organa, quæ oculos nuncupamus, & quorum alterum repræsentat figura, ex pluribus partibus componuntur; quarum aliæ sunt externæ, ad id a natura datæ, ut internas, quæ *Oculus* proprie vocantur, foveant, tueantur, iisque subserviant: aliæ internæ, quæ *Bulbum* oculi componunt: a postremis ipsis incipiamus.

524. Oculus ab interioribus suis partibus compositus figuram habet ad sphericam prope accedentem, nisi quod in anteriori parte pupilla aliquantulum protuberat, efficitque, ut oculi sint paulo longiores, quam lati. Osseis loculamentis includuntur, per quorum fundum, seu posteriorem partem osseam perforatam ingrediuntur in oculos nervi optici e cerebro propa-

gati, ac derivati, & una cum duabus tunicis, quibus involvuntur, descendentes (Fig. 4. Tab. Optic.)

525. Bulbus oculi, seu globulus ex tribus vel potius quinque tunicis, & tribus humoribus componitur. Tunicæ sunt *Cornea*, *Choroides*, *Sclerotica*, *Uvea*, *Retina*. Prima, & exterior tunica oculum cingens EF, FEM est fere sphaerica: a cerebro cum nervo optico M descendit, estque *dura Mater*, seu tunicæ exterioris cerebri medullam vestientis, continuatio, & propagatio. Hæc tunica in parte posteriori oculi ab EF versus EE vocatur *Sclerotica*, estque opaca, atque tenacitate sua oculum exterius defendit: in parte anteriori FF vocatur *Cornea*, & est pellucida ad radios luminis excipiendos, & in pupillam, atque humores transmittendum.

526. Alia tunica, priori subtilior, & delicatior sub cornea oculum etiam vestit, & a cerebro una cum nervo optico M enascitur, quem subter corneæ productionem proxime complectitur, atque est *Pia Mater* propagatio, & veluti ramus.

527. Secunda hæc tunica inter duas EFE, LDDL distenditur, ubique opaca. Dum intra scleroticam producitur, illi adhæret, & vocatur *Choroides*: dum corneæ respondet, ab illa est separata, & nuncupatur *Uvea*, vel etiam *Iris*. Natat illa in humore aqueo DHFAFH, seu potius per medium illius transit, illumque in duas cameras dividit: sub Cornea est etiam opaca: radios igitur luminis solum admittit per rotundum foramen in *Uvea* medio a natura fabricatum, quod *Pupillam* nuncupamus. *Iridem*, seu *Uveam* repræsentat figura 3 una cum foramine medio, seu pupilla, cujus locus est inter HH. Tunica hæc interius est ubique nigra, ut scilicet oculum faciat *cameram obscuram*: exterius tamen, ubi *Iris* nuncupatur, diversos habet colores, ut in nobismetipsis vicissim observamus. Est *Iris* composita, & intertexta ex plurimis fibris muscularibus, alijs quidem tendentibus versus centrum, & in circumferentia pupillæ terminatis: alijs vero a pupillæ limitibus per Iridem se se diffundentibus: hujusmodi muscutorum beneficio contrahimus, & dilatamus pupillam ad copiosorem, vel remissorem lucem accipiendam.

528. Tertia Tunica LDDL (Fig. 4.) *retina*, ex
tex-

texturæ modo nuncupata, est nervi optici productio, & expansio in innumeros delicatissimos ramos qui secum ipsis intertexti mirabile quoddam efficiunt naturale rete supra alias tunicas expansum. In fornicis modum curvatur, inter choroidem, & humorem vitreum statim definiendum producta, a priori comprehensa, secundum complectens. Hæc tunica neque est satis pellucida, neque satis opaca: ab illa enascuntur *processus ciliares*: vel potius ipsa in DD membranam tenuissimam, & pellucidam producit DCD, DBD, quæ humorem crystallinum comprehendit, & ab aliis humoribus separat, & appellatur *Aranæ*, (seu *Processus Ciliares*). Expansionem hanc nervi optici distinguunt aliqui a tertia tunica LD LD, quam *Ruyschianam* appellant: in hoc tamen non immorabimur.

Nervus opticus M est productio, & ramus substantiæ cerebri, ab eo descendens, atque propagatus, & sua illa in infinitos ramos explicatione, & divisione retinam componens hucusque expositam.

529. Tres humores sunt *Aqueus*, *Cristallinus*, *Vitreus*; *Aqueus* occupat partem oculi anteriorem FHD CDHF, & in duas quasi cameras ab Iride HH dividitur: est materia quædam fluida aquæ valde similis, atque pellucida. Illius figura a parte anteriori, FAF est sphaerica convexa; a parte vero posteriori DCD est sphaerica concava ad humorem Crystallinum convexum recipiendum, ut demonstrat figura.

530. *Cristallinus* DCDB (Fig. 4.) medium locum occupat in oculo, & inter humores: Recta AB (Fig. 13.) perpendicularis ad oculum, & per centrum pupillæ ducta, transit etiam per centrum crystallini. Illius figura est utrimque convexa in modum lentis nycoscopicae; ex parte tamen posteriori majorem habet convexitatem. Crystallinus est admodum pellucidus, aqueo firmior, radiosque magis refringens.

531. *Vitreus* tandem humor posteriorem oculi DEL DB partem occupat, a *Retina* D LLD contentus, & a Crystallino media *Aranæ* divisus. Vitreus aqueum excedit pelluciditate, firmitate, & etiam magnitudine: ex parte Crystallini est concavus ad hu-

huiusce convexitatem accipiendum; ex aliis partibus est convexus.

532. Oculi undique in copiosa pinguedine loculamenta ossea illinente natant, & insistant, ut & facile, & molliter versus omnes partes moveri possint ope musculorum, quorum rami per tunicas se se expandunt, atque viscosa illa pinguedine illinuntur. Huiusmodi muscoli numerantur 6, 4 recti, 2 obliqui; & nervos recipiunt a quinto, & sexto pari, atque ab Intercoſtali (a).

533. Partes externæ notissimæ sunt, easque numerare, & illarum usus indicare sufficiat. Sunt vero *Supercilium*, *duplex Palpebra*, *Cilia*, *Punctum Lacrymale*, *Glandula Magna*, *Caruncula Lacrymalis*, *Adnata*. Quid nomine supercilii, palpebrarum, ciliorum significetur, omnes agnoscunt. *Punctum Lacrymale* est angustissimum foramen, quod in medio prominentis papillæ in interiori angulo oculi extantis conspicitur. Per hæc duo utriusque oculi foramina, quæ in nasum descendunt in unum paulo antea coeunt, & *Sacculum Lacrymale* in nares se exonerantem componunt, lacrymæ scaturiunt, sursum quasi per tubos capillares ascendentes.

534. *Caruncula Lacrymalis* sunt papillæ illæ de quibus loquimur, quæ quidem sunt rubræ, carnosæ, spongiosæ, & humorem lacrymalem illuc confluentem exire impediunt, atque per foramen lacrymale ingredi, descendere, & sub stillicidii forma in nasum se effundere compellunt. *Glandula magna* illa est, quæ in superiori parte oculi ab uno ad alium angulum inter palpebram, & *Corneam*, seu *Scleroticam* extenditur. *Glandula* hæc per pinguedinem, atque inter illam, & palpebram plurimos angustissimos canales explicat, spongiæ munus agentes, quibus humor lacrymalis colligitur, & absorbetur, qui & *Corneam* irrigat, & in lacrymas etiam vertitur.

Tandem *Adnata* est parva quædam tunica oculum extrinsecus vestiens, supra corneam diffusa, palpebris commissa, ac proinde oculum in loculamenti suis detinens, & veluti, ne erumpat, impediens: hæc album illud constituit, quod in oculis observamus.

§. II.

(a) *Hist. de l'Acad. Royale an. 1731.*

§. II.

*Exponitur visionis natura, modus & ratio
Physica.*

OBSERVATIONES.

535. *Primo in mentem revocare oportet, quæ de le-
gibus refractionis, luminis in physica generali indicavi-
mus, inferius vero fusius exponentur. Ponendum in-
super est, tamquam indubium, atque experientia de-
monstrante certum, radios luminis, ab objecto quocum-
que luminoso, aut illuminato emittantur, reflectantur,
refringantur, per lineam quoad sensum rectam propaga-
ri, & semper tendere, quoad impedimentum aliquod
refringens, aut reflectens radium ab illa recta deturbet.*

536. *Observ. 2. Nihil nos videmus citra lucem, quæ
in oculos nostros ingreditur; estque lumen instrumen-
tum illud universale visionis, ad id ab Authore na-
turæ datum, ut illius ope objecta suam in nobis imagi-
nem depingerent, atque visibilia efficerentur, eoque de-
ficiante, visio etiam deficeret. Cum nos igitur corpora
videntes in eorum cognitionem deveniamus; est lux,
seu lucis actio illud medium, quo inter animam no-
stram intelligentem, atque externa corpora commercium
peragitur, quod visio nuncupatur, aut per visionem
obtinetur: sed de hoc postea.*

537. *Observ. 3. Nec tamen satis est, medium, seu
spatium, in quo vivimus, esse illuminatum, ut illud,
aut objecta lucem illuc emittentia videamus, & perci-
piamus: opus insuper est ad visionem cujusque corporis,
ut radii ab illo emissi, aut reflexi recta in oculos no-
stros tendant, illosque ingradientur, & feriant: neque
enim corporis actionem in nos non incurrentem senti-
mus. Equidem nos nihil nocte obscurissima in Cælo vi-
demus, nisi stellas fixas, aut planetas, tamquam pun-
cta in firmamento lucentia; licet totum firmamentum,
& cælestia spatia sint a sole, & stellis illuminata. Si
oculus sit in puncto C (Fig. 1.), & radii luminosi,
A per canalem AB cum priori CD interiorius commu-
nicantem dirigantur; eos radios in communi sectione
tuborum nequaquam videt.*

538. *Observ. 4. Et hinc, atque observatione ipsa,
immo*

immo & ex ratione deducitur, quod, ut nos actionem, vim, & ipsum corporis cujuscumque sentiamus, necesse sit, actionem ipsius corporis ab illo contra nos dirigi, aut emissione directa, aut motus reflexione. Quid enim nobis officit lapis ex alto delabens, & directione nobis stantibus parallela prope nos ipsos decidens? Hinc iterum patet, ea solum objecta a nobis videri, quæ radios in nos directos, si sint luminosa, aut reflexos, si sint illuminata, & opaca, emittunt.

539. Observ. 5. Punctum quodcumque luminosum E radios circumquaque per orbem emittit; ac proinde radii hujusmodi sunt divergentes. Id vero explicavimus, cum superius illuminationis modum exposuimus: præterea vero constat; quia ex omni spatio BFA (Fig. 2.) videtur punctum E, ergo radios ex E emittit, quorum actionibus oculi intra spatium ABF existentes feriantur; aliter enim non perciperetur. Idem similiter verum est de quocumque alio puncto, quod per reflexionem ex aliquibus partibus videmus: illuc enim radios reflectat, necesse est, unde videtur, aut videri potest.

OBSERVATIO.

540. Si radii solares FH, FI (Fig. 16.) in faciem alteram CB lentis HBIC utrimque convexæ illabentes, per illam transmittantur, & alia ex parte excipiantur; hujusmodi radii post duplicem refractionem in lente, aliam quidem in ingressu, aliam vero in egressu in puncto quodam E post lentem concurrunt, ibique ignem accendunt; atque idcirco hujusmodi punctum nuncupamus Focum.

Eodem modo per duplicem refractionem in lente radii EH, EI a puncto quocumque E in lentem oblique incidentes post lentem in puncto D utuntur, ibique imaginem illius objecti depingunt, e quo vel emittuntur, vel reflectuntur. Duo tamen semper observantur; primum, quod objectum E ultra semidiametrum arcus BC (Fig. 16.) vitreæ lentis distare ab illa debeat juxta mox dicenda: secundum, quod illa imago eo erit clarior, quo copiosiores fuerint radii ipsi ab objecto in lentem incidentes; eoque remissior, quo fuerint pauciores. Idem similiter accidit, si radios per spheram vitream, aut aqua plenam excipiamus; licet lens vi-

vitrea sit sphaera longe praefenda : omnia tamen haec
luculentius constabunt ex observatione sequenti.

OBSERVATIO.

541. In fenestra camerae utrimque clausae fiat exiguum foramen rotundum B, cui apte applicetur, & disponatur lens vitrea utrimque convexa IK, vel etiam vitrea sphaera, aut aquea, ita ut radii omnes cameram per foramen ingressi, per lentem transeant (Fig. 45.). Radios per lentem transmissos in albo folio chartae SS perpendiculari. ad radios excipe ad quamdam distantiam, quam tentando, & chartam removendo, atque admovendo invenies : ea in charta sequentia non sine oblectamento observabis.

542. 1. In distantia a te ipso tentando inventa, v. g. in DM omnium objectorum externorum, quae lentem respiciunt, & radios in eam emittunt, imagines clarissime depictas videbis, & non sine admiratione integram Civitatem, aut Provinciam in charta observabis.

2. Omnia tamen inverso situ depicta videbis, arborum, & turrium summitates deorsum, radices; & fundamenta sursum versa, quae sunt dextra, ad sinistram, sinistra ad dextram demiraberis.

3. Si immota manente vitrea lente IK, & objecto LN, chartam sensim a priori illa positione, & distantia removeris, aut ad moveris; imago prius clarissima, sensim magis, & magis obscurabitur, & tandem disperebit: charta vero iterum paulatim in priorem situm restituta, iterum apparere, & gradatim clarescere incipiet imago.

4. Similiter si objectum LN removeris, immotis manentibus lente IK, & charta, disparet imago.

5. Verum si, objecto LN ad maiorem distantiam remoto, chartam magis ad lentem immotam ad moveris; oblitterata imago iterum vivacissima apparet.

6. Si objectum LN magis ad lentem IK ad moveas, disparet imago in charta; verum chartam similiter removendo, iterum apparet.

7. Quo magis objectum NL a lente removeris; minor erit illius imago in charta; major vero, quo magis illud lenti ad moveris. Id igitur ludicrum hic visitur, quod fugiens objectum insequatur imago; accedens

lente vero fugiat; insequens tamen minuitur, grandescit fugiendo.

8. Quo major fuerit lens, hoc est, majoris sphaerae segmentum; eo ad maiorem distantiam chartam remove opus erit, ut clare depingatur imago, cæteris paribus: hoc est, si objectum semper in eadem sit distantia.

9. Tandem si lenti vitreae humorem crystallinum substituas, aliaque exposita hactenus ratione exequaris; omnia phaenomena hactenus recensita similiter observabis.

O B S E R V A T I O.

543. Hæc omnia in oculo artificiali etiam observantur: oculus autem artificialis multiplici ratione construi potest. Paretur exiguus tubus chalybeus, aut chartaceus v. g. DC (Fig. 46.), cujus interior superficies nigro colore bene offussetur: in illius ore objectis convertendo exiguam lentem ita accommoda, ut radii ab objectis in oculum non nisi per lentem ingrediantur: in distantia FG tentando inveniendâ, frustum vesicae suillae pellucidæ distende perpendiculariter ad axem tubi. Ut vesicam ad lentem admovere, & ab illa remove pro libito possis, cam in extremitate angustioris tubi affige, qui intra primum adduci, & reduci possit. Conversa in objectum lente, ab extremitate opposita angustioris tubi, per quem ingredi lucem non permittes, illa omnia in vesica observabis, quæ modo in charta exhiberi descripsimus. Lens vitrea DE manus agit crystallini: retinae vesicula: tunicarum oculi parietes tubi: distantia inter lentem, & vesicam est illa, quæ intercedit inter crystallinum, & retinam.

544. Si ab oculo bovis, aut alterius cujuscunque animalis scleroticam, & choroidem, atque exteriorem retinae tunicam detrahamus, ut remanens interior tunica sit pellucida, luminosumque corpus ante pupillam collocemus; illius imaginem in retina clarissime depictam, sed inverso situ existentem, observabimus: idemque erit phaenomenon, si crystallinum ab oculo extrahamus, atque in ejus locum lentem vitream æqualem, & similem substituamus.

Tandem radii DN (Fig. 14.) a puncto quodcumque objecti in lentem vitream incidentes, atque per illam transmissi, & refracti, objectum suum, seu punctum,

et quo

ē quo emittuntur, eo solum in puncto N clare depingunt, ubi concurrunt; post, aut ante concursum imago est confusa, eoque magis confunditur, atque obliteratur, quō longius a puncto concursus N excipiantur.

DEFINITIO.

§45. *Angulus opticus* ABC est ille, quem radii AB, BC ab extremitatibus objecti per pupillam ducti in centro crystallini B, ubi concurrunt, & se mutuo secant, efficiunt. Huiusmodi radii se in centro B (Fig. 15.) interfecantes, post centrum iterum divergunt, & efficiunt angulum FBG priori ABC oppositum ad verticem, illique proinde æqualem (a): qui quidem angulus basim suam FG habet in retina. Angulus opticus dicitur etiam *magnitudo apparens*, ad eumque in sequentibus animo attendere opus est.

§46. Quodcumque punctum sensibile A luminosum v. g. aut illuminatum, & a toto aliquo spatio visibile radios ex se circumquaque emittit, ut diximus: in circulatē igitur pupillam HH (Fig. 13.) pluri radii huiusmodi radii incidunt: qui cum ex eodem puncto A exeant, atque inde in orbem divergant, pyramidem conicam HAH efficiunt, cujus basis est pupilla, cuspis vero punctum A: ex omnibus istis radiis pyramidem conicam componentibus unus est ABD, qui per centrum pupillæ, & crystallini transit, & consequenter est perpendicularis ad oculum, atque ad crystallinum ipsum; neque ullam patitur refractionem. Is igitur radius dicitur *axis opticus*; seu axis utriusque pyramidis optice HAH, HDH: eumque deinceps potissimum spectabimus. Reliqui omnes radii AH, AH, pyramidem conicam componentēs, oblique incidunt in arcum convexum corneæ, seu pupillæ, & crystallini; cum per centrum oculi, seu crystallini (per quod transit axis) non ducantur: in ingressu igitur in sphaeram oculi, medium scilicet aere densius, & sphaericum, refringuntur, ad perpendicularē deflectendo, & accedendo magis ad centrum crystallini, atque proinde ad axem opti-

(a) Geom. Elem. 1. n. 83.

opticum $A D$: in egressu vero, seu transitu a lente crystallini ad humorem vitreum, cum prior sit densior secundo, refringuntur iterum, sed a perpendiculari: atque hujus secundæ refractionis beneficio magis iterum accedunt ad *axem opticum* non refractum $A B D$, cum illoque uniuntur in D , puncto scilicet retinæ; illic igitur est novæ pyramidis radiosæ $D N P H P N D$ cuspis. Cum igitur ex observationibus constet, radios per lentem convexam, vel per crystallinum transmissos, & refractos imaginem objecti in puncto concursus depingere; imago puncti A expressissima erit in D .

547. Assumimus hic, & ponimus tamquam certum, radios lucis a puncto quocumque luminoso, aut illuminato A emissos, vel regeſtos, & lentis beneficio in foco congregatos, vim habere objectum suum depingendi: rei veritatem experientia, & innumeræ observationes demonstrant; quare vero, & unde id habeant radii luminis, inferius exponemus.

548. Refractionem, & concursum radiorum luminis exhibet figura. Radii $A H$ illabentes in *Corneam* $H B H$, (*Fig. 13.*) & ingredientes aqueum $P P H H$, primam patiuntur refractionem, qua, ut vides, deflectuntur ad P a prioribus semitis divergentibus aberrando, atque ad axem $A B D$ accedendo: ejusmodi igitur radii tendentes per $H P$ in P novum medium priori aqueo densius, & convexum offendunt: refringuntur igitur ad perpendicularem: est autem hæc $P Y N$ transiens per centrum: deflectunt igitur radii a suis semitis, & ad centrum Y , seu ad axem $A B D$ magis accedendo pergunt per $P D$. In N in novum medium incurrunt, humorem scilicet aqueum, crystallino rarius: illud igitur ingredientes, a perpendiculari removentur: est autem perpendicularis $Y N$ ulterius continuata: ab hac autem deflectendo magis iterum ad axem $A D$ accedunt per $N D$, & cum illo tandem concurrunt in puncto D . Tres igitur sunt refractiones: sed illæ potissimum considerantur, quæ fiunt in crystallino.

C O R O L L A R I A.

549. Hinc manifeste inferuntur sequentia, 1. Punctum D , in quo pingitur imago objecti N , existit in

in axe optico NRD (Fig. 14.). Est enim in puncto concursus radiorum pyramidem conicam componentium: punctum autem concursus est in axe optico. 2. Situs imaginum DM inter se determinantur ab axibus opticis NRD, LRM; cum imaginum loca in earum axibus opticis existant. 3. Deinceps igitur ad situs imaginum DM inter se definiendum, atque statuendum axes opticos tantummodo considerabimus: cum ab iis tantummodo pendeat earum imaginum situs. Fixum tamen, ratumque sit, a singulis punctis objecti AC, quæ videmus, v. g. a punctis ADEC (Fig. 15.) singulas radiorum pyramides efformari, quarum communis basis est pupilla, cuspides ipsa puncta: singulas item alias radiorum pyramides conicas singulis punctis, & pyramidibus externis respondere intra oculum. Ne tamen imaginationem obruamus in rebus opticis deinceps explicandis; & figuras, & axes opticos a multiplici illo, & implicato radiorum satellitio liberabimus; nisi res aliud postulet.

§50. 4. Distantia imaginis cujuscunque a crystallo a puncto illo dependet, in quo radii intra oculum concurrunt: hic vero concursus in majori, vel minori distantia fieri potest ob causas inferius assignandas.

§. III.

Ratio Compositionis, & munera partium oculi.

§51. Ex superioribus observationibus, & exposito visionis modo, & ratione mechanica facile jam constant partium oculorum munera, potissimum vero mirabilis supremi Conditoris Sapientia, qui tantulo animati corporis organo, qualis est hominis, & animantium quorumcunque, præcipue invisibilium vermium. Sphæra, & bulbus oculorum, id obtinuit, ut integrum universum & systema mundanorum corporum nobis fieret visibile, ab anima nostra perciperetur, atque inter nostram animam, & remotissima etiam corpora physicum intercederet commercium.

§52. Adnata oculorum retinet, ne e loculamentis suis exeat. Cornea pelluciditate sua radios transmittit

git in humores: *Sclerotica* una cum *Choroide* interius nigra oculum defendunt, humores in sphaericam figuram contrahunt circumquaque premendo, & ipsummet oculi loculamentum ab humoribus occupatum efficiunt exiguam cameram obscuram, ut clare, & distincte in illa depingatur imago, & rite ab anima percipiatur. Si enim camera, in qua observationes, & experimenta superius relata, admissa luce, ex obscura fiat illuminata; imagines obliterantur, luce lucem obscurante in sensu postea explicando.

553. *Uvea* seu *Iris* opaca radiorum ingressum impedit; ne copiosius, quam par est, ingressi cameram illustrent, imaginem obliterent, retinam offendant. Est perforata in medio rotundo foramine, ut necessarios luminis radios introrsum admittat: illudque foramen, seu pupilla loco foraminis in fenestra obscuræ camerae nobis est: dilatatur, & constringitur ad copiosorem, vel remissiores lucem accipiendam, prout objecta magis, vel minus illustrantur, & radios in oculos emittunt: in aqueo igitur humore natat, ut facilius possit contrahi, & dilatari.

554. *Aqueus humor* ad crystallinum, qui præcipuus est, magis servandum, ad motus *Uvæ* permittendos, & ad refractionem primam radiorum perficiendam inservit potissimum.

555. *Crystallinus* munus lentis agit in camera obscura, in eoque præcipuum refractionis negotium peragitur: ab eo igitur præcipue pendet objectorum pictura, & imago clara, distincta, confusa; ablatoque crystallino, nulla jam fieret visio; cum nulla in oculo esset sensibilis refractionis radiorum luminis, qua sola, ut vidimus, radii ipsi congregantur, & objectorum imagines depingunt distinctas.

556. Quoniam radii non concurrunt statim post lentem vitream, sed ad aliquam distantiam; ob rationem inferius dicendam; opus erat aliquod spatii interponi inter crystallinum, & locum imaginum: in quo quidem spatio esset medium pellucidum, ut radios transmitteret, & crystallino rarius, ut radii ad axem opticum magis convergerent: en igitur munus, cui humor vitreus inservit.

557. *Retina* habenda tibi est vice folii chartæ in camera obscura post lentem imagines excipientis. Quoniam tamen hæc tunica est expansio quædam nervi

nervi optici ; modificatio illa , & actio , qua radii in hujusmodi expansionem impingentes objecti imaginem efformant , per nervum opticum usque ad cerebrum , animæ sedem diffunditur : nervus igitur opticus ad imaginem , & actionem objecti , animæ veluti deferendam , & communicandam inservit .

§. IV.

QUÆSTIONES OPTICÆ CIRCA
OBJECTORUM VISIONEM.

QUÆSTIO PRIMA.

*Quomodo depingantur imagines objectorum
intra oculos .*

358. De modo , seu situ hujusmodi imaginum dubitabant aliquando Physici , dum experimentalis Physica , refractio luminis , & observationes a nobis allatæ non erant satis notæ .

PROPOSITIO XXX.

359. *Imagines objectorum depinguntur in oculis situ inverso ; quæ dextra sunt , ad sinistram , & vicissim ; quæ superiora , inferius , inferiora autem superiori in parte exhibentur .*

Id primo luadent omnia experimenta , atque observationes , quas quotidie instituunt Physici , contra quas argumentari non licet . 2. Imago extremi puncti A objecti AC (Fig. 15.) depingitur ab axe optico ABG post crystallinum B ; imago extremi inferioris C per axem similiter opticum CBF depingitur : cum ergo hujusmodi axes necessario transeant per centrum crystallini , seu per idem punctum B ; in eo puncto se mutuo secabunt , & post sectionem in partes contrarias , secundum linearum rectarum naturam tendent ; inferior scilicet CB sursum versus F , superior autem AB deorsum versus G : ergo punctum A superius in parte inferiori G , punctum autem inferius C in parte superiori F depingitur :

eodem modo probabitur, dextra depingi ad sinistram, & vice versa: ergo imagines inverso situ depinguntur in oculis. Supervacaneum est in re evidenti demonstranda tempus terere.

560. Oppones: Si objectorum imagines essent inversæ; etiam objecta ipsa a nobis viderentur inversa; objecta enim eo modo apparent, quo intra oculum repræsentantur: si igitur repræsententur inversa, etiam debent apparere inversa. Si enim confuse repræsententur, & depingantur imagines, confuse apparent objecta; si distincte, etiam apparent distincta: ergo & inverso situ apparebunt, si inversæ depinguntur eorum imagines. Respondeo: Neque ex inversione imaginis sequi, inversum apparere objectum, neque universim verum esse, eo modo apparere objecta, quo eorum imagines depinguntur: aliter valeret etiam hoc argumentum, objecta insignia, v. gr. Civitas, repræsentantur intra oculum per imaginem vix duas, aut tres lineas latam: ergo Civitas apparet sub extensione solum duarum, aut trium linearum.

561. Igitur difficultas ab omnibus solvenda est; ab omnibus item dicendum, non omnia, quæ conveniunt imagini, competere etiam objecto per illam repræsentato, ut modo circa magnitudinem adnotavimus. Dicendum potius est, animam videre, & percipere objectum prout ab illius imagine ad perceptionem, & repræsentationem determinatur: determinatur autem anima ad videndum, & percipiendum objectum per exiguam imaginem magnum, per inversam directum. Primum spectat, & pendet a modo percipiendi distantiam inferius explicando: secundum facili hoc, & mechanico exemplo ad evidentiam demonstratur.

562. Cæcus absque duce pergens duobus baculis a duplici manu apprehensis, & decussatis tentans iter, baculo scilicet dextro tentans, & attingens objecta sinistra, sinistro dextra, percipit quidem objecta situ inverso, atque illa existunt: hoc est, impressiones, & repræsentationes corporum per tactum fiunt inverso situ: nihilominus tamen cæcus per tactus, imagines, & perceptiones inversas, percipit: sentit, & refert objecta directa ad loca propria, in quibus existunt. Idem ex eadem ratione fit in oculis: visio enim

enim est etiam perceptio objectorum per tactum a radiis luminis factum: axes optici ABG , CBF (*Fig. 15.*), cum sint radii, seu corpora continua, perinde habendi sunt, atque duo baculi decussati in B ; per tactum igitur, & attrectationem in parte inferiori, seu dextra G percipit, & refert anima objectum in punctum superius, seu sinistrum A , & sic de cæteris.

563. Si tamen objecta repræsententur confuse, non possunt ab anima videri, & percipi clare, atque distincte: quia confusio (ut interim supponimus) ex radiorum intensione & unione pendet: ex quibus duobus est efficacia sensus: radii scilicet debiles non nisi remisse ferire possunt: non nisi debiliter igitur retina pungitur, anima excitatur, atque determinatur ab huiusmodi punctione, & radiis inefficacibus: nonnisi igitur debiliter, remisse, obscure, & ut ita dicam, oscitanter anima ipsa percipit objectum. Nihil igitur ex hoc capite inferri potest contra propositionem.

PROPOSITIO XXXI.

564. *Ideo objecta videntur directa, quia eorum imagines sunt inversæ; & quotiescumque imago intra oculum sit directa; objectum apparet inversum.*

Facile probatur propositio. Objecta semper sentimus, & percipimus secundum illam directionem, qua illa nos ultimo impetunt, afficiunt, & feriunt: atque secundum illam directionem ipsa in locum aliquem referimus, ut quotidiana nos docet experientia. Vocem, aut sonum ad nos reflexum non in partes loquentis, & vocem emittentis, sed ad partem reflectentis parietis referimus, ex qua ultimo nos ferit sonus, & ita de omnibus aliis: ergo anima percipiens punctum C in F per radium, seu axem opticum CBF (*Fig. 15.*), objectum ipsum percipiet per eundem radium FB continuatum, & transcurrentem per centrum B , secundum directionem, per quam feritur in F : ergo videt, & refert objectum in C . Similiter probatur, ex puncto G referendum esse objectum, & causam ferientem in A per directionem GBA .

565. Et hinc patet, objectum, videndum fore inversum.

verſum, ſi illius imago eſſet directa: pone enim imaginem eſſe D M (*Fig. 14.*) directam, hoc eſt, talem, quale extra oculum, ſeu ultra lentem I K illius obiectum exiſtit: obiectum igitur puncti imaginis D videbitur per radium, ſeu axem opticum D R continuatum; ſed axis D R a puncto ſuperiori D egreſſus, & in R cum radio inferiori M R decuſſatus, inferius tendit, & dirigitur in N poſt decuſſationem: ergo in N exhiberet obiectum ſuum; ac propterea inverſum: Porro per teleſcopia aſtronomica videmus Aſtra, & quæcumque obiecta, in quæ collineamus, inverſo ſitu; quia per duplicem lentem vitream erigimus intra oculum imagines: id tamen luculenter infra exponetur.

QUÆSTIO SECUNDA.

In quam oculi parte fiat viſio.

566. Non quærimus impræſentiarum, ubinam obiectorum imago depingatur? ex ſuperioribus enim ſatis demonſtratum eſt, obiecta depingi in loco, ubi poſt cryſtallinum uniuntur radii: quæ quidem unio fit in retina; ſæpe etiam in humore vitreo. Satis tamen hoc haud eſt, ut ulterius pronuntiemus, eſſe Retinam propriam viſionis ſedem, & locum; pictura enim non eſt viſio, neque viſio poteſt nuncupari pictura: in folio chartæ, experimento in camera obſcura inſtituto adhibitæ, depinguntur vivaciſſime imagines; ea tamen pictura, & imago non ſunt viſio; eſt igitur hæc actus animæ percipientis obiectum, ab impreſſione illa excitatæ, quam in retina, ſeu nervi optici expansione efficiunt radii uniti, ſeu materialis obiectorum pictura.

567. Non tamen nos hoc loco propriam animæ ſedem in corpore definiendam, aut commercium inter ſpiritum, & corpus exponendum aſſumimus; ſuus huic erit argumento locus. Id unum quærimus, in quam oculi parte eam obiecta impreſſionem efficiant, qua animam determinant ad illorum perceptionem, quam quidem impreſſionem nuncupamus etiam viſionem; licet illa tantum ſit viſionis excitatio.

PROPOSITIO XXXII.

*Visio objectorum fit in Retina, seu expansione
nervi optici.*

§68. Facile probatur propositio. Ita constructi sunt oculi nostri, ut radii ab objectis emissi in retina concurrant, atque illic objecta ipsa radiis, seu viribus in unum collectis validissime agant, vellicent, pun-
gant. 2. In Retina solummodo depinguntur objecto-
rum imagines; hæc autem pictura est illud, per
quod anima excitatur ad percipiendum objectum ip-
sum verum, atque per imaginem hanc objectum sen-
tit, ac intuetur. 3. Retina est omnium partium oculi
maxime sensibilis; cum sit nervorum, atque sub-
stantiæ cerebri productio, atque expansio: qui qui-
dem nervi, cerebri substantia, sunt totius sensus
universale organum: ad sensum igitur in anima ex-
citandum, ad impressionem quamcumque in se rece-
ptam usque ad cerebrum transmittendum, & com-
municandum una inter omnes oculi partes apta est.
Alibi enim vero probavimus, ob continuationem,
qua nervorum omnium rami, per totam corporis cu-
tem expansi, & distributi, cum cerebri substantia
conneſtuntur, & uniuntur, impressiones, & affe-
ctiones quascumque corporum externorum in hisce
corporis extremitatibus factas anima in cerebro de-
prehendit, sentit, & ad locum proprium refert. Si
igitur Retina est omnium partium oculi, quæ ad vi-
sionem aptæ sint, aut sola, aut præ cæteris sensu
prædita; si omnium facillime affectionem transmittit
in animam; si in illam potentissime agunt obje-
ctorum radii, si in illa tantummodo imagines de-
pinguntur; atque hæc omnia in reliquis partibus
oculi desiderantur; indubium est, in Retina fieri
objectorum visionem.

§69. 4. Humores omnes sensu plane destituuntur:
nihil doloris senties, si acus cuspidem per illos im-
mittas, hac illac agites: præter igitur supradicta ca-
pita ex hoc etiam nomine ad visionem perficiendam,
atque affectionem accipiendam, & animæ transmit-
tendam sunt prorsus inhabiles. Tandem tunicæ om-
nes ex anteriori parte oculum contegentes, ob alla-

tas modo rationes, esse non possunt propria visionis sedes. Deinde plures sunt homines cæci, qui tamen prædictas omnes tunicas integras habent, & sanas. Præterea objectum quodcumque semper appareret multiplex; cum enim radii in eas tunicas dispersi illabantur; singuli in diversis punctis ejusdem objecti imaginem depingerent: imagines proinde, & objecta multiplicarentur.

370. Oppones experimentum apud *Dechales* (a). Si visio fieret in retina; fieret in omnibus illius partibus, neque accidere posset, corpus aperto oculo objectum non videri: id tamen plerumque accidit, dum scilicet radii ab illo objecto emissi in ea parte retinæ congregantur, in qua nervus Opticus oculo inseritur, & expanditur. Rem ita observatione experire: tria objecta illustria, v. g. tres lucernas, e regione alterius oculi constitue, a se invicem per semipedem separata, primum A ad lævam, secundum D in medio, tertium C ad dextram; uno tantum oculo aperto ita in illa objecta respice, ut in primum A aciem visus intendas: alia duo etiam videbis, sed debilius: recede paullatim eodem semper modo intendendo in objectum A ad lævam: ita recedendo observabis medium D (Fig. 53.) disparere, & occultari, licet tertium semper videas: ergo radius, seu pyramis luminosa medii objecti, in expansionem, & insitionem nervi optici incidens non efficit visionem; atqui incidit in retinam: hæc igitur tunica non est propria visionis sedes. Respondeo, ab experimento id unum sequi videri posset aliquam esse partem in Retina, nempe illam, per quam inseritur nervus opticus, visioni efficiendæ non satis aptam: quod propositioni non opponitur. Experimentum tamen illud est satis obscurum: neque certi aliquid statui ex illo potest.

QUÆ-

(a) *Lib. 1. Opticæ prop. 4.*

QUÆSTIO TERTIA.

Quid illud sit, per quod objecta suam intra oculum imaginem depingunt? Et quid illud sit, quod anima videt, imaginem scilicet, an objectum in imagine?

571. Objecta, quæ videmus, sunt extra oculos posita, & ab illis nonnumquam per plures leucarum milliones dissita, v. gr. Saturnus trecentis leucarum millionibus a nobis remotus: cum igitur juxta antiquum, & celebre Philosophorum axioma, *non detur actio in longinquum, quin transeat, & diffundatur per medium*, seu, quod idem est, actio corporis cujuscumque in alia corpora longinqua debeat esse continua, atque per medium propagari; opus est ad visionem cujuscumque corporis, v. g. Saturni; ut corpus ipsum aliquam actionem materialem in oculos nostros exercent, seu aliquid ex se emittat, quod ad nos usque propagatum, & oculos ingressum animam excitet ad videndum, atque percipiendum objectum ipsum, ac illius imaginem in oculo depingat. Quid vero est illa actio, quid medium illud, seu emissio corporum usque ad oculos? Quid est illa pictura in retina efformata? A quo objecta depinguntur? Quid videt anima, picturamne, an objectum in pictura, vel per picturam?

572. Veteres Physici statuebant, ab omnibus corporibus circumquaque diffundi emissionem quamdam rerum, quas species nuncupabant, quæ essent vicariæ suorum objectorum, atque vim haberent illa representandi, quocumque devenirent, aut existerent. Hujusmodi species illud esse dicebant, quod intra oculos admissum, imagines objectorum illic depingit, illud quod anima videt, eamque excitat ad objecta percipienda, quorum illæ sunt vicariæ, effectus, & emissiones. Dudum tamen est, quo hujusmodi reculæ olim celebres a vera, atque experimentalis physica relegantur.

P R O P O S I T I O XXXIII.

373. *Lux luminisque radii ab objectis in oculum emissi, aut reflexi sunt illud, quod objecta ipsa ex se emittunt, & quod ipsorum objectorum imagines in oculo depingit, atque animam ad videndum, & objecta percipiendum excitat.*

Primo enim illa specierum emissio nulla aut ratione efficaci, aut experimento, aut observatione constat: precario igitur solummodo admittuntur, & statuuntur. 2. Intelligibiles non sunt species illæ, earumque productio, ac emissio: suntne spiritus, an materia? Estne aliquid materiæ ab ipsis corporibus de novo productum, an effluviū particularum corporum ab ipsis perenniter prodeuntium? Quidquid diceretur, esset inextricabilibus difficultatibus obnoxium. 3. Quare circumposita nobis corpora nostra non videremus, si illa ex se species semper emittunt, earumque beneficio visio in oculis perficitur? Sed quid tantopere in occultissima qualitate rejicienda, atque oblitterata sententia impugnanda immeramur?

374. *Lux procul dubio ab omnibus corporibus, quæ videmus, ad nos emittitur, aut reflectitur: posita hac emissionē, objecta ipsa vel remotissima videmus, ac percipimus; illa vero vix sublata, illico corpora ipsa disparent; nec amplius aspiciuntur; hoc præterea est unum id notum, atque indubium, quod ad nos corpora remotissima emittunt; illud, quod oculos nostros ingreditur, in iis refringitur, loco imaginum congregatur, ut validius agat; luce posita, refracta, & congregata depinguntur imagines; illa sublata, aut intercepta, imagines illico disparent, atque oblitterantur: hæc vero omnia, quæ observationibus constant, vix dubitationi locum permittunt, atque secundum philosophandi regulas manifeste probant, radiorum luminis, ab objectis in oculos emissorum, proprium esse munus objecta ipsa depingere, in retina, imaginem animæ exhibere, atque hanc ipsam ad objecta percipienda, media illa imagine, & actione excitare.*

Ut hæc tamen veritas, & aliæ hætenus traditæ, præcipueque physicus visionis efficiendæ, aut allicien-

ciendæ modus amplius exponantur; liceat aliquas difficultates physicas proponere, atque diluere.

575. Opponitur 1. Radii luminis ab objectis in oculum emissi sunt omnes ejusdem naturæ, atque iidem ubique: ergo non possunt efficere, & depingere prodigiosam illam imaginum, & picturarum varietatem, totidemque colores, quot in tanta adeo corporum varietate observamus. In imaginibus enim objectorum intra oculum, vel in camera obscura apparentibus ii omnes observantur colores, quos in objectis ipsis perspicimus: quomodo una, eademque causa tot diversorum effectuum varietatem efficere poterit? Dicendum igitur potius, imagines, & picturas illas singulas a propriis, & diversis singulorum objectorum speciebus efformari.

576. Argumentum tangit difficultatem a nobis in Lectione de coloribus luculenter expositam: ad eum igitur locum lectorem remittens, dico solummodo, colores nihil aliud esse, quam puram putam lucem: diversitatem vero colorum a diversis radiorum modificatione pendere, & in iis consistere: est autem in Physica notissimum, unam, eandemque materiam ob multiplicem suarum partium modificationem diversas induere formas, atque effectus producere profusos distinctos. Ex argumento igitur confirmatur propositio: si enim colores sunt radii luminis; ergo pictura, & imago objectorum in hisce coloribus potissimum consistens, nihil est præter litem.

577. Verum, pergis; quo pacto lux eadem a diversis corporibus in oculum regeſta, tot diversos colores constituere, efformare, aut exhibere potest in imagine ipsorum objectorum; modo unum, postea vero alium repræsentare: seu, ut vere & proprie loquamur, animam ad objecta diversis modis sibi repræsentanda excitare? Respondeo, rationem & modum quo hæc in radiis luminosis, & a radiis luminosis fiunt, citato in loco exponimus: indicare sufficiat, radios luminis a singulis objectis multiplici, varique modificatione emitti, reflecti, refringi, & affici. Variis hujusmodi modificationibus mediantibus totum colorum discrimen efficitur, & exponitur. Luculentum ejusdem rei exemplum habes in sono, multiplicique tonorum, & tonorum varietate fuscè superius expositum.

578. Est tamen intra oculos, quæris, proprius objectorum color? Ipsissimus, respondeo, propria, & ipsissima imago vivacissima propriis objecti coloribus, & figura distincta. Quid ergo videt anima, subjungis, imaginem in retina depictam, an potius objectum? Respondeo, Animam videre objectum per imaginem, cum in objectum directe intuemur. Quid vero, pergis, dum nosmetipsos, aut alium in speculo videmus? videmus, repono, objectum in imagine, & per imaginem: in imagine scilicet in speculo in speciem depicta, & per imaginem in retina vere depictam: seu potius per imaginem objecti in retina videmus objectum ipsum in diverso situ, atque illud existit.

579. At, reponis, videmus objectum ipsum trans speculum per imaginem illic non existentem: ergo etiam videbimus objectum per imaginem in retina non depictam, neque existentem. Respondeo: Trans speculum neque est objectum, cum ante illud existat; neque imago vera, cum speculum radiis transitum non permittat: est igitur solum imago, & objectum apparens per fallaciam situs a reflexione radiorum ortam: in retina vero efformari imaginem veram per radios luminosos vere illuc transmissos, & congregatos ex superioribus patet. Quid tamen est, ulterius instas, illa visio animæ, seu in anima? Quomodo spiritus videt? Respondeo: Rem quæris, quæ ad lectionem Metaphysicam de commercio animæ cum corporibus spectat: eum locum vide: impræsentiarum dicere sufficiat, visionem animæ propriam esse perceptionem objecti, ortam tamen, accommodatam, & proportionatam illi imagini, quæ in retina depingitur.

580. Radii luminis igitur ab objectis in oculum emittuntur colorati? Maxime, respondeo, si nomine *colorati* modificatos intelligas: apparere enim coloratum, colores sunt repræsentationes animæ. Quare igitur, insistis, illos radios, hoc est, illos colores in medio, per quod transeunt, non vides? ibi enim videmus colores, ubi illi existunt: si ergo radii, seu colores per aerem transeunt, hoc est, in aere existunt, quare eos inibi existentes non videmus? Resp. Nihil nos sentire, aut videre, nisi in nos agat, nisi in nos radios emittat, nisi radii emissi obje-

objecti emittentis imaginem in retina depingant, ut ex supradictis constat: radii autem sua objecta, non se depingunt, suorum objectorum, non suimet ipsorum sunt imagines, & colores. Attamen, contendis, colores nos citra dubium videmus; quare igitur non videbimus radios, si ipsi sunt colores? Resp. Eandem crambem recoquis; objecta videmus radios in nos emittentia, ut dixi, radii autem radios non emittunt.

581. Oppones iterum: Impossibile videtur, innumeros, & pene infinitos radios a singulis objectis, & objectorum punctis ante oculum existentium emissos, per angustum adeo foramen, quale est pupilla, ingredi: quid tamen dico pupillam? Per foramen illud exiguum B (*Fig. 5. Opt. & Fig. 45, & 40*) in pariete, aut fenestra apertum, lente insuper impeditum, per quod tamen omnium objectorum externorum lentem respicientium transeunt imagines? Sunt enim ipsi radii materia, sunt impenetrabiles; cur igitur alii alios non impediunt, alii ab aliis non regeruntur? Si sunt materia, per poros tantum lentis in foramine, humorum, & tunicarum in oculo pertranseunt; pororum parietes illos repellunt: spatium igitur radiorum transitioni liberum, aliud non est, quam summa pororum lentis, aut humorum in pupilla: hinc angustius multo redditur radiorum iter: hæc vero solvere, & explicare conaberis per incomprehensibilem radiorum subtilitatem: eam libenter demus; multiplicitas tamen radiorum exilitatem longe superat. Gravissimam hanc difficultatem iis tantum oppone; qui lucem in vera, & materiali particularum emissionem, & effluviis consistere asserunt. Nos etenim illa non premit, qui luminis transitum per pupillam observationibus rite probatam supponimus, eaque supposita, ad ulteriora pergimus: lucis igitur per pupillam ingressus a nemine negatur: quo autem pacto huiusmodi ingressus peragatur, in *Lectione de Lucis natura* exponitur. Argumentum tamen æque impugnaret specierum transitum, cum illæ etiam sint materiales. Alias objectiones omitto cum, vel ad *Lectiones de lumine, & coloribus*, vel ad sequentes etiam quæstiones spectent.

QUÆSTIO IV.

Qualiter per multiplices radios in eodem oculo, & per duplicem imaginem ejusdem objecti in duobus oculis unicum appareat, & videatur objectum.

582. Duo in quæstione explicanda proponimus circa unitatem, & multipliciter imaginum. Objectum vel videtur unico tantum oculo, vel duobus simul: in utroque casu, experientia demonstrante, apparet unicum (quibusdam casibus exceptis, inferius ponendis); in utroque tamen videtur, quod multiplex deberet apparere: in primo ob multipliciter radios, quibus pingitur; ob multiplices radios, & duplicem imaginem in secundo.

583. Si vera igitur sunt, quæ modo diximus, imagines scilicet, & visionem fieri per radios luminosos; objectum uno, eodemque oculo visum multiplex apparere debet, seu in multiplici loco existens. Objectum etiam A (Fig. 13.) depingitur in puncto D retinæ per innumeros radios H P N, H P N pyramidem conicam efformantes priori inversam: sed loquamur solummodo de duobus radiis. Retina in puncto D pulsatur radiis B D, & H D continuatis: per radium D B continuatum, & transeuntem per B videtur objectum in A: ergo videbitur etiam objectum; sed productum transit per E, non per A; ergo videbitur per B N continuatum, seu ulterius productum; objectum A in E: idem probabimus de aliis radiis pyramidis: ergo objectum in multiplici loco, hoc est, multiplicatum videbimus.

584. Resp. Per unicum oculum, quamdiu radii in unicum punctum D congregantur, objectum apparere unicum, & videri in axe optico D B Z A, non vero in directione radii D N E continuata: id vero ob sequentes rationes. 1. Quia axis A B D aliis radiis efficacius agit; cum non sit refractus; 2, & potissimum, quia actiones omnium radiorum P N D, P N D, obliquorum pyramidis ob formam forniciis, quam habet retina, reducuntur ad unam actionem per directionem axis A B D: ex ratione enim, & figura forniciis H K I, cum partes in arcum dispositæ mutuo se adjuvent, sustentent, & a lapsu im-

pediant ; pars K una cum aliis arcum componens , quacumque directione MK ex interiori parte impellatur , nonnisi per directionem perpendicularem LK cedere potest . Si igitur lapis , later , vel punctum K fornicis MKI impellatur pluribus simul actionibus ex H I M L ; ictum , seu affectionem in animam , seu cerebrum transmittet per unicam directionem LK perpendicularem ; cum per eam tantummodo cedere , & moveri possit : directio autem perpendicularis LK est directio axis optici BD : ergo anima afficitur tantummodo per directionem LK , seu BD : ergo objectum tantummodo per KL , hoc est ; per DBA videbit .

§85. Secunda quæstionis pars est in Optica etiam celebris : Duplicem habemus oculum ; per duplicem igitur imaginem objectum videmus : unde igitur est , quod objectum appareat nihilominus unicum ? Eo etiam augetur difficultas , quod si ejusdem objecti in eodem oculo duplex depingatur imago , duplicatum etiam appareat objectum , ut paulo post dicemus : quidni igitur per duplicem in duplici oculo imaginem idem non eveniat , & observetur phænomenon ? Ob hanc difficultatem quamplurimi veterum visionem in nervorum opticoꝝ utriusque oculi concursu A (*Fig. 47.*) fieri existimarunt . Verum præterquam quod magna illic esset imaginum confusio , illic non depinguntur objecta . Homines etiam fuere , quorum nervos opticos non concurrere per anatomiam compertum fuit ; quin tamen objecta viderent duplicia (a). Tandem per unum , eundemque oculum , & etiam per duos multiplicatur pluribus in casibus objectum , licet nervi optici concurrant : ex alio igitur capite repetenda est causa .

§86. Axes optici BD , CD non sunt paralleli (nisi in quibusdam , & paucis hominibus , quos *Strabones* nuncupamus , de quibus postea) sed convergunt , & tandem in puncto quodam D concurrunt , in quod aciem intendimus : videmus autem punctum quodcumque objecti per axem opticum ; & puncti cujuscumque imago semper in axe optico , seu per axem opticum depingitur in oculis : ergo punctum D ex
ocu-

(a) *Dechales l. 1. Optica prop. 38.*

oculo H videtur per axem opticum BHD, ex oculo G videtur per axem opticum CGD : cum igitur uterque oculus collineet in D per axes opticos in D concurrentes, per quos videt punctum D ; per utrumque oculus, & duplicem imaginem videtur objectum in eodem loco D, & ad eundem locum refertur : objectum autem idem, visum, & apparens in eodem loco, apparet unicum : per duplicem igitur imaginem unicum apparet objectum.

587. Esto, opponis, videat oculus H punctum D per axem opticum BHD (Fig. 47.) oculus pariter G per axem opticum CGD ; unde tamen est, quod uterque oculus videat illud punctum in concursu & sectione axium D, non vero ultra illam sectionem ? Si autem videatur ultra illam sectionem ; videbitur in diversis locis, cum axes ultra D sint divergentes. Respondeo : Difficultas recidit in modum videndi, & percipiendi distantiam objecti inferius exponendum ; interim dicere sufficiat, punctum videri in cuspide pyramidis conicæ radiosæ, quæ quidem cuspis est in uno, eodemque puncto D, ubi objectum existit, & axes interfecantur, atque concurrunt. Alia vide inferius.

C O R O L L A R I U M .

588. Hinc vero infetes, Strabones, seu homines illos, quorum axes optici sunt paralleli, objecta videre duplicata : cum enim axes optici sint paralleli ; numquam concurrunt : objectum igitur, in axibus semper opticis apparens, ex singulis oculis in singula diversa loca refertur, & duplicatum apparet. Quod si ejusmodi homines in vitæ decursu objecta vident non duplicata ; id ex eo est, quod longa consuetudo ; atque experientia physicum illum defectum emendat.

Q U Æ S T I O V.

Fitne visio per emissionem aliquam spirituum ex oculis in objecta; an potius, & solummodo per emissionem radiorum ab objectis in oculos emissorum?

389. Fuit illa Stoicorum opinio, qui una cum pluribus aliis existimabant, non objecta in oculos, sed ex oculis in objecta radios emitti, ejusque emissionis beneficio objecta ipsa sentiri ab anima. Unum scilicet ex iis duobus accidere necesse est; cum enim visio sit tactus; ut percipiatur objectum, vel illud nos tangit, vel a nobis tangitur. Ex supradictis tamen luculentissime constat, visionem in oculis nostris fieri per radios luminis ab objectis emittos, aut reflectos. Deinde si visio per emissos ab oculis radios fieret; omnes nos perinde noctu, atque interdum videremus; æque enim in utroque tempore a nostris oculis effluvia exirent, quibus quasi baculis objecta tangeremus. Nullum tandem ne leve quidem indicium ejusmodi emissionum apparet.

390. Unde tamen est, inquires, quod feles noctu videant, eorumque oculi in mediis tenebris ex aliqua distantia visi scintillare videantur? Aliqui etiam homines fuerunt, qui noctu videbant, ut de *Tiberio Imperatore* refert *Plinius*, de *Mario Plutarcho*: quin etiam aliquis jam fuit ardentis indolis, ac temperamenti vir, qui noctu videret: aliis post generosissimi vini potum idem accidebat phænomenon; ut alios præteream, de quibus similia affirmant Historici.

391. Respondeo: Hæc omnia ad summum probant, esse paucissima aliqua speciei individua, quorum oculi ob igneam, ardentem, & rabie incensam indolem, ac naturam, veluti quidam phosphori, scintillas ex se emittant satis vividas, rabiem semper, & minarum aliquid indicantes: quæ quidem scintillæ ab humoribus oculorum in objecta, in quæ aciem intendunt, emissæ, atque ab iis deinceps ad ipsorum oculorum retinam regestræ, imaginem illic eorum objectorum depingunt, a quibus regeruntur. Unde semper verum est, objecta depingi per radios ab ipsis emissos, vel regestratos, undecumque illos accipiant.

Præterea in eorum hominum, atque omnium felium oculis imagines objectorum interdum eodem modo, atque ab iisdem causis depinguntur, & fit visio, ac in aliis animantibus; noctu solummodo aliquid est discriminis; id vero præter dictam modo causam, quæ aliquoties, atque in aliquibus animantibus verissimilis est, ex peculiari potissimum eorum retinæ teneritudine, textura, & præsentī statu pendet. Neque enim noctu sunt perfectæ tenebræ, nihil lucis admixtum habentes; aliqui ergo radii illuminant, atque reflectuntur ab objectis: tenuissimi illi radii, visioni nostræ ob parum sensibilem retinam impares, tenellæ quorundam animalculorum retinæ & visioni pares sunt.

392. Hac etiam & simili de causa noctuæ, vesperiliores, bubones noctu maxime e nidis exeunt, volant, vident, & percipiunt objecta; interdum vero nequaquam; quia scilicet & retinam habent tenerriam, & pupillam valde amplam: noctu igitur per ejusmodi pupillam radios ad visionem sufficientes recipiunt, iisque objecta percipiunt: interdum vero copiosissima lux per amplam pupillam ingressa retinam offendit, & concremat; in objecta igitur visum intendere prædictæ volucres non possunt.

Q U Æ S T I O VI.

Perfectiusne, aut distinctius uno, quam duobus oculis appareat, & videatur objectum?

393. Respondeo: Longe melius duobus, quam uno oculo videri, & distingui, secundum communem saltem rerum ordinem. Hæc propositio, quam *Aristoteles*, & *Gallenus* negarunt, distinctius unico, quam duobus oculis videri existimantes, non melius quam proprio cujusque nostrum experimento probari potest. Ponatur in parva ab oculis AB (*Fig. 45.*) distantia objectum EH, in quod oculi intendantur; inter oculos tamen manum distentam, vel aliud corpus opacum CD ita dispone, ut oculus alter A partem EG alius B partem FH objecti videat: pars proinde media FG duobus, extrema EF, GH singulis tantum oculis videantur; experimento comperies, partem mediam FG duobus oculis visam, & di-

& distinctius , quam extrema , singulis oculis apparentia , videri .

594. Quid tamen causæ est , inquires , quod alterum oculum claudimus , ut alio solo aperto melius in objectum collineemus , cum vel scloperum contra scopum explodere , vel longinquum aliquod objectum distinguere volumus ? Resp. Id nos agere , non quia uno tantum oculo melius videamus objectum , sed ut rectius in scopum unica tantum directione , seu linea collineemus , neque mens , aut phantasia , dum ad plura objecta simul attendit , minus ad lineam directionis quæ unica est , animadvertat .

595. Propositio vera solummodo est in visione clara & distincta , hoc est , cum objecta distinguimus ; si enim objecta videantur confuse , major erit vilionis confusio , & minus percipientur objecta per duos , quam per unicum tantum oculum : ut etiam ab experientia multoties edoceri possumus : confusio enim nascitur ex variis maculis , & umbris , quibus objectum quasi offusum videmus ob imperfectam radiorum in retina unionem , atque concursum , ut paulo post dicemus : plures autem sunt maculæ in duobus oculis similibus , & paribus , quam in unico .

L E C T I O XII.

VISIONIS PHÆNOMENA , ET
AFFECTIONES ,

seu

*Peculiares sensus visionis proprietates ex
superioribus observationibus deductæ .*

596. Hactenus oculorum structuram , & partes rationem , naturam , instrumentum , & physicum modum visionis exposuimus ; aliquas quæstiones subjunximus , quibus visionis natura magis patesceret : antequam alias quæstiones , & alia theorematata optica æque utilia , & amœna proponamus , visionis proprietates , saltem præcipuas , ex prædictis observationibus , & aliis obiter explicatis descendentes explicemus .

597. In nostris oculis , ut jam diximus , eadem plane accidunt circa objectorum imagines , quæ superius in camera obscura , atque oculo artificiali observavimus . Quare illa omnia in memoriam revocare , & menti alte infigere oportet : cum ex illis dicenda plurima inferantur . Et sane ex iisdem observationibus jam deduximus , ratione ipsa , & experientia ducibus , *primo* , objectorum imagines in nostris oculis inverso situ depingi : *secundo* , ea omnia objecta apparere inversa , quorum imagines fuerint intra oculos rectæ : *tertio* , per axem opticum AD (Fig. 13.) & locum imaginis in retina determinari , & imaginem ipsam potissimum depingi , & objectum , illiusque locum extra oculum exhiberi . Ex iis vero , & aliis superius demonstratis facile eruuntur sequentia .

De Visione Clara, Distincta, Confusa.

QUÆSTIONES, PROBLEMATATA, ET PHÆNOMENA OPTICA.

QUÆSTIO PRIMA.

598. Unde oriatur visio clara? Quid visionis claræ, distinctæ, confusæ intelligamus nomine, & quale inter illas sit discrimen, superius definivimus. Objectum clare aliquando videmus, & percipimus, quin tamen illius partes distinguamus: unde igitur oritur huiusmodi visio clara?

Respondeo: Visionem claram sequentes causæ, aut conditiones efficiunt: primo, copiosi radii, & vivaces ab objecto emissi, aut reflexi, & oculum ingredientes: secundo, amplitudo pupillæ radios ipsos excipientis: tertio, pelluciditas humorum, & corneæ, præcipue vero crystallini. Omnia hæc ab observationibus cameræ obscuræ, atque oculi artificialis manifesta sunt. Observatum in iis fuit objectum luminosum, aut intense illuminatum, & copiosam lucem in lentem, & cameram reflectens, clare in charta depingi; confusas vero esse imagines, si experimentum vespere v. g. instituatur, aut tum, cum exiguam lucem objecta recipiunt, & reflectunt. Secundo, quo foramen sit amplius, lens vero purior;

eo plures radios , ex eodem puncto emissos in char-
tam transmittunt , & clarior fit etiam imago ; for-
amen autem est pupilla , lens vitrea humoris crys-
tallini vices agit.

599. Hinc objecta interdiu clare , noctu , aut ves-
pere obscure videmus ; corpora luminosa , intense il-
luminata , alba , vivido colore prædita clare perci-
pimus ; objecta subobscura , nigra , remisso lumine il-
luminata , remota cæteris quidem paribus confuse vi-
demus . Solem , Lunam trans nubes vix aliquando
distinguere possumus , majori eorum luminis parte a
nubibus ipsis interclusa .

QUÆSTIO SECUNDA.

600. *Unde tamen accidit , quod ii , qui morbo regio ,
seu aurugine laborant , omnia videant flava ?*

Respondeo , quæstionem quæstione solvendo . Qui
per vitrum cæruleum Solem v. g. aut quæcumque
alia corpora intuentur , omnia vident cærulea : qui
per flavum , flava ; si per viride , viridia &c. : quin
immo dum Solem observant Astronomi ; unum , aut
duo vitra rubea , aut cærulea adhibent , per quæ in-
offensis oculis Solem videmus ; illo tamen colore ap-
paret , quo prædita sunt vitra . Omnia hæc pendent
ex natura colorum superius tradita ; igitur responde-
tur , ictericos ob superabundantem biliosum humo-
rem oculis suffusum humores oculi habere flavos :
dum igitur per crystallinum eo colore tinctum radii
pertranseunt , eodem modo afficiuntur , atque dum
transeunt per vitrum etiam flavum : huiusmodi au-
tem vitra colorata , v. g. flava radios , quoscunque
transmittant , ita afficiunt , ut colorem flavum in-
duant : in retina igitur imago depingitur per radios
modificatione flavos ; eoque proinde colore suffusa
apparent omnia objecta .

QUÆSTIO TERTIA.

601. *Quæ causa est visionis distinctæ , seu unde est ,
quod objecta distincte videamus ?*

Respondeo : Ad visionem distinctam requiritur , ut
retina radios ab eadem parte objecti prodeuntes ex-
cipiat in puncto concursus ; huiusmodi igitur radio-
rum

rum concursus in eodem retinæ puncto efficit visionem distinctam.

602. Ex observationibus enim constat, tum solummodo in camera obscura, aut oculo artificiali objectorum imagines distincte depingi, cum radii ex singulis punctis objectorum emissi in singulis, & distinctis punctis chartæ concurrunt: at intra oculos eodem modo depingitur imago, ac in oculo artificiali, aut camera obscura, tumque solummodo anima distincte percipit, & videt objecta, cum distincta est illorum imago: imago igitur puncti A (Fig. 13.) distincte depingitur in puncto retinæ D, ubi radii pyramidis cum axe optico concurrunt, punctumque illud distincte videtur ab anima. Objectum similiter L N (Fig. 14.) distincte depingitur in D M, & distincte ab anima perciperetur, si in D M esset anima, aut ad illam ejus imaginis affectio transmitteretur.

603. Illa præterea ad visionem distinctam requiruntur, quæ claram efficiunt; cum ad distinctionem claritas visionis opus sit. Quædam tandem attentio animæ ad objectum, quod intuetur, necessaria est: id tamen potius requiritur ex parte animæ ad perceptionis sensum, quam ex parte objectorum ad representationem, & claritatem imaginis, atque picturæ.

604. Nulla ergo objecta, oppones, videre possumus distincte. Nego: Ad ejusmodi visionem, inquis, requiritur, ut singula puncta objecti in singulis retinæ punctis depingantur: tot ergo esse debent puncta in retina, quot in objecto distincte viso; cum ergo retina sit objecto viso longe minor; nihil nos distincte videbimus. Respondeo nos uno eodemque tempore insensibili partem objecti retina nostra majorem non videre distincte: Id vero experimento edocebimur, si connitentibus nobis, per aliquid temporis in unum, idemque objectum, seu objecti partem data opera oculorum obtutum defigamus: vix enim nos integrum verbum, immo litteram distincte simul videre animadvertemus. Quoniam tamen oculorum axes maxime volubiles habemus, fit, ut insensibili fere tempore, quod non satis distinguimus, aut dividimus, in plura objecta oculorum obtutum consequenter vertamus, & distincte percipiamus, quæ nos
simul

simul videre existimamus. Deinde claritatem sapissime pro distinctione usurpamus, & utramque confundimus. Ex dictis pendent, & deducuntur sequentia corollaria, & questionum solutiones.

C O R O L L A R I U M I.

605. Ut igitur objectum aliquod distincte videatur, & appareat; debet in uno tantum loco in retina depingi, & in uno tantum loco extra oculum videri. Primum ex dictis evidenter inferitur; distincte enim solum depinguntur, & videntur objecta, quorum radii cum axe optico concurrunt in eodem puncto: ergo si in plura retinæ puncta radii incident, distincte non videtur objectum. Secundum ex primo deducitur: objectum, quod videtur in duplici loco, duplicem etiam in retina habet imaginem, & per diversos radios in diversis retinæ partibus impingentes depingitur; si enim in unico puncto concurrerent; unicum haberet axem opticum, & consequenter in unico appareret loco: ergo illius radii non concurrunt, & consequenter non apparet distincte.

C O R O L L A R I U M II.

606. Si in eodem retinæ puncto diversorum objectorum radii, seu axes optici incident; ea objecta non apparebunt distincta, sed confusa. Primo enim in eodem puncto multiplex erit diversorum objectorum imago: anima igitur ad plura simul attendens neutrum satis percipit, & distinguit. Deinde cum in eodem loco sint imagines, in eodem loco objecta apparebunt, ut ex superioribus Corollariis constat: confuse igitur videri opus est.

C O R O L L A R I U M III.

607. Ex dictis visionis discrimina, & phænomena pendent. Radii vel in retina uniuntur, & concurrunt, vel ante, vel post retinam. Sit v. g. objectum A (*Fig. 49.*), pupilla B C, crystallinus M N, retina Q R, conus radiorum B A C: ab ingressu B, & C, potissimum vero in crystallino M N radii refringuntur, & conicam pyramidem priori oppositam effor-

efformant : vel igitur ita refringuntur , ut in retina
E uniantur , vel concurrunt in O ante retinam , vel
solum concurrerent in D ultra retinam , si opacitas
tunicarum eorum productionem non impediret . So-
lum in primo casu distincte videtur , & depingitur
objectum A ; in secundo , & tertio confuse : in se-
cundo enim , cum ante retinam concurrant in O ;
post concursum , & mutuam sectionem mutuo in con-
trarias partes divergunt , & ita divergentes , atque
separati incidunt in retinam .

DEFINITIO.

608. *Myopes* vocantur ii homines , qui vicina qui-
dem objecta clare & distincte , remota vero confuse
vident , & percipiunt . *Presbitas* nuncupamus illos ,
qui remota objecta , non vero vicina distinguunt ;
& clare vident . Primo defectu juniores , secundo se-
nes frequentius laborant . Qui vero & vicina , & re-
mota distinguunt objecta , ii oculis bene valentes ap-
pellari possunt .

QUÆSTIO QUARTA.

*Quid homines efficiat presbitas ; seu quæ causa sit ,
ut homines , potissimum vero senes , objecta solum
remota distinguant ?*

609. Respondeo : Hujusce rei causa ad hæc duo
capita reducitur : Presbitæ omnes vel habent reti-
nam crystallino plus , quam par est , vicinam , vel
crystallinum humorem parum convexum . Utrumque
ex superioribus observationibus eruitur : habes scili-
cet primo , quod per crystallinum humorem , aut per
lentem vitream convexam oculo artificiali , aut ca-
meræ obscuræ experimento adhibitam , radii refracti
in punctum ad aliquam post lentem distantiam con-
currant . Observamus 2. , radios transmissos per len-
tem minus convexam ad majorem distantiam concur-
rere , quam per lentem magis convexam . Observa-
mus 3. , radios a remotiori objecto venientes citius
post lentem uniri , quam radii a vicinioribus corpori-
bus prodeuntes , & per eandem lentem transmissi :
hisce positis nullo negotio quæstionem solves , & cau-
sam

sam demonstrabis. Sit oculus MM (*Fig. 50.*) presbitæ, hoc est, remotum objectum B distincte, vicinum vero C confuse repræsentans: radii igitur BF , BG ab objecto remotiori B venientes concurrunt, & uniuntur in retina post refractiones in humoribus; radii autem CF , CG alterius vicinioris objecti in retinam impingunt non uniti. Rursus ex observatis radii a remotiori objecto B emissi citius uniuntur, quam radii vicinioris corporis: cum ergo radii BF , BG uniantur citius, & insimul in retina P ; manifestum est, oculi MM retinam P esse crystallino LR proximiorē, quam esset, si objecta vicina distingueret.

610. Secunda causa in primam recidit: pone, retinam MPM esse satis remotam a crystallino LR ; cum ergo in ea distantia LP uniantur radii BF , BG objecti remotioris; crystallinus non ita est convexus, ut radios ad exiguam distantiam LQ uniat: est igitur lens parum convexa. Rursus in hoc etiam casu radii CF , CG objecti vicinioris ad maiorem distantiam H concurrerent, si illic esset retina: in hoc igitur etiam casu retina MPM oculi MM presbitæ est in minori a crystallino L distantia LP , quam esset, si in illa viciniorum corporum imagines depingerentur, & radii concurrerent.

611. Hinc apparet ratio communissimi illius experimenti, & observationum, quod scilicet ingravescente ætate, omnes fere homines fiant presbitæ, remota, non proxima distinguant; ætatis enim flexu aut aliquantulum exsiccatur, & contrahitur oculus, fitque retina crystallino propior; aut contrahitur etiam ipse crystallinus, & fit majoris spheræ segmentum, & lens minus convexa: atque utroque hoc de capite claram vicinorum corporum visionem amittimus, & remota tantum percipimus. Pone ex. gr. oculi MHM retinam esse a crystallino LR satis remotam, ita ut vicini objecti C imago in illa depingatur distincte; habes *Myopis* hominis oculum; objectum enim remotum B v. gr. ante retinam H in humore scilicet vitreo radios congregabit, imaginemque depinget, ac proinde non videtur distincte: pone iterum retinam MHM decursu temporis ad situm MPM versus crystallinum adduci: jam vicinum illud objectum C , quod prius distinguebas,

guebas , confuse tantum vides : objectum verò B remotum , & confuse prius visum , modo distinguis . Omnia hæc observatione manifeste probantur in oculo artificiali , & majorem etiam lucem a sequenti quæstione accipient .

QUÆSTIO QUINTA.

Quid tamen beneficii a conspiciillis accipiunt presbitæ ? quove pacto conspiciillorum ope proxima objecta , etsi minuta sint , senes distinguunt ?

612. Respondetur : Conspiciilla , quibus utuntur presbitæ , sunt lentes convexo-convexæ XZ (Fig. 49.) , quarum proprietas est , radios AB , AC ab eodem puncto A in illas incidentes ita refringere , ut post lentem vel concurrant in E , vel saltem magis post lentem , illa posita , quam illa sublata , convergant , ut in Dioptrica fufius exponitur : pone ergo , objectum A oculo Q vicinum , unum ex illis esse , quæ confuse videntur ; illius igitur radii ABM , ACN citra conspiciillum XZ , refracti in M , & N , seu in crystallino ad sese convergendo unirentur ultra retinam E in D , ac proinde cum ad retinam pertinent , non sunt adhuc uniti , atque imaginem , & visionem efficiunt confusam : accedat conspiciillum , seu lens XZ : radii AB , AC tendentes antea per XB , ZC divergendo , modo ob refractionem in lente magis convergunt , & tendunt per XY , ZK paralleli , aut convergentes : radii ita convergentes non per B , & C , ut antea , sed per Y & K transeunt , magis ad se invicem accedendo : posita igitur in K , & Y nova refractione , quam patiuntur in crystallino , non jam ad D , ut antea , sed ad E diriguntur , & confluent : ergo ope conspiciillorum convexorum fit , ut objecta vicina , quæ prius confuse , distincte modo depingantur in retina , & distincte videantur .

613. Idem omnino observatur in oculo artificiali ; si enim objectum ita oculo admoveas , ut illius imago in retina vitrea distincta appareat ; postea vero idem objectum magis admoveas , ut imago confusa depingatur , radiis post retinam concurrentibus ; tum vero conspiciillum , seu lentem convexam ante oculi artificialis lentem constituas , imago vicini objecti , quæ

quæ prius erat confusa , distinctissima iterum apparebit .

QUÆSTIO SEXTA.

Quæ causa sit visionis Myopum ? seu quare plurimi homines objecta solummodo vicina distinguunt ? Omnes homines , & alia animantia etiam relate ad objecta valde remota a nobis , v. g. per duo aut tria milliaria distantia , myopes sumus : proprie tamen eos solum myopes dicimus , qui intra ipsos etiam duorum , aut trium miliarium distantie terminos objecta solummodo paucos passus , vel etiam palmos , aut digitor ab ipsis remota distinguunt . Quæ hujus visionis causa ?

614. Respondetur : Causa visionis Myopum est , quod retinam habeant nimis a crystallino remotam , aut crystallinum nimis convexum : contraria scilicet est causa , quemadmodum & effectus visionis Myopum , ac visionis Presbitarum . Sin tria objecta E , H , K (Fig. 51.) inæqualiter ab oculo P A remota ; ex demonstratis quæstione quarta , objectum remotius E depingitur , illiusque radii uniuntur in puncto O , in minori scilicet a crystallino M M distantia : objectum vero vicinius K in P , longius a crystallino M M depingitur : oculus igitur distinguens objectum remotius E retinam habebit in O , crystallino M M proximiorē ; distinguens autem objectum vicinius K , illam habeat in P a crystallino remotiorē , opus est .

615. Secunda ratio in primam iterum recidit , ut superius jam circa presbitas demonstravi . Suppone , per lentem majorem M M radios vicinioris objecti K in P concurrere , ergo ex dictis supra (n. 630. , 631.) per lentem N N , minoris sphaeræ segmentum , ac proinde convexiorē , ejusdem objecti vicini K radii in minori distantia O uniuntur : in hoc igitur casu oculus , cujus retina est in O crystallino vicina , est myops : in eodem tamen casu in minori semper distantia objecta quæcumque remota depingentur , eorumque radii concurrent , ut diximus : in hoc igitur etiam casu vera adhuc est prima causa , quod scilicet myopes retinam habeant a crystallino remotiorē , quam presbitæ .

QUÆ

QUÆSTIO SEPTIMA.

Quibus conspiciillis, & qua ratione myopum defectus corrigatur?

616. Respondetur: Omnia in myope contraria ratione, atque in presbita efficiuntur: lentem adhibent convexo-convexam presbitæ, concavo-concavam EF OH myopes: prima lens DE (Fig. 50.), ut jam supposui, radios BDF, BEG citius unit, quam, sublata lente, unirentur; eaque propter presbitarum vitio occurrit: secunda radios magis separat, & dispergit, quam, lente remota, dispergerentur, atque proinde longius a crystallino concurrere ope novæ refractionis in crystallino ipso permittit. Ut hoc melius capias, refractionis legem iterum perpende. Sic objectum AL extra centrum concavæ lentis EBF (Fig. 52.); illius radius AB incidat in lentem concavo-concavam EF, ab aere nimirum in vitrum: linea perpendicularis ad hujusmodi lentem est CBE ex centro C per punctum B ducta: ergo radius AB in B priorem semitam BH deferit, & novam incipit BE accedendo ad perpendicularem BE: aliam similiter refractionem patitur in puncto egressus, qua magis adhuc deflectit a priori semita ABH.

617. Hisce positis, radii ETR, EVS ab objecto longinquo E venientes, qui, sublata lente TV, per TX, & VZ (Fig. 51.) transirent, essentque minus inter se divergentes, atque prope crystallinum MNM ante retinam AP unirentur, modo, posita lente concava TV, per TR, & VS diriguntur, magisque a se mutuo, quam antea divergunt: & hinc refracti in punctis RS, atque in crystallino ad majorem a crystallino MM distantiam MP, hoc est in oculi myopis retina concurrunt: posita ergo lente concavo-concava distincte, illa sublata, confuse depingitur in retina objectum remotum E: lentis igitur concavo-concavæ TV beneficio myopum defectibus occurritur.

QUÆSTIO OCTAVA.

Quid tamen est, quod aliqui, immo plurimi sint, qui & vicina, & remota distinguant objecta?

618. Respondetur: Nullo negotio ex dictis rem explicabis: ii omnes, qui oculis ita bene valent, ut vel invariato crystallino humore LR (Fig. 50.) oculum modo contrahant, modo longiorem efficiant; ac proinde retinam P modo ad crystallinum LR magis admovent usque ad punctum Q, modo pro libito illam magis remonent, v. g. ad punctum H; vel etiam invariata retinæ distantia, crystallinum LR modo magis complanant in forma LR, modo magis contrahunt, conglobant, & convexiorem efficiunt, ut XX; ii, inquam, omnes pro libitu modo vicina, modo remota distincte vident; retinam enim adducendo, remota, removendo, viciniore distinguunt, ut satis liquet ex dictis.

QUÆSTIO NONA.

Quæres etiam, quare per conspicienda senes quidem vident objecta majora, juvenes vero, seu myopes illa vident proximiora, & minora, quam in re existant?

619. Idem est ac quærere, quare lentes concavæ objectum minuant, & admoveant; convexo-convexæ augeant, & removeant? Respondetur: Hæc omnia ex eadem lege refractionis, & diversa lentium forma derivantur: ex modo exposita radiorum refractione in lente concavo-concava EBO evidens est, radios AB, LM ab objecto ACL emissos post lentem magis divergere per ON, HI, quam, lente ablata, divergerent: Quoniam ergo objectum ACL (Fig. 52.) videtur ex IDN per radios IHS, NO, MR continuatos; apparet minus, quam reapse existat: & hinc etiam remotius esse existimatur. Quæ vero ratione lens convexo-convexa, qua utuntur presbitæ, objecta exhibeat majora, jam superius dixi, & fusius in Dioptrica exponitur.

Plurima alia hic etiam quæri, & solvi possent huc

Mont. Phil. Tom. VIII.

T

alque

usque dictis affinia; verum ne in immensum eat res, vela contrahimus, alia Opticæ scriptoribus relinquentes.

QUÆSTIO DECIMA.

Quæ causa est, ut alia objecta majora, alia minora videamus, seu quo pacto objectorum magnitudines videmus.

620. Plurima involvuntur in hac Quæstione. Quæri in primis potest, utrum omnes nos eadem objecta in eadem a nobis distantia posita æque magna videamus? De se enim ipso refert *Gassendus*, quod objecta eadem uno oculo majora, minora altero videret: si igitur id in duobus ejusdem hominis oculis fuit observatum; fieri potiori jure poterit in diversis hominibus. Forte etiam illa, quæ nobis apparent parva, minoribus animalibus; potiorique jure insectis, objecta immensæ molis repræsentantur. Secundo, Quæ generatim causa sit majoris, vel minoris magnitudinis, sub qua objectum videmus? Extra dubium enim est, unum idemque objectum, modo majus, subinde minus nobis apparere. Tertio, An objecta nobis appareant ea magnitudine, quam in se ipsis habent? Quarto, Unde sint illæ fallaciæ, quibus obnoxii sumus, dum de longinquorum corporum magnitudine judicamus? Hæc omnia sequentibus Propositionibus exponemus.

PROPOSITIO XXXIII.

621. *Generatim nobis apparent majora, quæ sub majori angulo videntur.*

Dentur duo, aut plura quæcumque objecta æqualia, aut inæqualia *AC*, *DE* (*Fig. 15.*), in quæ oculos vertamus, apparebit majus illud *AC*, quod sub majori angulo *ABC* videtur; aliud vero *DE*, sub minori angulo *DBE* visum, apparebit minus. Anguli imaginum *FBG*, *HBI* sunt æquales angulis opticis *ABC*, *DBE*: quoniam igitur angulus opticus *ABC*, objecti *AC* est major angulo optico *DBE* objecti *DE*; etiam imago *FG* a majore angulo *FBG* efformabitur, quam imago *HI*: imago igitur *FG* est ma-

major, quam imago HI: quoniam igitur anima videt objecta per imagines; majus videbit objectum AC, quam DE.

COROLLARIUM I.

622. Objecta igitur omnia, quæ sub æquali angulo optico videntur, æqualia apparent, cujuscunque illa magnitudinis sint, aut in quacumque distantia existant: deducitur evidenter ex Propositione, & eadem ratione demonstratur. Hinc vero patet, objecta valde inæqualia, majora & majora sub eadem magnitudine apparere posse: rectas enim BAQ, BC (Fig. 53.) angulum opticum efficientes in B, ulterius in infinitum producamus: productæ magis semper & magis a se invicem removentur, & distant; objecta igitur AC, OC, PC semper majora & majora comprehendunt: ea igitur objecta omnia majora & majora, quorum extrema a rectis BA, BC definirentur, æqualia apparent.

COROLLARIUM II.

623. Quoniam igitur imagines sunt, ut anguli; anima autem ope imaginum, & secundum proportionem, ac magnitudinem imaginum sibi etiam repræsentat, & videt objecta; eo majus apparebit objectum quodcumque, quo sub majori angulo videbitur: minus, quo minor etiam fuerit illius angulus opticus. Manifeste id videtur in figura, ubi quo minor est angulus ABC objecti existentis in E, eo minor est illius imago HI; quo major fuerit angulus ABC, objectoposito in D, eo major etiam erit imago FG.

COROLLARIUM III.

624. Hinc idemmet objectum AC similiter positum, v. g. arbor recta, vel homo stans rectus, aut ambulans, recedens ab oculo B, vel in variis semper ab oculo distantibus existens, minus semper, & minus apparebit, vel sub variis semper magnitudinibus videbitur. Accedente vero ad oculum B objecto, majus semper apparebit. Si enim idem objectum AC, sibi

semper positione simile , paulatim ab oculo B recedat a D usque ad N , ductis a centro oculi B (*Fig. 53.*) ad illius objecti extremitates radiis , seu axibus opticis B A , B C angulos opticos A B C efformantibus , vides , quod objecto recedente , decrefcit , & acutior fit angulus , & minuitur pariter imago intra oculum ab iisdemet axibus in retina depicta : objecto enim posito in D , imago est F G ; existente in E , est H I , collocato in N , est K O . Quod si idem objectum ab N versus oculum regrediatur ad D , positione semper sibi simile ; manifeste vides , & utrumque angulum , & imaginem paulatim ampliari .

625. Oppones contra Corollarium & propositionem : Si res ita esset , homo positus in E v. g. ad distantiam viginti passuum ab oculo nostro B duplo fere major apparere nobis deberet , quam positus in L ad distantiam scilicet prioris duplam : in E enim videretur sub angulo duplo illius , sub quo appareret in L ; imaginem proinde haberet duplam : atqui hoc est contra experientiam : ejusdem enim magnitudinis nobis esse videtur , & apparet homo idemmet ad quinque , aut ad decem passus existens .

626. Respondetur : Propositionis , & corollarii veritas luculentissime probatur . 1. Homo antea cæcus visum postea recuperavit , cum videndi experientia esset penitus destitutus , & objectorum primo imagines , atque magnitudines videre , atque agnoscere inciperet ; objecta v. g. hominem ad duplam distantiam positum duplo minorem esse existimabat . 2. In nobismetipsis , dum objecta videmus , quorum magnitudinem , & distantiam ignoramus ; in eo enim casu cæco illi æquiparamur . Quære a rustico , quænam sit major , Luna , an Stella ? Luna , respondebit : unde hoc habes , quæro ; quia , subridendo reponet , majorem illam video , hoc est , ut philosophico loquendi modo utamur , quia major Lunæ , quam Stellæ in oculo est imago . In casibus tamen familiaribus , in quibus nos & veram objecti magnitudinem , & distantiam , & diminutionem ex distantia oriundam agnoscimus , longa consuetudo , experientia , & præjudicium a cunis haustum nihil nobis ad imaginum discrimen attendere permittit : judiciumque ex imaginum ratione efformandum contrario judicio , longa , & indubia experientia confirmato , emendatur .

PHÆ-

PHÆNOMENA.

627. Hinc sequentia phænomena optica nullo negotio explicabis: 1. Si in A inter duas parallelas BC, DE (Fig. 20. Opticæ) constitutus, parallelas ipsas in longum productas adspicias, ipsæ tibi non parallelæ, sed versus partem O tibi oppositam convergere, & tandem concurrere videbuntur: ductis enim rectis FG, XZ, CE ad parallelas perpendicularibus, atque earum distantiam referentibus; FG major tibi apparebit, quam CE; cum angulo CAE major sit angulus FAG: ergo minus distare inter se videntur, ac proinde magis convergere in CE, quam in FG: quod si igitur tantum parallelæ producantur, ut jam earum distantia v. g. CE sit oculis A insensibilis; concurrere videntur.

628. Secundum: Hinc est, quod, dum per longum, & rectum iter inter duplicem arborum ordinem parallelum recreationis causa ambulamus, si ab alio extremo longos arborum ordines ad oppositam usque extremitatem intueamur; arborum ordines eo magis ad sese accedere videantur, quo remotiores a nobis existunt. Causa vero est eadem modo dicta, quod scilicet communis illa, & eadem duplicis arborum ordinis distantia eminens spectata, minor semper, & minor appareat, quo magis fueris remota.

629. Tertium: Si in longam & rectam viam ædificis utrimque constructis ornatam ingrediaris, atque ab uno extremo in aliud spectes; angustiorē sensim apparere viam, & minus a se invicem distare ædificia sibi ex utraque parte respondentia, pro majori a te distantia comperies. Idem observamus, cum in longum ambulacrum ingredimur: pavimentum versus oppositam extremitatem attolli, & tectum deprimi videtur. Quorum omnium una eademque est ratio.

630. Quartum: Habes hinc etiam causam opticam quotidiani, & vulgaris phænomeni: dum horizontem circumspicimus, nubes, & cælum ipsum, hoc est, cæruleum illud, quod cælum esse, a vulgo existimatur, cælique nomine intelligitur, cum terra conjungi videntur: immo nubes terram contingere apparent; licet eandem ab illa habeant distantiam, atque illæ, quæ nostris imminent capitis: pro majori enim a nobis distantia nubes magis deprimi, terra magis elevari vi-

detur; dum, quæ interponitur distantia, sub minori semper, & tandem insensibili angulo videtur.

631. Quintum: Tandem, ut plura alia omittam, cum e littore mare intuemur, illius convexitatem supra littora, & continentem altius elevari nobis apparet, & fallacia optica judicamus: & hinc ex phænomeno, & fallacia optica hominum vulgus, & quamplures etiam alias in scientiis eruditi, mare supra continentis libellam elevatum esse concludunt.

C O R O L L A R I U M IV.

632. Si ex puncto quocumque EFD circuli in objectum aliquod BC (Fig. 21.), per cujus extrema transeat ejusdem circuli periphæria, intueamur, semper id objectum apparebit æquale, seu ejusdem magnitudinis, quantumvis objectum ex puncto extremitati B proximo adspiciamus. Omnes enim anguli E, F, D ad circumferentiam sunt æquales; cum sint dimidium anguli ad centrum eidem arcui insistentis: sub angulis igitur opticis semper æqualibus appareret objectum.

In eo igitur casu videretur objectum ex centro duplo majus, quam ex circumferentia: cum angulus ad centrum sit duplus anguli ad periphæriam.

Ex minori igitur distantia potest apparere objectum multo minus, quam ex majori appareat; hoc autem pendet ex diverso situ, & positione dissimili, quam habet relatu ad observatorem.

P R O P O S I T I O XXXIV.

633. Quæ sub insensibili angulo videntur, insensibilia nobis sunt, & penitus evanescent, ac disparent.

Propositio ex superioribus sponte deducitur. Pone enim objectum magis semper & magis ab oculo removeri: minor semper & minor evadit angulus opticus ABC (Fig. 36.), ac proinde etiam angulus figuræ FBG, & figura ipsa minor semper fit, quoad duo latera anguli AB, BC sensus judicio in unicam rectam congruant, figuraque FG in unicum punctum sensibile reducat.

634. Alio etiam de capite, aucta distantia, insensibilia, & invisibilia tandem nobis fiunt objecta: quod sci-

scilicet paucissimis , debilissimis , & penitus insensibilibus radius nos feriant , nullumque in nobis producant sensum .

635. Ex primo capite facile deduces , nullum esse corpus , quantumvis magnum , quod ultra certam ab oculo distantiam positum non dispareat : recedente enim objecto , ad insensibilem angulum tandem devenitur ; ultra id punctum non amplius apparet . Hinc integrum universum , nobis ab illo recedentibus , tandem disparet ; disparent etiam quamplurimæ fixæ stellæ Soli nostro æquales , quas numquam inermi oculo videmus ; disparet etiam Sol oculo in prædictis stellis locato .

636. Ex secundo capite inferes , quare e duobus corporibus æqualibus , aut inæqualibus , luminoso tamen uno , opaco altero , ad æqualem vel inæqualem distantiam remotis , luminosum sæpe sæpius minus , & remotius , videamus , illuminatum vero , majus , & vicinius dispareat : multo enim copiosius , atque vivacius e luminoso , quam ab illuminato in nos lumen emittitur .

P R O P O S I T I O XXXV.

637. *Magnitudines quæcumque quæ oculo apparent æquales , sunt inter se , ut distantia ; si sint oculo similiter oppositæ .*

Sint magnitudines quæcumque BF , EG (Fig. 17. Opticæ) apparenter æquales , hoc est , sub eodem , aut æquali angulo optico EAG visæ ; magnitudo BF est ad magnitudinem EG , ut distantia AF ad distantiam AG . Cum enim duo triangula ABF , AEG sint similia per hypothesein ; erit latus AF ad FB , ut AG ad latus GE . Manifesta res est , non loqui nos in hac propositione de massa objectorum apparentium , sed tantummodo de magnitudine superficialium visarum ; massæ enim per alias Physicæ , & Geometriæ regulas eruuntur .

638. Hinc vero patet , quanta sit relatio , inter distantias , & apparentes , verasque objectorum magnitudines : & quo etiam pacto ejus relationis beneficio duo hæc problemata in Physica passim , in quotidianis usibus humanis , in Astronomia vero maxime occurrentia , & necessaria solvantur : Primum , *Data*

distancia, & apparenti magnitudine, seu angulo optico objecti, v. g. Solis, magnitudinem veram calculo invenire. Secundum; Data objecti, v. g. Solis, magnitudine vera, & apparenti, seu angulo optico, sub quo videtur, veram illius objecti ab oculo distantiam invenire. Si objecta sint sphaerica, qualia sunt corpora caelestia, nullo alio præter regulam auream opus est, ad problematum solutionem: si alias habeant figuras, v. g. si sit arbor eminens visa, nota etiam esse debet illius ad lineam visionis positio.

639. Ex propositione patet, qualis sit multiplicis oculorum fallaciae fons, & principium. Omnia illa corpora, quæ apparent æqualia, aut inæqualia, & quorum distantiam ignoramus, talia in re ab hominum vulgo existimantur, qualia oculo apparent. Solem v. g. & Lunam, vix rusticum hominem induces, ut inæquales esse credat; quin imo utrumque sui plaustrum rota paullo solummodo majus sibi fingit: Stellas vero fixas, quasi totidem faculas in cælo accensas existimat: cum enim eorum corporum distantias, & distantiarum discrimen ignoret; talia illa esse existimat, qualia apparent, & videntur, eorum semper imagines, & magnitudines cum notis, & familiaribus sibi rebus conferendo.

PROPOSITIO XXXVI.

640. *Ejusdem objecti CE (Fig. 18.) ex diversis, & magnis quidem distantibus DB visi magnitudines apparentes sunt inter se in ratione reciproca distantiarum. Propositionem non in rigore geometrico, sed quoad sensum intelligimus. Sint v. g. DE, BE magnæ quædam distantia: & prior DE duplo major, quam secunda; apparebit objectum in D duplo minus, quam in B. Quoniam enim distantia BE ponitur satis magna; sunt rectæ DE, DC sensu æquales; sunt igitur CB, BE, & consequenter CB, BD etiam æquales: in triangulo igitur CBD sunt anguli C, D æquales (a): est autem angulus opticus CBE externus duobus internis oppositis C, & D simul æqualis (b): ergo est alterius D v. g. duplus.*

9. II.

(a) *Geometriæ Elem. 3.*

(b) *Geometr. Elem. 1.*

§. 11.

DE VISIONE MOTUS, ET FIGURÆ
C O R P O R U M ,

ATQUE OCULORUM FALLACIIS ,

Quæstiones , Problemata , & Phænomena optica .



QUÆSTIO UNDECIMA.

*Quomodo videatur , & percipiatur motus
corporum ?*

641. Respondetur : Ex pluribus & variis affectionibus , quas corpora mota in oculo imprimunt , eorum motus ab anima percipitur : affectiones autem , ex quibus motum corporum oculo objectorum percipimus , ad sequentes reducuntur .

642. Primo : Imago corporis per retinam oculi immoti movetur : ex quo moveri objectum deprehendimus . Pone enim , muscam in puncto A v. g. existentem per lineam AC rectam ad punctum usque C (Fig. 15.) moveri : illius imago , quæ prius erat in G , per G I H F progredietur , in partem scilicet muscæ directioni contrariam : dum igitur musca ab A ad C progreditur , illius imago a G ad punctum F intra oculum movetur , atque per huiusmodi imaginis motum corpora moveri percipimus . Hoc modo aves v. g. transversim ante nos ab una , ad aliam partem volantes , moveri percipimus . Opus tamen est , oculum immotum esse , aliter fieri potest , ut moto oculo , objecto vero immobili , hic in retina imaginis motus fiat , atque translatio ; in quo tamen casu mox exponendo motus apparens nascitur ; vel igitur objectum stet , & moveatur oculus , vel moveatur objectum , stante oculo ; objecti imago movetur , & veluti ab una , ad aliam partem obambulat .

643. Secundo : Incrementum , vel diminutio imaginis ejusdem objecti intra oculum immotum objecti
ipsum

ipſius motum nobis prodit. Concipiamus ſcilicet, ob-
jectum remotum AC (*Fig. 53.*) a puncto N ad ocu-
lum B ſenſim admoveri: illius imago, dum exiſtebat
in N, eſt OK; objecto ad oculum uſque v. g. D ac-
cedente, ejus imago ſenſim creſcit, & ampliatur in
magnitudinem FG; quoniam igitur agnoſcimus, ima-
ginem augeri, creſcente angulo optico; angulum cre-
ſcere, decreſcente objecti diſtancia; verum inde ob-
jecti motum inferimus.

644. Tertio ex motu ipſo oculorum hominis immo-
ti relatu ad objectum, & objectum ſemper intuen-
tis, verum in objecto ipſo motum exiſtere conjici-
mus. Si enim nobis immotis, ut objectum ipſum in-
tueamur, oculos verſus alteram partem paulatim in-
torquere opus eſt; objectum in eodem loco non con-
ſiſtit.

645. Quarto, ſi eodem modo ſemper objectum no-
bis appareat, dum nos vere movemur, & motum
noſtrum animadvertimus, objectum ipſum una nobiſ-
cum moveri recte exiſtimamus. Ex majori etiam,
vel minori efficacia luminis, qua idem objectum eo-
dem modo luminolum, aut illuminatum nos ſeriat,
diſtanciam inter oculum & objectum minui, vel au-
geri judicamus: motumque proinde in objectum refe-
rimus, niſi nos ipſos moveri animadvertamus.

Atque hæ ſunt potiffimæ cauſæ, quibus corporum
motus dignoſcimus.

646. Ex his tamen aperte deducitur, a nobis ſo-
lummodo percipi motus corporum relativos ad ocu-
lum. Si enim objectum relatu ad oculum quieſcat,
& eundem ſitum ſervet; eodem modo oculum affi-
cit, ac proinde immotum apparebit, ſi nullum in ſe
ipſo motum oculus animadvertat. Id vero observa-
tur in homine navi delato, motum ſuum non ani-
madvertente, & navis puppini v. g. intuenti: illam
enim numquam moveri exiſtimabit.

QUÆSTIO DUODECIMA.

*Quænam tamen eſt cauſa motus apparentis, &
quietis apparentis.*

647. Reſpondetur: Illæ imaginum mutationes, &
accidentia, ex quibus objectorum motum dignoſci-
mus,

mus, vel provenire possunt ex motu objectorum, vel ex motu oculi, vel ex motu utriusque. Rursus oculus vel movetur, & motum suum animadvertit, vel movetur, & motum suum ignorat; vel quiescit suæ quietis inscius, aut conscius: hisce positis, si oculus quiescat, atque in eo accidunt illæ imaginum mutationes, affectiones, & accidentia superiori quæstione explicata; verus in objectis ipsis est motus, motumque ipsum ob expositas modo rationes anima ipsa percipit. Loquimur inpræsentiarum de visione solum directâ citra ulla specula; me enim non latet, quæ per reflexionem in speculis oriri possint fallaciæ.

648. Si objectis quiescentibus oculus movetur, motum tamen suum non animadvertit, & se quiescere existimat, prædictæque imaginum mutationes, & affectiones intra oculum fiant; moveri videbuntur objecta, hoc est, motum suum in objecta oculus referet. Etenim eadem imaginum mutationes fiunt, vel immoto objecto, moveatur oculus, vel immoto oculo, moveatur objectum: ex illis autem mutationibus motum vere existere anima percipit. Cum igitur moveri ipsa non animadvertat; motum in objectum transfundit. Porro nos quiescere potissimum arbitramur, cum nihil laboris, aut nisus ad motum in nobismet ipsis experimur. Hæc igitur causa est omnium motuum apparentium.

649. Hinc vel ad Fluminis ripas, seu Maris littora navi accedas, vel ab iis recedas; ripas & littora moveri existimas, atque ad te in primo casu accedere, in secundo recedere arbitraris: similiter dum pronò alveo delaberis, vel vento spirante per fluvium navigas, fluminis ripas per directionem oppositam moveri arbitraris. Idem in plurimis aliis casibus evenit: scilicet motum ipse tuum non animadvertis; cum minime defatigeris, neque ad movendum aliquid virium adhibeas; ex alia vero parte incrementa, decrementa, & motus imaginum objectorum intra oculum facta te de vero existente motu admonent: vel enim tu ad ripas, vel ad te ripæ accedant, illarum intra oculum augetur imago: nihil igitur superest, nisi ut in objecta ipsa motum referamus. Et hinc nos etiam (ut semper suppono) supra tellurem circa Solem delati, omnes motus telluris in Solem quiescentem

tem

tem referimus ; cum motum nostri globi , hoc est , nostrum non animadvertamus . Simili ratione quietem apparentem explicabis .

QUÆSTIO DECIMATERTIA.

*Qua ratione oculus distinguat, & percipiat
objectorum figuram ?*

650. Respondetur : Oculus , seu potius anima objectorum veram figuram per eam , quam illorum imagines in retina habent , percipit , & cognoscit . Res patet ex theoria , atque observationibus hactenus traditis ; in retina enim imago , & figura objectis similis depingitur , per illamque anima ad objectum percipiendum , excitatur : ad veram igitur objectorum figuram cognoscendam excitatur per eam , quam in retina habent illorum imagines . Pone , objectum *AC* (Fig. 15.) esse lineam rectam ; illius imago *GF* erit linea recta supra superficiem curvam projecta , atque per singula hujusce imaginis puncta ad totidem alia respondentia in objecto puncta percipienda agitur anima .

651. Illa igitur objecta ab anima videntur quadrata , rotunda , angularia , quæ quadratam , rotundam , angularem in retina habent imaginem , & figuram . Illa moveri , saltare , tripudiare , quiescere , quorum imagines in retina moventur , saltant , tripudiant , quiescunt in sensu superius explicato .

652. Fallitur tamen aliquando oculus ? Respondetur ; oculus , & quæ in oculo sit objectorum representatio , neque se ipsum , neque animam fallit : si proprie loqui velimus . De objectis illorumque distantia , motu , figura , quiete nullum fert iudicium oculus , aut expressa in oculo objecti pictura , seu representatio . Animam etiam non fallit , cum objectum repræsentet , aut fieri per leges physicas debet . Una anima est , quæ se ipsam præcipiti iudicio circa veram illam objecti representationem fallit : oculus vero , seu representatio falli , aut fallere animam sæpe dicitur , eo quod aliquam animæ præbeat occasionem fallaciæ , & falsum de objectis iudicium ferendi ; quatenus scilicet objecta aliqua animæ exhibet eo modo , quo diversæ figuræ , aut magnitudinis ob-

objecta exhibentur, ac repræsentantur: v. g. linea curva COE (*Fig. 20. Opticæ*) eminus spectata secundum planum CBE, in quo jacet, perinde in retina apparet, & repræsentatur, atque recta XZ: littora accedenti nautæ perinde in oculo depinguntur, ac si moverentur. Verum recte in hisce omnibus casibus, & secundum regulas naturæ objecta repræsentantur; si enim aliter repræsentarentur, notissimæ, & consuetæ natura regulæ non observarentur. Sentus igitur neque falluntur male judicando, neque fallunt, objectum male exhibendo: anima est, quæ fallitur, dum imprudenter, & præcipiti iudicio ex æquivoca objecti repræsentatione, nulloque ulteriori habito examine ad certum aliquem statum, figuram v. g. magnitudinem, aut motum objecto tribuendum, aut referendum procedit. Dum navarchus ripæ accedit aliud oculus ex objectorum imaginibus sensim crescentibus animæ non indicat, nisi quod distantia inter oculum, & objectum minuat, undecumque illa imminutio proveniat, præcipiti igitur iudicio sese fallit anima, dum ex æquivoco illo motus objecti indicio motum objecto tribuit.

653. Quæres tamen, cur objecta remota, quamcumque habeant figuram, v. g. turrim quadratam, videmus rotunda? Quia, crescente distantia, objecta minuta paullatim disparent, dum adhuc majora videntur: anguli autem turris sunt objecta minuta; iis igitur in magna distantia disparentibus, necesse est, ut turris sine angulis appareat.

654. Quæres secundo, cur lucernæ flamma, quæ pyramis est, eminus spectata apparet rotunda, immo circulus luminosus, & amplus? Respondetur, Id quidem myopibus præcipue accidere, & mihi quidem ex præcipua templi porta plurimas candelas adspicienti supra aram principem ardentes, illarum flammæ, tot ampli luminosi circuli se se aliquando contingentes apparent: causa vero est quod radii pyramidis luminosæ DAE uniuntur in S ante retinam OR (*Fig. 54.*): in S igitur est pyramidis radiosæ oppositæ DSE culpis S: radii igitur sese in S intersecantes aliam pyramidem OSR post S efficiunt, dumque in retinam incidunt, disjuncti sunt, & circularem habent formam OR, basim scilicet pyramidis OSR ob rotunditatem pupillæ, per quam radii

in oculum ingrediuntur: ob circulum igitur luminosum OR, videtur flamma A, tamquam circulus.

655. Quæres tertio; Cur stellas radiorum capillitio ornatas, & circumdatas videmus; cum ipsæ in se sint rotundæ: stellæ enim per telescopia visæ, tamquam lucentia puncta apparent, multoque minora, quam nudis oculis visæ: licet telescopia objectum augeant? Respondeo; mortales omnes ad stellas fixas relati, tot leucarum milliones a nobis distitas, myopes existimus: ex data igitur modo causa circa ardentium lucernarum phænomenon stellas etiã videre deberemus, tamquam circulos luminosos longe quidem ampliores, quam in se existant; quoniam tamen ob enormem stellarum distantiam lux, ab illis in oculos nostros emissã, est valde debilis, paucissimique radii oculum ingrediuntur; inde est, quod circulus OR non habeat periphæriam luminosam continuam, sed magnis intervallis interruptam: & hinc circa stellas interruptum illud radiorum capillitium videmus.

656. Quæres quarto: Unde sunt radii illi, & longissimi quidam luminis ductus, qui dum faces accensas palpebris conniventibus intuemur, ab iis erumpere, & ad oculum usque protendi videntur? Respondetur; Si cilia nostra pilis instructa non essent, nulla huiusmodi filamenta intueremur, illa igitur aliud non sunt, quam radii e lucerna emissi, & in ciliis reflexi, atque inde ad oculum remissi: palpebris utique valde apertis huiusmodi luminosa filamenta non observamus. Alia multa prætermittimus, ne longius, quam par est, abeamus.

CATOPTRICA

PHYSICA

SEU

OPTICÆ

PARS SECUNDA

DE REFLEXIONE LUMINIS,

VISIONE REFLEXA,
ET SPECULIS.

LECTIO XIII.

*De Reflexione lucis, illius causa, proprietatibus;
Phænomenis.*

DEFINITIO.

657. **H**ÆTenus primam generalis Opticæ partem, quæ de visione directa differit; tantummodo explicavimus: ad secundam modo generalis ipsius opticæ partem, vel si mavis, affine argumentum, Catoptricam, scilicet, exponendum descendimus.

658. Etenim præter generalia lucis attributa, quæ directam illius propagationem consequuntur, & directæ visionis causa existunt, duas alias & maxime quidem notabiles in luce ipsa proprietates ratio, & quotidiana experimenta demonstrant. *Reflexionem*, & *Refractionem*, quæ totidem nobilissimarum Opticæ partium, Artium, & facultatum fundamenta sunt, *Catoptrica* nimirum, & *Dioptrica*. *Catoptrica* igitur est scientia, cujus fundamentum, & objectum est radiorum luminis *reflexio*, ejusdemque reflexionis causa, leges, proprietates, phænomena, hoc est, omnia speculorum genera.

DE-

D E F I N I T I O.

659. Cum lumen sit corpus, ut hætenus demonstravimus, & e corporibus, seu corporum, in quæ illabitur, superficie resiliat; in hujusmodi reflexione locum etiam habent, quæ alias definivimus: *Radius* nimirum *incidens*, seu *directus* AB (Fig. 62.), *radius reflexus* BD, *Angulus incidentiæ* ABF, *Angulus reflexionis* DBH, *superficies reflectens* XY, & *planum reflexionis*: omnia, inquam, hæc explicavimus, cum de corporum reflexione disseruimus, quo lectorem remittimus, ne eadem repetamus.

D E F I N I T I O.

660. Recta BE ab objecto, seu luminoso B (Fig. 1.) ad superficiem reflectentem EG, aut illius planum ulterius productum perpendicularis, dicitur *Cathetus incidentiæ*: *Cathetus* autem reflexionis nuncupatur recta GC, ab oculo C in eandem superficiem perpendicularis. Punctum A, in quod radius directus incidit, & e quo remittitur, *punctum reflexionis* nuncupatur. Recta AD a puncto reflexionis A erecta, & ad superficiem reflectentem EG, perpendicularis, *axis reflexionis* appellatur.

Angulus Inclinacionis est Angulus, quem efficiunt radius incidens, & axis reflexionis, nimirum BAD.

D E F I N I T I O.

661. Præterea corpora, seu superficies, e quibus lumen reflectitur, vel sunt scabræ, vel lævigatæ: primæ radios quaquaversum versus omnes partes nullo ordine reflectunt, ut statim explicabitur: neque multa nobis exhibent consideratione digna. Secundæ radios omnes luminis in illas allabentes certis quibusdam legibus, & regulis remittunt, & vocantur *Specula*. *Speculum* igitur aliud non est, quam superficies lævigata lumen copiose reflectens. Multiplicis figuræ esse possunt; alia sunt plana, ut FH (Fig. 2. 7. 13.) alia vero curva ABC, GDHB. Rursus specula curva, vel sunt *convexa*, ut ABC, vel *concava* GDB. Priora sunt superficies convexæ, & lu-
men

men reflectentes, v. g. segmentum convexum unius *sphærae* *ABCD*: posteriora autem sunt superficies concavae corporum, v. g. *Sphærae*, *cylindri*. Specula curva sunt, atque nuncupantur *sphærica*, *cylindrica*, *parabolica*, *elliptica*, *hyperbolica* &c. prout superficies ipsæ sunt segmenta superficierum *cylindri*, *sphærae*, *corporis parabolici*, *elliptici*, *hyperbolici* &c. Porro corpus parabolicum est illud, quod gigneret Parabola *OAN* (Fig. 66.) circa axem suum *ABM* conversa: idem similiter dictum habe de corpore elliptico, hyperbolico, & aliis.

P R O P O S I T I O XXXVII.

662. *Lucem in corpora illapsam ab eorum quamplurimis reflectere, experimentis, & ratione omnino constat.*

Quotidiana omnium corporum proprio lumine non lucentium visio rem manifeste demonstrat: quæcumque enim corpora non luminosa adspicimus, medio lumine ab ipsis reflexo videmus, duo quippe ista, ut corpora opaca videantur, sunt necessaria, ea nimirum ab alio corpore, ab iis nos medio lumine feriri, seu ipsa illuminari, & illuminare, hoc est, lucem accipere, & remittere. Tolle enim actionem, qua objecta in oculum agunt, eumque feriunt, omnem visionem e medio tolles: in oculos autem medio lumine agunt objecta. Ratione etiam eadem veritas evincitur: est etenim lux proculdubio corpus, illiusque actio in vero materiae motu consistit: cum igitur aliunde habeamus, corpora in aliud corpus impingentia (præcipue si eorum aliqua elaterio donentur) ab eo reflectere; ratione ipsa luminis reflexio constat. Rem plane indubiam, atque ex superius dictis de Reflexionis, elasticitatis, luminis, & visionis natura manifeste descendantem ulterius probare, supervacaneum esset.

663. Posita igitur, tamquam certa, luminis reflexionis existentia, ejusdem reflexionis causam, modum, & leges physice examinemus: quæ quidem tria unicum hujusce tractatus nodum, difficulter solvendum, ac explicandum continent. Quæ enim est, quærimus primo, reflexionis luminis lex? Quæstioni natura ipsa, constans experientia, & phænomena respondent, lucem hac lege e corporibus reflecti, ut

angulus incidentiæ ABF (Fig. 2.) sit reflexionis angulo DBH æqualis.

Si res ita est, pergitur, assignanda a Philosopho est hujusce legis causa; quæ non facile dabitur.

664. Secundo, Lux (sicut & reliqua corpora) ex ipsamet reflexionis lege non potest ordinata reflecti, nisi a superficie lævigata; a scabrosa enim pars ad dexteram; pars ad sinistram, & in diversissima puncta resilit: reflectit autem ordinata, & certo quodam plano, angulo, directione a speculis, atque a crystalli superficie: at omnium corporum, crystallique ipsius superficies, licet hebeti sensui sint lævigatæ; in se tamen, & relate ad materiam lucis sunt scabrosæ, asperæ, atque inæquales; ut a nemine in Phytica non petegrino negatur, & statim probabitur: lux ergo ab his superficiebus non resilit: in illas igitur non impingit, sed resilit ante contactum. Lux ergo corpora, eorumque superficies non tangit? Quæ ergo est vis, & causa lucem a corporibus repellens? Quæ causa est regularis reflexionis, ipsius luminis?

ADNOTATIO HISTORICA.

665. Habes maximam totius Catoptricæ difficultatem paucis indicatam, quam ut tollerent Philosophi, sequentia potissimum excogitarunt.

Primo, Exposita reflexionis lex a nemine in dubium revocatur; Philosophi vero omnes usque ad Keplerum, & maxima eorum pars, qui post Keplerum philosophantur, lucem corporum superficiem tangere, ferire, ab eaque juxta prædictas regulas vere reflecti, tenuerunt, aut potius supposuere: expositam igitur difficultatem a speculorum superficiæ scabritie petitam aut parvi omnino facientes, aut non satis perspectam habentes, lucem quasi a lævigata superficie reflexam considerarunt; animum igitur tantummodo adverterunt, ut hujusmodi in hypothesis prædictarum legum rationem physicam assignarent.

666. Peripatetici ut videre est apud Cabæum (a), Fabri (b), De Chales (c), & alios quamplurimos,

cum

(a) Cabæus, lib. de Meteoris.

(b) Tractat. de luce, & colorib.

(c) Catoptr. lib. 1.

cum lucem, tamquam physicam qualitatem motu non delatam, seu propagatam, sed citra temporis successionem per spacia quæcumque transmitti poterent; nullam invenire poterant causam mechanicam materialem, sensibilem, aut intelligibilem, ex qua luminis reflexio, atque reflexionis leges deducerentur. Iis igitur prætermis-
 missis, quæ a Peripateticis Philosophis in medium producebantur ad expositam difficultatem solvendam, alios audiamus.

667. Descartes, & mechanici post Cartesium Philosophi difficultatem perinde in lucis, atque in aliorum corporum reflexionibus explicarunt: rem omnem ex obstaculi, seu superficiæ reflectentis elaterio, ex inertia corporum, atque etiam ex resolutione motus compositi per diagonalem BA (Fig. 1.) in duos simplices BE, & BD eleganter exposuerunt: hæc omnia nos etiam in citato superius loco suæ explicavimus, & probavimus.

668. Keplerus, vera omnium superficiæ scabritie animadversa, & maximam reflectentium radiorum dispersionem ex huiusmodi scabritie necessario oriundam perpendens, lucem ex speculorum, aliorumque corporum lævigatorum superficie reapse non reflecti, neque ad illius contactum pervenire asseruit. Circa huiusmodi superficies tenuem quamdam aeræ materiæ veluti crustam excogitavit, quæ esset quædam eorundem corporum atmosphæra, & lævigatam, continuamque superficiem componeret, in quam illabentes radii reflecterentur.

669. Si vera hæc esset hypothesis; lux e speculo intra vacuum recipiens locato non reflecteret, quod est falsum. Deinde aer ille, quem dicit corporum atmosphæram, superficiem non componeret æquabilem; cum innumeris foris, aliisque inæqualitatibus scateret, ejusque præterea particule sint in perpetuo motu quocumque intelligi, & stare non potest prætensa illa superficiæ lævigatio. Tandem cum nulla ratione, prædictæ superficiæ aeræ existentia suadeatur; laudabile alias hominis conamen admitti in Physica non debet.

670. Newton Kepleri opinione circa luminis reflexionem admissa, causam non probavit: lucem in veram corporum reflectentium superficiem illabi, eamque tangere negat, atque experimentis demonstrare, aut suadere adnititur: reflexionis tamen causam non ab aeræ corporum atmosphæra, ut Keplerus, sed a vi corpo-

rum repellente deducit. Secundum igitur auctoris sensum lux a speculo reflexa speculi superficiem non tangit; sed priusquam ad superficiem deveniret, a vi corporum repellente retrorsum reflectitur: vis igitur repellens lævigatæ superficiæ locum, & vices agit. Hisce duobus capitibus Keplerus, Newton, & qui eorum opinionem amplectuntur, a Cartesio, & cæteris Philosophis differunt: quod tamen causam attinet, ex qua reflexio fiat in plano reflexionis, æqualesque existant incidentiæ & reflexionis anguli, elegans Cartesii explicatio nuper indicata, & alibi a nobis exposita communiter tenetur.

671. Præterea, cum lux AB in vitrum incidens DEGF (Fig. 57.) non solum ab antica superficie DE reflectatur, sed etiam a postica FG, ut communis nos docet experientia; sicut ad primam reflexionem vis repellens a Newtono, Muschembroek (a), & aliis Newtonianis in naturam inducitur, ita ad secundam vis attrahens in auxilium vocatur. Corporum superficies v. g. vitri LMNO (Fig. 55.) duabus viribus, repellente nimirum, & attrahente, tamquam duplici atmosphæra circumdari ab iis Philosophis surponitur: vis attrahens LNPR minus diffunditur a corporis superficie LN; longius repellens RECP: radius luminis AB in vim repellentem incidens incurvatur per BQC, & ab eadem virtute demum per CD repellitur, quin ad vim attrahentem RP pertingere permittatur. Quod si radius EF minus oblique in vim repellentem EC incidit; illa superata, in vim attractionis RPNL ingreditur, ejusque beneficio vitrum LO permeat, quoad e puncto I egrediens iterum in vitrum attrahitur; illudque iterum a postica parte ingreditur, & per anteriorem superficiem, atque faciem regeritur.

672. Duplicem huiusmodi reflexionem hac ratione exponit, & fieri existimat Muschembroek (b). Radius AB in vim repellentem FRPC superficiæ anterioris illabens paullatim retardatur, & hinc tamdiu per curvam BQ movetur, quoad vi repellente impetum luminis superante radius, similis curvæ segmento QC descripto, recta propellitur e puncto C per CD.

673.

(a) Elem. Phys. c. 28.

(b) Muschembroek loc. cit.

673. Radius validior EF, qui, superata vi repellente BRPG, attrahentem ingreditur, motum suum in attractionis atmosphæra accelerat, & arcum GH contrario sensu describit, atque alium intra vim repellentem FG descriplerat. Ille igitur radius AB in figura 53. expressus, vitrum NBM transgressus in vim attrahentem, cujus limes est OP, ingreditur; ab hac ergo vi ita retardatur, ut & ejus celeritas paulatim imminuatur, & curvam BSU describat, & tandem per XL a vitro iterum versus anticam superficiem protrudatur: En causam reflexionis luminis, atque illius legis in systemate attractionis.

676. Saverien (a), Newtonianis alias addictus, cum modeste fateatur, Attractionem hypothesicos limites non transcendere, ponit quidem luminis radios in superficies cadere, & inde versus omnes partes dirigi; sed hujusmodi radios ita copiosissime reflexos a novis semper directis radiis continuo detentos, superficies eorum inæqualitates æquando lævigatam superficiem supplere; aut consistuere. In re adeo difficili, atque obscura aliquid ingeniosum cogitare, laudabile est.

PROPOSITIO XXXVIII.

677. Lumen in corporum superficies vere non impingere, sed a vi repellente ab eorum contactu prohiberi, atque retrorsum propelli, nulla mihi ratione suadetur.

Primo enim vis illa attractionis, & repulsionis universalis, non materialis, & ab omni materiali impulsione distincta aliud non est, quam pura hypothetis Geometricis demonstrationibus apta; ut non modo relatus Saverien, sed Bernouille, & omnes alii Geometrar, & Physici Newtono non addicti, & plerique etiam Newtoniani candide fatentur. Secundo: Ut luminis reflexio viribus non materialibus attrahentibus, & repellentibus jure merito tribueretur, constare primum deberet, nulla materiali causa prædictum phænomenon explicari, aut effici posse: quis autem hujusmodi propositionem: audacter pronuntiabit? Demum parumper, causam reflexionis luminis nobis esse prorsus ignotam, inferre illico licebit, hujus-

(a) *Disson. Math. v. Reflexion.*

jui modi materialem, & mechanicam causam non existere? Tertio: Duplex illa virium, attrahentis & repellentis, atmosphæra, & dispositio purum mihi videtur Geometricæ mentis opus, & cogitatum, quod si negaverit Physicus, nihil perturbabitur Geometra, neque cadet demonstratio, quæ a rerum existentia minime pender: Physicus tamen rerum status, & natura æque ignota permanebunt, quantumvis verissimæ existant illæ demonstrationes, & Geometricæ constructiones a Geometra excogitatæ, purum humanæ mentis nostrarum idearum opus. Uno verbo, huiusmodi virium ideæ, & nomina, ut antiqua illa *Aristotelis*, Geometricis demonstrationibus sunt aptissima, & omnia pene significant; iisque positis observata alias phænomena eleganter aliquando explicantur; Physicam tamen rerum naturam minime detegunt, aut exponunt.

678. Quarto: Vis attractionis *M P F N* (*Fig. 56.*) radios *A B* vitrum transgressos ad vitrum iterum attrahit, neque ulterius abire permittit versus *C D E* &c.: tanta illi efficacia tribuitur: cum ergo idem radius, descripta curva *BSX*, e puncto *X* egressus, in similem, & æque efficacem attrahentem vim ingrediatur; a secunda hac vi iterum detinebitur, neque a vitro abire umquam poterit: præcipue cum minor sit impetus radii in *X*, quam in *B*: in *B* siquidem impetum omnem habuit a Sole communicatum; quem vis attrahens *B G P O* penitus destruit: in *X* vero impetum solummodo habet a vi attractionis acceptum: cum ergo huius impetus beneficio protrudatur radius per *XL*; si illic offendit, atque incurrit in novam virtutem attrahentem priori *M P O N* æqualem, & contrariam, secunda hæc vis radium similiter abire non permittet.

679. Quinto: Si vitri superficies est adeo scabra, ut ad ordinatam radiorum reflexionem sit omnino impar; quæri hic potest a virium attrahentium, & repellentium assertoribus; quonam fundamento asserant, harum virium, seu atmosphærarum superficies (hæc vocabulis rem ipsi explicant), aut limites esse lævigatos, & æquales nullis inæqualitatibus interruptos, & asperatos? Esto enim, asperæ sint speculorum superficies materiales: Cum ad æqualem distantiam partes vitri vim repellentem diffundant, ut

com-

communiter ab iis auctoribus statuitur; si partes materiales repellentes in eodem plano non existunt, virum etiam limites idem planum non component; paresque omnino inæqualitates in limitibus atmosphærarum repellentium, & attrahentium existent, atque in superficiebus ipsis materialibus statuuntur. Opus sane esset, ut difficultas tolleretur, vires illas tamquam fluidum perfecte fluidum considerare; cujus indolis est, in æqualem superficiem se componere. Sed quanta hic idearum & rerum obscuritas occurrit? Si instar fluidorum existunt; in sphaeram componerentur: id autem neque attractionum systemati, neque planorum speculorum proprietatibus convenire posset, ut Physicus quicumque in hisce rebus non peregrinus nequaquam distinebitur. Equidem radii luminis in hoc virium systemate æqualiter etiam ab opacorum, & quorumque corporum superficiebus, atque contactu prohibentur; radii ergo a corporibus scabris v. g. ab hac charta quaquaverlum nullo ordine reflectuntur, licet superficiem corporum inæqualem non attingant, sed a virtute repellente regeantur: vis igitur repellens corporis scabri, & asperi lumen regeat non ordinatum, & superficiem inæqualem componit; si ergo secundum hos A A, omnia specula, vitra &c. habent superficiem scabram, ab eorum vi repellente lucem reflectere non ordinatam, opus est.

680. Quo pacto hæc & alia in sequentibus ponenda, præcipue circa refractionem luminis ab iisdem viribus secundum eisdem A A provenientem solvantur juxta leges physicas, ego non video, nisi novæ semper ponantur hypotheses, in quas hodierni Phytici merito invehuntur.

COROLLARIUM.

681. Radiorum igitur luminis reflexio a corporum superficiebus alii causæ tribuenda est, a viribus repellentibus, & attrahentibus distinctæ. Quærenda hæc est inter causas mechanicas, atque leges naturæ nobis notas, & certo existentes: inter quas si inveniri a nobis non possit, eam provinciam posteris relinqueamus. Ut rem assequamur; revocandum prius nobis est, quod superius de luminis natura, & materia differimus, perpendendum deinde, an stante illa lucis theoria, secundum mechanicas naturæ leges citra ul-

lam vim , & qualitatem non materialem explicari possit reflexio .

PROPOSITIO XXXIX.

682. *Radii luminosi in corpora illabentes , illa illuminantes , ab iisque reflexi materialem eorum superficiem contingunt .*

Etenim sublata illa virium repellentium , & attrahentium hypothesi , de qua hætenus sermo fuit , nulla est ratio ad verum radiorum in superficiem reflectentem contactum negandum . Corpora utique nigra , & scabra , etsi densissima sint , lucem a se non repellunt , immo imbibunt , & intra se extinguunt : aliter illam vivide in omnes partes reflecterent , & nigra amplius non essent , ut superius probavimus , atque ab omnibus admittitur : si ergo densa illa dictorum corporum massa vim repellentem non habet , quæ a suæ superficiæ contactu luminis radios arceat ; quoniam jure hujusmodi vires vitrorum & aliorum corporum lucem reflectentium materiæ asseruntur , & densitati proportionales plerumque a suls A A ponuntur ? Plurima deinde sunt colorata , & lumen emittentia , quæ levissima suarum superficiæ mutatione evadunt nigra , & contra . Quid tamen illa superficiæ variatio ad virium repellentium mutationem , acquisitionem , aut jacturam ; cum istæ a massis tantummodo pendeant ?

683. Potissima ergo propositionis ratio ad hoc unum caput reducitur , quod vires repellentes existere non probetur ; aliaque ex parte , quod lucis radii impetu in superficies illabantur : quamdiu ergo non demonstrabitur , corpora in se invicem impetu delata ad contactum non venire , sed sese repellere ; tener nostræ propositionis veritas , communibus , & notissimis naturæ legibus innixa . Alia adduci possunt ad eandem veritatem probandum argumenta ex sequentibus capitibus desumpta : primo , quod illuminatorum speculorum massæ incallescant , ac proinde a luminis particulis concutiantur , agitentur , easque intra se recipiant : Secundo , quod luci transitum per mediam eorum massam concedant . Tertio , quod radii solares per aliquod tempus in corpora illabentes , eaque calefacientes , aut etiam dissolventes , eorum pondus

augeant juxta quamplurimos eorum, quibuscum modo agimus, qui *Epicuri* de lumine sententiam tuentur (a). Quarto: Quod secundum eosdem A. A., magnam saltem illorum partem lucis materia sit eadem ignis substantia; ignis autem intra corpora ipsa latet, irretiatur, fervetur: hæc inquam, omnia conficere videntur, luminis radios, & particulas ab internis corporum quorumcumque visceribus, contactu, unione non repelli. Quantum hisce rationum momentis tribuendum sit, prudenti lectori judicandum relinquimus.

PROPOSITIO XL.

684. *Lux a speculorum, & aliorum corporum superficiebus simili, & analogo modo reflectitur, atque sonus a corporibus per reflexionem redditur.*

Naturam lucis analogam prorsus esse naturæ soni, atque utrumque eodem aut simili vibrationum modo (in natura proculdubio existenti) exponi, & consistere, satis efficaciter, nisi fallor, in superioribus probavimus: Si ergo uterque ille naturæ effectus, atque phænomena ex uno eodemque principio derivantur, & pendent, utriusque etiam reflexio eandem, aut analogam causam habet. Jam verò sonus, seu aeris massæ in undas actæ, quæ sonus existunt, in corpora reflectentia impingunt: si enim aere continguntur omnium corporum superficies, per aerem vero transmittitur, & propagatur sonus, manifestum est, continuas, & consequentes aeris oscillationes, seu potius aeris oscillantis partes in superficies corporum impingere, ab iisque reflectere. Præterea vero tria hæc in soni reflexionibus observantur: *Primum*: Angulos incidentiæ angulis reflexionis esse æquales, ut in lumine etiam observamus: *Secundum*: Sōnum multoties a quamplurimis superficiebus reflectere ordinatum, ut fit in tubis Stentorijis, in cameris ellipticis, parabolicis, & similibus aliis casibus in loco indicatis: *Tertium*: Illas corporum superficies e quibus sonus, & voces reflectunt articulatae, esse ad sensum & notabiliter scabras: cujusmodi sunt camere-

(a) Vide superius dicta de nat. luminis.

meræ v. g. calce obductæ superficies, asperæ enim vero innumerisque inæqualitatibus contratæ.

685. Hisce omnibus positis, sonus nihilominus, seu aeris crustæ oscillantes, in inæquales adeo corporum superficies incidens, easque vere contingens, ab eis reflectit ordinatus: ut quotidiana nos docet experientia: quare igitur idem in lucis, seu subtilioris auræ vibrationibus fieri non posset? A phænomeno enim noto & certo ad aliud prorsus analogum argumentamur. Dicetne aliquis, sonum etiam in corporum superficies non incidere, easque minime tangere; sed a viribus etiam repellentibus a contactu prohiberi? Qui ita rem statueret, ab aere etiam corpora contingi consequenter inficiaretur, opus esset: quin immo omnem corporum, seu materiæ physicum, aut mathematicum contactum tolleret; cum a luce, & aere ad alia omnia corpora argumentaremur; neque vis repellens peculiare sit aliquorum corporum attributum, aut aliquorum tantummodo corporum contactui opponatur. Stare ergo potest cum vero materiali contactu in superficies asperas, scabras, inæquales reflexio ordinata. Quamdiu igitur superius a me exposita analogia inter sonum, & lucem non demonstretur falsa; eidem, aut simili causæ reflexio utriusque referenda est.

686. Secundo: Tantam deinde esse non credo superficiiei vitreæ, inæqualitatem relatu ad materiam lucis, quantam esse contendunt, qui lucis reflectentis contactum negant. Unde minor esse probabitur scabrities muri relata ad particulas aeris, quam vitæ ad particulas luminis. Sicut igitur particule, seu undæ aeræ sese dilatantes, restituentes, & acceptum impetum transmittentes una cum impenetrabilitate, & elaterio obstaculi causa sunt omnium reflexionum soni; ita etiam undæ ætheræ, seu promptissimi, & vividissimi itus, & reditus materiæ ætheræ acceptas vibrationes transmittentes, una cum impenetrabilitate superficiiei reflexionis luminis causa existunt.

687. Quo pacto elasticitas corporis impingentis in obstaculum, aut obstaculi ipsius reflexionem ea lege efficiat, ut angulus incidentiæ sit reflexionis angulus æqualis, alibi exposuimus (a): eundem vero effectum

con-

(a) *Phys. General. tom. 1. lect. 20.*

consequi, five corpus elasticum deferatur; & impingat in obstaculum, five per corpus fluidum elasticum superficiem reflectentem contingens transmittatur oscillatio, superius docuimus, cum soni naturam, atque phænomena explicavimus.

688. Tertio; Insensibiles superficiei vitri inæqualitates, siquæ sunt relatu ad materiam lucis, magna ex parte complentur, & æquantur partim a subtilissimis aliorum corporum particulis per aerem ubique sparsis, & corporum superficies una cum aere ipso contingentibus, partim etiam a peculiaribus ipsorum corporum atmosphæris tenuissimis; partim denique, & præcipue ab ipsius luminis particulis, quæ in prædictos, qui supponuntur, angustissimos sulcos, sinus, aut fissuras illapsæ, atque impeditæ hinc a lateribus ne quaquaversum regerantur, inde vero a superveniente semper lumine, seu oscillationibus, ne retrorsum resiliant, insensibiles illas inæqualitates, quamdiu corpus illuminatur; complent, & superficiem adæquant: eo prorsus modo, quo aqua in solum inæquale, cujus margines extant, defluens, aut illapsa, non prius elabitur, quam soli superficiem, inæqualitates complendo, complanet.

689. Ratione, inquam, & modo non dissimili luminis reflexionem a vitrorum, atque cæterorum omnium corporum superficiebus fieri concipio. Forsitam fallimur, & a veritate abludit data phænomeni expositio, & causa: quamdiu tamen melius aliquid, intelligibile, & mechanicum non proferatur; dicta retinebimus, eoque potissimum de capite probabimus, quod assumimus causam mechanicam, in natura existentem, & ex analogia deductam minime obsecram.

690. Quarto; Tandem a luce corpora tangi, eamque a superficie corporum tacta reflectere, velint nolint; ab omnibus admitti opus est. Radius luminis in corpus, viride nobis apparens, incidat, & reflectat. Corpora per radios reflexos, aut refractos videmus: corpus præterea illud viride cæteros omnes lucis radios intra se se imbibit, inquit, unum viridem reflectit; neque tamen integrum viridem regerit, sed maximam illius partem. Ergo pars radii viridis superficiem, & corpus tangit, ante contactum non repellitur: in corpore igitur viridi, neque ante illum

Illud est vis repellens radios virides alii præterea radii transmittuntur, aut imbibuntur, atque idcirco tangunt. Suntne forsan in corporibus plura repellentium virium genera? Cum per vitrum viride pellucidum solem, aut corpora alia videmus, omnia apparent vitidia: illud igitur vitrum aliquos radios virides reflectit, aliquos transmittit: ab hisce ergo per mediam ejus massam transmissis tangitur: in eo igitur non est asserta illa repellendi virtus.

691. Sequentia opponit *Muschembroek*, & alii *Newtoniani*, qui vim repellentem, tamquam luminis reflexionis causam, adstruunt; lucemque reflectentem, & corpus, a quo reflectit, se se non contingere existimant. Primo, inquit: cum tenuis solis radius in pilum, filum, acum, stramen, & alia corpora incidit, umbra multo major, quam a radiis tangentibus desinenda foret, post hæc memorata projicitur (a): ergo vis repellens e prædictis corporibus emanans radios luminosos tangentes a se, & a via recta deturbat, & repellit.

692. Respondeo: Hoc argumentum nihil omnino probare, & (quod magis notari debet) ipsius etiam scriptoris sententiæ ab illo alibi propositæ, & experimentis confirmatæ directe opponi. Alibi enim (b) de attractione disputans, satis noto experimento confirmat, & demonstrat, radios luminis OB, EB (Fig. 73.) prope corporum acies B transeuntes versus corpora ipsa, BH inflecti: priorem semitam rectam ABC v. g. relinquere, & per alias rectas BG, BF ulterius dirigi; ex quo experimento radios luminis prope contactum a corporibus attrahi deducit. Si ergo ultimum hoc experimentum ponitur verum, ut reapse admittitur communiter; primum aliud est præcul dubio falsum; capillus enim, filum, acus sunt citra dubium corpora subtilia cultellorum aciei comparanda: radios ergo prope transeuntes ex adducto hoc experimento potius ad se inflecti compellunt, quam a se repellant.

693. Deinde umbra corporis v. g. capilli multiplici de capite variari potest, a diametris nimirum corporis

(a) *Elem. Phys. cap. 28. & seq.*

(b) *Muschemb. Elem. Phys. cap. 18.*

ris illuminantis, & illuminati, a radii incidentis (si per foramen ab aliis separatus trajiciatur) figura, crassitie, distantia corporis illuminati a luminoso, vel a foramine. Hæc omnia explorata fuisse in prædicti experimenti institutione non constat: nihil igitur ab illo colligi recte potest contra radiorum reflectentis luminis contactum. Deinde corpora quæcumque suas circa se habere atmosphæras eorum massis, & viribus proportionales, vix jam indubium vertitur. Hisce atmosphæris factæque in iis transeuntium radiorum refractionibus referendum est, quod si sæpe prope contactum versus corpora inflectentur: aliquando forsan, si verum est adductum in argumento experimentum, a corpore deflectendo recedant.

695. Opponitur secundo: Vi repellente, & attrahente negata, & reflectentium radiorum contactu admissio, impossibilis omnino esset ordinata radiorum reflexio, sed versus omnes partes dispergerentur; ut sit in scabris corporum superficiebus: quis enim post vitrorum polituram plurimos adhuc sulculos, atque inæqualitates in eorum superficiebus superesse inficiabitur? Respondeo: Hoc *Kepleri* argumentum superius jam diluimus.

696. Opponitur tertio: Si lux reapse in superficies caderet, ab iisque reflecteretur; non solum a prima, & exteriori vitri superficie, sed a plurimis aliis planis, in quæ dividi potest vitri profunditas reflecteretur; vitrum enim ex plurimis veluti crustis, seu superficiebus planis componitur; cum autem hæc omnes crustæ sint homogeneæ; si a prima lumen regeritur, etiam ab aliis pariter remitteretur: quamplurimæ igitur fierent intra vitri crassitiem radiorum reflexiones; quamplurimæ igitur viderentur, & confusissimæ ejusdem objecti in uno, eodemque speculo imagines; quod experientia refragatur. Respondeo: Argumentum in soni æque atque in lucis reflexionem proponi potest: & cum nihil in primum, nihil pariter in secundam probat, aut momenti alicujus existit. Regularem fieri, atque ordinatam soni reflexionem ab inæquali, aspera, scabrosa, obstaculi superficie, quodcumque sit contrarii argumenti pondus, constat facta veritas. Quidni igitur in pari causa par etiam effectus? Oscillatio in superficiem reflectentis corporis impingens a diversis illis corporis crustis, seu lamellis in-

fra primam superficiem extensis una simul perfecte , aut imperfecte regeritur . Rem totam videas in lectione de corporum reflexione luculenter expolitam .

697. Quodsi luminis radii essent materia transfluens ; nihil etiam in eam sententiam valeret argumentum . Ea enim supposita , radii , qui trans primam vitri superficiem transeunt (de his enim tantummodo sermo est) , vel recta per vitri profunditatem pergunt , vel per viam obliquam : Si primum , non reflectuntur intra vitrum ; cum canalem habeant non impedimentum : Si secundum ; intra vitrum ipsum deperduntur : cum toties ab uno canalis latere ad aliud regerantur , quoad notum omnem amittant , quiescant , & omnino extinguantur .

698. Opponitur quarto : Radii A B (*Fig. 56.*) in vitrum NM incidentes , & illud permeantes ab inferiori ejusdem superficie reflectuntur , ut & ab omnibus admittitur , & quotidianis observationibus constat ; hinc enim est duplex illa imago , quæ post planum quodcumque vitrum , aut speculum apparet , ut mox etiam dicemus . Secunda illa radiorum reflexio per QUX necessario fit a vi attrahente : nisi enim ita esset ; ab impactione in aerem , aut corpus aliud ab ea parte vitri superficiem contingens resiliret : hanc autem impactionem non esse reflexionis causam , sequentes observationes demonstrant . Si post vitrum sit vacuum ; melius & vivacius a secunda superficie , vacuum contingente , radii regeruntur : secundo , si loco aeris ponatur aqua ; secunda illa reflexio , vel minuitur , vel evanescit . Hæc omnia , posita attractione , nullo negotio explicabis : radii scilicet magis attrahuntur ab aqua , quam a vitro , aut saltem æqualiter ; vi igitur vitri attrahente superata , non est , cur ulterius reflecti possint radii : aer fere nihil attrahit , si cum vitro comparatur ; est enim attractio in ratione densitatum , & massarum ; multo autem minus attrahet vacuum ; vires igitur vitri attrahentes parum perturbantur ab aere ; nihil , aut fere nihil a vacuo : efficacius igitur , & copiosius reflectent radii ab aere , quam ab aqua , a vacuo , quàm ab aere .

699. Respondeo : Hoc argumentum , in speciem sane grave , vim attrahentem non materiale non probat , aut cum illius proprietatibus satis cohæret . Ut
illam

illam probaret, demonstrari primo oportebat, a nulla materiali causa dictam reflexionem provenire posse: quis autem id pronuntiabit, dum omnia rerum elementa, & simplices causas ignoramus? Hoc igitur unum modeste dici oporteret, hujusce phænomeni causam mechanicam (sicut & aliorum mille) hactenus esse ignotam. Secundum etiam satis patet: vis attrahens in contactu B maxima, & infinite fere major est, quam in quacumque a contactu distantia: quare ergo hæc virtus, adeo magna in puncto B inferioris superficie, radium detinere non potest, sed ab illius impulsione superatur, eumque abire permittit, postea vero a punctis R S T, ubi multo inefficacior illa existit, ad se iterum trahit?

700. Igitur respondeo, radios a secunda superficie per verum contactum, vel in atmosphæram ipsius vitri, vel in aërem, vel in aliud corpus, vel in omnia hæc, aut aliqua eorum simul post vitrum existentia resilire. Sublato aere, tenuissimæ illæ particulæ, quæ vitri atmosphæram efficiunt, per aerem, ut antea, non disperguntur, a superficie vitri non separantur, illic magis tenaciter adhærent; cum aereum desideretur fluidum, ut eas separet, elevet, & per aerem dispergiatur. Luculentissima, & omnino similia exempla in machina pneumatica habemus; intra quam, extracto aere, non amplius particulæ olei per ellychnium ascendunt, vapores e fluidis, aut aliis corporibus non elevantur, aut e corporibus exeunt; quin immo particulæ, & vapores fluidi antea in aere natantes decidunt, vitri superficiem contegunt, illique adhærent, quoad intromissus iterum aer eos elevet. Hæc, inquam, omnia, & alia plurima illic observata, sunt effectus mechanici notî, Hydrostaticæ conformes, & rei nostræ omnino similes: quidni igitur impræsentiarum similem effectum per similem, n. tam, & mechanicam causam explicabimus? Particulæ atmosphære vitri, aere extracto, supra vitrum recumbentes, & quadam subtilissima crusta efformata, luminis egressus magis obturant, & impediunt, unde major oritur reflexio. Aere admissio, particulæ elevantur, separantur, disperguntur, tenuissima crusta disparet, egressus luminis recluduntur, reflexio minuitur. Quod vero efficit aer respectu atmosphære

vitri; efficiunt etiam crassiores liquores respectu aeris: omnia hic consonant.

701. Non negabunt, credo, qui vires repellentes non materiales adstruunt, adductam a me phænomeni causam esse probabilem, mechanicam, atque a naturæ legibus non eludentem. Radiorum luminis reflexione exposita, ejusdem reflexionis existentia asserita, & causa explicata, de legibus, & phænomenis inquiremus.

5.

LEGES, ET PHÆNOMENA REFLEXIONIS LUMINIS.

702. Reflexio eodem modo efficitur in radiis luminis, atque in aliis corporibus, de quibus suo loco egimus. Quare easdem omnino leges in omnibus observamus, ratio, & quotidiana experimenta demonstrant. Sicut ergo in aliis corporibus, ita etiam in luce sequentes tenent leges, alibi a nobis fule expositæ, impræsentiarum tantummodo indicandæ.

703. Prima, & universalis lex reflexionis est, quod *Angulus incidentiæ sit reflexionis angulo æqualis*. Posito luminoso in A, sit AB (Fig. 2.) radius incidentiæ, B punctum reflexionis, FH superficies reflectens; erit BD radius reflexionis, ita ut angulus incidentiæ ABF sit reflexionis angulo DBH æqualis.

704. Lex altera reflexionis est, quod *Planum reflexionis in quo scilicet axis AD, & uterque radius incidentiæ, & reflexionis BA, AC existunt, sit ad superficiem reflectentem perpendiculare* (Fig. 1.)

705. Utraque hæc lex, ratione & experimentis certa, eodem modo tam de lumine, quam de cæteris corporibus demonstratur: videnda igitur est expositio suo loco data.

COROLLARIUM I.

706. Hinc patet primo, radium quemcumque DA perpendiculariter incidentem in quamcumque superficiem planam, curvam, convexam, concavam, in se ipsum, seu per eandem viam AD reflectere. Si per
aliam

aliam rectam reflecteretur, v. g. per AC ; non esset angulus reflexionis angulo incidentiæ æqualis: primus esset rectus DAG , vel DAE ; secundus esset acutus CAG . Pro superficie reflectente assumi tantum debet insensibilis illa superficiæ pars, & quasi punctum A , in quod radius impingit, & ex quo reflectitur. Cum enim particulæ, seu radii, atque actiones luminis sint, & propagentur per materiam subtilissimam; singuli hujusmodi radii licet ex plurimis aliis sint compositi, insensibilem omnino superficiæ partem feriunt, ab eaque reflectuntur; relatu ergo ad unum illud reflexionis punctum, seu insensibile superficiæ planum spectari debet reflexionis, & incidentiæ *angulus, cathetus, axis, & planum reflexionis*; cum cætera superficiæ puncta, quæ a radio non feriuntur, nihil in illum agant.

707. Quo pacto radius reflexus AD , seu actio luminis reflectentis per eandem viam regredi possit, per quam radius directus DA illabitur, licet lumen sit corpus; late exposuimus, cum de natura luminis, & soni disseruimus; utrumque enim consistit non in translatione particularum, sed in actione, & vibrationibus per particulas non translatas diffusis, & transmissis.

708. Ex eadem hac ratione patet, quo pacto unum, idemque punctum A objecti cujuscunque illuminati, ab omnibus, & singulis luminosi partibus simul illuminetur, nisi ab extraneo corpore impediatur. Facti veritatem experientia demonstrat; rationem, & modum in *Epicuri* sententia satis concipere non possumus. Vide, quæ diximus, cum luminis per angustissimum foramen transitum exposuimus.

COROLLARIUM II.

709. Ex eadem regula deducitur, eundem radium AB (Fig. 2.), ex uno, eodemque puncto B reflectentem, versus unam tantum partem, & per unam tantum lineam, seu radium BD remitti posse. Nisi ita esset, vel anguli incidentiæ & reflexionis non essent æquales; vel radii reflexus, & incidens in plano reflexionis non existerent; quorum utrumque & legibus, & observationibus opponitur. Radius

Mont. Phil. Tom. VIII.

X

AP

A P (Fig. 58.) in punctum P cadens per lineam tantummodo P B in eodem plano A B G positam, non vero per lineam P C in alio plano dirigitur.

710. Contra vero radii ex diversis ejusdem, aut diverstorum objectorum partibus A E v. g. in idem punctum impingentes, ex eoque reflexi per diversos radios, & lineas necessario reflectuntur; nisi idem sit incidens radius. Si enim puncta E A objectorum sunt in diversis reflexionis planis A B G, E C I; patet etiam, radios reflexos P C, P B in diversis existere planis, & consequenter in diversas partes dirigi. Si puncta A M in eodem sint plano A B G; ob æqualitatis angulorum legem, radius A P superius in B, radius autem inferior M P in punctum etiam inferius dirigitur.

711. Hinc igitur patet, radios omnes B A (Fig. 1.) a singulis partibus objecti in idem punctum A speculi cadentes, ab eoque reflexos; esse post reflexionem eodem modo divergentes, atque antea erant convergentes. Si objectum fuerit rotundum, pyramidem efformabunt conicam ab A versus C priori B A similem. Qui dextri sunt in B, sinistri erunt in C, & contra; aliter lex planorum non observaretur.

COROLLARIUM III.

712. Ex iisdemmet legibus sequentium phenomenorum evidens ratio deducitur. *Primum*: Radii B A in planum quodcumque oblique incidentes, post reflexionem in partem oppositam per A C diriguntur. *Secundum*: Dum corpus quodcumque per radios in plano aliquo reflexos videmus, illud corpus in unico tantum puncto, & plano nobis apparet. Id quotidie observamus, dum solem, aut corpus quodcumque aliud ope reflexionis in aqua, aut aliis superficiebus æqualibus videmus. Sit corpus C (Fig. 61.), quod e puncto F videam per reflexionem in puncto E; necesse igitur est, planum reflexionis C G, in quo radius incidens C E, & reflexus E F existunt, esse ad superficiem reflectentem perpendiculare. Si idem objectum in alio puncto D plani videretur per alios incidentiæ, & reflexionis radios C D, D F; in alio plano C H D appareret; id autem planum non est ad

ad superficiem AB perpendicularare (a): ergo non est planum reflexionis.

713. *Tertium*: Et hinc corpora superficiē lævigatæ, planæ, aut convexæ, etsi a Sole illuminentur, nobis apparent obscura; & nigra; quia unica tantum earum superficiem pars lucem ad oculum remittit: cætera igitur apparent obscura, seu nigra. Id vero est, quod quotidie observamus, dum maris, fluminum, lacuum superficiem videmus.

714. *Quartum*: Contra vero corpora scabrosiss, & inæqualibus superficiebus terminata, dum a Sole illuminantur, lucem quaquaversum dispergunt: Scabrities enim ex innumeris solidis angulis, sinubus, caverhis, cuspidibus componitur. Hæc autem omnia innumeras habent facies planas insensibiles, quæ diversis inclinationibus versus omnes partes respiciunt: radii in huiusmodi diversa plana incidentes versus omnes partes regeruntur.

715. *Quintum*: Cum aqua, aut liquida alia, in quibus Solem per reflexionem videmus, agitantur, eorumque superficies fluctuant; fluctuare etiam videtur Sol, atque ex pluribus aquæ partibus apparet. Tremulo enim illo aquæ motu fit, ut illius superficies non eadem, sed infinitis penè exiguis distinctis superficiebus terminetur, quæ in diversis planis jaceant, & sint tamquam innumera fluctuantia specula: nil igitur mirum, quod tremulus ille motus a tremulis speculis in Solem refundatur.

L E C T I O XIV.

De Reflexione luminis in speculis planis, convexis, concavis, eorumque proprietatibus, & phænomenis.

§. I.

DE SPECULIS PLANIS.

716. Ut omnia, quæ deinceps dicemus, perspicua sint; duo a nobis hoc loco supponenda; jam alibi de-

(a) *Elem. Geom. num.* 149.

demonstrata: primum: in illam partem objectum a nobis referri, ex qua ultimo ab ipso ferimur: ita ut in illa recta, & directione causam, seu objectum existere arbitremur, per quam ab illo tandem percussimur. Secundum: Objectum a nobis videri, atque referri in illud punctum, in quo concurrunt axes optici, quorum beneficio objectum representatur. Hinc vero, atque ex reflexionis legibus inferuntur sequentia.

717. I. Illa tantummodo objecta in speculo videmus, quæ ante speculum existunt, ante quod etiam spectator locetur; objecti enim ante speculum non existentis radii, neque in speculo reflectuntur, neque reflexi in oculum tendunt.

718. II. Innumera tamen objecta ante speculum existunt, quæ in speculo videre non possumus. Si existamus v. g. infra rectam HL (Fig. 59.); objecta solummodo videbimus, quæ sint ex alia parte A . Observator in C positus objectum D etiam in speculo non videt: licet objectum D per lineam perpendicularem respiciat speculum.

719. III. Objecta igitur A radios AF oblique emittentia in speculum; ex parte solummodo sibi opposita C spectari possunt: versus illam enim solummodo partem radii reflexi oblique remittuntur, & oculum feriunt.

720. IV. Objecta quæcumque ante speculum planum locata, & per speculum visa, necessario apparebunt in eadem directione radii reflexi. Sit objectum A radios obliquos AB (Fig. 2.) in speculum emittens, qui reflexi transeunt per D ; oculus D videbit objectum in directione radii reflexi DB : per directionem enim BD feritur oculus: ergo in eandem directionem DB objectum refert, Imago igitur semper apparebit in loco diverso, atque verum objectum existit.

721. V. Objectum quodcumque A ante speculum existens, apparebit necessario post speculum in illo puncto G , in quo axes optici reflexi BD , CE concurrerent, si ulterius trans speculum producerentur. Sint duo oculi DE : cum eorum singuli in diversis locis existant; diversos etiam opticos axes, seu radios reflexos a diversis punctis BC speculi remissos recipient: jam vero hujusmodi radii reflexi BD , CE

C E necessario sunt divergentes post reflexionem in BC: sicut etiam ante reflexionem necessario divergunt: radii igitur DB, EC ab oculis versus speculum convergunt: cum ergo sint in eodem plano, si ulterius produci concipiantur, concurrerent in puncto aliquo G: cum igitur oculi DE objectum A videant per axes DB, EC continuatos, ad illudque punctum idem objectum referant, in quo axes concurrunt: necessario consequitur, objectum A ab oculis DE in sectionem, seu concursum G trans speculum referri.

P R O P O S I T I O X L I.

722. Objectum in speculo plano FH visum apparet in catheto incidentiæ AF (Fig. 62.) post speculum continuato.

Sit objectum A radios AB, AC in speculum emittens, quorum reflexione per BD, CE videatur ab otulo in DE: demittatur AF cathetus incidentiæ, & producatul ulterius usque ad G: producti etiam intelligantur radii reflexi DB, EC, ultra speculum: Dico, hujusmodi radios simul, & in eodem puncto concurrere cum catheto incidentiæ AG, ac proinde in eo catheto objectum A repræsentare.

723: Demonstratur: primo habemus, objectum visum per radios DB, EC; in illud punctum G referri; in quo hujusmodi radii conveniunt, vel convenirent, si producerentur: Demonstrandum est, utrumque radium DB, EC convenire cum catheto AFG in puncto G, ita ut sint FG, FA æquales: Uterque radius v. g. DB est in eodem plano cum catheto AFG; cum ergo unus ad alterum convergat; necessario concurrent in aliquo puncto v. g. G. Quod autem illud punctum G æque distet ab F, atque objectum A; ita demonstratur: Triangula ABF, FBG sunt rectangula in F; habent deinde angulos in B æquales; cum uterque angulo reflexionis DBH æquetur (a): sunt igitur æquiangulara (b): habent præterea latus FB commune: sunt ergo æqui-

(a) Num. 767. Elem. Geom. n. 83.

(b) Elem. Geom. n. 100.

latera (a) : latera igitur FG , FA æquantur ; quod erat demonstrandum . Idem eodem modo demonstrabitur de triangulis ACF , FCG .

Valeat etiam demonstratio , si radii reflexi BD , CE (*Fig. 2.*) a duobus oculis excipiantur , ut attendenti perspicuum fiet ,

C O R O L L A R I A ,

724. *Primum* : Imago igitur objecti videtur trans speculum in eodem reflexionis plano trans speculum continuato . Cum enim in eo plano sint lineæ AF , AB , BD ; eadem etiam lineæ AF , DB ulterius producatæ , ac proinde punctum G , locus imaginis , in eodem reflexionis plano existent ,

725. *Secundum* . Tantum a speculo distat imago G , quantum objectum A ; sed ex faciebus oppositis ejusdem speculi . Modo enim demonstravimus , esse AF , FG æquales ; cum ergo in A sit objectum , in G verò imaginem apparere demonstretur ; manifesta est corollarii veritas .

726. *Tertium* . Distantia GE imaginis ab oculo æqualis est summæ radiorum incidentiæ , & reflexionis AC , CE . Demonstravimus enim , lineas AC , CG esse æquales (*Fig. 62.*)

727. *Quartum* . Ex hoc autem corollario evidenter deducitur , radios AC , CE ab objecto in oculum per reflexionem venientes , viam brevissimam tenere , si angulus incidentiæ sit reflexionis angulo æqualis ,

Demonstratur . Æqualis est semita AC , CE , rectæ GCE : æqualis ergo est semita radiorum venientium ab A reflexe , atque si venirent a G directe : at semita GCE radiorum venientium a G directe , & per punctum C , ubi anguli reflexionis , & incidentiæ sunt æquales , transeuntium , est brevissima omnium , per quas a G ad E veniri potest ; ergo cum AC , CG semper sint æquales , etiam ACE est via omnium brevissima . Hæc vero est ratio superius jam insinuata , propter quam juxta quamplurimos ex recentioribus Peripateticis anguli reflexionis , & inci-

den-

(a) Unum enim alteri impostum cum illo congrueret .
Vide Elem. Geom. a num. 101. &c.

dentia sunt æquales ; quia scilicet natura per viam brevissimam semper agit.

728. *Quintum*. Quæcumque igitur objecta plano speculo perpendicularia extiterint, inversa trans speculum apparebunt. Id quotidie in fluminibus, lacubus, fontibus, & aliis naturalibus, aut artificialibus speculis observamus; arbores enim, & quidquid ad ripas ambulat, aut perpendicularare existit, inversum nobis alia ex parte spectantibus apparet.

729. Sit objectum DE (Fig. 3.) speculo BC perpendicularare a spectatore H alia ex parte visum: ita apparebit in GF, ut altius seu remotius extremum E inferiorem locum teneat in imagine, inferius autem D superiorem, seu proximior G. Distantia enim BG est distantia BD æqualis: sicut etiam æquantur BF, BE; ergo punctum F magis distat a speculo, quam G; sicut E magis remouetur, quam D: inversum ergo depingitur objectum.

730. *Sextum*. Si objectum AB fuerit speculo EF parallelum; illius etiam imago CD (Fig. 60.) erit eidem speculo parallela. Tantumdem enim a speculo distant imaginis, quantum objecti puncta, ut demonstravimus.

731. *Septimum*; Si objectum BC (Fig. 4.) fuerit inclinatum ad speculum BD; parem etiam inclinationem ad speculum habebit imago BF.

A singulis enim objecti punctis DC ductis rectis DIK, CGF ad speculum perpendicularibus, erunt singulorum punctorum v. g. DC imagines in perpendicularium, seu cathetorum punctis KF, quæ æqualiter a speculo distent, atque respondentia singulis puncta DC objecti: omnia ergo, & singula puncta imaginis habent eandem a speculo distantiam, atque singula omnia puncta in objecto respondentia; habet ergo imago eandem inclinationem, atque objectum.

732. *Octavum*. Hinc pendet, & intelligitur vulgare phenomenon, quotidie intra cameras speculis ornatas ab omnibus observatum: Si objectum IM, & speculum IK ita sint sibi ipsis inclinata, ut angulum MIK (Fig. 5.) 45. graduum efficiant; imago IL ita post speculum exhibebitur, ut cum objecto efficiat angulum LIM rectum, sintque sibi mutuo perpendicularia. Angulus enim LIK a speculo, & imagine efformatus, est etiam 45. graduum: ergo Angulus

M I L , ex duobus compositus , est rectus. Hinc si objectum sit I L horizontale , speculum vero I K sit ad horizontem angulo 45. graduum inclinatum ; imago erit horizonti perpendicularis I M : quæ quidem erit erecta , si vertex objecti sit L , magis a speculo remotus , quam pedes : alias erit imago etiam inversa :

733. Si ergo speculum I K muro affixum , cum illo , & etiam cum horizonte efficiat angulum 45. graduum ; homo in L , camerae pavimento ante speculum ab L versus K erectus , imaginem suam post speculum a K versus M projectam , & horizonti I L parallelam habebit ; ita ut pedes sint versus M , caput versus K appareat. Id vero est , quod passim observamus. Si vero angulus K I M speculi cum muro sit semirecto minor ; imago non erit amplius horizonti parallela ; sed pedes in M magis erunt depressi , quam caput ; contra vero erunt pedes altiores , quam caput versus K existens ; & angulus M I K sit semirecto major .

734. *Notum : Imago objecti in speculo plano exhibitæ est eidem objecto æqualis .* Sunt enim æquales rectæ B E , B F (Fig. 3.) : sicut etiam B D , B G : ergo si a B E , B F auferantur B D , B G ; supersunt D E , G F , hoc est , objectum , & imago æqualia .

735. *Decimum . Beneficio duarum reflexionum , quas superius exposuimus , duplicem videmus objectorum imaginem .* Objecti A (Fig. 6.) imaginem videt in H , & in I spectator B in speculum L C intuens : prior vero imago H prioris reflexionis opè in prima , & superiori vitri superficie peracta depingitur : remotior I a radiis in postica superficie reflexis exhibetur . Quare autem alia sit altera remotior , & obscurior , satis in superioribus exposuimus . Duplicatus hic imaginum numerus in illis speculis , & corporibus locum non habet , neque efficitur , in quibus unica tantum est superficies reflectens , ut ex dictis patet .

736. Quare si secundam illam , & confusissimam imaginem in I exhibitam , missam faciamus ; indubium generatim est , in uno eodemque speculo plano cuiuscumque magnitudinis existat , unicam tantummodo ejusdem objecti formari posse imaginem , ut ex hactenus demonstratis satis liquet :

PROPOSITIO XLII.

737. Si objectum per plures reflexiones in pluribus speculis videatur; distantia imaginis ab oculo erit æqualis omnibus radiis incidentiæ, & reflexionis simul sumptis.

Statuantur tria specula AB, AM, MN (Fig. 63.), objectum sit D, spectator O trans murum, vel impedimentum DQ intuens in tertium speculum MN: radius DC pergit reflexus in L, ab L regeritur in tertium speculum P, a P ad spectatorem dirigitur.

Ducantur deinde perpendiculares ad specula rectæ, DE ad primum, EG ad secundum, GI ad tertium.

738. Demonstratio. Si spectator esset in L; objectum videret in E, ita ut distantia EL esset æqualis radiis DC, CL (n. 723.); objectum ergo D perinde agit in L per reflexionem, atque si existeret in E: posito autem objecto in E, si spectator esset in P, illud videret in puncto G catheti incidentiæ EG, ita ut GP sit æqualis lineis BL, LP, hoc est, DC, CL, LP simul sumptis. Similiter ergo spectator O objectum D per vias DC, CL, LP, PO, seu per GP, PO agens, videt in I in catheto incidentiæ GI tertii speculi M, ita ut OI sit æqualis radiis DC, CL, LP, PO simul sumptis.

739. Propositionem quotidiana experimenta confirmant. Non solum duo, aut tria, sed plura etiam specula multiplici ratione inter se disponi possunt ad ejusmodi effectus producendos. Ex ipsa autem speculorum dispositione patet, quam plurima objecta D in aliquo speculo MN (Fig. 63.) spectari a nobis posse, licet illa objecta a nobis, & speculo impedimenta aliqua opaca separent.

740. Illud etiam in iis imaginibus semper observatur, quod eo sint dilutiores, minusque vividæ, quo in majori apparent distantia; aut per plures reflexiones ad nos perveniunt radii. Phænomeni causa est obvia: quo major est distantia, minor est luminis intensitas: in singulis deinde reflexionibus non parum luminis perditur; quo plures igitur extiterint, a remissioribus radiis imagines depingentur.

P R O.

P R O P O S I T I O XLIII.

741. Unico speculo plano, aut plurimis in eodem plano jacentibus multiplicari non potest ejusdem objecti imago: multiplicari tamen illa incipit, cum angulum efficiere incipiunt specula: eoque pluries multiplicantur imagines, quo acutior fuerit angulus, intra cujus latera, & objectum, & oculus existunt.

Non amplius jam de duplici imagine loquimur in speculo plano efformata, quam superius exposuimus. Prima pars propositionis est ex dictis manifesta, etiamsi sint plura specula in eodem plano; tunc enim unius tantummodo capacioris, aut etiam rupti speculi minus agunt, ex quo unica tantum reflexio fieri potest ad oculum perveniens. Idem enim est, siue AB, CD sit unicum speculum integrum, siue ruptum in B, siue sit duplex (Fig. 64.).

742. Cum duo specula AB, DC incipiunt convergere in angulum; in singulis jam videri potest, atque proinde duplicari idem objectum, ut per se patet, & facili experientia observare quisque potest, si specula convergant in angulum HBI, & ponatur objectum in S, spectator in G; videbitur primo objectum per radios SI, IG unica tantum reflexione; secundo per radios SN, NQ, QG; tertio per radios SO, OP, PG post duplicem reflexionem: pariter etiam ex alia parte reflexient radii; objectum igitur pluries videbitur.

743. Cum objecti, & spectatoris positiones, atque anguli magnitudo variari possint fere in infinitum; inutile erit in hisce positionibus inquirendis diutius immorari. Eo magis vero objectum multiplicabitur, quo angulus HBI acutior fuerit, ut facile unumquisque facto periculo edoceri poterit, & hac etiam ratione suadebitur, Dum duo specula AB, CD (Fig. 65.) in eodem plano jacent, nullumque angulum efficiunt; reapse unum tantummodo speculum componunt, in quo semel tantum videtur objectum; Si specula adeo ab extremis AD ad se invicem convergant, & inclinentur, ut reducantur ad parallela BE, CF, idem objectum L infinities in singulis depingi poterit, ut statim demonstrabimus, Jam vero duo specula BA, CD paulatim a situ AB, CD

CD convergentia, atque acutiorem, & acutiorem semper angulum efficientia, eo magis a priori situ A B, CD, in quo nulla est multiplicatio, ad secundum BE, CF, ubi est infinita, accedunt, quo acutior fuerit angulus HBI.

744. In speculis autem planis BE, CF infinitas efformari objecti L inter specula interpoliti imagines, facile patet. Radii ab L in S ad perpendicularum incidentes reflectuntur versus T, a T iterum ad S redeunt, unde repulsi ad T iterum ad S regrediuntur; ad singulas autem reflexiones in S singulae respondent imagines M N O P seriem in infinitum componentes, & magis semper, & magis a speculo distantes juxta superius dicta; totidem etiam ex alia parte apparebunt ejusdem objecti imagines; cum eadem utrimque sit ratio,

§. II.

DE SPECULIS CONVEXIS
ET CONCAVIS.

745. Præter jam dicta de speculis planis plurima alia de iisdem dici hoc loco possent; bene multa etiam de speculis curvis scitu dignissima in philosophorum gratiam libenter exponerem; quoniam tamen in immensum protraheremur, illa in præsentiarum omittimus, Lectorem ad eos mathematicos remittentes, qui pro dignitate *Catoptricam* pertractarunt, quales imprimis sunt *Dechales*, *Traberus*, *Barrowus*, *Smith*, & alii.

P R O P O S I T I O XLIV.

746. *Specula convexa ABC (Fig. 7.) spectari debent, tamquam infinita specula plana infinite parvæ superficiem sphericam v. g. componentia.*

Propositionis veritatem in Geometriæ Elementis demonstravimus. Superficies scilicet spherica v. g. aliud non est, quam infinitæ aut innumeræ insensibiles superficies planæ in orbem circa idem centrum in eadem ab illo distantia dispositæ.

C O R O L L A R I A .

747. *Plurima ex hac propositione consequuntur Geometriae & observationibus conformia ; Primum :* Speculum convexum (idem de concavis dictum habet) sunt innumera plana specula in diversis planis jacenta. Omnia enim puncta, seu insensibilia segmenta superficiei $ABNG$ magis semper, & magis inflectuntur, & a plano puncti B , seu HI recedunt.

748. *Secundum :* Reflexio radiorum KB in puncto superficiei sphaericae convexae perinde fit, atque si incidere in punctum B plani HI , quod sphaeram illo in puncto tangeret. Punctum enim B , hoc est, segmentum infinite parvum superficiei sphaericae est insensibile planum: est igitur in eadem superficie plani HI sphaeram in puncto B tangentis: perinde igitur a puncto B sphaerae reflectit radius KB , atque si in planum tangens HBI incidere.

749. *Tertium :* Anguli incidentiae, & reflexionis computari possunt, aut in plano tangente HBI , aut in curva ABC , hoc est, vel dici possunt KBH , LBI vel KBA , LBC : Quocumque modo spectentur, semper sunt inter se aequales secundum generalem reflexionis legem.

750. *Quartum :* Axis reflexionis erit MB ducta per punctum reflexionis B perpendicularis ad planum tangens HI : & hinc axis MB continuatus necessario transibit per speculi centrum D (a).

751. *Quintum :* Catheti incidentiae, & reflexionis debent esse tales lineae KPD , LND , quae per centrum D transeant, illicque cum axe concurrant. Sunt enim perpendiculares ad speculum, & in eodem plano reflexionis cum axe MB (n. 701.); linea autem MD est perpendicularis ad sphaeram, si secta incidat in planum HI sphaeram in puncto incidentiae tangens, hoc est, in planum infinite parvum B (b): cathetus igitur incidentiae perpendicularis est ad planum infinite parvum B , seu ad planum, quod sphaeram tangeret in B : per centrum igitur D transit (c).

751.

(a) *Elem. Geom. num. 86.*(b) *Elem. Geom. n. 194. 195.*(c) *Elem. Geom. numeris 101.*

752. *Sextum*: Catheti KD , LD , axis MB , radii KB , BL (*Fig. 7.*) sunt omnes in eodem plano ad superficiem sphaericam perpendiculari. Planum autem quodcumque $ABGF$ (*Fig. 58.*) erit perpendiculare ad sphaeram X , si sit perpendiculare ad planum FMG tangens sphaeram in puncto P , per quod prius planum AG pertransit,

Primum patet ex generalibus reflexionis legibus: Secundum eodem modo exponitur, intelligitur, & demonstratur, atque modo exposuimus, quo pacto linea sit ad superficiem sphaericam perpendicularis.

753. *Septimum*: Radius igitur reflexus LB , si ulterius intra speculum produceretur, cum catheto KD incidentiae concurreret in G (*Fig. 7.*), ac proinde in eo etiam catheto imago objecti videbitur. Eodem modo haec veritas de speculis convexis, atque superius de planis demonstratur. Magis etiam fiet manifesta, si duobus oculis AB (*Fig. 8.*), aut pluribus radiis EA , FB ipsummet objectum D videatur; uterque enim hic radius, cum sint ab AB versus C aequaliter convergentes, & cathetus DC in utroque eorum plano existat; necessario in aliquo catheti ipsius puncto C concurrunt, & objectum exhibent.

754. *Octavum*: Omnes illi radii, qui ita incidunt in speculum convexum sphaericum, ut ulterius producti per centrum transirent, in se ipsos reflectuntur, v. g. radius KP (*Fig. 7.*), omnes catheti, & axes reflexionis. Hi enim soli, & omnes sunt ad speculum perpendiculares: in se ipsos igitur soli regeantur.

755. *Nonum*: Imagines objectorum, quae in speculis sphaericis convexis videmus, apparent inter centrum A speculorum, & tangentem per punctum reflexionis E ductam.

756. Triplex autem distinguitur casus: vel imago apparet intra speculum in puncto H , ut in figura undecima, vel in ipsa speculi superficie, ut in puncto D figurae nonae (*Fig. 9. 10. 11.*); vel tandem in puncto aliquo L inter speculum, & tangentem, ut in figura decima visitur.

757. Singuli autem hi casus dependent a magnitudine anguli CAB a catheto incidentiae, & axe reflexionis in centro facti. Si huiusmodi angulus A fuerit

fit duplus anguli incidentiæ BEX ; imago apparebit in periphæria D .

758. Si angulus A sit plusquam duplus anguli incidentiæ BEF ; apparebit objectum in puncto L extra speculum. Si angulus A sit minor, quam duplus anguli incidentiæ BGD ; objecti imago intra speculum apparebit. Tria hæc postrema demonstrare, facile esset; id quod citatis Catoptricæ elementis fecimus: In re exigui momenti; & ad mathesim potius, quam ad physicam spectante, & alioquin experientiis cetta impræsentiarum demonstranda supersedeo.

PROPOSITIO XLV.

759. Radii ab eodem objecto T (Fig. 17.) in speculum convexum incidentes magis post reflexionem disperguntur, quam si a speculo plano reflecterentur.

Sit objectum quodcumque T ; radios TO , TR in speculum convexum mittens: per puncta reflexionum OR ducantur duo plana sibi parallela OX , RV , quorum primum tangat speculum in O .

760. Demonstratur: Si loco speculi convexi substituatür planum unum, aut duo sibi parallela; & per puncta OR transeuntia; radii post reflexionem erunt OS , RG divergentes; at si reflexio R non fiat in plano YRV priori OX parallelo, verum in plano AR , planum OX ita secante, ut angulus incidentiæ TRV minuatür; & fiat angulus TBA ; radius TR post reflexionem in R non amplius per RC , ut prius, sed per RD rezeretur, ut scilicet æquales fiant anguli acutiores TBA ; BRD : secunda autem hac ratione fit radiorum reflexio in speculis convexis, ut exposuimus: magis igitur disperguntur radii.

COROLLARIA.

761. Ex hac propositione sequentia deducuntur.
I. In speculis convexis imagines semper esse minores, quam objecta: In speculis enim planis sunt imagines objectis æquales; cum ergo in speculis convexis radii a speculo versus oculum magis divergant, quam in planis; ab oculis versus speculum magis etiam con-

convergent: objecta ergo videntur ad angustius spatium redacta. Clariora hæc fiēt ex dicendis in Dioptrica.

762. II. Ab uno, eodēque objecto T unicus tantum ad oculum S pervenire potest radius reflexus a speculo convexo. Id enim superius de speculis planis YEV demonstravimus: potiori igitur jure in convexis locum habet; in quibus radii magis disperguntur.

763. In speculis igitur convexis unicum tantummodo sensibile punctum, seu exiguum superficiēi segmentum ab eodem luminoso corpore, puta a sole, illuminatum videbimus; etsi integrum hemisphærium speculi sit illuminatum: omnes vero aliæ speculi partes nobis erunt obscuræ. Id jam etiam de planis speculis demonstravimus; potiori autem jure de convexis propter majorem radiorum dispersionem. Et hinc siquam sphæram omni ex parte a sole illuminatam videamus; illius superficies non est levigata, sed aspera, & scabrosa.

PROPOSITIO XLVI.

764. In speculis concavis sphericis ABCD (Fig. 12.) sunt perpendiculares ad speculum omnes illi radii DB, qui per centrum D transeunt; vel producti per centrum transierint, in quacumque speculi partem cadunt.

Demonstratur. In sphæra aut circulo omnes rectæ a centro D ductæ sunt perpendiculares ad rectas, aut planā tangentiā GH, quæ circulum, aut sphæram tangunt in punctis B; per quæ ducuntur radii (a): cum igitur ex superius dictis reflexiones radiorum fiant in curvis perinde, atque in planis tangentibus; radii DB erunt ad speculum perpendiculares. Specula sphærica sunt plerumque parva sphæricarum superficierum segmenta GB (Fig. 13.); illorum centra sunt puncta E, in quibus est centrum sphæratum; quarum specula ipsa sunt segmenta.

CO.

(a) Elem. Geom. num. 194. 195. 80.

C O R O L L A R I A.

765. *Primum*. Omnes igitur radii EB , ED a centro in speculum cadentes, in se ipsos reflectuntur: hæc enim est radiorum perpendicularium proprietas.

766. *Secundum*. Qui ergo in centro speculi existeret, in singulis ejus punctis imaginem suam haberet, hoc est, infinities in speculo se ipsum videret multiplicatum in imagine; & hinc maxima confusio; & quia infinitæ, nulla proprie esset imago. Si tamen in centro existeret luminosum aliquod v. g. lucerna; oculus in centro similiter existens, totum speculum videret illuminatum, contra ac in planis, & convexis speculis accidit.

767. *Tertium*. Quicumque illi radii FG , AB in speculum concavum cadant, quin per centrum E transeant, sunt ad speculum obliqui; ac proinde in se ipsos reflectere non possunt: neque enim ab eodem puncto G lineæ cujuscunque rectæ erigi possunt duæ perpendiculares ad ipsam rectam (a): si ergo GE est perpendicularis, omnes aliæ GF , ex eodem puncto ductæ, sunt obliquæ.

768. *Quartum*. Linea EB , a centro speculi ad punctum reflexionis B ducta, est *axis reflexionis*; cum sit ad speculum perpendicularis & per punctum reflexionis transeat. *Angulus igitur inclinationis* in hujusmodi speculis est *Angulus* ABE (Fig. 13.] 12.) *Anguli incidentiæ*, & *reflexionis* sunt ABG , CBH ; in concavis tamen speculis ad angulos inclinationis præcipue attendimus.

769. Cum concava specula eam habeant proprietatem, statim demonstrandam, ut radios quamplurimos axi parallelas in quodam axis ipsius puncto intra speculum posito congregent, illicque ignem accendant, si in solem convertantur; hujusmodi punctum H dicimus *Focum*.

P R O P O S I T I O XLVII.

770. Radii quicumque FG , AB (Fig. 13.) axi CD
pa-

* (a) *El. m. Geom. num. 64. 65.*

paralleli, qui angulum inclinationis ABE , FGE minorem angulo 60 graduum efficiunt, ita reflectuntur in speculo concavo sphaerico, ut cum axe concurrant in puncto quodam H a speculo distante minus, quam quarta pars diametri, aut dimidium radii DE .

Radios FG post reflexionem concurrere cum axe, est omnino evidens ex supra demonstratis; sunt enim in eodem plano, & versus axem convergunt. Demonstrandum igitur est, punctum H , in quo concurrunt, minus distare a D , quam a centro E . Anguli FGE , EGH sunt æquales: æquantur etiam alterni FGE , GEH formati a rectis GF , HC per hypothesis parallelis (α): æquantur ergo anguli EGH , GEH ; ergo etiam æquantur latera GH , EH (b): cum ergo GH sit major, quam HD (c); erit etiam HE major, quam HD ; ergo HD est minor, quam quarta diametri pars, aut radii dimidium.

771. Non omnes radii cadentes in speculum concavum sphaericum axi paralleli, quorum inclinationis anguli ad 60 gradus non pertingant, in eodem puncto concurrunt, ut facili calculo demonstrare possemus: verum si anguli non excedant 20 aut 25 gradus, omnes radii sub hujusmodi angulis incidentes, ita reflectentur, ut cum axe in eodem sensibili puncto concurrant, quod ab extremo D axis, seu a speculo quarta fere diametri parte distet.

772. Est dicere: si arcus circuli GBD , 50 fere graduum, circa axem DE , a quo bifariam dividitur, in orbem convolvatur; describet speculi concavi sphaerici segmentum, in quod cadentes radii ad axem paralleli in puncto eodem congregantur.

773. Si inclinationis angulus EBA sit 60 graduum; radii reflexi confluent in extremitate axis D , hoc est, in ipsa speculi superficie. Inclinationum angulis a gradu 60 usque ad 25 decrefcentibus, etiam puncta concursus radiorum magis recedunt a vertice D .

C O R O L L A R I A .

774. Plurimæ ex hac propositione consequuntur mirabi-

(a) *Elem. Geom. n. 85.* (b) *Elem. Geom. n. 102.*

(c) *Elem. Geom. n. 70.*

Mont. Phil. Tom. VIII.

Y

tabilia, ratione & experimentis confirmata, quorum pauca attingemus, reliqua Catoptricæ scriptoribus relinquentes: *Primum: Si speculum sphericum concavum in solem convertatur; intensissimum calorem producit in foco A; & corpora illic locata accenduntur; inflammantur, aut solvuntur pro variâ ipsorum corporum natura: Radii enim solares FG, AB, CD ob immensam solis a tellure distantiam, sunt inter se, & axi paralleli: in foco igitur H congregantur reflexi, ibique expositos producunt effectus. Corollarii veritatem quotidiana, & notissima experimenta confirmant; quorum præcipua retulimus, cum de ignis natura, viribus, effectibus disputavimus.*

775. *Secundum: Et hinc ex plurimis speculorum segmentis similibus illud plures radios congregabit; quod erit majoris sphaeræ segmentum. In latiori enim, & capaciiori superficie plures excipiuntur, & reflectuntur radii, ut ex se patet: Inflammatio etiam, & ignis vires atque effectus, eo erunt promptiores, & vehementiores, quo speculorum superficies lævigatior, & densior extiterit, cæteris quidem paribus: plures enim radios remittit lævigatior, minusque porosa corporis superficies; quam asperior, aut pluribus poris perforata.*

776. Omittendum tamen non est, radios magis in foco uniri, si speculum sit minoris, quam si sit majoris sphaeræ segmentum: Cum enim sphaericorum speculorum focus non sit punctum, sed sit brevissimum lineæ segmentum; diametrorum magnitudinibus proportionale; quo minor fuerit diameter, insensibilius etiam erit, hoc est, angustius concursus radiorum spatium.

- 777. Memorabile illud ab antiquis historicis traditum legimus, Romanam classem Syracusæ portu anchoris stantem; à qua ex illa parte civitas obsidebatur, fuisse ab *Archimede* sæculi reflectentis ope inflammata. Speculum manibus impositum a Romanorum navibus plurimos passus, centum forsan & amplius distasse, maritimæ obsidionis bellicæ fert ratio. In magna adéo foci distantia focus amplius non est: radii in puncto non uniuntur, sed in amplum spatium confluent, igni generando imparès. Rem a recentioribus illa de causâ fabulæ loco habitam vindicavit *Buffon*: factoque periculo ignem ad isò peditum

dum distantiam ope reflectentium speculorum accendit: non quidem concavis; uno aut pluribus, sed plurimis planis speculis radios in idem punctum reflectentibus; ad rem adhibitis (a).

778. *Tertium*. Si in foco G speculi concavi lucernam constituamus; radii GD GB (Fig. 14.) in speculum incidentes post reflexionem remittentur paralleli per DI, BH: Incidentia enim, & reflexio fit reciproce per eandem semitam; juxta universalem reflexionis legem; hoc est; si radius HB pervenit in G reflexus; radius similiter GB, si spectetur, ut directus, facta eadem reflexione in B per semitam BH dirigetur. Rem ipsam experientia demonstrat.

779. *Quartum*. Et hinc si in foco G speculi DCB accensa candelâ constituatur, & regione vero ad aliquam exiguam distantiam aliud speculum concavum priori directe oppositum disponatur, in cujus foco focus aliquis, v. g. purgatum lucernæ ellychnium existat; secundum hoc corpus in secundi speculi foco constitutum a candelâ G in prioris speculi foco existente accenditur: Radii enim GD, GB remittuntur paralleli (n. 802.): in secundum igitur speculum incident sibi & axi paralleli: in hujus igitur foco post reflexionem confluent, & ignem accendunt. Rem Viennæ Austriæ experimento demonstravit Zhanc, accensis enim carbonibus in G collocatis, ellychnium ad 24 pedum distantiam accendit.

780. *Quintum*. Hinc etiam sequitur, quod ope reflexionis in speculo concavo DCB lucem satis intensam, & ad legendum sufficientem ad notabilem distantiam producere, & habere possimus. Res est ex dictis manifesta.

781. *Sextum*. Si luminosum F (Fig. 15.) constituatur inter focum A, & speculum BDK; ejus radii post reflexionem erunt divergentes: si vero ponatur luminosum inter focum A, & centrum G; radii remittentur convergentes, & cum axe post centrum concurrent.

782. *Demonstratur*. Si luminosum sit in foco A; radii post reflexionem sunt sibi, & axi paralleli. Jam vero angulus FBG est major angulo ABG; ergo angulus GBH æqualis primo, est major, quam angulus

angulus GBC , æqualis secundo: si ergo radii ab A provenientes remittuntur per BC paralleli; a puncto F incidentes regeruntur per BH divergentes. Aliam partem eodem modo demonstrabis, immo ex prima deduces.

783. *Septimum*, Ex hæcenus dictis nullo negotio habetur, ubi objectorum imagines in speculis concavis exhibeantur: nimirum objecta remotissima v. g. sol, quorum radii incidunt in speculum inter se, & axi paralleli, imaginem habebunt in foco A , Illic enim solummodo congregantur radii.

Rebus tamen permutatis, si objectum transferatur ad focum A ; nullam habebit imaginem in speculo: cum illius radii remittantur paralleli, & nullibi uniantur.

784. Si objectum v. g. sit inter focum A , & centrum D , ejus imago depingetur in axe ultra centrum, in puncto F v. g. (*Fig. 16.*), ubi radii post reflexionem concurrent; vicissim etiam, si objecta in axe ante centrum existant, eque eorum radii sint sensibilibus paralleli; illorum imagines inter centrum, & focum depingentur.

785. Si objecta sint inter focum A (*Fig. 15.*), & speculum D , v. g. in F ; illorum imagines extra speculum apparebunt, in puncto scilicet, in quo cum axe concurrerent divergentes BH , si extra speculum producerentur. Manifesta hæc sunt ex iis quæ superius pro loco imaginum in planis speculis determinando exposuimus.

SCHOLIUM.

786. Pro hujus Lectionis, & Catoptricæ Physicæ coronide, verbum saltem de speculis parabolicis dicamus. Celeberrima est parabolæ proprietas alibi a nobis indicata (4), quod scilicet ductis per quæcumque ipsius curvæ puncta ECH (*Fig. 66.*) rectis tangentibus, rectæ BC , BE , a foco B ad contactuum puncta ductæ, angulos efficiant iis æquales, quos cum ipsis tangentibus efficiunt rectæ axi MA parallelæ, & per eisdem contactus transeuntes; ita ut sint

(4) *Elem. Geom. appendice prima,*

sint æquales anguli PCD , BCA , & similiter anguli GEF , BED æquantur. Inde sequitur, superficies elem concavam parabolicam, genitam scilicet a parabola OAN circa axem suum conversa, speculum esse parabolicum, cujus illa est proprietas, ut si ad solem convertatur, radios in foco B colligat. Hujusmodi specula multo perfectiora sunt, quam spherica, & intensissimum ignem in foco accendunt.

787. Radios etiam ex uno ellipticæ superficiei foco emisso, & in superficie elliptica reflexos ad aliunt focum confluere, ibique congregari, docuimus, cum soni naturam, proprietates, & phænomena exposuimus.

788. Plurima alia scitu digna prætermittō, apud *Dechales* (a) *Smith* (b) & alios videnda. Paucis solummodo in curiosorum gratiam indicandum novum Domini *Berniere* (*) inventum ad Catoptricam, & Dioptricam spectans. Cum flectendi, seu curvandi vitrum rationem, & secretum perperam semper desideratum tandem invenisset, politissimas chrySTALLI laminas ita inflexit, ut mirabilia aliquot specula caustica, & lentes construxerit. Speculum, quod Galliz regi construxit anno 1735. (quo primum vitra inflexit) diametrum 4. pedum habet: eaque est radiorum in illius foco efficacit, ut contusi ferri laminam paucis minutis secundis fundat. Id speculum Castellō la Meute asservari dicitur. Regio ejusmodi rerum fabricandarum privilegio anno 1736. obtento, plurimas exinde vittorum inflexione aqueas lentes construxit; quarum crystallinæ laminæ circulares in spheræ segmentum flexæ circumferentiis adeo politis terminabantur; & mutuo appellæ congruunt; ut citra ullum glutten se solis aquam effluere non permittant. Efficaciores chrySTALLINIS solidis esse, & viliori insimul pretio constare, scribit *Saintignon* (c).

DIO-

(a) *Mundus Mathematicus Catoptrica*.

(b) *Optique par M^r. Smith*.

(*) *Controleur general des ponts & des chaussées du Royaume*.

(c) *Saintignon. Physique vol. 4. a pag. 318.*

DIOPTRICA PHYSICA

TERTIA OPTICÆ PARS

QUÆ EST

DE VISIONE REFRACTA, LUMINIS
REFRACTIONE, TELESCOPIIS,
ET MICROSCOPIIS,



LECTIO XV.

*De Refractione Luminis, ejusque causa, legibus,
Phænomenis,*

789. **C**ORPORA, dum per ejusdem semper densitatis medium moventur, eandem semper tenere viam; directionem vero mutare, cum ab uno ad aliud diverſæ densitatis medium tranſeunt, fuſe in loco expoſuimus (a). Ne igitur eandem reſequamus cramben, definitiones impigſentitum neceſſarias citata. Leſtione videre oportet. Sequenti a ſolummodo aduenda ſunt. Angulus *Reſraſtus* eſt GBI (*Fig. 1.*), quem in ſecundo medio radius reſraſtus BG , & reſraſtionis axis BI efficiunt. *Reſringuntur radii a perpendiculari*, cum radius GB in ſecundum medium v , g. in aerem egrediens, per BA ita pergit, ut cum axe BI majorem efficiat angulum HBA in ſecundo, quam in priori medio. Contra vero radius AB dicitur reſringi ad perpendicularem BI , quando minorem angulum GBI cum perpendiculari BI efficit in ſecundo, quam in priori medio,

ADNOTATIO HISTORICA.

790. *Circa luminis Reſraſtionem tria primo quærenda*

(a) *Phyſ. General. tom. 1. ſect. 17.*

da sunt, aut probanda, Existentia, Leges, Causa. Primum jam inde ab antiquissimis temporibus Philosophi agnovere; cum ab innumeris, notissimis, & obviis observationibus innotescat.

791. Secundum, nempe refractionis leges, primi jam Opticæ scriptores Vitellius & Alhazen quæsierunt; sed usque ad ipsum etiam Keplerum fuerunt penitus ignotæ, Snellius & Descartes primi omnium fuere, qui data opera rem feliciter aggressi post quamplurima instituta experimenta, & observationes leges illas antiquis ignotas detexerunt.

792. Tertium nulli hætenus Philosopho certo innouit. Post inventas refractionis leges primus etiam fuit Descartes, qui hujusce phænomeni causam ingeniose excogitavit, & proposuit. Motum scilicet obliquum, quo lux in aquam v. g. incidit, in duos resolvendo juxta leges resolutionis motus diagonalis, Cartesii ratiocinium exposuimus, cum de refractione corporum motu disputavimus, in quem locum lectorem remittit. Porro cum ex Cartesii demonstratione, aut analysi sequeretur, corpus eo in media magis recedere a perpendiculari, in quo majorem inveniat resistantiam, ut reapse in corpore ab aere ad aquam transiente observamus; ex alia vero parte experientia demonstret, lucem ab aere in aquam transeuntem accedere ad perpendicularem; hoc ipsum maxime Cartesio apponebant, lucem scilicet plus resistantiæ in aqua, quam in aere, hoc est, in media densiori, quam in rariori offendere velociusque in primo, quam in secundo moveri. At rem ita esse major saltem hodie physicorum pars admittit. Aliud igitur alicujus ponderis opponi Cartesio non potest, quam suamet de luminis natura hypothesis.

793. Qui attractionum systema, aut hypothesein statuunt; hujusmodi viribus luminis refractionem tribuunt. Aqua, inquiunt, magis attrahit, quam aer, cum multo sit illo densior: rursus vis attrahendi est in superficiibus maxima, & in iis vehementius, atque efficacius agit; & hinc radius perpendicularis HB non refringitur; quia cum in neutram partem inclinet, æqualiter ab omni parte attrahitur, dum est prope punctum B (Fig. 1.), aut per aquam jam ingreditur. Radius vero obliquus AB prope ingressum B magis attrahitur deorsum ab aqua versus I , quam ab aere, aut a remotiori aqua versus K : relicta igitur priori semita BK , aliam

sequitur BG magis ad perpendiculararem accedendo. Tandem si ab aqua in aerem transeat per GB, in superficie B, & post egressum magis attrahitur ab aqua BI, a qua minus distat radius BL, aut BA, quam vel ab aere, vel ab aqua BC, a qua est magis remotus. Opus igitur est, ut ex B magis versus I desceat, rectaque priori semita BL, per aliam BA a perpendiculari HB remotiorem pergat.

794. En Phænomeni explicationem, & causam a Newtonianis communiter allatam: ex qua primum illud Cartesii assertum confirmatur, quod lux per aquam, aut alia densiora media velocius pergat, minoremque resistantiam offendat, quam per aerem: quod negaverat Fermat, Cartesii impugnator, & postea cum aliis negavit etiam Leibnitz.

795. Si Geometram tantummodo ageremus, aut hypothesebus acquiesceremus, nihil de causa physica, atque vero rerum statu solliciti; data phænomeni expositio probari utcumque posset. Nihil enim ad Geometram attinet, vera sit necne, quæ ab illo ponitur hypothesis: id unum querit, ut secundum datam hypothesein, & constructionem phænomenon explicetur. Hunc esse agendi modum Geometris familiarem, Geometria, & Astronomia ipsa declarant.

796. Sed cum physicum agamus, veras & materiales rerum causas quaeramus; non pauca sunt (præter alibi jam dicta), quæ expositæ causæ opponuntur, atque satis intelligi non possunt. Primum: Ipsemet verus transitus luminis per aquam, vitrum &c.: sit enim corpus CU aqua, vitrum, aut quodcumque aliud corpus pelucidum, in ejus punctum aliquod datum incidant radii per plana quæcumque perpendicularia sub omnibus, & quibuscumque directionibus, angulis, planis &c.: per quodcumque planum, aut angulum incidant, aquam & vitrum in eodem puncto B ingrediuntur, & infinitas semitas distinctas pro planorum, & angulorum diversitate arripiunt. Jam vero concipe, si potes, intra vitrum, aquam &c. a puncto quocumque B semitas, seu canales rectos versus omnes partes directos, per quos particulae luminis pertranscant.

797. Dabo parumper in puncto B, quascumque velis, attractiones: nisi prius expedias canalem rectum BG; impossibile erit, ut radius AB per illum refectus moveatur: Attractio non expedit, neque efficit canales

rectos, uno verbo, vis attrahens particulam introductam, & propelles per canalem diversum, atque antea movebatur; ut novæ huic directioni mos geratur, patere debet via expedita.

798. Nihil sane hæc ad Geometram, qui ad nihil aliud animum advertit, quam ad factam a se, aut conceptam constructionem, seu ad duas illas vires, quibuscum movetur lux, aliam quidem qua ipsa defertur, aliam vero attrahentem. Has duas vires quibusdam lineis, & angulis exprimit: expressas comparat, & calculum instituit: alia tamen Physico peragenda: explicandæ illi res sunt, ut in natura existunt, non ut in charta, aut idea representantur, vel construuntur.

799. Illud præterea in hoc systemate est inconcinnum, quod scilicet aliquod generale effatum statuunt, vires nimirum attrahentes omnium corporum esse ipsorum massis proportionales, ac proinde esse in ratione directâ densitatum (a), quod quidem evidenter deducitur ex generali attractione, singulis omnium corporum particulis convenienti. Hic tamen fateri coguntur, vim attrahentem corporum non esse in omnibus corporibus eorum massis, & densitatibus, proportionalem: cum & experientia demonstret, & ipsimet candidè fateantur, ab aliquibus varioribus corporibus magis refringi lucem, quam a densioribus: atque Newton ipse (b) & Hawksbee (c) experimento compererint, luminis radios æque in oleo cææ, atque in antimonii butyro refringi: licet secundum sit triplo fere priori densus.

800. Quin immo lux aliquando ab uno quodam in aliud medium æque densum ab alumine v. g. in vitriolum transiens refringitur: Quandoque etiam ad perpendicularem flectitur, cum a densiori in rariorem transit, ubi aqua scilicet in oleum terebintbinæ: quorum densitates sunt, ut 8. ad 7. Sunt etiam diversæ densitatis media, in quorum ab uno ad aliud transitu omnino non refringitur: quicumque sit inclinationis angulus. Exemplo sint borax, & oleum olivarum, quæ sunt inter se densitate, ut 11. ad 6.

801. Rursus vim attrahentem generaliter crescere,

(a) Vide Graves. Musch. Desagul.

(b) Opt. lib. 2. par. 3. prop. 10.

(c) Apud Musch. Elem. cap. 18. n. 266.

Et imminui in ratione inversa quadratorum distantia a corporibus statuunt; hoc tamen principium in hoc etiam loco non sustinetur; cum huiusmodi vires ad insensibiles tantummodo a superficiebus distantius diffundantur. Tertio: Dicta modo lex extra superficies tantummodo servatur; aliam in superficiebus statuere opus habent (a). Quarto: Tandem in ipsis etiam contactibus vires aliquando crescere in ratione quadrato quadrata, aliquando vero in rationibus multo maioribus ad tuborum capillarium phaenomena explicandum admittere compelluntur (b). Hæc tamen omnia, iterum dico, nullum Geometra negotium facessunt; dum enim phaenomena in corporibus sonant, eorum causam per curvam, vel rectam aliquam, certa quadam ratione ductam, et divisam exhibemus, comparamus, exponimus, in calculum redigimus. At phaenomena alia in aliis corporibus observata prædictæ theoriæ non quadrant; bene est, curvam, aut rectam alia ratione ductam, et divisam produco: eam voco vim, aut legem. Existunt tamen hæc in rerum natura? Hoc vero est, de quo nihil sollicitus est Geometra.

802. Dechaies tandem, Bartovv, et alii quamplurimi radios luminis tamquam cylindros, vel aliter figuræ corpora, crassitie aliqua prædita considerant, atque refractionem derivant ex inæquali resistentia, quam ipsimet cylindri oblique in superficiem incidentes, aut ascendentes offendunt. Huiusmodi refractionis causam, quæ mechanica est, in Lectione de Refractione corporum expositam habes.

OBSERVATIO.

803. Si Aquæ superficies CBT opaco aliqua corpore contegatur, et unicum tantummodo foramen relinquatur in B, cui respondeat lucidum aliquod in H, ita ut recta HB, a luminoso ad foramen ducta, sit ad aquæ superficiem perpendicularis; oculus infra vitrum aquam continens locatus, in puncto nimirum I, per quod perpendicularis HB ulterius producta transfret, luminosum H directe videt; occultabitur vero luminosum, si

ocu.

(a) Vide lect. cit.

(b) Vide lect. de tubis Capillaribus.

oculus prædicta recta versus quamcumque lateralem partem declinet. Idem est, si lux ponatur intra I, observator in H.

OBSERVATIO.

804. Si supra vasis CKVT (Fig. 1.) latus alterum VT plana aliqua superficies opaca TO erigatur, quæ radios omnes a luminoso Y directe in aquam incidentes intercipient; postea vero idemmet planum TO perforetur in T, ut radius directus YT a luminoso ad aquam possit oblique transire; sequentia observabimus; primo; Vase evacuato radius YT per eandem semper rectam YTR continuatam pergit. Secundo; Notato vero puncto R, in quod radius vase evacuato impingit, si vas aqua, aliove fluido pellucido impleatur, aut vitrum aquæ substituat; radius YT oblique in fluidum, aut vitrum incidens, non amplius pervenit, aut pergit per TR in R, sed mutata in aquæ contactus directione, per TS dirigitur, minus a perpendiculari TV recedendo, quam prius per TR recedebat. Neque amplius ex R, sed solummodo ex S videtur luminosum Y in puncto Z.

OBSERVATIO.

805. Quod si, rebus permutatis, objectum sit in puncto S intra vas, observator vero in puncto Z in aere, in quod a puncto S radius SZ recta duci possit; vase quidem evacuato, oculus Z objectum S videt in loco S, ubi reapse existit. Si tamen aquam infundas, aut vitrum v. g. loco aquæ substituas, objecto & oculo non mutatis; non amplius ex Z videtur objectum S, sed ex Y, non tamen in loco S, ubi existit, sed in puncto R.

Ex hisce observationibus, quæ in iisdem mediis semper sunt constantes, & ex peculiari angulorum dimensione, quam statim dabimus, omnis Dioptrica deducitur,

PROPOSITIO XLVIII,

806. Radii luminosi XT, vel HB in superficiem, seu planum, aut corpus refringens CT (Fig. 1.) perpendicular-

perpendiculares non refringuntur; vel a rariori in densius, vel a densiori in rarius transeant.

Ex observationibus modo adductis res plane constat. Objectum videmus per radios ab ipso emissos; aut reflexos: cum ergo vel oculus sit in H , objectum in I ; vel oculus in I , objectum in H , semper oculus videat objectum in loco, seu in directione, in qua reapse existit, per radium seu lineam HI ad superficiem CT perpendiculari; neque illud objectum H ex alio loco KGS intra aut subter aquam posito videri possit per radios, qui per foramen B ingrediuntur; manifestum est, prædictos radios HB , ad superficiem refringentem perpendiculares, non refringi.

Prima igitur hæc refractionis lex & in luce, & in corporibus aliis eadem omnino existit: eadem igitur phænomeni ratio & causa, ex qua prædictam legem in corporibus cæteris deduximus, & probavimus, in luce etiam locum habet: omneque hoc loco iterum exponere superflueret.

PROPOSITIO XLIX.

807. Planum refractionis luminis semper est ad superficiem refringentem CT (Fig. 1.) perpendiculare.

Hæc etiam est tam lucis, quam cæterorum omnium corporum refractionibus communis lex, atque eandem habet causam in loco expositam. In luce ex ipsismet observationibus constat. Si enim ex H vides objectum I per foramen B , illud amplius non videbis, si aliquantulum ab H in latus quodecumque declines. Sit aquæ superficies CT opaco aliquo contexta præter lineam rectam CT : planum transiens per $HABKGI$ sit ad superficiem CT perpendiculare: ex quocumque puncto KGI videbis objectum A radiis refractis per diversa lineæ rectæ CT puncta ingredientibus: sed quia primùm ab illa recta, seu plano KGI declines; objectum non amplius aspicias.

PROPOSITIO L.

808. Lux YT a medio rariori, nimirum aère, in densius oblique incidens refringitur ad perpendicularem: transiens vero a densiori in rarius, v. g. ab aqua vitæ

tra & aliis similibus in aerem, a perpendiculari refringitur.

Hæc refractionis lex est luci peculiaris; omnia enim alia corpora nobis nota, & vero motu translata oppositam servant regulam.

De rei veritate nullus dubitat; quæ circa causam verosimiliora existimem, in medium adducam.

809. Lucem in vero oscillationum motu per materiam tenuissimam transmissio consistere, superius docuimus; actio igitur, seu radius luminis transmittitur per materiam ætheream elasticam, & evibratam, aut aliquando etiam per aliam materiam, quam acceptam vibrationem in ulteriorem ætheream materiam transferat; ut in corporibus pellucidis probabiliter evenire exposuimus, Jam vero pro diversa elasticitate, densitate, & compressione medii, per quod transmittitur actio v. g. sonus, aut alia impulsio, citius aut tardius, hoc est, facilius aut difficilius vis ipsa transfertur, ut mille exemplis passim in natura observatis edocemur. Sonus v. g. per aerem, corpus magnis compressionibus & restitutionibus obnoxium, earumque capax, diffusus, tardissime diffunditur: impulsio vero in corpus continuum, v. g. longam trabem, cujus partes & solidiores sunt, & sensibilibiter non comprimuntur, impacta, recepta, & transmissa oculi fere ictu ab uno ad aliud etiam remotissimum extremum propagatur.

810. Jam vero aqua est corpus multo magis densum, & continuum, quam aer, & compressionis, saltem sensibilis, incapax (a); ex hoc igitur capite vim acceptam, cujus diffusionis, & transmissionis ipsa sit capax, multo citius, quam aer, transmittit: omnia hæc observationibus innituntur, Rursus ob ipsam majorem aquæ densitatem, atque soliditatem materia ætherea in ejus poris existens, multo magis erit compressa, addensata, & contigua, quam in aere; eritque proinde longe aptior ad acceptas vibrationes citius transmittendas, ut de corporibus elasticis alibi diximus.

811. Ex data hac sensibili, & mechanica rerum explicatione patet, vibrationes per materiam ætheream,

(a) Vide *Phys. General. tom. 1. lect. 18.*

team, aerem aut aquam transmittendas, longe facilius per aquam & densiora corpora, quam per aerem diffundi. Quoniam igitur ubi majori facilitate, & citius actio aliqua peragitur, minor illic est resistentia, radiusque & actio, hoc est, vibratio luminis facilius & citius per materiam ætheream in aqua, quam in aere existentem, per aquam, quam per aerem transfundi debet, immo & transfunditur; manifeste liquet, aquam, vitrum & densiora corpora (cæteris paribus) esse media actionis luminis transmissioni minus resistentia, quam aër. Eadem igitur refractionis lex, quam cætera omnia corpora in transitu ab uno ad alia media observant, in luce etiam locum habet. Quare lex refractionis, quæ universalis sit, & tam lucem, quam corpora quæcumque alia comprehendat, in hunc modum proponi potest.

In quocumque transitu obliquo tam lucis, quam aliorum corporum, & actionum materialium ab uno ad aliud medium sit refractione ad perpendicularem; si transitus fiat a medio magis resistenti ad minus resistentem; quod si transitus sit a minus resistenti ad magis resistentem; refractione erit a perpendiculari.

812. Quoniam autem in cæteris refractionis legibus, cum aliis corporibus lux etiam convenit; nullum superest inter illa discrimen, si non ad medium densitatem, sed ad resistentiam tantummodo attendamus. Quare res tota ad hoc unum Physicum Problema devolvitur: *Utrum resistentia, qua media corporibus, & corporum actionibus resistunt; easve destruant aut transmittunt, sit ipsorum mediorum densitati proportionalis?* In hoc vero Problemate duplex distinguendus est casus; vel per media transeunt corpora; ita ut hæc vero motu illa permeent, eorumque partes loco pellant; vel per media ipsa non transeunt quidem corpora, sed corporum solummodo actio transmittitur. Prior casus omnia corpora motu delata, atque per medium ingredientia comprehendit: secundus ad lucem, sonum, & quascumque alias virium per corpora immota translationes spectat.

813. Hac distinctione posita, quæ in natura locum habet, facile solvitur Problema. Si corpora vere transeant per media, horum resistentia est densitati pro-

proportionalis, ut fufe alibi probavimus (a): Si per media ipsa v. g. aerem, aquam, vitrum non corpora, sed corporum tantummodo actiones, & vires transeant, seu transmittantur; non erit resistentia densitati semper proportionalis, ut jam notavimus, atque in sono, aliisque exemplis visitur. Si igitur lux, seu lucis radii, actiones, vires non consistant in corpore aliquo vere translato, sed solum in vibrationum transmissione (quod verum esse, in loco probavimus); non inveniet in mediis resistentiam densitati proportionalem, ut corpora communiter inveniunt. Eadem igitur phaenomena, quae edunt corpora, dum ab aere in aquam oblique cadunt, vel impingunt, a luce eduntur; dum ab aqua in aerem oblique egreditur, & vicissim. Quae enim media magis corporibus translatis resistunt, minus viribus transmissis opponuntur.

814. Quidquid in tota hac difficillimi alias phaenomeni explicatione proposui, mechanicis legibus conformatur, & satis clare intelligitur: quare cum exposita alibi a nobis, atque asserta de lucis natura opinio hujus etiam phaenomeni expositioni cohaereat; adductam causam tamdiu tenebimus, quamdiu melior aliqua sensibilis, & mechanica non appareat. Ulterius rem non prosequor; quia cum ad idem omnino principium, & legem omnes tam lucis, quam caeterorum corporum refractiones revocaverim; quae alibi de motu corporum refracto docui, & demonstravi, ad hunc etiam locum spectant.

815. Oppones tamen: Si aqua v. g. aut vitrum minus lucis transmissioni resistit, quam aer; vitrum, aut aqua ejusdem crassitiei, seu profunditatis, atque atmosphaera aeris, minus lucem impediret, quam atmosphaera ipsa impediat: id autem experientia quotidiana opponitur; passim enim videmus, post aquam paucos pedes profundam; aut post vitrum aliquot digitos crassum magis decrescere luminis claritatem & vivacitatem; quam post illius transitum per totam atmosphaeram, aliquot saltem leucas altam. Respondeo: Minime a nobis asseritur majorem, aut aequalem etiam radiorum luminis numerum per aquam,

viz

(a) *Phys. General. tom. 1. lect. 14.*

vitrum, densioraque alia corpora, quam per aerem transmitti: quominus id fiat, plurima impedire possunt, v. g. impuritas ipsa aquæ & vitri, utriusque crassities, atque id genus alia. Id unum igitur dicimus, eorum radiorum, hoc est, vibrationum luminis, quæ ab aere, & vitro, aut aqua transmittuntur, facilius & citius fieri transitum per aquam & vitrum, quam per aerem. Nihil autem video, ex quo id impugnari possit.

816. Quod si opponas iterum cum *Muschembrock*, nullam esse causam, unde nova illa & major velocitas radiis luminis proveniat, dum per vitrum, quam dum per aquam transmittuntur: Respondeo: Causam satis esse ex jam dictis manifestam: argumentum vim solummodo haberet, si lucem esse corpus translatum diceremus; in nostra sententia satis notum est, tremorem aeris, sonum, & vibrationes, quæ per aerem citra dubium tarde propagantur, cum in corpus magis solidum, v. g. domum impingunt, citius per novum, & solidius medium, quam antea per aerem transmitti; una enim solidi corporis parte tremente, totum corpus tremit; quod in aere locum non habet.

817. Si major lucis per aquam, quam per aerem velocitas est & vera, & refractionis causa; tum vero cum lucis refractione, hoc est, effectus majoris illius velocitatis sit sensibilis, sensu etiam percipitur causa, seu discrimen velocitatum lucis per utrumque illud medium: lucisque proinde motus, seu transmissio non modo temporis momento non fieret, sed ejus per aerem tarditas, seu velocitatis differentia esset sensibilis: quæ omnia videntur falsa. Respondeo: pro totius difficultatis solutione tria notare sufficiet: refractione a primo radii in superficiem allapso præcipue pendet: eum idum facilius ab aqua, quam ab aere recipi videtur. Tantilla, spatia, aut corpora citissime percurrenda satis non sunt ad motus differentiam dignoscendum, Tandem in ipsismet temporis momentis, sua etiam sunt majora, & majora discrimina, atque durationes proportionales quas sensus noster neque distinguit, neque percipit.

COROLLARIA.

818. *Primum* : Radius igitur quicumque HB perpendicularis in superficiem refringentem incidens, vel ab illa egrediens, unicam semper lineam rectam HBI (Fig. 1.) describit. Contrarium vero evenit in alio quocumque radio AB oblique in medium incidente, vel ab illo exeunte. Frangitur enim secundus; rectus semper pergit primus.

819. *Secundum*. Quando radius AB ab aere in aquam, vitrum, crystallum &c. pertransit, major semper est angulus inclinationis ABH , quam refractus GBI . Est enim angulus refractus GBI minor angulo KBI , qui angulo inclinationis ABH ad verticem opposito est æqualis.

820. *Terrium*. Contrarium accidet, quando radius GB ex aqua in aerem oblique egreditur, ob oppositam rationem.

821. Utrumque Corollarium universaliter in hunc modum proponi potest: Quando radius luminis a medio magis resistenti in minus resistentem oblique transit, major semper est angulus inclinationis, quam angulus refractus. Quod si loco medii magis resistentis ponamus medium magis densum, aut magis rarum, licet plerumque, non tamen semper verum esset Corollarium: aliqua enim sunt fluida aliis etiam fluidis rariora, in quibus magis ad perpendicularem refringuntur radii, quam in aliis densioribus.

PHÆNOMENON I.

822. Ex traditis hætenus legibus innumera pendent, & consequuntur phænomena passim ab omnibus observata, immo & integra Dioptrica Physica, atque Geometrica. Pauca & multis delibemus. Hinc est primo, quod multoties vasorum fundum, & corpora in iis latentia, quæ dum vacua sunt vasa, non videbamus, aqua in vas infusa, videamus; licet neque vasa, neque nosmetipsi situm mutemus. Pone vas CV (Fig. 1.) evacuatam, corpus aliquod in S , observatorem in Y : Ex Y detegitur tantummodo punctum R , atque ab R ad K : punctum vero S , cuius radius ST non frangitur, videbitur ex Z , non tamen ex Y , latere TV visio-

nem impediēte. Affundatur aqua: radius ST , qui prius sine ulla refractione rectus pergebat in Z , modo refractus in T pergit in Y , recedendo a perpendiculari TX ; oculus igitur in Y a radio refracto TY percutus, objectum S , a quo emittitur, intra aquam detegit.

PHÆNOMENON II.

823. Omnia objecta per radios refractos a nobis visa, in diverso loco apparent, atque reapse existunt, vel ex aere objecta intra aquam, vel etiam e converso videamus. Ponamus objectum quodcumque S (Fig. 1.) intra aquam, quod per radium ST refractum in T & productum in Y ex aere videamus; illud utique objectum per radium, & directionem YT (per quam ultimo percellimur) intra aquam videmus; jam vero radius, seu linea recta YT intra aquam producta non transit per S , verum objecti locum; aliter non esset refractus in T : transit igitur per alia puncta R : in iis igitur objectum S nobis apparebit. Eadem veritas eodem modo demonstrabitur, si e loco intra aquam objecta in aere posita per radios refractos videamus. Quidquid igitur ab uno medio intra aliud diversæ densitatis oblique videtur, in loco, ubi non est, semper apparet. Quia immo objecta ipsa per radios perpendiculares visa, licet in eadem recta perpendiculari, & non refracta videantur, magis tamen admota vel remotata plerumque videntur, ut statim dicemus.

824. Ex his deducitur, pisces infra aquam, ad notabilem potissimum profunditatem natantes, a piscatore e ripa in diversa loca referri, atque illi existant: unde si sagittam, ut alicubi sit, aut glandem plumbeam in illos emittat; non raro accidet, ut loco piscis, illius imaginem feriat: nisi experientia ipsa edoctus duplicis refractionis fallaciam corrigat, alteram scilicet visionis, seu radiorum luminis, qua piscis imago, ubi piscis non est, apparet: alteram vero, quam ipsam sagitta, aut glans plumbea, aquam oblique ingrediens patitur. Ex utraque hac causa non levis aliquando fallacia oriri potest: sit VT profunditas valde notabilis, piscis in S , piscator in Y per luminis refractionem refert piscem in R ; collineando tamen ex Y in R , sagitta aquam ingrediens in T , deserit directionem TR , & magis recedit a perpendiculari

TV

TV versus I.: error igitur ex nova refractione attingitur.

P H Æ N O M E N O N I I I.

829. Objecta intra aquam posita, atque ab ætère visa, majora apparent. Quotidiano experimento id observamus, & ex eodem nascitur principio: Sit observator in A (Fig. 67.), lacus v. g. aut vas KN, objectum BC intra illud existens: dum vas est fluido vacuum, videtur objectum per radios non refractos CA, BA sub angulo BAG: infusa aqua, radii BI, CH; per quos antea non refractos videbatur objectum, modo refringuntur in IH; & uterque a perpendiculari recedendo, ad A non amplius perveniunt; sed prior per IG, secundus per HF dirigitur; per alios igitur radios BL, CM objectum ipsum videbitur, qui in L; & M refracti, atque a suis perpendicularibus magis recedendo versus oculum A diriguntur; oculus igitur A videt puncta BC per radios AL, AM continuatos: ii vero continuati non transeunt per BC, sed per ED: objectum igitur BC apparet magis ampliatum in ED, quam reapse existat.

830. Ex eadem ratione fundus ipse vasis RN amplior apparet, cum vas est aqua, aut alio fluido plenum, quam dum est evacuatum.

Ad eandem causam referendum est observatum sæpe phenomenon, quod scilicet iidemmet montes ab eodem loco, atque distantia visi, in diversis temporibus elatiores, & majores appareant; aer enim inter observatorem, atque montem interpositus, pro diei, & anni tempore, calore, frigore fit varior, aut densior: Cum autem montes, & observator intra atmosphæram existant, hoc est, in fluido refringente sint immersi, aer autem inferior superiori densior fit, ac pro idò magis refringat: radii a montis summitate ad observatorem in humiliori loco positum delati, a variori medio in densius cadunt, & transeunt: pro diversis igitur atmosphærae statu, majori scilicet densitate, aut raritate, magis, aut minus refringuntur ad perpendicularem: quo autem magis refringitur radius; magis elevat montem, a quo emittitur. Pone radium YTS (Fig. 1.) a montis vertice Y post refractionem ad observatorem devenire in S: si nulla esset refractione, radius pergeret in R, &

elevatio montis esset angulus YRV ; radio refracto ad S erit montis elevatio angulus ZSV , priori major: si radius magis adhuc refringatur, ita ut cadat inter S & V ; major adhuc erit elevatio, & angulus, ut ex se patet. Hinc montes altiores mane, & vespere, quam sub meridiem, hyberno tempore, quam æstivo apparere compertum est. Ex diversa etiam aeris ipsius densitate non pro temporum solummodo diversitate, sed pro varia aeris ipsius altitudine, & distantia a telluris centro, sequitur, radios luminis ab editissimorum montium verticibus ad humiliora loca reflexos; non semel tantum refringi, sed per plurimas refractiones minimas consequenter in aere factas paullatim incurvari, ita ut prædictorum radiorum semita, curva quædam irregularis, non multam a linea recta degenerans, æstimanda sit. Quod de radiis a montium summis tato reflexionibus & per diversas aeris, crustas varia densitate transseuntibus dicimus, de astrorum lumine totam atmospheram pervadente intelligi potissimum debet.

P H Æ N O M E N O N IV.

827. Objecta in aquam immersa attolluntur, seu vicina nobis apparent; ipse vasorum fundus elevatur, altitudo minuitur, quando sunt fluido plena.

Omnia hæc passim etiam observamus; atque ex datis legibus, & explicatis modo phænomenis derivantur. Vasorum fundus, & corpora aquis immersa apparent majora: quoties autem idem objectum non variatum apparet majus; aut est, aut existimatur vicinius.

828. Ulterius tamen demonstratur. Objectum, seu punctum B (Fig. 67.), visum ex A , cum vas fuerit aqua plenum, apparet in directione AE ; videtur tamen in distantia æquali distantie AB , aut etiam minori: ex puncto igitur A per B ducatur arcus BO ; punctum E cadit extra, & infra huiusmodi arcum: punctum igitur B non apparet reapse in E , in eadem scilicet horizontali $EBCD$; sed in puncto O , aut alio etiam supra eandem horizontalem magis elevato.

829. Postrema hæc duo phænomena locum etiam aliquando habent, & suo modo observantur in objectis, quæ trans vitrum utrimque planum intuemur. Pone v. g. vas KN esse fluido vacuum, loco tamen superficiei aquæ, vas imponi vitrum utrimque planum, & su-

superficiebus parallelis terminatum: si a vitro satis rē movearis; objectum BC aliquantulum vicinius, & audum animadvertes; id vero ex refractione in vitro facta provenit, quæ in hoc casu duplex est, alia ali opposita; radius enim incidens in vitrum frangitur ad perpendicularem; ab illa recedit cum ab illo egreditur; hinc alia aliam ex parte compensat; unde phænomenon non adeo sensibile efficitur.

PHÆNOMENON V.

830. Refractionis leges in causa etiam sunt, quare fracta nobis appareant corpora quæcumque partim immersa, partim supra aquam extantia. Sit LG baculus, aut corpus quodcumque aliud, cuius pars BG (Fig. 1.) intra aquam, pars autem BL extra illam existat: observator ex A v. g. punctum G videt in K, & omnia alia puncta BG in BK illi apparent: baculus ergo rectus LBG apparet fractus in puncto B in quo efficit angulum LBK.

OBSERVATIO.

831. Sequentes etiam observationes, quæ sunt aliud totius Dioptricæ caput, Cartesio imprimis debemus; easque post ipsum plurimi alii institutis experimentis confirmarunt. Primo: Radii luminosi e medio aliquo refringente egredientes, per easdem reciproce vias refringuntur, & tendunt, per quas dirigebantur, in idem medium illabentes. Est dicere: Si radius YT (Fig. 1.) ab aere in aquam incidens, beneficio refractionis habitæ in T tendit ad punctum S per lineam TS; radius etiam luminis e puncto S intra aquam per rectam ST emissus, beneficio refractionis habitæ in T, in egressu scilicet ab aqua in aerem; per rectam TY in punctum ipsum Y, unde primo fuerat emissus, dirigitur. Quare & eosdem angulos efficit, & easdem rectas describit.

832. Secundam: Radios luminis in idem medium refringens, v. g. ab aere in aquam incidentes, eadem constanti lege semper refringi, sub quocumque inclinationis angulo in medium ipsum illabantur. Hæc autem constans lex observatur non inter angulos, sed inter angulorum sinus. Radius v. g. YT in aquam incidens

refringitur per TS, effque XTY, seu RTV, ad verticem oppositus, inclinationis angulus; refractus vero angulus erit STV. Sinus anguli inclinationis erit RV; sinus autem anguli refracti est SV; hæc est constans lex, de qua loquimur, ut eadem semper servetur ratio inter sinum anguli inclinationis RTV, & sinum anguli refracti STV; inter rectas scilicet RV, SV, quæcumque sit radii incidentis inclinatio. Debet tamen medium eandem semper densitatem servare; aliter non idem erit medium.

833. Tertium; Radiis YT ab ære in aquam incidentibus, est sinus RV inclinationis, ad sinum SV anguli refracti, ut 4 ad 3; Si radius igitur ab aqua in ærem egrediatur; erit sinus inclinationis ad sinum anguli refracti, ut 3 ad 4; sit enim refraction per eandem vias.

In transitu radiorum ab ære in vitrum sunt prædicti sinus, ut 3 ad 2, hoc est, RV est ad SV, ut 3 ad 2; si vero radius a vitro in ærem egrediatur, erunt sinus, ut 2 ad 3.

834. Cum vero demonstraretur in Trigonometria, sinus angulorum esse inter se sensibilibiter, ut eorum anguli, si anguli ipsi sint valde acuti, hoc est, 20 gradus non superent; hinc si angulus inclinationis XTY, seu RTV plusquam 20 gradus non contineat; anguli inclinationis, & refractus erunt inter se, ut sinus, hoc est, ut 4 ad 3, si radius ab ære incidat in aquam; ut 3 ad 4, si ab aqua in ærem exeat; ut 3 ad 2, si radius illabatur in vitrum; ut 2 ad 3, si contrariam teneat viam.

PROPOSITIO LI.

835. Omnes radii, qui in vitrum, aut in aliud quodcumque corpus pellucidum utraque superficie planum inciderint paralleli, post primam, & secundam refractionem pergunt semper inter se paralleli.

Hæc propositio sequitur ex adductis modo observationibus. In aquam, aut vitrum CTVK (Fig. 1.) ex utraque parte planum incidant, & prætergrediantur radii AB, YT paralleli; ponamus utrumque esse in eodem reflexionis plano; ductis ergo perpendicularibus BH, TX a punctis ingressuum BT, sunt æquales inclinationis anguli ABH, YTX: ergo æ-

quan-

quantur etiam anguli refracti GBI , STV : ergo BG ; TS intra vitrum, aut aquam adhuc sunt paralleli. Eodem autem modo demonstrabitur post secundam refractionem in secunda vitri superficie etiam egredi parallelos; cum paralleli in illam incident, ac proinde sub æqualibus inclinationis angulis. Si radii in superficiem refringentem perpendiculariter incidere; propositio esset per se ipsam manifesta; cum nullam paterentur refractionem.

C O R O L L A R I U M.

836. Hinc radii, a quocumque objecto emittantur, si paralleli in vitrum ex utraque parte planum incident, atque objecti sui imaginem post vitrum exhibeant; eam depingent objecto suo æqualem. Cum enim in vitro similes, æquales, immo easdem patiantur refractiones, & post vitrum paralleli esse pergant; neque in vitro, neque post vitrum ad se mutuo convergunt, aut a se divergunt, sed eandem servant inter se distantiam, quam primo habebant: si ergo sui objecti imaginem depingant, illam æque amplam, atque objectum depingent.

837. Ex propositione etiam sequitur, omnia vitra plana esse ad congregandos lucis radios, & ignem accendendum prorsus inutilia: ac proinde hujusmodi plana vitra nullum habere focum.

Inde tandem est, quod per conspicienda plana objectum neque clarius, neque majus videatur, quam citra vitrum videretur. Hæc autem & ex dictis superius in Optica, & ex dicendis Lectione sequenti magis evidentia fient: neque supradictis numero 832 opponuntur: cum tantilla illa objecti auctio merito contemnatur: si ad illam referatur, quam per vitra curva obtinemus, atque deinceps explicabimus.

L E C T I O XVI.

*De Refractione Luminis per vitra curva;
Myroscopiis, & Telescopiis.*

P R O P O S I T I O LII.

838. Radii luminis in curvam vitri superficiem inci-

demus, perinde in iis refringuntur, atque si in plana inciderent, quæ dictam superficiem in punctis ingressum tangere.

Hæc propositio ex superius dictis, cum radiorum reflexionem ex curvis superficiebus exposuimus, sponte descendit. Radius CD (Fig. 2.), in superficiem curvam BD incidens, per unicum physicum punctum D transit; punctum autem D commune est & superficiæ curvæ, & plano, quod dictam superficiem in eo puncto tangit: perinde igitur in eo curvæ puncto refringetur radius, atque si in planum tangens incideret. Præterea lineæ perpendiculares in circulis, & sphaëris a relatione, quam habent ad plana tangentia, agnoscuntur (a): vel igitur sphaërica media, & superficies ingrediantur, aut egrediantur, ad perpendicularem vel a perpendiculari refringantur; à huiusmodi refractiones perinde in curvis sunt, & considerari debent, atque si in planis curvas superficies tangentibus fierent. Hinc vero, atque ex ipsa sphaëræ genesi, & natura proprietates, & phaenomena longe diversa ex radiorum refractionibus in sphaëra, quam ex refractione in planis consequuntur, quorum partem modo attingemus.

COROLLARIUM I.

839. Omnes radii CD ita in superficiem sphaëricam incidentes, ut illorum directio ulterius producta per centrum transeat, neque in ingressu, neque in egressu refringuntur. Huiusmodi enim radii sunt ad planum tangens, hoc est, ad sphaëram perpendiculares. Unde, si plures radii CD , AB sibi paralleli in sphaëram inciderint; ille radius CD EF , qui productus transit per centrum, relatus ad omnes alios sibi parallelos vocari potest *Axis*.

COROLLARIUM II.

840. Omnes radii AB ita incidentes in sphaëram, ut recta ulterius producta per centrum E non transirent, sunt ad sphaëram obliqui, & tam in ingressu,

(a) *Elem. Geom. num. 80.*

su, quam in egressu juxta communes leges refringuntur.

843. Incidat radius AB (Fig. 2.) in punctum B per directionem ABI per centrum non transeuntem; recta KBE per dictum punctum B ad centrum E ducta, est perpendicularis ad sphaeram (a): ergo alia quaecumque recta ABI , per idem punctum B transiens, est obliqua: neque enim per idem plani, & consequenter sphaerae, punctum plus quam una recta duci potest ad planum perpendicularis (b). Similiter iidem radii HBK , vel BCI (Fig. 3.) in egressu a sphaera sunt ad eandem sphaeram obliqui: Radius enim ad sphaeram perpendicularis, & transiens per punctum C est FCK : alii igitur omnes per idem punctum transeuntes sunt obliqui. Quoniam igitur hujusmodi radii tam in ingressu in sphaeram, quam in egressu sunt obliqui; necessario in utraque parte refringuntur. Obliquitatem radii HB facile dignoscet, si per punctum B ductum consideres planum, quod sphaeram in illo tangat.

COROLLARIUM III.

842. Radii paralleli HB , EA (Fig. 3.) in vitrum sphaericum incidentes, neque intra vitrum, neque post illud servant parallelismum, sed a primo ingressu in BA illum amittunt. Horum enim radiorum unus, nempe axis EA ad sphaeram perpendicularis, non refringitur: alii vero omnes tam in ingressu, quam in egressu inflectuntur: parallelismum igitur amittunt. Corollarium tam radios in convexam, quam in concavam superficiem incidentes comprehendit: de quibus tamen singillatim agemus.

843. Et primo quidem omnes radii AB in convexam vitreae sphaerae superficiem incidentes, statim a primo ingressu B (Fig. 2.) flectuntur versus centrum E , & axem CEF ; deinde in egressu C ex sphaera magis adhuc versus axem flectuntur.

844. Sphaera enim BF est medium aere densius: franguntur igitur radii AB ad perpendicularem intra

(a) Elem. Geom. num. 194. 195.

(b) Elem. Geom. num. 146. 147.

tra sphaeram; perpendicularis autem est radius BE a puncto ingressus B ad centrum ductus: radius igitur AB, relicta priori semita BI, aliam tenet BF, ad centrum & axem per centrum transeuntem accedendo. Rursus radius BC (Fig. 3.) in egressu C a sphaera in aerem, medium rarius, incidit: a perpendiculari igitur frangitur: est autem perpendicularis FCK a centro per punctum C ducta: radius igitur BC, qui, sublata hac secunda refractione, recta pergeret per BCI, sequitur directionem CG magis recedendo a perpendiculari, & ad axem DI magis etiam convergendo.

COROLLARIUM IV.

845. Radii HB (Fig. 3. 2.) axi EI paralleli, in sphaeram vitream incidentes, per eamque transeuntes, cum axe tandem concurrunt in puncto aliquo G post centrum F existente.

Exposita modo refractionis ratio, quam radii HB in sphaeram oblique incidentes, in utraque illius superficie patiuntur, evidenter demonstrat, praedictos radios utriusque refractionis beneficio versus axem semper inflexos cum illo tandem concurrere. Quod autem cum axe post centrum tantummodo concurrant; inde demonstratur, quod recta BE a puncto ingressus B ad centrum ducta, sit ipsamet perpendicularis, versus quam franguntur radii (n. 822.); radius autem refractus BC ad perpendicularem deflectit, sed neque cum illa congruere, neque illam iterum secare potest ultra punctum B, nisi nova accedat refractione; aliter duae rectae BE, BF spatium comprehenderent, quod est impossibile.

846. Ex eadem refractionis expositione sequitur, punctum G concursus radiorum post utramque refractionem tam in ingressu, quam in egressu factam ipsi sphaerae vicinius existere, quam punctum concursus I, in quo radii primae tantummodo refractionis beneficio concurrerent. Focus igitur radiorum, qui semel tantum franguntur, est a sphaera remotior, quam focus eorum, qui duplicem paterentur refractionem.

PROPOSITIO LIII.

847. Radii AB (Fig. 2.) ab aere in sphaeram vitream incidentes, atque transmissi, si attendatur solummodo prima illorum refractionis in K, focum habent in F ad distantiam unius diametri cum dimidio ipsius sphaerae a puncto refractionis B.

Demonstr. Supponimus duo puncta DB, esse parum a se mutuo remota, ut scilicet duae rectae DF, BF sint sensibilibiter aequales: Sinus anguli refracti FBE est ad sinum anguli inclinationis ABK, ut 2 ad 3, & consequenter sinus ejusdem anguli FBE est ad sinum anguli refractionis FBl, ut 2 ad 1: quoniam autem ob parallelismum rectarum DF, Bl sunt aequales anguli F, & FBl (α), est sinus anguli refracti FBE ad sinum anguli F, ut 2 ad 1: in quocumque autem triangulo rectilineo latera sunt inter se, ut sinus angulorum oppositorum, ut in Trigonometria demonstramus: in triangulo igitur BEF est EF ad BE, ut 2 ad 1: quoniam igitur BE est radius, erit EF diameter; addito igitur DE, erit DF hoc est BF diameter cum dimidio.

COROLLARIUM.

848. Punctum igitur I (Fig. 3.), in quo radii ab aere in sphaeram vitream incidentes, ratione solius refractionis in ingressu habitae concurrerent, ab ipsa sphaera distat longitudine radii. Et hinc quo minor fuerit sphaera, ad minorem etiam distantiam suum habebit focum; cum minoris sphaerae minor sit & semidiameter, & quarta diametri pars, ad quam, ut modo demonstrabimus, post duplicem refractionem radii congregantur.

849. Si in puncto concursus radiorum X (Fig. 10.) ponatur luminosum; radii XF, XT in sphaeram incidentes post duplicem refractionem in ingressu, atque in egressu habitam pergunt paralleli per US, OR. Fit enim refractionis per easdem vias reciproce; si ergo radii paralleli RO, SU dupliciter refracti tendunt

dunt tandem per TX , FX , & congregantur in X ; iidem radii XF , XT , bis etiam refracti, emittentur paralleli per OR , US .

PROPOSITIO LIV.

850. Radii HB (Fig. 3.) ad axem EA paralleli post duplicem refractionem concurrunt cum axe in puncto G , quod a sphaera per quartam diametri partem sensibilibiter distat.

Loquimur tantummodo de radiis, qui ab axe non multum dissent, ita ut & BI , AI , & CI , DI sint inter se sensibilibiter æquales.

851. Demonstr. Radius HB prioris refractionis beneficio cum axe concurreret in I ; posita camen secunda, magis convergit ad axem per CG , citiusque eum eodem concurret; est autem BCF , hoc est, $\angle C$ inclinatio; ICG refractionis; angulus ICG est dimidium anguli ICK ; est etiam angulus I ejusdem anguli ICK dimidium: quoniam enim latera IC , CF sunt ad sensum æqualia; eodem etiam modo anguli F , I sunt æquales (a): angulus autem externus ICK duobus internis oppositis F , I æquatur (b); angulus igitur I est dimidium anguli ICK : sunt ergo æquales anguli I , & GCI : ergo & latera GI , GC (c): sed GC ponitur æqualis DG : ergo DG , GI sunt æquales: cum igitur DI sit semidiameter, erit DG quarta pars diametri.

DEFINITIO.

852. Lentes vocantur segmenta vitrea $HBDI$ (Fig. 6.) ex utraque parte convexa, quæ sunt veluti duo æqualium sphaerarum segmenta. Lentes etiam, sed improprie appellantur vitra $EFOH$ ex utraque parte concava, quæ sunt æqualium sphaerarum segmenta concava. In utroque autem casu Axem lentis dicimus illam rectam CA , quæ majorem lentis crassitiem KL secat, atque per centra CA (Fig. 5.) prædi-

(a) Elem. Geom. num. 102.

(b) Elem. Geom. n. 98.

(c) Elem. Geom. num. 102.

dictorum segmentorum transit. Demus enim, circumli, seu sphaerae, cujus portio est HKI , centrum esse in A ; similiter alterius segmenti BD centrum esse C ; recta CA erit ad utrumque segmentum perpendicularis, & consequenter axis. In lente similiter $EFOH$ axis est recta CD , per utriusque centrum ducta. Prima lens vocatur *convexo-convexa*; secunda *concavo-concava*.

853. Eiusdem lentis convexitates HI , BD aequales ut plurimum construuntur; fieri tamen possunt inaequales, ita ut una sit majoris sphaerae segmentum, alia autem minoris; id etiam de lentibus concavo-concavis intelligendum est. Praeter alia aliarum figurarum vitra, quae Mathematicis Dioptricis scriptoribus relinquimus, ad usum frequenter adhibentur vitra DBA , DBE (Fig. 4. 7.) ex una quidem parte plana; ex alia autem convexa, aut concava, & *plano concava*, aut *plano convexa* nuncupantur. Rursus postrema haec vitra vel ex parte plana vel ex parte curva radios axi parallelos recipiunt. Diverfa autem est pro duplici illo casu refractionis, & concurrendi ratio.

PROPOSITIO LV.

854. Si radii FA ad axem EG (Fig. 4.) paralleli in superficiem planam DA incidant; unicam patiuntur refractionem, in egressu scilicet a parte convexa DBA , post quam cum axe concurrunt.

Demonstratur. Radius FA axi parallelus supra superficiem planam DA incidit rectus; cum axis etiam EG necessario sit ad chordam seu planum DA perpendicularis (a): nullam igitur in A refractionem patitur: tendit ergo intra vitrum per AB axi IC adhuc parallelus: in B egreditur ad aerem, a medio densiori in rarius: recedet igitur a perpendiculari: haec autem est IBL a centro sphaerae I per punctum egressus B ducta: quoniam ergo radius AB tenderet per BK , axi adhuc parallelus, si nulla in B esset refractione; habita refractione, versus axem converget, cum eoque tandem in puncto aliquo G concurret.

855.

855. Hinc hujusmodi etiam vitra, superficie eorum plana in solem directe conversa, radios solares EG , FA sibi mutuo parallelos; & in planam superficiem incidentes, post se in foco congregant, in eoque ignem accendunt.

Si vero luminosum in puncto G constitueretur, & radii ab illo puncto in curvam superficiem caderent, contrariam in ea refractionem paterentur, atque a parte plana emitterentur paralleli; ut superius jam in re simili demonstravimus.

Distantia GC puncti G , in quo radii perpendiculares in superficiem planam incidentes uniuntur, est diameter illius sphaerae, cujus portio est vitrum DCA .

PROPOSITIO LVI.

856. Si vitrum plano convexum DCA (Fig. 4.) radios KB axi GC parallelos a superficie convexa excipiat; ejusmodi radii duplicem patiuntur refractionem, in ingressu nimirum atque in egressu earumque beneficio cum axe post vitrum concurrunt.

Demonstratur. Radium KB axi GC parallelum in curvam superficiem DCA oblique incidere, superius demonstravimus; vitrum igitur ingressus frangitur ad perpendicularem BI ; atque proinde relicta priori semita BA parallela, aliam BO arripit: in superficiem igitur planam DA non amplius incidit perpendicularis per BA ; sed oblique per BO : egrediens ergo in aerem, prorem semitam BOE deserit, atque aliam OX arripit, qua & a perpendiculari magis divergit, & ad axem magis accedit, citiusque cum ipso concurrat.

857. Ex demonstratis sequitur, radios solares in convexam eorum vitrorum superficiem incidentes, cum axe ipso in foco concurrere, ignem accendere: & vicissim radios e foco X emissos, & in vitrum a parte plana incidentes, post duplicem refractionem pergere inter se parallelos.

858. Rursus facile etiam ex demonstratis deducitur, focum X esse minus a vitro remotum, quam oppositum ejusdem vitri focum G , seu ad minorem distantiam uniri radios a parte curva receptos, quam si a parte plana in vitrum cadant. Duplex enim re-

fra-

fractio in primo calu, unica in secundo intervenit, radios ad concursum flectens.

859. Radii KB ad axem GC paralleli, & ex parte curva in vitrum incidentes, si unicam in ingressu paterentur refractionem in puncto E, cum axe concurrerent ad distantiam unius diametri cum dimidio a puncto C, ut demonstravimus. Posita vero duplici refractione in B, & in O, concurrunt in puncto X, quod a C diametro sensibilibiter distat.

S C H O L I O N.

860. Vitra, quæ communius in quamplurimos usus adhibentur, neque sunt sphaera, neque segmenta plano-convexa, aut plano-concava; sed lentes, quarum singulae habeant æquales convexitates, aut concavitates v. g. H I D B, E F O H (Fig. 3. 4.). Ex hujusmodi lentibus, præcipue autem convexis, omnia telescopia, mycrosopia, conspicienda efformantur, ut partim jam in Optica physica, partim vero inferius exponimus. Lentes æqualium convexitatum H I D B radios FG (Fig. 6. 5.), supra alteram illarum convexitatem incidentes sibi & axi parallelos, post duplicem refractionem in quodam puncto E uniunt, quod a prima superficie convexa H K I semidiametrum fere distat: ac proinde punctum E vel est concavitatis H I centrum, vel parum a centro distat. Hujusce rei veritas, quæ in Dioptrica demonstratur, ex physicis observationibus atque experimentis luculenter conficitur.

861. Ratio, qua paralleli radii FG lentem ingredientes, atque egredientes refringantur, atque utriusque refractionis beneficio magis semper ad se ipsos, & ad axem vergant, est eademmet superius jam exposita, atque sphaeris, & lentibus communis. Inter lentes tamen concavas, & convexas illud est notabile discrimen, quod per postremas radii congregentur, ut satis hactenus & demonstrationibus & observationibus confecimus; priores vero radios in illas lapsos inter se parallelos refringendo separent, atque divergentes transmittant, ut in Optica physica jam exposuimus. Ex modo demonstratis, aut indicatis sequentia sponte fiunt.

C O R O L L A R I U M I.

862. Omnia vitra convexo-convexa $HFD B$, seu lentes focum habent E , in quo radios solares in illas illapso, transmissos, & refractos ununt, atque ignem accendunt. Quotidiana omnium experientia rem demonstrat. Vicissim etiam si luminosum ponatur in foco E radii ab illo in lentem illapsi transmittuntur post lentem BI paralleli FG . Fit enim refractione reciproce per easdem vias.

C O R O L L A R I U M II.

863. Si luminosum aliquod ponatur in C in distantia unius diametri CK ab ipsa lente; radii CH , CI post duplicem refractionem ad æqualem distantiam LA ex alia parte concurrent in A .

Radii enim CH , CI post primam refractionem pergunt intra lentem ipsam paralleli per HB , ID (n. 851.): cadunt igitur paralleli in superficiem aliam convexam BLD : ergo post habitam illic refractionem ad distantiam unius diametri LA iterum concurrent.

864. Recedente vero objecto C , etiam punctum concursus A magis semper ad lentem accedet; quoad tandem cum foco confundatur; quando ob infinitam objecti C (Fig. 6.) distantiam, jam radii fuerint paralleli. Si vero e contrario luminosum a puncto C versus lentem paulatim magis, & magis semper admoveatur; punctum concursus A magis semper recedet, quoad in focum tandem accedente luminoso, radii emittentur paralleli; seu punctum A infinite distabit.

P R O P O S I T I O LVII.

865. Objecta, quæ per vitreas sphaeras, aut lentes convexo-convexas intuemur, majora apparent, quam reapse existant.

Sit objectum quodcumque RS (Fig. 10.), seu spatium RS occupans, in quod ex puncto X per sphaeram vitream $OVET$ intueamur. Radii RO , SV , per quos videbitur objectum, post duplicem refractionem

nem concurrunt in X; oculus autem X videt objectum per XF, XT in directum productos, ut non semel jam in superioribus demonstravimus: prædicti vero radii, cum in X concurrant, sunt versus MN divergentes: oculus igitur X videt punctum R per radium XTM in M, punctum vero S videt in N per directionem; & lineam rectam XFN. Objectum igitur exiguae amplitudinis RS apparet sub amplitudine MN, multo majori, quam vera RS.

De Lenticibus convexo-convexis eadem est ratio; cum radios similiter congregent. Generatim enim per illa vitra objectum apparet majus, quæ radios RS in puncto aliquo adunant.

866. Et hinc quo minor fuerit sphaera, aut quo lentes minoris sphaerae segmentum extiterint; eo majora apparebunt objecta per hujusmodi lentes visa. Cum vero minores sphaerae, & lentes, minorum sphaerarum segmenta, radios ad minores a se ipsis distantias congregent; pari ratione constat, eo magis augeri objectum, quo ad minorem a sphaera distantiam eorum radii per sphaeras, aut lentes uniantur (Fig. 6.).

Eadem omnium est ratio; radii, qui citius uniantur, v. g. BE, DE, majorem efficiunt angulum, quam BA, DA, ad majorem distantiam uniti (a): idem igitur objectum ex diversis distantis E, & A visum, sub majori angulo videtur ex minori, quam ex majori distantia: majus igitur apparebit ex E, quam ex A.

PROPOSITIO LVIII.

867. Objecta, quæ per lentes concavo-concavas, aut etiam per vitra plano concava videntur, minora apparent, quam reapse existant.

Radii M & N (Fig. 8.) ab extremitatibus objecti MN in lentem concavo-concavam incidentes, post duplicem refractionem transmittuntur divergentes per SV; ex S igitur, & V recta versus objectum continuati convergunt, & magis ad se invicem accedunt in XZ quam accederent in MN: quoniam igitur ex SV videtur objectum per radios S & V in eadem di-

re-

(a) Elem. Geom. n. 98. : anguli enim BEL, & DEL sunt externi relati ad angulos BAL, DAL.

Mont. Phil. Tem. VIII.

A a

rectione continuatos; objectum videbitur in minori spatio XZ , quam physice; & vere occupet in MN .

868. Idem pari ratione demonstratur de vitris plano-concavis DFB ; ut consideranti facile patet (*Fig. 7.*)

Quo igitur lentes fuerint magis concavæ, seu superficies sphaerarum minorum segmenta; eo minora apparebunt objecta per ipsas visa: res contraria ratione demonstratur; atque oppositum de lentibus convexo convexis confecimus: sicut enim per hasce postremas radii magis convergunt, ita per primas magis divergunt; ut vero radii magis convergentes objectum magis ampliant, ita magis divergentes in spatium angustius redigunt.

C O R O L L A R I U M.

869. Radii igitur paralleli incidentes, & transmissi per superficies convexas, convergunt atque objectum augent; per superficies planas neque convergunt; neque divergunt, sed parallelismum servant, & objectum neque augent, neque minunt; per superficies concavas divergunt, atque objectum minuant. Est scilicet plana superficies inter concavam & convexam media: Si sphaerica superficies $ABCD$ (*Fig. 4. 7.*) in infinitum cresceret, hoc est; convexitatem in infinitum minui supponamus; illam ad planum DA , vel DF paulatim accedete, & in illum tandem degenerare utcumque concipimus. Plana iterum superficies DE ulterius flexa abit in concavam: Sed hæc ad Geometriam remittamus.

DE TELESCOPIIS, ET MYCROSCOPIIS.

D E F I N I T I O.

870. *Telescopii* nomine intelligimus tubum rectum, in quo duæ, vel plures lentes eo ordine collocantur, ut visa per illas objecta longinqua, & distincta conspiciantur, & majora appareant. Essentiales Telescopii partes sunt lentes, earumque dispositio: tubus vero commoditatis, & facilioris usus gratia adhibetur, ut mox patebit. Telescopia præter illa nomina,

na, quæ ab eorum inventoribus sortita sunt, & statim recenserebimus; alia sunt & vocantur *Astronomica*, alia vero *Terrestria*. Telescopia *Astronomica* vocantur illa, quæ ex duplici lente convexo-convexa C, G (Fig. 11. 12.) formantur. *Terrestria* vero appellamus ea, quæ quatuor lentes etiam convexo-convexæ componunt; ut D, O, I, L: Lens illa G; aut L, prope quam applicatur oculus, dicitur *ocularis*; oppositæ vero C, aut D, objectum ID; RA respicientes; *objectivæ* nuncupantur.

Myroscopium est aliud instrumentum una, aut pluribus lentibus convexo-convexis, aut sphaerula etiam vitrea constans; cujus beneficio minutissima objecta mirum in modum augentur.

ADNOTATIO HISTORICA.

871. Telescopia, & Myroscopia inter recentiora inventa numerantur. Prima eorum rudissima veluti semina, aut confusissimam ideam, nihil forsitan tale cogitans, proposuit Rogerius Bacon sub finem decimi tertii sæculi (a): Verum cum obscurissima sint, quæ citato in loco brevissime dixit Bacon; cum nihil ille de lentibus vitreis tradat; cum ab ejus ætate ad initium sæculi 17. ignota penitus fuerint omnia hujusmodi instrumenta; primam etiam illorum ideam, & inventionem prædicto auctori fere nullus attribuit.

Illud apud omnes constat, Telescopia sub finem tantummodo sæculi 16. aut decimi septimi initium innovescere incepisse, & paulatim, quam modo habent, perfectionem fuisse adeptæ. Ad prædictum igitur tempus hujusce inventionis Epochæ ab omnibus refertur.

872. Circa primum rei auctorem multiplex est eruditorum opinio. Quamplurimi sunt, qui eam gloriam Joanni Baptistæ Portæ vindicent; in *Magia enim naturalis*, quam anno 1589. in lucem edidit, satis clare telescopii theoriæ indicat (b). Borellus, data opera hoc argumentum aggressus, acriter propugnat, Telescopia primum deberi cuidam Zachariæ Hanson, seu Johnson, Migdelburgensi, optidorum artifice, quem in

dua-

(a) Roger. Bacon *Perspectiva*. pag. 167.

(b) J. B. Portæ *Magia nat.* cap. 10.

duarum lentium combinationem, qua objecta auferentur, casu incidisse affirmat (a). Juxta alios quam plures Joanni Lippersheim in eadem civitate Opticæ etiam instrumentorum artifici ea debetur gloria. Non unus etiam est, qui Simoni Mario, Galilæo, Jacobo Metio cum honorem referat. Franciscus demum Fontana se ipsum, tamquam primum telescpii inventorem effert (b). Quicumque sit primus rei inventor, indubium fere mihi est, id nos satius casui, quam meditationi alicujus hominis consilio debere. Apud omnes etiam constat, Marium, & Galilæum primos omnium fuisse, qui prægrandia telescopia construxerint.

873. Speciali donantur nomine telescpium Hollandicum, seu Galilæanum, Newtonianum, & Gregorianum. Primum est refractionis, & duplici lente constat, quarum objectiva est convexo-convexa; ocularis autem concavo concava. Duo postrema reflexionis, & ab eorum auctoribus Haaco Newtono, atque David Gregorio nomina sortiuntur. Opticam scribentibus prætermittendi non sunt Dollond, & Berniere; qui ob inventas a se se novæ construendorum telescpiarum, aut lentium, & speculorum rationes sunt imprimis commendandi. Quid novi excogitaverit, atque peregerit Berniere, superius ad Catoptricæ Elementorum calcem retulimus; ad quam æque, atque ad Dioptricam spectant nova illa utriusque additaementa. Dollondi inventum inferius post expositam telescpiarum rationem referemus.

Myrcoscopia communiter tribuuntur Cornelio Drebbel, licet Fontana inventionis gloriam sibi etiam arroget, qui anno 1621, casu ut fieri solet, in eam rem incidit. Postquam vero innotuit myrcoscpii construendi ratio, plurimi in id studii incumbentes, diversas eorum species excogitarunt.

PROPOSITIO LIX. PROBLEMA,

874. Telescpium Astronomicum construere, atque illius proprietates, & usus explicare.

Resolutio. Assumatur primo lens objectiva C utrimque

(a) Borellus de vero telescpii invent. cap. 12.

(b) Observat. cælestium, terrestrium &c.

que convexa, quæ sit sphaera multo majoris segmentum, quam sit lens ocularis G (Fig. 11.). Quæritur distantia distæ lentis a suo foco B, aut A? id autem obtinebitur, si lentem contra Solem directe converla, punctum observemus, in quo radii per lentem transmissi congregantur. Inventa hæc distantia CB, seu CA sit v. g. 12 pedum: simili ratione quæraturs focus H, aut A lentis G ocularis, atque ab eodem foco distantia GA; eam statuamus 2 digitorum. Summa distantiarum GA, AC utriusque lentis a suo foco, hoc est, distantia CG, 12 pedibus, & 2 digitis æqualis, est illa, quam inter se in tubo habere debent lentes, ut idemmet punctum A inter utramque lentem existens, sit communis utriusque focus. Paretur igitur ex foliis chartaceis, ex subtili lamina ferrea, aut ex quacumque alia materia tubus, qui inventam longitudinem CG, & præterea GH, rectæ GA, hoc est, 2 digitis æqualem contineat; atque in altera illius extremitate in objectum convertendâ applicetur lens objectiva C; prope aliam H oculo applicandam disponatur ocularis G, tantum a puncto extremo H remota, quanta erit ejusdem lentis a suo foco distantia.

875. Utræque lens sit ad eundem axem BH, lis & tubo communem, perpendicularis; ac proinde HB, tubi axis, per centra lentium GC transeat, sitque ad utramque rectus. Oculus applicabitur in H lentis ocularis foco. Interior tubi superficies nigro colore offuscatur, ne spurios radios in illam illapsos ad oculum reget, & confusionem pariat. Lentes, quam fieri possit, transparentes, nullisque maculis infectæ quærantur, aut construantur. Si enim maculis, heterogeneæ materiæ particulis, bullulis aeris sint infectæ; quam plurimos radios intercipiunt; & claræ objectorum visioni officiant. Tubi tandem, seu potius lentis objectivæ amplitudo sit exigua; hoc est, unius aut alterius digiti; aliter radii prope circumferentiam transeuntes colorantur, atque claram objecti visionem impediunt.

876. Hoc modò constructum habes Telescopium Astronomicum, ejus proprietates sunt potissimum tres. *Prima*: Objecta remotissima v. g. Lunam, Solem, & reliquos Planetas, ad quos inermes oculi sunt myopes, distincte repræsentat.

877. *Secunda*: Objecta omnia, quæ per huiusmodi telescopia videntur, apparent inverſa. *Tertia*: Augmentur objecta in ratione distantia BC lentis objectivæ a ſuo foco ad distantiam AG alterius lentis a ſuo pariter foco: hoc eſt, magnitudo apparens objecti ID telescopia viſi eſt ad magnitudinem apparentem eiſdem inermi oculo conſpecti, ut BC, ſeu CA ad AG, quæ in caſu noſtro ſunt, ut 144 ad 2.

878. Primum facile demonſtratur in hunc modum. Radii a Sole, vel Luna, hoc eſt, ab objecto remotiſſimo in lentem objectivam incidentes, ſunt ſenſibiliter paralleli: ergo tranſmiſſi per lentem in ejuſ foco A (*Fig. 69.*) congregantur: punctum autem A eſt etiam per conſtructionem focus ocularis lentis FM: radii igitur interſecti in A, & poſtea in lentem FM incidentes ab illa tranſmittuntur paralleli per FH, MH: ergo incidunt paralleli in oculum H: ſunt igitur efficaces, & congregati in retina diſtinctam illic objecti imaginem depingunt.

879. Demonſtratur ſecundum: Sit B (*Fig. 11.*) focus lentis objectivæ C. Si oculus eſſet in B; videret punctum inferius D objecti per radium DB: hic igitur tranſiens per B, focus lentis, ibi interſecat axem IBCH, & in lentem ex oppoſita ſuperiori parte E incidit: poſt refractionem tranſmittitur parallelus ad axem per EF: eoque modo in ocularem lentem G incidit: in hac poſtrema refractus iterum convergit ad axem, cum eoque concurrit in puncto H, in quo ſimul oculum ingreſſus, puncti D imaginem depingit: oculus igitur videt punctum inferius D per directionem HF tendentem ad partem ſuperiorem objecti, per quam directionem percellitur: objectum igitur apparet inverſum.

880. Demonſtratur tertium. Radii EF, OM inter lentes intercepti, per quos ex H videtur objectum, ſunt paralleli: Jam vero oculus inermis ex foco B lentis objectivæ C videns objectum remotiſſimum ID, illud videt ſub angulo IBD, hoc eſt, EBO (*Fig. 69.*) oppoſito ad verticem: ex H vero videt per lentes idem objectum ID ſub angulo FHM: idem autem eſt videre objectum ID ex B, atque ex H; cum distantia BD objecti ſit fere infinita, distantia BH ſit fere nihil: magnitudo igitur apparens inermi oculo eſt angulus EBO, magnitudo apparent per

per telescopium est angulus FHM : quoniam igitur magnitudines , seu amplitudines EO , FM sunt æquales ; erit angulus FHM seu magnitudo apparens per telescopium , ad angulum EBO , seu ad magnitudinem inermi oculo apparentem , in ratione inversa distantiarum BC , GH .

PROPOSITIO LX. PROBLEMA .

881. *Telescopium Terreſtre conſtrare , atque illius proprietates exponere , & demonſtrare .*

Reſolutio. Problema eodem ſere modo , ac ſuperius , reſolvitur , niſi quod quatuor hic adhibentur lentes , & tubus exiguæ longitudinis paratur . Aſſumatur , aut conſtrui curetur exigua lens D (*Fig. 12.*) convexo-convexa , quæ ſit ſphæræ majoris ſegmentum , ita ut radius parallelos ad diſtantiã unius aut alterius circiter pedis congreget . Hæc erit lens Teſcopii *objeſtiva* . Eligantur aliæ tres minores O I L ſimiliter convexo-convexæ , ſimiles ; & ut plurimum æquales , quarum a ſuis focis diſtantiã ſit unius digiti *V. g.* , aut etiam minor . Prima lens O ita collocetur , ut cum objeſtiva G communem habeat focum , ac proinde intercepta inter illas diſtantiã OD ſit duabus earum a ſuo cujuſque foco diſtantiis ſimul æqualis , ut ſuperius diximus ; aliæ lentes I L eadem ratione diſponantur , ut figura demonſtrat ; focus ſcilicet G unius OE , ſubſequentis etiam IH focus exiſtat . Oculuſ applicabitur in puncto , quod ſit poſtremæ lentis L focus .

882. Longitudo igitur tubi continet unicam diſtantiã objeſtivæ a ſuo foco , ſingularum autem aliarum lentium duplicem , ut ſatis in figura ipſa exhibetur . Fit plerumque ex duobus , tribus , quatuor , aut quinque brevioribus tubis , quorum alii ſint aliis ordine capaciores , ut alii intra alios ordine , & ſeriatim intermittantur , totaque tubi longitudo ad brevem ſemipedis extensionem commoditatis gratia reduci poſſit .

883. Triã etiam per hoc Teſcopium obtinemus : *Primum* : Objecta terreſtria , hoc eſt , parum remota , ad aliquot ſcilicet milliaria , aut unam , vel alteram leucam ab obſervatore poſita , diſtincte perci-

pimus, longe sane distinctius, quam nudis oculis fieri possit.

884. *Secundum*: Objecta quaecumque hujusmodi telescopiis visa, apparent directa. *Tertium*: Augentur magnitudines apparentes objectorum in ratione distantiae DB objectivae lentis a suo foco ad distantiam ML lentis ocularis a suo pariter foco. Cum autem idem sit, eademmet objecta apparere majora, atque eorum a nobis distantiam apparere minorem; ut ex opticis constet; hinc tam Astronomica, quam terrestria telescopia objecta ad observatorem trahere dicuntur; illudque magis trahit, quo apparens magnitudo videtur major.

Prima, & tertia terrestris telescopii proprietates eodem modo de ipso, atque de Astronomico demonstratur.

885. Quod autem objecta appareant erecta, ita facile ostenditur. Si observator esset in G, primae lentis ocularis O foco; objectum R A appareret inversum; cum punctum dextrum A per radium ABCEG depictum, ab oculo G videretur per directionem G E, hoc est, in partem sinistram referretur: Ipse tamen radius post intersectionem in puncto G, lentis etiam I foco, tendit in partem dextram H; unde transmittitur per H K ad axem parallelus; incidens igitur in lentem L parallelus a parte dextra K, ad focum & oculum M frangitur, atque dirigitur; oculi igitur in M videt punctum dextrum A objecti per directionem M K tendentem ad partem dextram; objectum igitur apparet in situ, quem reapse obtinet.

S C H O L I O N.

886. *Simpliciora, & communiora telescopia, quae in usu sunt, duplici tantum constant lente, quarum objectiva est convexo-convexa, ocularis vero utrimque concava. Exiguo tubulo, duos, tres, aut quatuor pollices longo, ita disponuntur, ut ante focum objectivae locetur ocularis, ut eo scilicet pacto radii per objectivam transmissi prius incidant in lentem ocularem, quam uniantur in foco. Post lentem ocularem magis dispergantur, atque divergentes oculum ingrediuntur. Per exigua hujusmodi Telescopia augetur magnitudo apparens objecti in ratione, qua distantia lentis objectivae a suo*
foco.

foco continet diametrum sphaerae, cujus est segmentum lens ocularis. Illa diameter paucas tantummodo lineas longitudine habet; distantia autem objectiva a foco 6. 7. aut 8. pollices præter propter complectitur.

5.

TELESCOPIA REFLEXIONIS.

887. Non solum radiis refractis, atque vitreis lentibus, sed etiam reflexis, & chalybeis speculis telescopia construuntur; commoditatis gratia aliis modo descriptis præferenda. Priora enim illa ob magnam eorum longitudinem, quam necessario habere debent, difficulter tractantur, & ad usum adhibentur; alia vero brevitate sua incommoda illa tollunt, quin objectum aut minus distincte, aut minori magnitudine apparenti repræsentent. Telescopio scilicet reflexionis, vix pedem longo, telescopia refractionis 16 pedum supplentur; idemque præstatur effectus. Quod si 7, aut 8 pedes longa existant, tubis astronomicis communibus 100. & amplius pedibus longis æquivalent.

888. Primum reflectentium telescopiorum a *Newtono* excogitatum, & ab *Halley* emendatum, est tubus satis amplus ABCD (Fig. 68.) ex parte anteriori A D in objectum convertenda omnino apertus; in ejus fundo BC collocetur speculum chalybeum sphaerico-concavum, cujus radius sit unius circiter pedis longitudo; ita ut radios parallelos in ipsum incidentes in foco O congregaret, ibidemque objectum depingeret. Paulo ante focum O versus speculum in tubi ipsius axe speculum aliud metallicum, & ovale, & planum L ita oblique disponatur, ut radios GL, HL a speculo concavo in ipsum reflexos versus aliud tubi latus remittat, ubi apertum foramen PP aptatur. Hujusmodi radii unientur in puncto Q, quod æque, atque focus O, a speculo plano distet: id igitur punctum Q sit etiam focus exiguae lentis M utrinque convexæ, quæ radios bis jam reflexos accipiat, & ab ipsa refractos transmittat per foramen PP in oculum N. Observator igitur ex latere tubi PP objectum contemplatur in Q, ubi illius imago a speculo concavo depingitur. Hujusmodi punctum Q, lentica-

ticulæ M focus, a speculo plano L sex digitos, & quatuor fere lineas distet; a lenticula vero M duas fere tantummodo lineas sit remotum: lenticula igitur M est perexiguæ sphaeræ segmentum, cum sit verum, & simplex mycroscopeum: Oculus igitur N per verum, & simplex mycroscopeum videt objectum, seu potius illius imaginem in Q distinctam, inverſam, & amplificatam. Magnitudo apparens objecti hoc telescopia viſi est ad magnitudinem nudis oculis apparentem, ut distantia speculi concavi a suo foco ad distantiam lentis M a suo pariter foco.

Modum construendi tubum, & peculiare sustentaculum, quo descriptum telescopia innitatur, firmetur, & facile in quamlibet partem convertatur, vide apud *Saverien* (a), & alios, qui machinas opticas describunt.

TELESCOPIUM GREGORIANUM.

889. *David Gregorius* aliud Telescopia reflectens excogitavit, & proposuit (b), quod postea *Halleyus* emendavit, & ad eam formam redegit, quam exhibet figura. HILG (Fig. 70.) est tubus satis amplus, unius fere pedis longitudinis, ex parte HG apertus, quem alius excipit TPQT brevior, & multo angustior; in amplioris fundo collocatur speculum metallicum sphaerico-concavum INML in medio perforatum, ut scilicet radii in angustiorem tubum transmitti possint: huiusce speculi focus sit in XZ; e regione vero ad apertam tubi extremitatem sit aliud metallicum speculum concavum, & minus YY, quod prius speculum respiciat, & ope brachii YG, cui est affixum, adduci, & reduci possit, habeatque focum in O inter alterius focum XZ, & speculum ipsum K.

890. Radii CD, FE ab objecto valde remoto AB emissi, & in speculum incidentes, sese alicubi intersecant, ita ut CD a parte inferiori objecti venientes in superiorem speculi impingant; superiores vero FE in inferiorem; huiusmodi igitur radii post reflectionem

(a) *Saverien*, *Diſſion. V. Telescope*.

(b) *In Optica promota ad prop. 59.*

xionem ita in foco XZ congregantur, ut sui objecti imaginem illic depingant inverſam. Poſt focum iterum divergentes incidunt in ſpeculum K, unde refleſſi unirentur tandem in aliquo axis puncto, v. g. prope R. Vitrum tamen plano-convexum TT, quod ante illud unionis punctum collocari oportet, illos radios citius unit in U, ubi objecti imago depingetur erecta: radii ab U ulterius per *meniscum*, hoc eſt, vitrum convexo-concavum SS (cujus concavitas oculum reſpicit) tranſmiſſi, in oculo tandem R recipiuntur. Oculus igitur R (Fig. 71.) per huiusmodi teleſcopium Catoptrico Dioptrico imaginem videt in U erectam, diſtinctam, & amplificatam. Magnitudo apparens eſt ad veram, ſeu ad magnitudinem inermi oculo apparentem, ut angulus ARS ad angulum NZB.

891. Duo poſſiſſimum ſunt teleſcopiorum defectus, quibus corrigendis, aut tollendis dudum jam peritiores Opticarum rerum artifices allaborant. Primum, quod quamplurimi radii a ſoliditate vitrorum impediti reſeruntur, imagoque proinde pingitur minus clara. Obtineri ne aliquando humana arte poteris lens aliqua radios omnes reſringens, nullos refleſſens? Qui refleſſuntur, ii vero plurimi, nihil viſionem juvant. Radii vel reflexione a prima ſuperficie remittuntur, vel intra lentis maſſam deperduntur. Secundum vitri puritas non parum corrigeret: tolli forſan poteſt neutrum.

892. Secundum lentium vitium eſt, radiorum tranſeuntium, atque reſractorum diſtractio, & mutatio in colores. Radii per lentis partes ab axe remotas, ſeu prope peripheriam tranſmiſſi iidem, ſeu colores pryiſmatis reſerunt, objectumque obnubilant. Alteri huic vitio remedium excogitavit, & invenit Dollond: lentes ex diverſæ indolis cryſtallis conſtruens, quos ex ſodinis de Upſal excavari curavit: radiorum diſtractio in prima ad illam in ſecunda eſt, ut 3 ad 2: eaque diverſarum diſtractionum combinatione apparentes iridis colores ſublati, & per totam lentis aream clarum apparet objectum. Rem totam videre eſt apud Pezenas (a).

(a) *Aſtronomie des marins: Optique de Smith traduite par le Père Pezenas.*

DE MYCROSCOPIIS.

893. Nullum est inter tot hujusce ætatis inventa, cui plura, aut æque mirabilia phænomena debëamus, & quo magis promota sit Phÿsica, quam mycroskopium. Eo enim vero primùm cognito, novum invisibilium antea rerum apparuit spectaculum, & ignotus antea mundus. *Mycroskopium* est instrumentum opticum, quo minuta objecta vicina grandescunt, & visibilia sunt. Alia sunt simplicia, alia vero composita: prima ita dicuntur, quia unica componuntur lente, ex pluribus vero secunda.

894. *Mycroskopium simplex* est exigua quæcumque lens CD (Fig. 72.) convexo-convexa, quæ sit. exiguæ admodum lentis segmentum. Ratio, quare objectum per illam augeatur, jam superius fuit indicata. Sit objectum minutissimum AB, quod oculus inermis videat ex puncto H: apparebit sub angulo insensibili AHB: interponatur exigua lenticula utrinque convexa CD radios congregans in puncto E. Cum oculus objectum videat per radios, a quibus ultimo feritur, in directum continuatos; videbitur objectum AB ope lentis sub angulo FEQ ac proinde minutissimum objectum AB ampliatur apparet in FG.

895. Magnitudo igitur apparetis objecti (quoad linearem aliquam ejus mensuram v. g. diametrum, altitudinem, aut latitudinem) augeatur in eadem ratione: quæ angulus GEF excedit angulum AHB, seu in ratione anguli AEN ad angulum FEN. Jam vero hujusmodi excessus erit tantus major, quo lens ipsa fuerit convexior, seu radios ad minorem a se distantiam congreget. Pone enim focum esse in puncto remotiori H; erit angulus, seu magnitudo apparetis MHM priori EEG minor; quod si focus sit in minori distantia I, erit magnitudo apparetis LIL duabus prioribus multo major. Quo igitur distantia a focus fuerint minores, majus apparebit objectum.

896. Objecta communiter distingui non possunt in distantia octo pollicibus minori: Sit ergo recta EN octo pollices longa; si objectum AB magis ad oculum E admoveretur, distipete amplius inermi oculo non vide-

videretur; opus igitur est, ut objectum in illa saltem distantia existat, ut nudo oculo distinguatur. Nota hac distantia, augmentum magnitudinis apparentis objecti per quicumque lentem CD facile dignosces, si illius distantiam a foco inveniamus, aut notam aliunde habeamus.

897. Est scilicet magnitudo linearis vera ad apparentem; ut distantia PE ad octo pollices NE; quod facile demonstratur. Quoniam enim objectum AB est minutissimum, alicui rectæ CD; illi parallelæ, erit æquale: duo autem triangula DEC, GEF sunt similia (a); est igitur CD (hoc est, AB) magnitudo vera objecti, ad apparentem FG, ut distantia PE ad rectam EN octo pollices longam. Si igitur calculo subducamus, quoties distantia PE lentis in octo pollicibus contineatur; habebimus augmentum objecti lineare, seu augmentum diametrorum. Quoniam tamen superficies sunt, ut quadrata, massæ sunt, ut cubi earundem diametrorum (b); si quærantur quadrata, & cubi diametrorum, habebimus & superficierum, & massarum magnitudinum apparentium incrementa.

898. Exemplum: Sit distantia PE pollicis dimidium; ergo EP continetur in EN decies, & sexies: vera igitur diameter AB est ad apparentem FG, ut 1. ad 16. Numerus 16 in seipsum ductus efficit quadratum 256; iterum ductus in 256. efficit cubum 4096: lens igitur CD, quæ focum ad distantiam unius semipollicis habet, augeat objecti diametrum in ratione 1. ad 16., superficiem in ratione 1. ad 256; massam in ratione 1 ad 4096. In subiecta tabula, quam calculo subduxit *Henricus Baker*, rationem, qua diversis lentibus magnitudines apparentes objectorum augeantur, curiositatis gratia proponimus. Distantiæ lentium a suis focis in partibus centelimis unius pollicis exhibentur.

899. Mycroscopiis compositis magis adhuc multiplicatur apparens objecti magnitudo; diversa vero lentium combinatione, aut numero, diversa etiam composita mycrosopia excogitarunt, & construxerunt
Phy-

(a) *Geometr. Elem.* n. 125.

(b) *Geometr. Elem.* n. 119. & seq.

Physici, Newton, Muschembroeck, VVistbon, & alii: Videri potest circa hujusmodi argumentum Patris Zhan opus, *Oculus Artificialis*, ad quem, & alios Dioptricæ Scriptores Lectorem remitto: satis enim tyroni philosopho sint, quæ hucusque explicavimus.

Focus len- tis, seu il- lius distan- tia a foco.	Augmen- tum dia- metri ob- jectorum.	Augmen- tum super- ficierum.	Augmen- tum mas- sæ, seu so- lidi.
$\frac{1}{2}$ vel 30	16 vi-	256 vi-	4096 vi-
$\frac{1}{3}$ vel 40	20 ci-	400 ci-	8000 ci-
$\frac{1}{4}$ vel 30	26 bus	676 bus	17576 bus
$\frac{1}{5}$ vel 20	40	1600	64000
15	53	2809	148877
14	57	3249	185193
13	61	3721	226981
12	66	4356	287496
11	72	5118	373248
$\frac{1}{10}$ vel 10	80	6400	312000
9	88	7744	681472
8	100	10000	1000000
7	114	12996	1481544
6	133	17689	2352637
$\frac{1}{10}$ vel 3	160	25600	4096000
4	200	40000	8000000
3	266	70756	18821096
2	400	160000	64000000
$\frac{1}{30}$ vel 1	800	640000	312000000

Hæc tabula inservit myoscopiorum simpliciorum calculo, eumque supponit oculum, qui ad octo pollicum distantiam objectum distinguat.

I N D E X

T O M I VIII.

Prefatio de Natura, effectibus, & objectis humanorum sensuum. Pag. 3

L E C T I O I.

De Natura, & divisione sensuum, & de loco, ubi anima existit, & sentit. 4

PROP. I. Sensus sunt perceptiones animæ, quas elicit unita corpori secundum legem commercii, ab objectis materialibus excitata ope organorum. 5

COROLLARIA I. Sentire est proprie agere. 7

II. Impossibile est existere sensum, quin vere existat anima proprie sentiens. 8

III. Anima a corpore separata nullum sensum elicit. *ibid.*

IV. Sensus est verus, & proprius viventis actus. *ibid.*

PROP. II. Sensus animæ, attentis organis, in internos, & externos dividuntur. ibid.

PROP. III. Anima rationalis in solo capite locata esse videtur, attentata ratione, experimentis, & structura corporis. 10

PROP. IV. Sensus omnes in capite eliciuntur, illincque anima corpus vivificat, movet, gubernat, percipit objecta externa, mutationes membrorum &c. 11

COROLL. & argumenta in contrarium. 12

L E C T I O II.

De existentia, munere, & actionibus spirituum animalium, ac de proprio sensuum organo. 10

Adnotatio historica. ibid.

PROP. V. Existunt proculdubio spiritus animales, qui molliem, tenacitatem, tensionem, & flexibilitatem nervis conciliant. 13

PROP. VI. Sensus organa sunt tantummodo nervi: illæ tantum corporis partes sunt sensibiles, quæ nervorum ramis complicantur, & componuntur. 17

L E C T I O III.

De sensu interno, seu communi, ejusque functionibus, phantasia, Imaginatione, Memoria, Somno, vigiliis, & insomniis. 30

De-

Definitiones prædictarum rerum.	32
PROP. VII. Omne discrimen iuter Memoriam, Imaginationem, & sensum communem ad diversas tantummodo, & proprias animæ perceptiones spectat; & ab organorum, objectorum, & modificationum diversitate derivatur.	33
PROP. VIII. Sensus communis, imaginationis, & memoriæ propria organa sunt in cerebro.	34
PROP. IX. Problema. In quam cerebri parte existat prædictarum operationum sedes? an una, eademque sint communia iis organa? explicare.	36
PROP. X. Problema. Interni animæ sensus physicam causam, & modum explicare.	37
§. II. Phantasmata, & Imaginatio.	41
§. III. Memoria.	43
Dissertatio incidehs de somno, ejus causa, effectibus, accidentibus, ubi de vigilia, & insomniis.	46
Observationes variæ, & Corollaria.	ibid.
PROP. XI. Causa proxima, qua somnus inducitur, est cessatio omnium nervorum a propriis eorum actionibus.	53
Corollaria quinque.	56
PROP. XII. Ea omnia sunt causa dormiendi; quæ fluxum spirituum impediunt, sano interim, & integro manente cerebello, atque medulla spinali &c.	59
Corollaria quinque.	68
§. II. Quisnam interim, dum dormimus, vitalis systematis, & functionum status existat?	71
Vigilia, atque insomnia.	79
Memoriæ felicitas, & alia accidentia, affectiones, & amænæ quæstiones.	81
Rem memoriæ mandare.	82
Memoriæ facilitas, & difficultas.	83
Memoria facilis, & tenax.	84
Tarda, & felix. Judicium.	85
Mentis prudentia, fatuitas, stupiditas.	87
Ebrietas; Deliquium.	88
Delirare, dementia circa aliquod tantum objectum.	ibid.
• Lucida intervalla.	89

L E C T I O IV.

De Tactu primo, & universali animæ sensu,	ibid.
§. II. Saporis, & odoris sensus: Eorum organa, & objecta.	93
PROP. XIII. Peculiare saporum organum sunt linguæ papillæ.	97
PROP. XIV. Causa saporis sunt salium particule, quæ per papillas linguæ sese insinuant.	ibid.

COROLL.

PROP. XV. Organum odoratus est tenuis illa membrana, quæ nares interius vestit. Odores consistunt in effluvijs a corporibus exhalatis.

Tractatus de Sono, & Auditu.

L E C T I O V.

De Sonori corporis, & soni natura.

Diffinitiones.

PROP. XVI. Corpus sonorum illud est, quo percusso, fracto, discolo & insensibiles illius partes contremiscunt; vibrationibus aliæ in alias agunt, & in circumstantia corpora. Sonus in corpore sonoro est illa particularum agitatio &c.

PROP. XVII. Sonus in aere propagatus consistit in motu tremulo crassioris aeris ad aures usque transmissus.

COROLL. diversa

L E C T I O VI.

Ratio, & leges, quibus sonus communicatur, & diffunditur.

LEX I. Corpus sonorum habendum est, seu omnium undarum centrum.

LEX II. Sonus quaquaversum spargitur in circulum, nisi aliud impedimentum ejus propagationem impediat.

LEX III. Ex variis impedimentis fit sæpissime, ut oscillationes multipliciter, & inæqualiter interrumpantur, & mutantur.

LEX IV. Sonus non in momento temporis, sed paulatim propagatur.

LEX V. Sonus per aerem potissimum, sed crassum, densum, & compressum propagatur: aqua vero, & corpora non elastica transmittendo sono sunt inepta.

LEX VI. Diffunditur per lineas rectas, quandiu obstaculum non offendit, a quo ad directionem mutandam repercutiatur.

LEX VII. Fortior est versus partem, quam sonorum corpus respicit, & in quam recta tendit.

LEX VIII. Intensitas soni a sonoro corpore recedendo sensim minuitur, & debilitatur in ratione amplitudinis spatii, per quod diffunditur.

LEX IX. Idem sonus ab eodem corpore, eademque intensione editus ad inæquales distantias pervenit, & auditur, si per media diversa diffundatur.

Mont. Phil. Tom. VII.

Bb

LEX

I N D E X.

LEX X. Sonus facilius, & longius versus partem, quo ventus spirat, propagatur. 120

LEX XI. Circa soni velocitatem. 121

L E C T I O VII.

Proprietates soni,

§. I. Magnitudo soni. 125

§. II. Accretio, & repercussio, ubi Eccho explicatur. 127

§. III. Camera Acustica. 128

§. IV. Eccho. 129

§. V. Sonorum Accretio, & Extinctio seu Tuba Vocalis. 133

§. VI. Humanæ auris, & organi auditionis descriptio. 135

§. VII. Auris partium munera. 138

§. VIII. Differentia sonorum, harmonia, auditio. 141

COROLL. 147

SCHOLION. 150

Tabula consonantiarum. 159

L E C T I O VIII.

Aliæ soni proprietates.

§. I. Medicina soni. 153

§. II. Soni influxus in mores. 156

§. III. Soni grati, & ingrati. 160

§. IV. Asperitas, & suavitas soni. 161

PROP. XVIII. Problema. Tympanorum sonos explicare. 163

PROP. XIX. Problema. Aeris campani sonos, & harmoniam explicare. 165

§. V. Aliquæ difficultates contra hactenus dicta solvuntur. 168

Visio, seu Optica Physica.

Visiois objectum, lux scilicet, & colores. 178

L E C T I O IX.

De luce, ejus proprietatibus, & phænomenis. *ibid.*

DEFIN. 179

Adnotatio historica. 180

PROP. XX. Lux, aut lumen extra animam existens est aliquid materiale, materia; & illius modus. 181

PROP. XXI. Non est effluvium particularum a corpore luminoso perenniter erumpentium. 181

PROP. XXII. Illud corpus est luminosum, cujus particule insensibiles a se invicem divisæ motu intestino cientur, &c. lux proinde in hoc consistit. 189

COROLL. 191

PROP. XXIII. Propagatio lucis per medium corpus pellucidum sunt eadem vibrationes auriæ communicare, & per eam transmissæ soni oscillationibus, & naturæ prorsus similes. *ibid.*

Corollaria septem. 194

Sol-

I N D E X.

Solvuntur argumenta opposita.	187
§. De illuminatione, & umbris.	118

L E C T I O X.

De coloribus, & ratione corporis pellucidi, & opaci definitio.	119
PROP. XXIV. Corpus pellucidum, & opacum, in quo consistat.	ibid.
Corollaria duo.	121

L E C T I O . XI.

De colorum natura. Definitio.	122
Adnotatio historica.	123
Observatio.	129
PROP. XXIV. Colores plurimum pendent ab objectorum, seu corporum superficie, & a diversis modificationibus, quas patiuntur luminis radii.	ibid.
PROP. XXV. Colores omnes sunt ipsimet radii luminosi.	130
PROP. XXVI. Color albus est vivida lux reflexa, & vibrata &c.	131
Corollaria duo.	132
PROP. XXVII. Nigredo in lucis privatione consistit.	133
Corollaria tria.	134
PROP. XXVIII. Theoriam Neutonianam rejicimus.	135
PROP. XXIX. Colores per varias vibrationes tonis analogas congrue explicantur.	140
Corollaria quinque.	145

L E C T I O . XII.

Physica, & mechanica visionis causa, & modus, & proprietates.	
§. I. Oculorum descriptio.	151
§. II. Exponitur visionis natura, modus, & ratio physica.	155
Observationes variae.	156
Definitio anguli optici.	159
COROLL.	160
§. III. Ratio compositionis, & munera partium oculi.	161
§. IV. Quaestiones opticae circa objectorum visionem.	
QUAEST. I. Quomodo depingantur imagines objectorum intra oculos.	163
PROP. XXX. Imagines objectorum depinguntur situ inverso.	ibid.
PROP. XXXI. Ideo objecta videntur directa, quia eorum imagines sunt inversae, & e contra.	165
QUAEST. II. In quam oculi parte fiat visio?	166
PROP. XXXII. Visio fit in Retina, seu expansione nervi optici.	167
QUAEST. III. Quid illud sit, per quod objecta suam intra	

oculum imaginem depingunt, quid anima videt, imaginem, an objectum? 269

PROP. XXXIII. Lux; & radii luminis emissi, aut reflexi sunt illud, quod objecta emittunt; & quod ipsorum imagines depingit in oculo &c. 270

QUÆST. IV. Qualiter per multiplices radios in eodem oculo & per duplicem imaginem ejusdem objecti in duobus oculis unicum videatur objectum. 274

Corollarium de Strabonibus. 276

QUÆST. V. An visio fiat per emissionem spirituum ex oculis, an per emissionem radiorum ex objectis? 277

QUÆST. VI. An perfectius, & distinctius videatur objectum una, quam duobus oculis? 278

L E C T I O XII.

Visionis phenomena, & proprietates visionis. 279

De visione clara, distincta, confusa, & prima Quæst. unde oriatur visio clara, & confusa? 280

QUÆST. II. Unde accidit ut omnia videant flava qui morbo regio, seu atropine laborant? 281

QUÆST. III. Quæ causa sit visionis distinctæ? *ibid.*

Corollaria circa præcedentes quæstiones. 283

Definitiones Myopum, & Presbitarum. 284

QUÆST. IV. Quid est, ut presbitæ objecta solum remota distinguant? *ibid.*

QUÆST. V. Quid beneficii à conspiciillis accipiant presbitæ, ut proxima objecta distinguant. 286

QUÆST. VI. Quæ causa sit, cur Myopes sola vicina objecta distinguant &c. 287

QUÆST. VII. Quibus conspiciillis myopum defectus corrigantur? 288

QUÆST. VIII. Quid, quod plurimi sunt, qui & vicina, & remota clare distinguant? 289

QUÆST. IX. Quare per conspiciilla senes vident objecta majora; juvenes vero, seu myopes illa vident proximiora, & minora, quam in re sint? *ibid.*

QUÆST. X. Quo pacto magnitudines objectorum videntur. 290

PROP. XXXIII. Generatim nobis apparent majora, quæ sub majori angulo videntur. *ibid.*

COROLL. I. Objecta, quæ sub æquali angulo videntur, æqualia apparent. 291

COROLL. II. Imagines sunt ut anguli. *ibid.*

COROLL. III. Objectum majus, aut minus apparet secundum distantiam ab oculo. *ibid.*

Phæ-

Phænomena curiosa.

COROLL. IV. De apparentia objecti æqualis magnitudinis.

PROP. XXXIV. Quæ sub insensibili angulo videntur, insensibilia nobis sunt.

PROP. XXXV. Magnitudines, quæ apparent æquales, sunt inter se, ut distantie; si oculo similiter opponantur.

PROP. XXXVI. Eiusdem objecti ex diversis, & magnis distantis visi magnitudines apparentes sunt inter se in ratione reciproca distantiarum.

§. II. De visione motus; & figuræ corporum, aut fallaciis oculorum quæstiones, Problem. & Phænomena optica.

QUÆST. XI. Quomodo videatur, & percipiat motus corporum?

QUÆST. XII. Quænam est causa motus; & quietis apparentis?

QUÆST. XIII. Quæ ratione oculus distinguat, & percipiat objectorum figuram?

Catoptrica Physica; seu Pars secunda Opticæ. De reflexione luminis &c.

L E C T I O XIII.

DEFIN. Catoptrica.

DEFIN. Radii incidentis, reflexi anguli incidentiæ; & reflexionis superficiæ, & plani.

DEFIN. Catheti incidentiæ, reflexionis, axis reflexionis, & puncti, & anguli inclinationis.

DEFIN. Speculi plani, concavi, & convexi.

PROP. XXXVII. Lucem in corpora illapsam ab eorum quamplurimis reflectere; experimentis; & ratione omnino constat.

ADNOT. HIST. Philosophorum sententiæ circa reflexionem lucis.

PROP. XXXVIII. Lumen in corporum superficies immediate non impingere, sed a vi repulsiva a contactu prohiberi nulla ratione mihi suadet.

COROLL. Luminis reflexio alii causæ tribuenda.

PROP. XXXIX. Radii luminosi in corpora illabentes, illa illuminantes; ab illisque reflexi; materialem eorum superficiem contingunt.

PROP. XL. A speculorum, & aliorum corporum superficiibus lux simili modo reflectitur, atque sonus corporibus.

§. Leges, & Phænomena reflexionis luminis.

COROLL. I. II. Radius perpendiculariter incidens per eandem viam reflectitur.

CO-

COROLL. III. Phænomena aliqua ex legibus reflexionis deducta.

322

L E C T I O XIV.

De reflexione luminis in speculis planis, convexis, concavis, eorum proprietatibus, & phænomenis.

323

§. De speculis planis.

ibid.

PROP. XLI. Objectum in speculo plano visum apparet in catheto incidentiæ post speculum continuato.

325

COROL. I. II. III. IV. V. VI. VII. VIII. IX. X. De litu; & loco, ubi videtur imago objecti trans speculum &c.

326

PROP. XLII. Si objectum per plures reflexiones in pluribus speculis videatur, distantia imaginis ab oculo erit æqualis omnibus radiis incidentiæ, & reflexionis simul sumptis.

329

PROP. XLIII. Unico speculo plano, aut plurimis in eodem plano jacentibus multiplicari non potest ejusdem objecti imago, potest tamen, cum angulum efficiunt specula, eoque pluries, quo acutior fuerit angulus, intra cujus latera, & objectum, & oculus existunt.

330

§. II. De speculis convexis, & concavis.

331

PROP. XLIV. Specula convexa spectari debent, tanquam infinita specula plane infinite parvâ superficiem sphericam componentia.

ibid.

COROLL. inde deducta.

332

PROP. XLV. Radii ab eodem objecto in speculum convexum incidentes magis post reflexionem disperguntur, quam si a speculo plano reflecterentur.

334

COROLL. Ex dictis.

ibid.

PROP. XLVI. In speculis concavis sphericis sunt perpendiculæres ad speculum omnes illi radii, qui per cêntrum transeunt, vel producti transirent, in quamcumque partem speculi cadant.

335

COROL.

336

PROP. XLVII. Radii quicumque axi paralleli, qui angulum inclinationis minorem 60. grad. efficiunt, ita reflectuntur in speculo concavo sphærico, ut cum axe concurrant in puncto quodam a speculo distante minus, quam quarta pars diametri, aut dimidium radii.

336

COROLL. Eorum speculorum proprietates, & phænomena explicantiâ.

337

SCHOL. Circa specula Parabolica, Elliptica &c.

340

Dioptrica Physica.

De Visione refracta, luminis refractione, telescopiis, mycrescopiis.

341

L E

L E C T I O XV.

De refractione luminis, ejusque causa, legibus, Phænomenis.

- 342
ADNOT. HIST. *ibid.*
OBSERV. *346*
PROP. XLVIII. Radii luminosi in superficiem, aut corpus refringens perpendiculares non restringuntur vel a rariori in densius, vel a densiori in rarius transeant. *347*
PROP. XLIX. Planum refractionis luminis semper est ad superficiem restringentem perpendiculare. *348*
PROP. L. Lux a medio rariori in densius oblique incidens refringitur ad perpendicularem; & e contra incidens a perpendiculari refringitur. *348*
COROLL. Ex dictis, Phænomena, & observationes. *353*
PROP. LI. Omnes radii, qui in corpus pellucidum utraque superficie planum incidunt paralleli, post primam, & secundam refractionem pergent inter se paralleli. *358*
COROLL. *359*

L E C T I O XVI.

- De Refractione luminis per vitra curva, mycroscoopiis, & telescoopiis.** *ibid.*
PROP. LII. Radii luminis in curvam vitri superficiem lucidentes, perinde ex iis refringuntur, atque si in plana inciderent, quæ dictam superficiem in punctis ingressus tangerent. *ibid.*
COROLL. ex dictis. *361*
PROP. LIII. Radii ab aere in sphaeram vitream incidentes, atque transmissi, si attendatur solummodo prima illorum refractione &c. *363*
COROLL. Punctum, in quo radii ab aere in sphaeram vitream incidentes ratione solius refractionis concurrerent, ab ipsa sphaera distat longitudine radii. *ibid.*
PROP. LIV. Radii ad axem paralleli post duplicem refractionem concurrunt cum axe in puncto, quod a sphaera per quartam diametri partem sensibilibiter distat. *364*
DEFIN. Lentis, *ibid.*
PROP. LV. Si radii ad axem paralleli in superficiem planam incidant, unicam patiuntur refractionem. *365*
PROP. LVI. Si Vitrum plano-convexum radios axi parallelos a superficie convexa excipiat; ejusmodi radii duplicem patiuntur refractionem. *366*

SCHOL.

SCHOL. Vitra, quæ communius in quamplurimos usus adhibentur, neque sunt sphaerae, neque segmenta plano convexa, aut plano concava.	367
CORCII. I. II. De puncto in quod concurrunt radii lucis post refractionem in vitris convexo-convexis.	368
PROP. LVII. Objecta, quæ per vitreas sphaeras, aut leutes convexo-convexas inueniuntur, maiora apparent, quam reapse existant.	ibid.
PROP. LVIII. Objecta quæ per lentes concavo-concavas, aut etiam per vitra plano-concava videntur, minora apparent, quam reapse existant.	369
COROLL. Radii parallelæ incidentes, & transmissi per superficies convexas, convergunt, atque objectum augent.	370
§. De Telescopiis, & Mycroscoopiis.	ibid.
DEFIN. Telescopii, & Mycroscopii.	ibid.
ADNOT. HIST. De tempore quo Telescopia & Mycroscopia inventa fuerunt.	372
PROP. LIX. Problema. Telescopium Astronomicum construere, atque illius proprietates, & usus explicare.	372
PROP. LX. PROB. Telescopium terrestre construere, atque illius proprietates exponere, & demonstrare.	375
SCHOLION.	376
§. Telescopia Reflexionis.	377
Telescopium Gregorianum.	378
§. De Mycroscoopiis.	389

Finis Tomi VIII.

ERRORES VOLUMINIS VIII.

ERROR

CORRECTIO

pag.	lin.	ERROR	CORRECTIO
3	22	&c	&c
<i>ibid.</i>	34	illa . . . tota	illæ . . . totæ
<i>ibid.</i>	36	anima	animæ
9	41	transferantur	transferant
16	12	&c proximant	&c proximitas
<i>ibid.</i>	17	Si vero	Si vero
22	16	animam	anima
23	13	reficere est	rejecere est
23	15	faccus	fuccus
23	13	Hac	Hæc
32	27	obfunt	abfunt
40	2	qua	quæ
<i>ibid.</i>	7	nornaturâ	inornaturâ
<i>ibid.</i>	18	ex	&c
46	32	peliquitâ	deliquitâ
48	4	metui	motui
68	42	fuecessiones	fuctucessiones
67	16	atmosphæra	atmosphæræ
72	25	feries	feriis
76	40	spectantius	spectantibus
79	44	data	tota
81	19	rentionem	renfionem
86	5	ad alias	ad aliâ
92	3	ut	&c
93	9	o illam	ob illam
100	29	vellicent	vellicent
105	15	rerum naturâ	e rerum naturâ
122	2	intertium	inertium
<i>ibid.</i>	34	A F	H E
132	14	ad ultima	ab ultima
135	35	tympana	tympani
<i>ibid.</i>	42	D F E	D E
136	10	aere	aure
140	27	naturæ	naturæ
147	5	eorum	earum
148	5	materiæ	materia
150	17	ut late proficuemur &c.	deleatur
152	22	aerem	aream
160	42	ad	ob
161	2	quo	quæ
<i>ibid.</i>	18	&c	&c

ERROR CORRECTIO

pag.	lin.				
163	41	NOP		NCP	
163	19	videre		stridere videbatur, aut	
169	10	citra		circa	
ibid.	13	consonans		consonas	
173	11	in motus		in motu	
ibid.	14	motus		moribus	
180	39	æthere		æthereæ	
182	36	Cum ... qua dicitur		eum ... qui dicitur	
184	19	planetarum		planetarum	
198	18	(fig. 31)		deleatur, aut legatur	
				(fig. 37)	
ibid.	40	X in Z & O &c.		X etiam in laterales parti-	
				culas	
201	25	demonstrat, Si		demonstrat; si	
207	24	R T. R transmittet		R B, R G transmittet	
224	26-27	LH, violaceus ab MI		L I, violaceus ab M F	
225	19	radius M		radius P	
239	12	(fig. 41)		(fig. 44)	
246	23	(fig. 41)		(fig. 44)	
247	17	vividi		viridi	
ibid.	21	calore		colore	
249	5	etiam prisma		etiam prismata	
256	34	utuntur		uniuntur	
261	36	vermium. Sphæra		vermium, sphæra	
ibid.	43	oculorum		oculum	
270	44	alliciendæ		eliciendæ	
274	27	objectum... adde		per D H continuatum: sed	
				D H productus	
ibid.	28	per B N		per D N	
278	36	(fig. 45.)		(fig. 48)	
288	28	B E		dele	
294	37	(fig. 56)		(fig. 53)	
295	35	magnitudinem		extensione linearum, aut	
320	31	fit ad superficiem		fit ad superficiem	
309	9	in figura 53.		in figura 56	
ibid.	9	BSV		RSV	
338	36	manibus		manibus	
343	26	apponebant		opponebant	
347	2	infra I		infra I	
367	5	in puncto E		in puncto B	

NOI RIFORMATORI

Dello Studio di Padova.

A Vendo veduto per la Fede di Revisione ed Approvazione del *P. Filippo Rosa Lanzi* Inquisitor Generale del Sant' Ufficio di *Venezia* nel Libro intitolato *Philosophia Libera seu Ecclesiastica, Rationalis, ac Mechanica Auctore P. Ig. Monteiro Soc. J. &c. Stamp. non v' esser cosa alcuna* contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza ad *Antonio Zatta Stampator di Venezia*, che possi essere stampato, osservando gli ordini in materia di Stampe, e presentando le solite Copie alle Pubbliche Librarie di Venezia, e di Padova.

Data li 6. Febbraro 1771. M. V.

(Sebastian Zustinian Rif.

(Alvise Valareffo Rif.

(Francesco Morosini 2. Kav. Proc. Rif.

Registrato in Libro a Carte 87. al Num. 721.

Davidde Marchesini Segr.

Addi 15. Febbraro 1772.


Registrato al Magistrato contro la Bestemmia in libro a Carte 40.

Andrea Gratarol Segr.







401 1453385

1000





1000














67



66



72



73



